


Մ. ՄԻԿԻՔԱՐՅԱՆ

ՀՅՈՒՍԻՍԱԾԱՅԻ
ԱՄՍԱԳԻՐԸ







Մ. Հ. ՄԻՒԹԱՐՅԱՆ

Տ [Հյուսիսարևելյան]

Մ-79

թվ.

101(47.925)(09)

«ՀՅՈՒՍԻՍԱՓԱՅԼ»
ԱՄՍԱԳԻՐԸ



Տպագրվում է
Երևանի Պետական համալսարանի
Խմբագրական-հրատարակչական խորհրդի
որոշմամբ

Պատասխանատու խմբագիր՝
Ա. Մ. ԻՆՃԻԿՅԱՆ

A $\frac{\text{II}}{4816}$

МАРГО АМБАРЦУМОВНА МХИТАРЯН
ЖУРНАЛ „ЮСИСАПАЙЛ“

(На армянском языке)

Издательство Ереванского университета

Ереван — 1958



20

Ա. Բ. Ա. Չ. Ա. Բ. Ա. Ն

«Հյուսիսսփայլ» ամսագիրը խոր հետք է թողել հայ հասարակական մտքի պատմության մեջ: Հանդիսանալով նոր զարգացող հայ բուրժուական դեմոկրատիայի օրգանը, այն ոչ միայն արտացոլել է հայ լուսավորիչների պայքարը ֆեոդալական հարաբերությունների և հայ իրականության մեջ իշխող կղերական մտայնության դեմ, այլև հայ ընթերցողին հաղորդակից է դարձրել ժամանակի առաջավոր դեմոկրատական գաղափարների հետ:

Ստ. Նազարյանի «Հյուսիսսփայլ»-ը իր բովանդակությամբ հանդիսացել է ուշագրավ երևույթ, որպես հանրագիտարանի բնույթի առաջին հայ ամսագիրը, որը մասսայականացնելով գիտության նվաճումները, փորձել է ժողովրդին դաստիարակել նոր ժամանակների ոգով: Այդ ամսագիրը ժամանակի դիտական մտքի բարձրությունից նոր խոսք է ասել արևելահայ զրական լեզվի մշակման, գեղարվեստական գրականության զարգացման, գրաքննադատական մտքի ըստեղծման, դպրոցական գործի կատարելագործման և բազմաթիվ այլ բնագավառներում:

«Հյուսիսսփայլ»-ի մասին սիրով ու ակնածանքով են արտահայտվել ինչպես 19-րդ դարի 60-ական թվականների, այնպես էլ հետագա շրջանի հայ առաջավոր գործիչները: Ղ. Աղայանը խոսելով ամսագրի մեծ ազդեցության մասին իր ժամանակի երիտասարդ սերնդի վրա, գրում է. «Մինչդեռ վարժապետները շարունակ կռիվ էին մղում «Հյուսիսս-

փայլ»-ի հայտնած ազատ մտքերի դեմ, նույն վարժապետներ-
րի աշակերտները անհազ սիրով «Հյուսիսափայլ» էին կար-
դում և նրա քարոզած ոգովը տողորվում: «...Իմ հիշած ժա-
մանակ Ներսիսյան դպրոցի նորավար աշակերտները բոլորն
էլ «Հյուսիսափայլ»-ին էին համակրում և սրտատրոփ սպա-
սում Կոմս էմմանուելի գրվածներին»¹:

Իր նամակներից մեկում Բաֆֆին նշում է, թե վաղուց ի
վեր երազել է տեսնել մի այդպիսի ամսագրի հրատարակու-
թյուն, «որի մեջ ճշտությամբ պատկերանային հայոց ազգի
վերքը և նոցա բժշկության համար գործադրելի հնարները:
Տա աստված ընդ երկար տեղել «Հյուսիսափայլին» հօգուտ
մեր հայրենիքի»²:

Շիրվանզադեն հայտնում է, սր իր գրական ուսումնառու-
թյան տարիներին «առանձին ուշադրությամբ է կարդացել
ժամանակի հայ պարբերականները և «Հյուսիսափայլ» ամ-
սագիրը»:

Հովհաննես Թումանյանը «Հյուսիսափայլ»-ը համարում է
իր «պատանության հարազատներից մեկը», որի ազդեցու-
թյունը շատ մեծ է եղել հատկապես իր սկզբնական շրջանի
ստեղծագործության վրա: «Շատ սիրեցի էդ բաց կապույտ,
շողարձակ տետրակները և պատանեկան ոգևորությամբ կար-
դում էի,— գրում է նա: Առանձնապես դուր էին եկել Կոմս
էմմանուելի «Հիշատակարանն» ու մյուս գրվածքները, Ս. Նա-
զարյանի խորհրդածություններն ու թարգմանությունները և
Սադաթյանի թարգմանած՝ Լերմոնտովի «Դեր»³:

Մեծ է եղել Մ. Նալբանդյանի երկերի, հատկապես «Հյու-
սիսափայլ»-ում տպագրված «Ազատն աստված» բանաստեղ-
ծության ազդեցությունը Հ. Հակոբյանի ստեղծագործության
վրա:

Սլ. Մյասնիկյանը (Մարտունի) խոսելով Նալբանդյանի
ուսուցիչին գործունեության մասին, բարձր է գնահատել
«շանթահար» «Հյուսիսափայլ»-ին Նալբանդյանի աշխատակ-

¹ Ղ. Աղայան, Երկեր, հ. 3, էջ 108:

² «Հյուսիսափայլ», 1860, № 11, էջ 397:

³ «Թումանյանը քննադատ», էջ 345:

ցիլու շրջանը, երբ «նրա էջերում արժարժում էր Նալբանդ-
յանը մի շարք գաղափարներ, որոնք գալիս էին խորտակելու
կղերականության և խավարամտության, կամ ինչպես ինքն
էր ասում, օրսկուրանտների կիսախարխուլ-ամբոցները»¹։

Վ. Ի. Լենինը նշում է, որ 60-ական թվականների լուսա-
վորիչներն աչքի էին ընկնում «հասարակական տվյալ զար-
գացման պրոգրեսիվության իրենց ջերմ հավատով, ամբող-
ջովին և բացառապես հնության մնացորդների դեմ ուղղված
իրենց անողոք, թշնամությամբ, իրենց համոզմունքով, թե
բավական է միայն մաքուր ալլեա աչդ մնացորդները, և գոր-
ծերը լավից էլ լավ կգնան...»²։

60-ական թվականների մտավոր վերածնության ժամա-
նակաշրջանում հայ լուսավորիչներին նույնպես զբաղեցնում
էին հիշյալ խնդիրները։ Նաղարյանը հանդես էր գալիս որ-
պես ժամանակի լուսավորիչների բուրժուական թևի ներկա-
յացուցիչը։

Իր ամսագիրը նա ծառայեցնում էր միջնադարյան կղերա-
ֆեոդալական գաղափարախոսության դեմ պայքարելու գոր-
ծին և մտահոգված լինելով հայ ազգի լուսավորության ու
դաստիարակության հարցերով, վերջիններս սերտորեն կա-
պում էր ուսու իրականության և ուսանկան կուլտուրայի հետ։
Որ Նաղարյանը ուսանկան օրիենտացիայի գործիչ էր, այդ է
վկայում ոչ միայն «Հյուսիսափայլ»-ի հրատարակության
փաստը, այլև նրա հրատարակախոսական յուրաքանչյուր
հոդվածը։ Բայց, իհարկե, Նաղարյանը ուսանկան ազգային
կուլտուրան ընկալում էր ընդհանրապես, առանց իրարից
զանազանելու այդ կուլտուրայի երկու, միմյանց հակադիր
թևերը։ Նաղարյանը սահմանափակվելով շափավոր ռեֆորմ-
ների պահանջով, մերժում էր Մ. Նալբանդյանի ռևոլյուցիոն
աշխարհայացքը, և այդ բնական էր։

Սակայն, այս ամենով հանդերձ, Ստեփանոս Նաղարյանն
իր հյուսիսափայլյան շրջանի գործունեությամբ հակայական

¹ Ա. Լ. Մ ա ր տ ու ն ի, Մ ի ք ա յ է Լ Ն ա լ բ ա ն դ յ ա ն, Մ ո ս կ լ ա, 1919, էջ 7։

² Վ. Ի. Լ ե ն ի ն, Երկեր, հ. 2, էջ 669—670։

դեր է կատարել հայ ժողովրդի մտավոր վերածնության գործում:

«Հյուսիսափայլ» ամսագիրը մինչ այժմ չի դարձել առանձին ուսումնասիրության առարկա: Բանասերներն անցյալում այդ ամսագրին անդրադարձել են այս կամ այն առիթով: Ուշադրության արժանի է միայն Լեոյի «Ստեփանոս Նազարյանց» ծավալուն մենագրությունը, որի երկրորդ հատորը գրեթե ամբողջովին նվիրված է Նազարյանի հյուսիսափայլյան շրջանի գործունեությանը: Սակայն, փաստերով հարուստ այդ աշխատության մեջ Լեոն զարգացնում է այն սխալ տեսակետը, թե Նալբանդյանը և Նազարյանը հանդիսանում էին միևնույն «ազատամիտ» ուղղության ներկայացուցիչները: «Սկզբունքները, դավանությունները, իհարկե, միևնույնն էին, — գրում է նա, — խմբագրի և ղլխավոր աշխատակցի մեջ ոչինչ դադարափարական անհամաձայնություն չէր երևում: Այն, ինչ Նազարյանցը հայտնում էր իր լուրջ ու ծանրախոհ, բարձր ոճով և հաճախ կարիքնետային սպով զրած հողվածներում, Նալբանդյանցը ժողովրդականացնում էր իր թեթև ու վառվռուն գրչով»¹:

Սովետահայ գիտնականները ևս «Հյուսիսափայլ»-ին անդրադարձել են առանձին առիթներով, հիմնականում ձեռն գնահատելով Նազարյանի և Նալբանդյանի գործունեությունը:

«Հյուսիսափայլ» ամսագիրը լուրջ քննարկման է ենթարկվել պատմական գիտությունների դոկտոր Ս. Հովհաննիսյանի «Նալբանդյանը և նրա ժամանակը» մենագրության առաջին հատորում: Այս աշխատության մեջ տրված է պատմական ժամանակաշրջանի խոր և գիտական վերլուծությունը, առաջին անգամ հանդամանորեն բնութագրված են 19-րդ դարի 60-ական թվականների հայ քաղաքական-հասարակական հոսանքները և նրանց օրգանները, ինչպես և քննարկված են «Հյուսիսափայլ»-ի հիմնադրման հետ կապված և այդ ամսագրում արժարժված առավել կարևոր հարցերը: «Նալբանդյանը և նրա ժամանակը» ուսումնասիրության շնորհիվ ոչ միայն իրենց լուծումն են գտնում նալբանդյանագիտության

¹ Լեոյ, Ստեփանոս Նազարյանց, հ. 2, էջ 55—56:

բնագավառի մի շարք պրորբեմներ, այլև սկիզբ է դրվում հայ մեծ ունեցուցիտն-դեմոկրատի անվան հետ սեր:ողորեն կապված «Հյուսիսսփայլ»-ի ուսումնասիրությունը:

Չեռնամուկս լինելով «Հյուսիսսփայլ» ամսագրի ուսումնասիրության գործին, մենք նպատակադրվել ենք, մեր ուժերը ներածին չափով, արժեքավորել այդ ամսագիրը և ցույց տալ նրա կատարած դերը հայ մամուլի և հասարակական մտքի պատմության մեջ:

Միանգամայն հասկանալի է, որ որևէ պարբերականի մասին գրված մենագրությունը չի կարող լինել ամբողջական, առանց այդ օրգանի արխիվի և համապատասխան մեմուարային գրականության ուսումնասիրության: Գժբախտաբար «Հյուսիսսփայլ»-ի արխիվը չի պահպանվել, իսկ հայ գրականությունն աղքատ է մեմուարային երկերով: «Հյուսիսսփայլ»-ի աշխատակից Գ. Տեր-Հովհաննիսյանի (Քաջբերունի) «Ստ. Նազարյանցի շուրջը» հուշերը չնայած արժեքավոր, բայց թերի են, իսկ Դ. Աղայանը և Պ. Պոռչյանն իրենց հուշերում միայն հարեանցիորեն են անդրադառնում «Հյուսիսսփայլ»-ին:

Մեր աշխատանքի ընթացքում օգտագործել ենք 19-րդ դարի հայ պարբերական մամուլը, ինչպես և 60-ական թվականների ուսական պարբերականները, Լենինգրադի և Թբիլիսիի Պետական պատմական արխիվների, ՀՍՍՌ Գրականության ու արվեստի թանգարանի և ՀՍՍՌ Պետական Մատենադարանի արխիվային փաստաթղթերը:

«ՀՅՈՒՄԻՍԱՓԱՅՈՒՆ»-Ի ՀԻՄՆԱԴՐՄԱՆ ՊԱՏՄՈՒԹՅՈՒՆԸ

Հայ պարբերական մամուլն սկզբնավորվել է 18-րդ դարի վերջին: Առաջին հայ պարբերականը՝ «Ազդարար»-ը հիմնադրել է Հարություն քահանա Շմալոնյանը, Հնդկաստանի Մադրաս քաղաքում, 1794 թվականին: Հրատարակվելով հեռավոր հնդկահայ գաղութում, «Ազդարար»-ին չհաջողվեց կապվել լայն մասսաների հետ: Անգլիական ամսագրերի օրինակով Շմալոնյանը դերազանցապես տպագրում էր վաճառականներին հետաքրքրող նորություններ ու հայտարարություններ, բանաստեղծություններ և թարգմանական երկեր, որոնց նպատակն էր սեր արթնացնել ընթերցողների մեջ դեպի աշխատանքը, ուսումն ու կրթությունը: Հ. Շմալոնյանին հաջողվում է իր թերթի միջոցով կապ հաստատել նաև Արևելյան Հայաստանի գործիչների հետ և տպագրել նրանց թրջթակցությունները (Հովսեփ արքեպիսկոպոսի օրհնության թղթերն ու նամակները): Հետագայում հրատարակված հայ պարբերականները (Ղ. Ինճիճյանի «Տարեգրություն», «Եղանակ Բյուզանդյան», «Հիշատակարան») նույնպես տարածվել են լոկ հայկական գաղութներում և չեն կարողացել դառնալ ողջ հայ ժողովրդի օրգանը: Իրենից որոշ հետաքրքրություն է ներկայացնում Վենետիկում 1812—1816 թթ. հրատարակվող «Դիտակ Բյուզանդյան» պարբերականը, որն արժարժում էր Արշարունյաց ընկերության ազգասիրական, լուսավորական գաղափարները: Հայ ազգին ուղղված մի հորդորակում թերթը ժողովրդից պահանջում էր արթնանալ՝ ծանոթանալու համար

ժամանակի կուլտուրային, գիտությունը, տեսնել, թե «ինչ հավեհսով ելլեր երկիրքին ընթացքը կղննեն. ի՞նչ ջանքով երկրիս վրայի խիստ մանորը կենդանիները կղննեն. ի՞նչ գանազան բաներ միատեղ խառնելով՝ նոր բան մը կգոյացուցանեն»¹, և այլն: Որպես առաջին հայ քաղաքական օրգան, «Գիտակ»-ը կարողացել է գիպուկ արտահայտություններով ծաղրել Նապոլեոնի նվաճողական քաղաքականությունը, ֆրանսիական մամուլում իշխող կեղծիքը և այլն:

Արևմտահայ աշխարհաբարով հրատարակվող այդ թերթը նույնպես կարճ կյանք է ունենում և չի կարողանում կապվել ժողովրդի հետ:

Վենետիկում 1843 թվականից հրատարակվող Մխիթարյան միաբանություն օրգան «Բազմավեպ» ամսագիրը միանգամայն հեռու է մնում հայ ժողովրդին հուզող խնդիրներից, հայ իրականությունից և շարունակ պատվում է նեղ բանասիրական, գիտական հարցերի ոլորտներում: Իր գոյություն երկարատև ընթացքում նա չի արձագանքում հայ իրականության մեջ ծավալվող լուսավորական շարժմանը, գրականության վերածնությունը, և շարունակում է կառչած մնալ կղերական հին սկզբունքներին, հայ ժողովրդի պատմության հարցերին տալով կրոնական մեկնաբանություն, գրականության մեջ ջատագովելով կլասիցիզմը², պրոպագանդելով գրաբարի հավերժականությունը: Հայկական կենտրոնների հետ շկարողացավ կապվել և Մեսրոպ Թաղիադյանի արժեքավոր հրատարակությունը («Ազգասեր» և ապա «Ազգասեր Արարատյան»), որ լույս էր տեսնում Հնդկաստանում: 1840-ից Զմյուռնիայում հրատարակվում է «Արշալույս Արարատյան» լրագիրը Ղ. Պաղազարյանի խմբագրությամբ, որը 50—60-ական թվականներին որոշակիորեն ռեակցիոն գիրք է գրավում գեմոկրատական ուղղության նկատմամբ:

¹ «Գիտակ Բյուզանդյան», 1813, էջ 7:

² 1858 թվականին ոչ մի խոսքով չարձագանքելով Ն. Արուստանի «Վերք Հայաստանի» վեպի հրատարակությունը, «Բազմավեպ»-ը մեծ ուշադրություն է դարձնում նույն թվականին հրատարակված Ս. Բաղրատունու «Հայկ գյուցադն» ստեղծագործության վրա: «Գրանով մեզի հայ ազգիս ալ հառաջագիմության պայծառ արշալույսը ծաղեր է», — խոնդագատանքով գրում է «Բազմավեպ»-ը 1858 թվականին (էջ 183):

Մ. Նալբանդյանը ձեռքի տակ լուրջ փաստեր ունենալով, իր բարեկամներին խորհուրդ էր տալիս հեռու մնալ Ղ. Պալ-դազարյանից, որը, «իբրև թուրքական լրահս, յուրաքանչյուր ամիս մատնություններ է անում, ի պաշտոնե», իսկ նրա խմբադրած թերթը Նալբանդյանն անվանում է «մի անարգ թերթ», որը պատիվ չի կարող բերել հայ մամուլին¹։ Վերջինիս ամենազնահատեկի արժանիքը համարելով նրա ան-զավաճան ծառայությունը ժողովրդական լայն մասսաներին, Նալբանդյանը նշավակում է թուրքական և անգլիական կա-ռավարություններին վաճառված այդ թերթը։

Կովկասահայ իրականության մեջ առաջին հայ լրագիրը՝ «Կովկասը» հիմնադրվում է 1846 թվականին, որ ոչ այլ ինչ էր, եթե ոչ Թիֆլիսի փոխարքայության պաշտոնաթերթ՝ «Кавказ» լրագրի հայերեն կրկնակը։ «Կովկաս»-ը խմբա-դրում էին Հ. Կարենյանը, Մ. Պատկանյանը և Հ. Արղան-յանը։ Լրագրի նյութերի խիստ պաշտոնական բնույթը, այլև խրթին դրաբար լեզուն սահմանափակում էին նրա ազդեցու-թյան շրջանակը։ Կովկասահայ աշխարհաբար առաջին պար-բերաթերթը Գաբրիել քահանա Պատկանյանի «Արարատ» շա-բաթաթերթն է, որ հրատարակվում է Թիֆլիսում 1850—1851 թթ. և դադարում է առանց նշանակալից դեր կատարելու։

19-րդ դարի առաջին կեսի հայ սլաբերական մամուլը դարգանում է գերազանցապես արևմտահայ իրականության մեջ և հնդկահայ դադութում։ Արևելյան Հայաստանում հայ մամուլն իր դարգացման հիմնական փուլի մեջ է մանում 1850-ական թվականների վերջին, որպես բուրժուական հա-րաբերությունների դարգացման արտահայտություններից մեկը։

1858 թվականին Մոսկվայում սկսում է հրատարակվել «Հյուսիսափայլ» ամսագիրը, իրենով նշանավորելով հայ կուլ-տուրայի և առաջավոր մտքի զարթոնքը։ Այդ նույն թվակա-նին հրատարակվում է Խ. Աբովյանի «Վերջ Հայաստանի» վեպը։ 1859 թ. հունվարին հայ ուսանող երիտասարդության ուժերով Մոսկվայում, և սալա Թիֆլիսում բեմադրվում են

¹ Մ. Նալբանդյան, ԵԼԺ, հ. 4, էջ 226—227։

արևելահայ գրական լեզվով գրված առաջին թատերգությունները: Այս իրադարձություններն, անկասկած, սլաոահական երևույթներ չէին և ներդաշնակում էին սլաոամական այն ժամանակաշրջանի ոգուն, որը ոուս հասարակական մտքի սլաոամության մեջ հայտնի է «վաթսունական թվականներ» անունով:

1848 թվականի ֆրանսիական ռուլյուցիայից անմիջապես հետո Նիկոլայ առաջինը Ռուսաստանում ռուլյուցիայի հնարավորությունը կանխելու սլաոամակով ձեռնարկում է մի շարք ռեակցիոն միջոցառումներ, որոնք ոուս իրականության մեջ սկիզբ են դնում առանց այն էլ անաղատ մտավոր կյանքի լճացմանը, կամ, այսպես կոչված, «մուսլ յոթնամյակի դարաշրջանին»: Մուլեզնող «գրաքննական տեոորի» հետևանքով ոուս առաջավոր հրապարակախոսներն ստիպված էին զիջել իրենց նախկին գիրքերը. մամուլը ենթարկվելով գրաքննական հետապնդումների, դժգոնանում է: Իր բնույթը փոխում է նույնիսկ այնպիսի մի սլարբերական, ինչպիսին էր Նեկրասովի և Պանասի «Սովրեմեննիկ»-ը, որը 1846—47 թվականներին Բելինսկու աշխատակցությամբ հասել էր գաղափարական անօրինակ բարձրության: Բազմաթիվ թերթեր և ամսագրեր շփմանալով ստեղծված վիճակին, դադարում են լույս տեսնել:

Ռուսաստանի տնտեսական կյանքում շարունակում էին իշխել հին, ֆեոդալական-ճորտատիրական հարաբերությունները, որոնք ակնհայտորեն արգելակում էին տնտեսական կյանքի առաջընթացը: Զարգացող բուրժուական հարաբերությունները բախվում էին ճգնաժամի մեջ գտնվող ժամանակի սոցիալ-տնտեսական սլայմանների հետ:

Արտագրությունը չէր կարող անարգել կերպով զարգանալ, իսկ գյուղն անղոր էր դառնալու սլաոաման շուկա: Վ. Ի. Լենինը նշում է, որ տնտեսական զարգացման ուժը Ռուսաստանին քաշում էր դեպի կապիտալիզմի ուղին¹: Գնալով անմարդկային էր դառնում ճորտ գյուղացիության անողորմ շահագործումը, որը տեղիք էր տալիս գյուղացիական հուզումների ծավալմանը:

1 Տե՛ս Վ. Ի. Լենին, Երկեր, 5, 17, էջ 131:

Միայն այն բանից հետո, երբ Ռուսաստանը խայտառակ պարտութիւն է կրում Ղրիմի պատերազմում, բոլորի համար պարզ է դառնում, որ պահպանել նախկին տնտեսածը, այլևս հնարավոր չէ: Համողիւելով ռեֆորմի անցկացման անհրաժեշտութեան մեջ, Ալեքսանդր երկրորդը 1857 թվականին հրատարակում է իր որոշումը՝ գյուղացիութեան դրութեան բարձրման հարցով զբաղւելու մասին: Նա առաջարկում է Ռուսաստանի տարբեր նահանգների արեւելահանութեանը՝ համապատասխան միջոցառումներ մշակել այդ հարցի կապակցութեամբ:

Գյուղացիական ռեֆորմի նախապատրաստման առթիւ սկսում են հրատարակւել «Экономический указатель», «Сельское благоустройство» և մի շարք այլ պարբերականներ:

Ռեֆորմի նախապատրաստման շրջանում որոշ աշխուժացում է նկատւում նաև մտավոր կյանքում և առավելապես մամուլի ասպարեզում: Լիբերալ տրամադրութիւններն իրենց ազդեցութիւնն են դործում գրաքննութեան գործելակերպի վրա: Չնայած այդ շրջանում դեռևս կիրառութեան մեջ էր գտնւում 1826 թվականին ընդունւած՝ Նիկոլայ առաջինի գրաքննութեան «չուզունե կանոնադրութիւնը», բայց գրաքննութիւնը մի փոքր մեղմանում է: Ամսագրերը և թերթերը հնարավորութիւն են ստանում խոսելու քաղաքական անցուդարձի, պատերազմական լուրերի մասին, խմբագիրներն իրավունք են ստանում բանալու քաղաքական տեսութեան, ներքին տեսութեան, հասարակական կյանքի և այլ բաժիններ: Մեկը մյուսի հետևից սկսում են հրատարակւել մի շարք նոր օրգաններ: Պատմական գիտութիւնների դոկտոր Բ. Պ. Կոզմինը հետաքրքրական թվեր է բերում այդ ժամանակաշրջանի մամուլի աճի վերաբերյալ. այսպես, եթե 1851-ից մինչև 1855 թ. Ռուսաստանում թույլատրւել էր միայն՝ 31 նոր պարբերականների հրատարակութիւնը (որոնցից ոչ մեկը չունէր գրական կամ հասարակական բնույթ), ապա 1856—1860 թթ. հրատարակւում են 147 նոր պարբերականներ,

որոնց թվում կային բազմաթիվ գրական, քաղաքական և հասարակական բնույթի հրատարակություններ¹:

Վաթսունական թվականների ուսուական ամսագրերը քըն- նարկում են առաջիկա ռեֆորմի հետ կապված խնդիրները, քնդ որում ռեուլուցիոն-դեմոկրատական օրգան «Սուլբեմեն- նիկ»-ն իր վրա է առնում գյուղացիության շահերի պաշտպա- նության խնդիրը:

Ինչպես Ալեքսանդր երկրորդը, այնպես էլ նրա ցուցումով կազմակերպված ազնվականական-կալվածատիրական հանձ- նաժողովները մտահոգված էին լուի այն բանով, որ կալվա- ծատերերի համար ավելի ձեռնտու լինի գյուղացիական ռե- ֆորմը: Թագավորն իր ելույթներում հայտարարում էր, թե ինքը կանի ամեն հնարավորը՝ այդ հարցը՝ մաքսիմալ չափով նրանց օգտին լուծելու համար: Ռեֆորմի նախապատրաստ- ման կապակցությամբ ուսա իրականության մեջ միմյանց են բախվում հասարակական-քաղաքական երեք խոշոր հոսանք- ներ՝ պահպանողականները, լիբերալները և ռեուլուցիոն-դե- մոկրատները: Պահպանողականները և լիբերալներն այդ հարցերն արժարծելով ձեականորեն տարբեր դիրքերից, ըստ էության հանգում էին միևնույն նպատակին: Նրանցից և՛ մեկը, և՛ մյուսը ռեուլուցիայի հեռանկարից ահաբեկված ձգտում էր Ռուսաստանը ամեն կերպ հեռու պահել ռեուլու- ցիոն պոռթկումից: Եթե լիբերալներն այդ նպատակով առա- վինում էին ռեֆորմին, համոզված լինելով, թե հակառակ դեպքում ռեուլուցիան անխուսափելի կդառնա, ապա պահ- պանողականները հենց ռեֆորմի մեջ էին տեսնում ռեուլու- ցիայի վտանգը: Վ. Ի. Լենինը բնութագրելով այդ հոսանքնե- րի պայքարը, գրում է.

«Ճորտատերերի ու լիբերալների տիրահուշակ պայքարը, որն այնքան ուղցրել ու գունազարդել են մեր լիբերալ և լի- բերալ-նարոդնիկական պատմաբանները, պայքար էր տիրա- պետող դասակարգերի ներսում, ավելի շատ՝ կալվածատե- րերի ներսում, պայքար, որը մղվում էր բացառապես զիջում-

¹ Б. П. Козьмин, Журнально-публицистическая деятельность А. И. Герцена, Москва, 1952, էջ 9:

Յերի շափի և ձևի համար: Լիբերալները նույնպես, ինչպես և ճորտատերերը, կանգնած էին սեփականության և կալվածատերերի իշխանության ճանաչման հողի վրա, գայրուցթով դատապարտելով ամեն մի ռեուլուցիոն միտք՝ այդ սեփականության ոչնչացման մասին, այդ իշխանության լիակատար տապալման մասին»¹:

Հարցի լուծմանը բոլորովին այլ գիրքերից էր մոտենում ռեուլուցիոն-դեմոկրատական ուղղությունը, որի ամենախոշոր ներկայացուցիչներն էին Ն. Գ. Չերնիշևսկին և Ն. Ա. Գոբբոլյուբովը: Նրանք ռեուլուցիայի էին կոչում Ռուսաստանը՝ համոզված լինելով, որ միայն այդ կերպ հնարավոր է ձեռք բերել գյուղացիության լիակատար ազատությունը:

Քննադատելով գործող ազնվականական կոմիտեների անբավարար և միակողմանի աշխատանքը, Չերնիշևսկին ռեֆորմի նախօրյակին գրած «Նյութեր գյուղացիական հարցի լուծման մասին» իր ծրագրային հոդվածում նշում է.

«Նրանք բացառապես մեկ կողմի ներկայացուցիչներն են հանդիսանում, որի շահերին է կաշում գյուղացիական հարցը: Ավելորդ կլինի ասացուցել, որ բավարար լուծման համար հարկավոր է ավելի մոտից իմանալ մյուս կողմի, հենց իրենց՝ գյուղացիության մտքերն ու շահերը»²:

Չերնիշևսկին համոզված լինելով այն բանում, որ ռեֆորմը ոչինչ չի տալու ճորտ գյուղացիությանը, իր բազմաթիվ հոդվածներով և ռեուլուցիոն ընդհատակյա գործունեությանը հետևողականորեն պաշտպանում էր վերջինիս շահերը, նախապատրաստելով նրա ռեուլուցիոն ելույթը ցարական կառավարության դեմ:

1861 թվականի փետրվարի 15-ին հրապարակվում է «գյուղացիական ռեֆորմը», որին գյուղացիությունը պատասխանում է օրավուր ծավալվող հուզումներով:

Բնութագրելով այդ ռեֆորմը, Վ. Ի. Լենինը գրում է. «Տխրահուշակ «ազատագրումը» գյուղացիների ամենաանխիղճ թալանում էր, բռնությունների շարան և կատարյալ ծաղ-

1 Վ. Ի. Լենին, Երկեր, հ. 17, էջ 132:

2 Н. Г. Чернышевский, ПСС, т. 5, էջ 713:

րանք էր նրանց նկատմամբ»¹: Այդ ակտիվիստները, որը ողորմելիութիւններ, նրա ողջ ճորտաատիրական բնույթը»² հասակ կերպով էին դիտակցում ժամանակի ակտիվացիոնները՝ Չերնիշևսկու գլխավորութեամբ:

Քաջահայտ կերպով հնարավորութիւն չունենալով խոսելու այդ մասին, «Սովրեմեննիկ» ամսագիրը լուսնութեամբ է պատասխանում ակտիվիստին: Այդ շրջանում ակտիվացիոն-դեմոկրատ Կուրոշկինի «Ժողովրդ» երգիծական հանդեսը զետեղում է մի ծաղրանկար, որը պատկերում էր թևերը մեջքին կապած մի գյուղացու: Չնչին շափով թուլացնելով նրա ձեռքերի կապանքները, ուղեկցող շինովնիկը հարցնում է.

— Հիմա, համենայն դեպս, դուք ձեզ ազատ եք զգում:

— Ոչ, հարազատս, չեմ զգում, — պատասխանում է գյուղացին:

— Դե, այդ արդեն քմահաճութիւնն է, միշտ դժգոհ լինել ամեն ինչից³:

Երկրում գնալով աճում են գյուղացիական հուզումները: Եթե 1855—1861 թվականներին տեղի են ունենում 474 գյուղացիական զինված ելույթներ, ապա ակտիվիստ հետո, միայն 1861 թվականին, դրանց թիւը հասնում է 1200-ի: Յարակաւ կառավարութիւնն ամենադաժան միջոցներ է ձեռնարկում ապստամբ գյուղացիութեան դեմ, այսպես, 1861 թվականին սպանվում են 210 հոգի, ձերբակալվում 1712 հոգի, պատրժվում՝ 4777 և արքորվում՝ 220 հոգի⁴: 1859—1861 թվականներին սրվող դասակարգային պայքարը երկրում ստեղծում է ակտիվացիոն սիտուացիա, որը գլխավորում էին ակտիվացիոն-դեմոկրատները:

Ի պատասխան ցարական ողորմելի ակտիվիստին, Ն. Գ. Չերնիշևսկին հանդես է գալիս ակտիվացիոն կոշերով, որոնք ապագրվում են անլեզալ ձևով: Իր «Ճորտ գյուղացիութեանը նրանց բարին կամեցողներին ողջույն» հռչակավոր կոշի մեջ

1 Վ. Ի. Լեւին, Երկեր, 5. 17, էջ 130:

2 Նույն տեղը, էջ 132:

3 «Сборник материалов к изучению истории русской журналистики», Вып. II, էջ 152—153:

4 «Из истории русской философии», Москва, 1952, էջ 438:

նա գյուղացիութեանը հասկանալի լեզվով և նրանց ոճով մեկնաբանում է ռեֆորմի իմաստը, ցույց տալով, որ շնայած անունների փոփոխութեան, իրերի դրութեանը մնացել է անփոփոխ:..

Այդ մարտական ռեուլյուցիոն կոչով Չերնիշևսկին գյուղացիութեանը և զինվորներին նախապատրաստում է առաջիկա ռեուլյուցիոն ելույթի համար: Երբ ամեն ինչ նախապատրաստված կլինի,— գրում է նա,— «այն ժամանակ կուղարկենք այսպիսի հայտարարություն, թե ժամանակն է, ուսմարդիկ, բարի գործն սկսելու... և այն ժամանակ հեշտ կլինի ազատություն ձեռք բերել»¹: Հետագայում, Պետրոպոլսի շրջանի ամբողջից դրած իր «Նամակներ առանց հասցեի» հոդվածաշարում, Չերնիշևսկին, տալով ռեֆորմի լիարժեք գնահատականը, գրում է, թե գյուղացիների և կալվածատերերի միջև եղած նախկին հարաբերությունները փոփոխվել են միայն աննշան շափով, որովհետև ռեֆորմի հեղինակների նպատակն էր, որքան հնարավոր է, քիչ զոհաբերություն պահանջել ազնվականությունից և բավարարել կալվածատերերին:

Այս նամակաշարում ևս Չերնիշևսկին ազդարարում է մոտակա գյուղացիական ռեուլյուցիայի հնարավորությունը. «Բոլոր անձինք և հասարակական իրավերը,— գրում է նա,— որոնք կտրված են ժողովրդից,— դողում են այդ վերահաս հանգուցալուծումից»²: Ռեֆորմի ամբողջական գնահատականը Չերնիշևսկին տվել է արտրավայրում գրած «Պրոլոգ» ինքնակենսագրական վեպում, որից մեջբերումներ է կատարել Վ. Ի. Լենինը:

Սակայն, 1861 թվականին ծավալվող ռեուլյուցիոն իրադրությունը չի վերաճում գյուղացիական ռեուլյուցիայի՝ Ռուսաստանում պրոլետարիատի բացակայության պատճառով:

1862 թվականին ցարական կառավարությունն անցնում է հակահարձակման, ձերբակալելով ռեուլյուցիայի պարագլուխներին: Գյուղացիական անկազմակերպ հուզումները ճնշվում են, ընդհատակյա ռեուլյուցիոն կազմակերպությունները հա-

1 Н. Г. Чернышевский, ПСС, т. 7, էջ 824;

2 Նույն տեղը, т. 10, էջ 92:

շածվում և կաղմալուծվում: Գրաքննությունը կրկին սկսում է մոլեզնեկ և ուսւ մամուլն առնվում է խիստ հսկողութեան տակ: Վաթսունական թվականների շափավոր մեղմությունները վերացվում են: Ալեքսանդր երկրորդը դրսևորում է իր իսկական ռեակցիոն դեմքը՝ արշան մեջ խեղդելով 1863 թվականի լեհական ապստամբությունը: Ռեակցիան ուսւ իրականութեան մեջ առանձնապէս թանձրանում է 1866 թվականին՝ Ալեքսանդր երկրորդի դեմ կատարված մահափորձից հետո: Այդ թվականին փակվում են ուսւ առաջավոր սլաբոսլաւոսկանները՝ «Սովրեմեննիկ»-ը և «Ռուսսկոյե սլովո»-ն:

Ռուսաստանում կատարված բուրժուական ռեֆորմի հետևանքով արագ թափով զարգանում են կապիտալիստական հարաբերութեանները: Երկիրը սկսում է վերածվել բուրժուական միապետութեան:

Նոր, բուրժուական հարաբերութեաններն իրենց արտահայտութեանն են գտնում նաև հայ իրականութեան մեջ և հայ մամուլում:

19-րդ դարի առաջին քառորդի վերջին Հայաստանի միացումը Ռուսաստանին սլատմական խոշոր իրադարձութեան էր հայ ժողովրդի կյանքում: Իր բախտը կապելով առավել կուստուրական և քաղաքակիրթ մի ժողովրդի հետ, հայ ժողովուրդն ստանում էր ոչ միայն անձի անձեռնմխելիութեան իրավունք և գույքի ապահովութեան, այլև ուսական առաջավոր կուստուրացի հետ հաղորդակցվելու լայն հնարավորութեաններ:

Այս ամենով հանդերձ, ցարական կառավարութեանը հայերի և կովկասյան մյուս ժողովուրդների նկատմամբ կիրառում էր գաղութային քաղաքականութեան, սահմանափակելով նրանց ինքնուրույնութեանը և իրավունքները:

60-ական թվականներին, կապիտալիզմի զարգացման էսոխայում, հայ ժողովուրդն սկսում է ձևավորվել որպէս ազգ: Այդ երևույթն արտացոլվում է ժամանակի գրականութեան մեջ և մամուլում:

Առանձնապէս լուրջ սլայքար է սկսվում աշխարհարար գրական լեզվի և աշխարհիկ գրականութեան ստեղծման հա-

մար, ընդդեմ ճորտատիրական-ֆեոդալական հարաբերու-
թյունների, կղերական մտայնության և մտավոր լճացման:
Ահա թե ինչպես է բնութագրում հայ իրականության մեջ
սկզբնավորված այս շարժումը պատմական գիտությունների
դոկտոր Ա. Հովհաննիսյանը. «Գրական-իդեական զարթոնքի
ու հեղաբեկման մի ժամանակամիջոց էր այս, որի համար
ցուցանշական է լուսավորության շրջանի և լուսավորական
շարժման հատուկ ձգտումը դեպի գիտության և բանականու-
թյան հաղթանակը՝ կրոնի և տրագիցիայի հանդեպ, հավատը
դեպի հասարակական պրոգրեսը, պաշքարը ազգային կյանքի
ընդհանուր բարելավման ու ազգային-քաղաքական ինքնորոշ-
ման համար: Եռանդուն պաշքարի մի շրջան էր այս, երբ
սրվում էին հատկապես կղերա-ֆեոդալական իշխանության,
վանական գիտության, խալֆայական ուսուցման ու գրաբա-
րալեզու գրականության տիրապետությունը լիկվիդացնելու և
նոր հասունացող ազգային հասարակայնության մտավոր
ուժերին ու կուլտուրական ջանքերին ասպարեզ տալու խըն-
դիրները: Ըստ էության, կղերա-ֆեոդալական ուժերի դեմ
մղվող պաշքարը, ինչպես և հայ լեզվի ու գրականության,
դպրոցի ու լուսավորության ժողովրդականացման համար ար-
վող ձգտումները հանդում էին բուրժուական-դեմոկրատական
պահանջների առաջադրման ու կիրարկման»¹:

Այս պաշքարի բովում հայ իրականության մեջ միմյանց
են բախվում կղերա-ֆեոդալական, ազգային-պահպանողա-
կան, լիբերալ-բուրժուական և ռևոլյուցիոն-դեմոկրատական
հոսանքները:

Կղերա-ֆեոդալական հոսանքի ներկայացուցիչներն էին՝
Մ. Մսերյանը, Հ. Չեբրեղյանը, Ա. Արարատյանը, Ա. Թա-
հիրյանը, Ս. Մանդինյանը, Ս. Զալալյանը և ուրիշներ:

Ազգային պահպանողական հոսանքի ներկայացուցիչներն
էին՝ Մ. Աղաբեկյանը, Գ. Մուրադյանը, Պ. Շանշյանը և
այլք:

Կղերա-ֆեոդալական հոսանքի ներկայացուցիչները հանդես

¹ Ա. Հովհաննիսյան, Նալբանդյանը և նրա ժամանակը, ՂԵԲ
առաջին, էջ 133:

էին գալիս ֆեոդալական հարաբերությունների պաշտպանութեան դիրքերից, անվերապահորեն ընդունելով ցարական կարգերը:

Ինչ վերաբերում է ազգային պահպանողականներին, ապա նրանք հին հարաբերությունների պաշտպանութեամբ հանդերձ, վճռական դերը տալիս էին ազգի և եկեղեցու ինքնուրույնութեանը, եկեղեցու անկախ գործունեությանը: Ազգային պահպանողականները դժգոհութուն էին հայտնում այն բանի համար, որ ռուսական պետությունը հայ ժողովրդին չի տալիս նրա կատարյալ անկախությունը՝ եկեղեցու հովանավորութեամբ: Մամուլում բազմիցս բարձրացվում է այն հարցը, թե ցարական պետությունը ապօրինի կերպով ձգտում է հայ լուսավորչական եկեղեցին միավորել ռուսական ուղղափառ եկեղեցու հետ և սահմանափակել հայ կաթողիկոսների իրավունքները: Իբրև ապացույց այդ բանի, ազգային պահպանողականները հիշատակում էին 1836 թ. ռուսաց պետության կողմից հաստատված կանոնադրությունը (Պոլոժենիա), որը սինոդի հիմնադրութեամբ նույնատիպ ունեւր սահմանափակելու կաթողիկոսի իշխանությունը: Քննության ենթարկելով ողջ կանոնադրությունը, Մ. Աղաբեկյանի «Միլն Ավարայրի» ամսագիրն ազդարարում էր, որ այն ամբողջապես ուղղված է հայ լուսավորչական եկեղեցու անկախության ու ինքնուրույնության դեմ: Այդ իմաստով, ահա, ազգային-պահպանողականները ռուսաց կայսրությունը համարում էին նույնքան վտանգավոր թշնամի, որքան պապականությունը: Մի անգամ չէ, որ Մ. Աղաբեկյանն իր հոդվածներում ազգայիններին պարզապես նույնացնում է այն հանձնաժողովի գործունեությունից, որի նպատակն էր կովկասյան ժողովուրդներին դավանափոխանել: Որպես օրինակ, նա նշում է վրացական եկեղեցու ռուսականացումը, լեզգիների և ադրբեջանական ժողովրդի նկատմամբ գործադրվող բռնի միջոցառումները, հայկական Շահրիար և Վարդաշեն գյուղերի բնակիչների հավատալից խուսթյունը: Այս հողի վրա, 60-ական թվականներին, տաք բանավեճ է ծավալվում Մ. Աղաբեկյանի և Մսերյանի միջև: Պաշտպանելով ցարական կառավարության քաղաքականությունը և պնդելով Կովկասի փոխարքայի հավաստիացումները

կաթողիկոսին, Մսեր Մսերյանը իր «Համբավաբեր Ռուսիո»
թերթում հայտարարում է. «Տկարամիտ ոմանք մերազնեից
Թիֆլիսում էնպես լուր են տարածել, իբր ուռաք կամենում են
հայոց իրանց հետ միացնել, միթե էդպես ձեռնարկություն
ուռաի պես լուաավորյալ և իր հպատակներին իր որդվոց պես
պահող տերությունը մտքովը անգամ կերեակայե, էդ լուրը
շփոթ սիրող մարդկանց տարածած է»:

Մսեր Մսերյանը 1865 թ. Լազարյան ճեմարանի հորելյա-
նական տոնախմբությանը արտասանած իր ճառում ջերմորեն
փառաբանում է ոչ միայն Ճեմարանը, այլև, ընդհանրապես,
հայ ժողովրդի բարեբախտ վիճակը: Մ. Աղաբեկյանը «Մա-
սիս» լրագրի 1865 թ. 715-րդ համարում հանդես գալով Մսեր-
յանի այդ ճառի դեմ, հայտարարում է, որ այն զուրկ է հիմ-
քից, քանի որ Լազարյան ճեմարանը հեռու է ազգային դրպ-
րոց լինելուց և ծառայում է լոկ ուսաց պետության շահե-
րին: Նա նշում է նաև, որ հայ ժողովուրդը գտնվում է դա-
վանափոխության ամենօրյա սպառնալիքի տակ, մյուս կող-
մից սաստիկ նեղվում է հարկերի ծանրությունից:

«Հայոց ժողովրդյան շորսեն երեք մասը, — գրում է Մ.
Աղաբեկյանը, — վերջին ազքատության մեջ են թե հարկաց
ժանրության կողմանե, թե գավառապետաց և նահանգապե-
տաց հարստահարության կողմանե, թե ավազակաց ասպա-
տակության ու դատավորաց անիրավության: ...Բայց թե ին-
չո՞ւ չեն խոսում և գրում, ցավելով ասում ենք, որ շատ
ճշմարտությունք կան, որ Ռուսաստանի մեջ ոչ խոսիլ կարելի
է և ոչ գրել և Սիրիբրիայի սառնամանիքեն ստիպված, մարդ-
կանց մեծ մասը ճշմարտությունը սրտումը գերեզման են
խշնում»¹:

Այս հարցի շուրջը բացված բանավեճին մասնակցում են
Ստ. Մսերյանը, Մամիկոնյանը և «Ճշմարտասեր հայ» ստո-
րագրությունը կրող մեկը: Աղաբեկյանը «Ծիլն Ավարայրի»
ամսագրում հանգամանորեն շարադրելով իր դրույթները,
կանգ է առնում նաև համքարական այն ելույթի վրա, որ տե-

1 «Ծիլն Ավարայրի», 1866, էջ 251:

զի էր ունեցել Թիֆլիսում՝ հարկերի ծանրութեան հետեանքով,
և կառավարութեան կողմից ճնշվել էր զենքի միջոցով:

Մ. Աղաբեկյանն իր հողվածներում մեկ առ մեկ քննա-
դատում է կղերա-ֆեոդալական ուղղութեան ներկայացուցիչ-
ներ Գ. Այվազովսկուն, Ս. Զալալյանին, Ա. Թահիրջանին,
Հ. Կարենյանին, Հ. Չամուռճյանին և սրանց համախոհներին,
որոնք, շլացած ցարական կառավարութեան շքանշաններով և
կաշառքներով՝ քանգում էին «ազգի միութեան շղթաները»:
Աղաբեկյանը առանձին ատելութեամբ խոսեցով Մ. Մսերջանի
գործունեութեան մասին, հայտարարում է, որ «մինչև անգամ
նրա որդի Զարմայրը լրտես է ուսաց կողմից հայերու մեջ:
Հայոց ազգ, աչքերդ բաց արա,— շարունակում է նա,— որ
էսպես մարդիկ են Գրիգոր Լուսավորչից ավանդված հավատը
բարոզում և դաս տալի քո մանկունքներին»¹:

Սակայն, Մ. Աղաբեկյանը որևէ լուրջ եզրակացութեան չի
հանգում:

Ինչ վերաբերում է սոցիալական շարիքի վերացմանը,
ազգային անկախութեան համար պայքարի հարցերին, ապա
այստեղ Մ. Աղաբեկյանը և Մսերջանները հանդես են գալիս
միևնույն համերաշխ լազերից:

Թիֆլիսի համբարների վերը հիշված հուզումները Աղա-
բեկյանը բացատրում է միայն բաղաբազուտի Շերմաղանյա-
նի վարքագծով, ապա՝ հայերին կոչ է անում լինել խո-
նարհ ու հնազանդ այն պետութեանը, որի հպատակներն են
իրենք:

Մ. Աղաբեկյանը գոհունակութեամբ է նշում, որ Օսման-
յան կառավարութեան տիրապետութեան տակ «լիովին ազա-
տություն կվայելենք ազգային, բարոյական և մտավոր լու-
սավորութեան» ասպարեզում: Հայ ժողովրդի հպատակութեան
երաշխիքը Աղաբեկյանը համարում է նրա հավատի ան-
ձեռնմխելիութունը. «Փորձով հաստատված է,— գրում է
նա,— որ հայք ինչ տերութեան հպատակ որ են, շափաղանց
հավատարիմ են, քանի որ իրանց կրոնին և ազգութեանը չեն
դիպչել»²:

¹ «Ծիլն Ավարայրի», 1866, էջ 314—315:

² Նույն տեղը, էջ 327:

քարելով հետադիմականների դեմ, զենքերը վայր էր դնում, երբ հարցը հասնում էր տիրող կարգերի վերացման ուսույցի տն ուղղուն: Նա վախենում էր ուսույցի ալից և մերժում այն: «Հյուսիսամասում»-ի առաջին համարում տպագրած իր հայտարարության մեջ խոսելով հայոց լեզվի ասպարեզում կատարելիք իր բարեփոխումների մասին, նա հայտարարում է, որ այդ քաղաքականությունը հանդուս է հնի վերանորոգության. «մեր դիտողությունը շինություն է, — գրում է նա, — բայց ոչ երբեք կործանություն և ավերանք, որոնցից հեռի պահե մեզ Աստված և բոլոր երկնային գորությունքը»: Նա չարյանը սեփորմների կողմնակից էր, մի բան, որ ցայտուն արտահայտություն է գտել նրա հատկապես «Ֆրանսիական ուսույցի ալի սատճառքը» հոդվածում:

Ստ. Նազարյանի հետագա գործունեությունը հաստատում է, որ նա ուսույցի ալի գնահատման հարցում կանգնած է հետադիմականների դիրքերում: Միանգամայն գոհ լինելով ցարական կառավարության քաղաքականությունից, նա խաղաղության կող է անում իր ժողովրդին, հորդորելով հավատարիմ լինել այդ կառավարությանը: Ստ. Նազարյանին առանձնապես ոգևորում են 1861 թ. սեփորմի նախապատճասությունները:

Եթե ուսույցի տն-դեմոկրատական հոսանքի ներկայացուցիչները, ոչ մի հույս չկապելով սեփորմի հետ, այն համարում են խաբուություն, Նազարյանը «հոյակապ գաղափար» անվանելով սեփորմի ծրագիրը, իր խոր համոզմունքն է հայտնում, թե սեփորմի իրականացումը գլուղացիությունը կաղատագրի ստրկական լծից և կնպաստի երկրի տնտեսական զարգացմանը:

Նազարյանը հետադիմականներին միանում էր նաև «միաքանություն» և «եղբայրություն» բարոզով, ձգտելով հարթել միևնույն ազգության ներսում արգեն իրենց զգալ տվող սոցիալական հակասությունները և կանխել հնարավոր բախումները:

Չնայած այս ամենին, հետադիմական հոսանքը նկատի ունենալով Նազարյանի առաջադիմական գործունեությունը, անզիջող էր նրա նկատմամբ: Այդ հոսանքը Նազարյանին չէր

խնայում հատկապես «Հյուսիսափայլ»-ի էջերում աշխարհա-
րար լեզվի զարգացման և օրինականացման, առաջավոր գա-
ղափարների տարածման, եկեղեցու ռեֆորմի և նրա այլ
պահանջների համար:

60-ական թվականներին հայ իրականության մեջ մեծ ազ-
դեցություն և կշիռ է ստանում ռևոլյուցիոն-դեմոկրատական
հոսանքը, որը գլխավորում էր Միքայել Նալբանդյանը:

Գեոևս վաղ պատանեկության տարիներին Նոր Նախիջե-
վանում նեոմեթոդ սլաշքարի մեջ, նա կոփվում է որպես հե-
տևողական հասարակական գործիչ, «հասարակ» ժողովրդի
շահերի ջերմ սլաշտպան: Մոսկվայում, և ապա Պետերբուր-
գում Նալբանդյանը ծանոթանում է ռուս համալսարանական
առաջավոր երիտասարդությանը և 50—60-ական թվական-
ների ռևոլյուցիոն-դեմոկրատական մամուլին և գրականու-
թյանը: Նրա ռևոլյուցիոն-դեմոկրատական աշխարհայացքի
ձևավորման գործում վճռական դեր են կատարում սոցիա-
լիստ-ուտոպիստների, նախամարքսյան մատերիալիստների և
Քելինսկու, Չերնիշևսկու, Դոբրոլյուբովի, Գերցենի հայացք-
ները:

Ի տարբերություն հայ լիբերալների, որոնք հայ ժողովրդի
փրկությունը տեսնում էին ցարական կարգերի մեջ, Նալ-
բանդյանը ժողովրդին սլաշքարի է կոչում մի կողմից սեփա-
կան տերերի, հայ աշխարհիկ և հոգևոր կեղեքիչների դեմ,
մյուս կողմից՝ ցարական կառավարության գաղութային քա-
ղաքականության դեմ:

Նալբանդյանը հայ ժողովրդի ազատագրման իր ծրագիրը
կապում էր ռուս մեծ ժողովրդի ռևոլյուցիոն շարժումների
հետ: Հնարավորություն չունենալով ստեղծելու իր սեփական
օրգանը, Նալբանդյանը «Հյուսիսափայլ»-ն օգտագործում էր
որպես ամբիոն՝ իր լուսավորական-դեմոկրատական հա-
յացքների պրոպագանդայի համար, այդ ամբիոնի հետ կա-
պելով և իր գաղափարական բարեկամներին: Նրա հետ միա-
սին «Հյուսիսափայլ»-ին աշխատակցում էին Անանիա Սուլ-
թանշահը, Գաբրիել Տեր-Հովհաննիսյանը (Քաջբերունի),
Մովսես Բուդաղյանը և ուրիշներ:

Մ. Նալբանդյանը համագործակցելով Նազարյանի հետ, գնահատում էր նրա գրական-հրատարակախոսական գործունեությունը և նվիրվածությունը ժողովրդի լուսավորության գործին:

Նալբանդյանն իր հրատարակախոսական գործունեության նպատակն էր համարում ծառայել իր «տարաբախտ ազգի օգտի համար»: Բայց նա Նազարյանից սահմանազատվում էր նրանով, որ հայ ազգը չէր դիտում իբրև միատարր մի ամբողջություն: «Այն մարդը, — գրում է նա, — որ սիրում է ազգը, որ նվիրում է յուր անձը ազգի բարոյական սպասավորության, պարտական է ծառայել ոչ ազգի կուռքերին, այլ հասարակ ժողովրդի օգտին»¹:

Արձանագրելով հասարակական կյանքում տեղի ունեցող անարդարություն, «ուլբալի ու արտասովալի» գործերի փաստերը, խոսելով «հարստահարված մարդերի» ողբերի և հառաչանքի մասին, Նալբանդյանը մերկացնում է «մարդկության անարգանքը» հանդիսացող փառասերներին, կեղծավորներին, գողություններ և ավազակություններ անուն վաստակած անձանց, ճշմարտությունից փախչող խավարամուլներին, ազատ մտքի թշնամիներին, որոնք «գարբնի գործարանք են բացում անտանելի ծանր շղթաներ պատրաստելու, և եթե կարելի է, բոլորովին խեղդելու մարդկային բանականության օրինավոր ազատ հոսանքը»²:

Հայ ազգի մեջ սահմանազատելով շահագործողներին և աշխատավոր ժողովրդի ներկայացուցիչներին, Նալբանդյանը «մի ազգի հասարակական շինվածքի հիմքը» համարում է հասարակ ժողովուրդը, և նշում, որ մտավորականների լուսավորական գործունեությունն այնքանով է արդյունավետ, որքանով այն կապված է ժողովրդի հետ և հասկանալի է նրան:

Մ. Նալբանդյանը մշակում է ազգերի վարդաքյման իր դեմոկրատական ծրագիրը և հակադրվում ոչ միայն Նազարյանի սահմանափակ դրույթին, այլև իր ժամանակի կոսմոպոլիտներին:

1 «Հյուսիսափայլ», 1860, № 5, էջ 379:

2 Նույն տեղը, 1859, № 1, էջ 68:

Մարդկային կյանքի բարորության գործում անհրաժեշտ համարելով բոլոր ազգութիւնների համերաշխ գործունեութիւնը, Նալբանդյանը դեռևս 1859 թվականին իր «Նկատողութիւնք» հոդվածում նշավական է եվրոպական երկրների և ցարական Ռուսաստանի ազգային նվաճողական քաղաքականութիւնը. «Ոչ մի ազգութիւն իրավունք չունի կոչ տալու և ոչնչացնելու մի ուրիշ ազգութիւն, բայց այս բանը ստեպ կրկնվում է մարդկության պատմութիւն մեջ»¹:

Դատապարտելով պատմական նպաստավոր հանգամանքներում գերիշխող դիրքեր գրաված ազգերի «եսական, ֆանատիկոս և անմարդի բնավորութիւնը», Մ. Նալբանդյանը հայտարարում է. «Արդարութիւնը պահանջում է խոստովանել ամենայն ազգութիւն, այո՛, ամենայն ազգութիւն»:

Նալբանդյանը «Հյուսիսսփայլ»-ին աշխատակցելու տարիներին իր գրիչը նվիրում է հայ ժողովրդի լուսավորութիւն գործին: Նրա լուսավորական գործունեութիւնը հանգում է դեմոկրատական հետևութիւնների, ժողովրդին ժամանակի սոցիալական շարիքի գիտակցութիւնը հասցնելու և դրա դեմ պայքարի հանելու նպատակին:

Մ. Նալբանդյանը հայ իրականութիւն մեջ բացահայտում է տարբեր հոսանքների և ուղղութիւնների առկայութիւնը և վեր հանում պայքարի անհրաժեշտութիւնն այդ միմյանց անհաշտ ուղղութիւնների միջև. «Մեր ազգի մեջ այժմ կան հայացքներ, կան ուղղութիւնք, կան ուրեմն և դրոշակներ, կա պատերազմ», — գրում է Նալբանդյանն իր «Նկատողութիւնք» հոդվածում²: Բացասելով Նաղարյանի խաղաղ վերանորոգումների ծրագիրը, Նալբանդյանը ազդարարում է. «Օրհնյալ է պատերազմը, թող լինի նա հզոր, անխնա, ազնիվ և բարեխիղճ»³:

«Հյուսիսսփայլ»-ում տպագրված իր հրապարակախոսական հոդվածների, նամակների, գեղարվեստական գործերի միջոցով Նալբանդյանն ակտիվ մասնակցութիւն է ցույց տա-

1 «Հյուսիսսփայլ», 1858, № 10, էջ 304:

2 Նույն տեղը, էջ 308:

3 Նույն տեղը, էջ 309:

չիս հայ իրականութեան մեջ ծագած այդ մտավոր պատե-
յազմին, միշտ և ամենուրեք հանդես գալով աշխատավոր
ժողովրդի շահերի պաշտպանութեան դիրքերից:

50-ական թվականների վերջերից հայ իրականութեան մեջ
ծավալված պայքարի բովում և ուսական ուսուցիչին-դե-
մոկրատական մտքի արթնացման տակ ձևավորվում է
Մ. Նալբանդյանի ուսուցիչին-դեմոկրատական աշխարհա-
յացքը:



Ստեփանոս Նազարյանն իր գրական-մանկավարժական
գործունեությունն սկսում է անցյալ դարի քառասնական
թվականներին Կաղանի համալսարանում: Գեուես այդ տարի-
ներին նրան մտահոգում էր հայ ժողովրդի կրթության և դաս-
տիարակության հարցը:

1844 թվականի նոյեմբերի 2-ին Նազարյանը դիմում է
Կաղանի ուսումնական օկրուգի հոգաբարձությանը, խնդրե-
լով միջնորդել լուսավորության մինիստրի առաջ, հայերեն
լեզվով մի ամսագրի հրատարակության թույլտվություն ստա-
նալու համար:

Դիմումին նա կցում է ամսագրի ծրագիրը հայերեն և
ուսաներեն, որտեղ հիմնավորում է բոլոր հայերին հասկանալի
լեզվով ամսագրի ստեղծման անհրաժեշտությունը: Նրան
մտահոգություն է պատճառում Ռուսաստանի հայերի հոգե-
կան սոսկալի ընդարմացումն այն ժամանակ, երբ Եվրոպա-
յում օրն օրին ծնվում են նորանոր գիտական, կամ հանրա-
մատչելի պարբերականներ: Այդ ժամանակ հրատարակ-
վող «Արշալույս Արարատյան», «Բազմավես» և «Հայրե-
նասեր» պարբերականները նա անմատչելի է համարում ժո-
ղովրդական լայն խավերի համար: Այնինչ, անհրաժեշտ էր
մի օրգան, որը ոչ միայն բոլորին հասկանալի լեզվով կարո-
ղանար միավորել աշխարհի տարբեր մասերում ցրված հայե-
րին և խրախուսեր արդենիվ մրցակցությունը ժողովրդի վար-
դացման գործում, ընդհանուրին ոգևորեր հուզող դադափար-
ներով, այլև կարողանար հայերին հարողակից դարձնել
գիտության նվաճումներին: Նազարյանը այսպիսի մի օր-

դանի բացակայութեամբ է բացատրում 19-րդ դարի հայերի կատարյալ տգիտութիւնը և ժողովրդական լեզվի, գրականութեան ու պատմութեան նկատմամբ նրանց ցուցաբերած կործանարար անտարբերութիւնը:

Նրա հրատարակելիք ամսագիրն ունենալու էր հետևյալ բաժինները.

1. Հոգևածներ հայոց պատմութեան, աշխարհագրութեան, գրականութեան, ինչպէս և նոր գրականութեան նվաճումների մասին:

2. Հետաքրքրական հոգևածներ ընդհանուր պատմութեան, երկրագործութեան, վիճակագրութեան, գյուղատնտեսութեան և վաճառականութեան բնագավառներից:

3. Պետերբուրգի քաղաքական լուրերից վերցված համառոտ քաղաքական տեղեկութիւններ¹:

Նազարյանի դիմումը մերժվում է՝ տեղում հայ գրաքննիչ շինելու պատճառարանութեամբ:

Այնուհետև 1845 թվականին Նազարյանի՝ Խ. Աբովյանին գրած մի նամակից հայտնի է դառնում, որ նա հաստատապես որոշում է փոխադրվել Կովկաս և զբաղվել հրապարակախոսական գործունեութեամբ՝ «ամբարտակ կանգնելու համար» հայերի «կորստյան խուռն ալիքների դեմ»: Այդ կապակցութեամբ նա դիմում է Կովկասի փոխարքա Վորոնցովին՝ իր հրատարակելիք ամսագրի նպատակը համարելով «մի տեսակ իմանալի (գիտակից) միջնորդ հանդիսանալ հայերի և ռուսների միջև»²:

Նազարյանի այդ մտադրութիւնը ևս չի իրականանում:

Վերջերս հրապարակվեց մինչև այժմ անհայտ մի փաստաթուղթ այն մասին, որ Ստ. Նազարյանը 1854 թվականին կազարյան ճեմարանում պաշտոնավարելու ժամանակ ևս փորձել է հրատարակել հայերեն մի ամսագիր՝ «Ռուսիա» անունով³: Իր ծրագրում Հայաստանի միացումը Ռուսաստանին Նազարյանը համարում է կարևոր միջոց՝ ռուսական կուլտուրային հաղորդակցվելու և ռուսական գիտութեան ու լու-

1 «Конспект Гайканского журнала», ЦГИАЛ, фонд № 772, оп. 4.

2 «Գիտան Խ. Աբովյանի», էջ 259—260.

3 ՀՍՍՌ ԳԱ «Տեղեկագիր», 1953, № 1.:

սավորության պտուղներով հարստանալու գործում: Նա իր հրատարակելիք ամսագրի գլխավոր նպատակն է համարում մտավորապես և բարոյապես միմյանց հետ կապել Ռուսաստանը և Ռուսաստանի տարբեր մասերում ցրված հայերին: «Այս ամսագիրը պետք է նվիրվի Ռուսաստանի փառքին և կրի «Ռուսիա» անունը», հայտարարում է Նազարյանը¹:

Ամսագիրը նախատեսված էր հրատարակել շորս բաժնով.
1. Ընդհանուր երկրագործության, աշխարհագրության, վիճակագրության, աշխարհագրական հայտնագործություններին և ճանապարհորդություններին վերաբերող նյութեր:

2. Ռուսաստանի պատմությունից վերցված հոդվածներ, հայրենական պատմության հերոսների, ռուսական փառքի բարձրացմանը նվիրված անձանց կենսագրություններ:

3. Բնագիտական նյութեր, զրույցներ՝ աստղաբաշխության, բուսաբանության, կենդանաբանության, ֆիզիոլոգիայի մասին:

4. Վիպակներ, պատմվածքներ, բարոյական խորհրդածություններ և այլն:

Սակայն «Ռուսիա» ամսագրի հրատարակություն կապակցությամբ տրված դիմումը ևս մերժվում է, որը և պետք է բացատրել «մռայլ յոթնամյակի» տարիներին ցարական կառավարության բռնած ռեակցիոն քաղաքականությամբ: Արդեն ասացինք, որ այդ տարիներին ռուսական պարբերականների թիվն զգալիորեն կրճատվում է. ուրեմն խոսք անգամ չէր կարող լինել նոր հրատարակությունների, այդ թվում և հայերեն լեզվով առաջադիմական որևէ օրգանի հրատարակության մասին: Հարկավ, այդ ժամանակաշրջանում կառավարության կողմից տարվող քաղաքականությունը նկատի ուներ Հ. Լազարևը, որն անհրաժեշտ էր համարում ամսագրի հրատարակությունը հետաձգել «մինչև որ լինեն ավելի բարենպաստ հանգամանքներ»²:

Ահա թե ինչու, Նազարյանն իր ծրագրի իրականացմանը կրկին ձեռնամուխ է լինում Նիկոլայ առաջինի մահվանից

1 ՀՍՍՌ ԳԱ «Տեղեկագիր», 1953, № 12, էջ 77:

2 Նույն տեղը, էջ 77:

անմիջապես հետո, երբ շատ-շատերը Ռուսաստանում նոր հույսեր էին կապում լիբերալ խոստումներով գահ բարձրացած Ալեքսանդր երկրորդի հետ: Այս տեսակետից հետաքրքրական է հենց իր՝ Նազարյանի մի խոստովանությունը.

«Այժմուս, նոր թագավորի քաղցր շնորհից և ողորմությունից մի փոքր ավելի ազատություն և համարձակություն լինելով, և ես ոտք խաղացուցի և զլուխ բարձրացրի, մի հայկական օրագրի պրոժեկտ գրելով և մի նամակի հետ ուղարկելով ազգային լուսավորության նախարար Նորովին: Կարծիք ու հույս կա, որ այս մարդը բարի լինելով և ժամանակը ևս ձեռնառու լինելով, թույլ տա ինձ տպել այդ շատ հարկավոր օրագիրը»¹:

Այս շրջանում ցարական կառավարությունը ոչ միայն առանձին արդեւականեր չէր հարուցում հայ պարբերական մամուլի հրատարակության գործում, այլ նույնիսկ որոշ քաղաքական նկատառումներով մեծ նշանակություն էր տալիս այդ խնդրին: Ռուսաստանում հրատարակվելիք հայ պարբերականների միջոցով ցարական կառավարությունը ցանկանում էր բարոյապես ազդել արեւմտյան հայության վրա ևս, նրանց Ռուսաստանի հետ կապելու, ռուսական քաղաքակրթությանը ծանոթացնելու դիտավորությամբ: Ահա թե ինչ է գրում այդ առիթով գրաֆ Սիվերսը՝ դրաքննական կոմիտեին ուղղված իր նամակում.

«Вообще, по моему мнению, было бы весьма полезно размножение у нас армянских изданий, в тех видах, что при постоянном увеличении потребности в книгах и газетах между армянами вообще, и турецкими в особенности, как это видно из количества издающихся в Турции армянских периодических изданий, желательно было бы, чтобы эта потребность удовлетворялась изданиями, выходящими в России, что может способствовать сближению заграничных армян с Россиею и установлению нравственного влияния на них нашей цивилизации, затрудненнее же армянских изданий у нас, может напротив побудить и наших армян обратиться к заграничным изданиям»².

¹ Է. Է. ռ., Ստեփանոս Նազարյանց, հ. 2, էջ 5:

² .Дело центрального управления по цензурному ведомству», ЦГИАЛ, фонд 775, оп. 1, ед. хр. № 90.

Կարևոր է, սակայն, հիշատակել, որ ցարական կառավարութիւնը հայ պարբերականների հրատարակութիւնը թույլատրելով հանդերձ, նրանց հնարավորութիւն չէր տալիս զբաղվելու քաղաքական հարցերով: Գրաքննական արխիվինյութերից մեզ հայտնի է այն փաստը, որ Ռափայել Պատկանյանին չի թույլատրվում քաղաքական բաժին ունենալ իր «Հյուսիս» թերթում: Այնուհետև, ցարական կառավարութիւնը կանխամտածված ձևով հայ պարբերականները հայկական կենտրոններից հեռու պահելու քաղաքականութիւն էր վարում: Նրա նպատակն էր իր ազդեցութեան տակ առնել հայ պարբերականները և վերջիններս մեկուսացնել հայկական իրականութիւնից, և հետևապէս, ժողովրդին հուզող օրվա կենսական խնդիրներից: Այս առումով կարևորութիւն է ներկայացնում գրաքննական արխիվում պահվող փաստաթղթերից մեկը, որի մեջ ասված է.

«Порядок рассмотрения армянских книг и периодических изданий, установленный высочайшим повелением 1857 года, конём оно сосредоточено при С. Петербургском цензурном Комитете имеет те преимущества, что дает возможность непосредственно оказывать влияние на направление армянской письменности в видах правительства чрез цензора, который в свою очередь находясь вне центров литературной деятельности армян, остается изолированным от влияния на него местных интересов и личных отношений, что не может не отозваться самым полезным образом на направление армянской письменности»¹.

1856 թվականին Ս. Նազարյանը դիմում է ներկայացնում Լուսավորութեան մինիստր Նորովին՝ հայերեն լեզվով «Հյուսիսափայլ» ամսագրի հրատարակութեան իրավունքն ստանալու համար: Նորովիը հարցնում է Կովկասի փոխարքա Բարյատինսկու կարծիքը, Նազարյանի հայցի նպատակահարմարութեան առթիվ: Իմանալով այս մասին, Նազարյանը մի անձնական նամակով Բարյատինսկուն բացատրում է իր նախաձեռնութեան շարժառիթները և խնդրում թույլատրել ամսագրի հրատարակութիւնը: «Իմ գրական ձեռնարկութիւնը

¹ «О порядке цензирования армянской газеты в Москве». ЦГИАЛ, фонд № 775, оп. 1, ед. хр. № 235.

նը, — գրում է Նազարյանը, — պետք է ծառայի որպես ժամանակակից մի օրգան՝ Ռուսաստանում ցրված հայությանը մատուցելու ռուսական կրթության և գիտության պտուղները և միաժամանակ իմ ազգակիցներին մտցնելու ռուսական մտքի և կյանքի շրջանը: Իմ հրատարակելիք ժուռնալը ենթադրվում է դարձնել՝ հայերին դարավոր մտավոր լճացումից ազատելու և նրանց մեջ առավել սփոփիչ կարգեր հաստատելու հուսալի միջոցներից մեկը: Ռուսական զենքի փայլուն հաղթանակներից հետո Հայաստանում, թվում է, ժամանակե է այնտեղ պատվաստելու ռուսական մտքի ոչ պակաս փառավոր նվաճումները գիտության, արվեստի և քաղաքակրթության բնագավառում»¹:

Բարյատինսկին հարցնում է Թիֆլիսի գրաքննական կոմիտեի կարծիքը: Այդ առթիվ 1856 թվականի դեկտեմբերի 17-ին գրաքննական կոմիտեն հայտնում է հետևյալը.

1. Քանի որ դրաբար լեզվով գրված գրքերի տարածումը կովկասում ցույց է տալիս, որ հայերի հետաքրքրությունն աճել է, ապա ժողովրդական լայն խավերին հասկանալի լեզվով ամսագրի հրատարակումն անկասկած կարձնացնի առավել ուժեղ սեր դեպի ընթերցանությունը և կբավարարի նրանց հարցասիրությունը:

2. Նազարյանի կողմից նախատեսված շորս բաժինները ցույց են տալիս, որ խմբագիրն իր ընթերցողներին պետք է բազմազան, հետաքրքրական և օգտակար գիտելիքներ հաղորդի:

3. Գրաքննական կոմիտեին հայտնի է, որ Գ. Պատկանյանի «Արարատ»-ը շնայած գիտական և գրական առումով իր ունեցած թերություններին, շատ բաժանորդներ ունեթ Թիֆլիսում:

4. Մինչև վերջին պատերազմի սկիզբը Անդրկովկասում ստացվում էին վեց զանազան թերթեր («Մասիս», «Նոյան աղավնի», «Արշալույս Արարատյան» և այլն), որոնք շատ ընթերցողներ ունեին:

¹ ՀՍՍՌ Պետ. Մատենադարան, Երիցյանի արխիվ, թղթ. 154, վավ.

«Այդ ցույց է տալիս հայերի կենդանի հետաքրքրությունը՝ հետևելու Եվրոպայի և Ասիայի դորժերի: Միանգամայն բնականաբար այդ թերթերում քաղաքական իրադարձությունները ոչ միշտ էին օբյեկտիվորեն լուսարանվում և հաճախ էլ այդ թերթերը թշնամաբար էին արտահայտվում մեր հայրենիքի մասին: Եթե ս. Նաղարչանը վճռի իր նախատեսած չորս բաժիններին ավելացնել և հինգերորդը՝ կառավարության գլխավոր որոշումների տեսությունը և յուրաքանչյուր անցած ամսվա քաղաքական իրադարձությունները, ապա, դրաքննական կոմիտեի կարծիքով, նոր ժուռնալը առավել մեծ օգուտ կբերի Ռուսաստանում բնակվող հայ հասարակությանը:

Եթե նույնիսկ կառավարությունը որոշի թույլատրել հին ծրագիրը՝ չորս բաժնից, ապա Նաղարչանի նախագիծը դարձյալ արժանի է խրախուսանքի»¹:

Բարչատինակին 1856 թվականի դեկտեմբերի 31-ին հայտնում է Լուսավորության մինիստրին, թե ինքը չի առարկում հրատարակվելիք ամսագրի ծրագրին: Նա միաժամանակ առաջարկում է թույլատրել խմբագրին՝ ամսագրի ծրագրում մտցնելու հինգերորդ, քաղաքական բաժինը²:

1857 թվականի մարտի 23-ին Լուսավորության մինիստրի Կողմից տրվում է «Հյուսիսսիայը»-ի հրատարակության թույլատրությունը, որի վրա ցարը մակագրել էր. «Համաձայն եմ, եթե դասատուն, որին ենթադրում եք հանձնարարել ցենզորի պարտականությունը, իր անձնավորությամբ վայելում է կառավարության վստահությունը»³: Նաղարչանի, Նալբանդյանի և նրանց բարեկամների ջանքերն ապարդյուն են անցնում՝ զրաքննիչի պաշտոնում հաստատել տալու Լաղարչան Ճեմարանի ուսուցիչ Գ. Սուրենյանին: Այդ պաշտոնը տրվում է Մկրտիչ Բերոյանին: Խմբագրության համար ստեղծվում է մի մեծ անհարմարություն, քանի որ հրատարակվելիք բոլոր

¹ ՀՍԳՌ՝ Պետ. Մասնադպրան, Ե: իցյասի արխիվ, Թղթ. 154, վավ. 225:

² Նույն տեղը՝ վավ. 222:

³ ЦГИАЛ, фонд № 777, оп. 2, ед. хр. № 71.



Ստեփանոս Նազարյան



նյութերը գրաքննության ենթարկվելու համար պետք է նախ ուղարկվեին Պետերբուրգ, որտեղ աշխատում էր Բերոյանը:

1857 թվականի մայիսին Նազարյանը տարածում է «Հյուսիսասիայը»-ի հրատարակության ծանուցումը, որի մեջ համագամանորեն շարադրված էր ամսագրի ծրագիրը: «Մեր պատվելի և շատ սիրելի հայերը, — գրում է Նազարյանը, — Ռուսաստանի մեջ զուրկ լինելով մինչև այժմ մի գրավոր միջնորդից, որ յուրյանց մեջ և յուրյանց դրուժյանը հարմար հոգաբարձու լիներ նոցա իմացական և բարոյական պիտույքին, քաջահույս ենք, թե ուրախությամբ կողջունեն մի օրագիր, որ հանձնառու է մայրենի քաղցր լեզվով զրուցել նոցա հետ բնության կարգերի, մեր երկրավոր բնակարանի որպիսութենների և նորա մեջ եղած տեսակ-տեսակ ազգերի և առարկաների, այլև աշխարհի մեջ անցած արժանահիշատակ անցքերի, երևելի մարդերի, հանրաշահ գյուտերի և հայտնագործութենների մասին: Քաջահույս ենք, որ մեր հայրենակիցքը քաղցրությամբ կընդունեն մի օրագիր, որ պիտո է բազմամասնյա կերպով ձեռնառն լինի նոցա դաստիարակությանը, մի մտավորական կամուրջ ձգելով ասիացի հայերի և եվրոպական ազգերի մեջ, մի հոգեղեն հաղորդակցություն հաստատելով հայկական և եվրոպական մարդերի մեջ: ...Սորա խորհուրդը լինելու է, ռուսիաբնակ հայերի մեջ տարածել այնպիսի տեղեկությունք և գիտելիք, որ անհրաժարելի հարկավոր են մեր օրերումը ամենայն մարդու որևիցե պաշտոնի վիճակից, թե ռուսմեկանի և փոքր ի շատե բանիմացի, թե վաճառականի և արվեստավորի, թե հոգևորի և թե աշխարհականի, որ կամք ունենի մասնակից լինել մեր լուսավորյալ դարու հառաջագիմությանը, օգուտ քաղել նորանից թե նյութասլես և թե հոգեպես»:

Նազարյանն այնուհետև նշում է, թե քանի որ ամսագիրը նախատեսված է «ժողովրդի օգտին» ծառայելու համար, ապա լեզուն պետք է լինի բազմությանը հասկանալի, հայոց կենդանի լեզվին մոտ մի լեզու, որը, սակայն, հեռու կլինի գրեհ-կարանությունից:

Այսպիսով, «երկու տեսակ պաշտոն կա մեզ կատարելու միանգամայն, — ամփոփում է խմբագիրը, — այսինքն օգտա-

կար տեղեկությունք տարածել ազգի մեջ և մշակագործել հայկական կենդանի լեզուն»:

Մրազիրը բաղկացած էր չորս բաժնից:

Առաջին բաժինը նախատեսում էր ընդհանուր երկրագործութեան վերարկրյալ հողվածներ, այլև նյութեր՝ նվիրված Ռուսաստանի աշխարհագրութեանն ու վիճակագրութեանը:

Երկրորդ բաժինը պետք է ընդգրկեր Ռուսաստանի և ընդհանուր պատմութեանը նվիրված հողվածներ, մեծ մարդկանց կենսագրություններ, և այլն:

Երրորդ բաժինը նախատեսում էր հողվածներ, նվիրված բնական գիտություններին (աստղաբաշխություն, քիմիա, երկրաբանություն, ֆիզիոլոգիա, կենդանաբանություն, բուսաբանություն, և այլն), ինչպես և բնութեան և արվեստի բնագավառում կատարված և կյանքին օգտակար գիտական հայտնագործություններին:

Չորրորդ բաժինն ամբողջությամբ նվիրվում էր գեղարվեստական գրականությանը, բննադատությանը, բիրլիոգրաֆիային և ռուսական ու օտար գրականություններից կառարելիք թարգմանություններին:

1857 թ. ամռանը Նաղարչյանը մեկնում է Դորպատ, որտեղ հայ ուսանողներին ծանոթացնում է իր ամսագրի ծրագրի և հեռանկարների հետ: Հետագայում, երբ ուսանողներն իմանում են, որ բաժանորդագրության գործը շատ դանդաղ է ընթանում, հուսադրական մի նամակ են գրում Նաղարչյանին: Յով հայտնելով, որ հաշերը դեռևս չեն գիտակցում իրենց օգուտն ու վնասը, նրանք խրախուսում են Նաղարչյանին՝ քաջությամբ հաղթահարել բոլոր արգելքները և մի անգամ բռնած ճանապարհովն անխտոր գնալ. սեղաններին 5-ի թվակիր այդ նամակն ստորագրել էին Վ. Ասկարչյանը, Ն. Շարոյանը, Ս. Ամատունին և Գ. Դոդոխյանը:

Իր պատասխան նամակում Նաղարչյանը առանձնապես բողոքում է Թիֆլիսի հայերից, որոնք իր օրագրի դեմ «ամենայն գաղանական կերպով» վրահավորվելով, արդենլակել են նրա տարածումը (30.000 հայ բնակիչ ունեցող Թիֆլիսում ամսագրին բաժանորդագրվել էին միմիայն 10 հոգի): Դրությունն ավելի լավ էր Հաշտարխանում և Նախիջևանում, սա-

կայն վիճակն ընդհանրապես անմխիթարական էր, որովհետև ոչ մի հույս չկար հրատարակութեան գործին անհրաժեշտ 5.000 սուրբի գումարը հավաքելու բաժանորդագրութեան միջոցով: Դարձյալ անդրադառնալով Թիֆլիսի հայերի բարքերին, Նաղարչանը դառնութեամբ գրում է, թե նրանք ցանկանում են, որ հայ հեղինակն օգնություն շտանա ոչ յուրաքիններից և ոչ էլ օտարներից, «այլ միայն կապած սառած մնար և հուսահատվեր ու մեռաներ, և այդպես ոչնչանար ամենայն առաքինություն նույն իսկ խանձարուրի մեջ, որովհետև հարկավոր չէ առաքինությունը, այլ միայն արծաթ, կրկին արծաթ և դարձյալ արծաթ: Աստված, աստված, հալես արծաթը և ջերմ-ջերմ թափես դոցա կոկորդի մեջ, ինչպես պարթևացիք արած են հռոմայեցոց Կրասոսի հետ»¹:

Այս նամակում Նաղարչանը հայտնում է, որ «Հյուսիսափայլ»-ի համարները Կովկասում տարածելու համար ինքն ստիպված է եղել դիմելու Բարյատինսկու և նրա դիվանապետ Կրուզենշտեյնի օգնությունը, որոնք խոստացել են իրեն օգնել այդ հարցում: Օդոսսոսի 13-ի թվափր նամակում Նաղարչանը Բարյատինսկուց խնդրում է կառավարական հզոր օրդանների միջոցով օժանդակել իր ամսագրի տարածման գործին և ուղղակի ասում: Այդ կապակցությամբ Բարյատինսկին հատուկ հրամաններ է ուղարկում նահանգապետներին²:

1857 թվականի սեպտեմբերի 24-ին «Молва» լրագրի էջերում տպագրվում է Մ. Նալբանդյանի հոդվածը՝ «Հյուսիսափայլ»-ի հրատարակության մասին³: Ամսագրի հայտարարությունից կատարված ընդարձակ քաղվածքներով Նալբանդյանը պատմում է ապագա հրատարակության նպատակի և անելիքների մասին: «Молва»-ի խմբագիր Շախլևսկին Նալբանդյանի նամակին կցում է իր ծանոթությունը, որտեղ ուղջունում է «Հյուսիսափայլ»-ի հրատարակության երևույթը:

Հայկական ՍՍՌ Մատենագարանում պահվող կաղարչանների արխիվում մենք ծանոթացանք մի հետաքրքրական

¹ «Հանդես գրականական և պատմական», գիրք առաջին, էջ 269:

² Լեո, Մտեփանոս Նաղարչանց, հ. 2, էջ 14:

³ ՀՍՍՌ ԳԱ «Տեղեկագիր», 1954, № 5, էջ 79:

փաստաթղթի հետ: Այդ «Журнал Министерства народного просвещения» ամսագրի 1857 թվականի 9-րդ համարն է, որտեղ տպագրված է Կ. եղյանի ընդարձակ հոդվածը՝ «Հայկական պարբերական գրականության տեսությունը» վերնագրով: Ուշադրության արժանի այս հոդվածի առաջին մասում հեղինակը վեր է հանում հայ գրականության պատմական նշանակությունը և հետևապես դրա ուսումնասիրության կարևորությունը. նա ծանոթացնում է հայ պարբերական մամուլի պատմությանը՝ սկսած 1812 թ. մինչև հիսունական թվականներն ընկած ժամանակամիջոցում:

Անդրադառնալով «Հյուսիսսփայլ»-ի հայտարարությանը, եղյանը հետևյալ կերպ է բնութագրում Նազարյանին. «Ներկայումս արևելյան գրականության դոկտոր Ստ. Նազարյանի միջնորդության շնորհիվ, բարձրագույն հրամանով նրան թույլատրված է 1858 թվականից Մոսկվայում հրատարակել մի ամսագիր՝ «Հյուսիսսփայլ» անունով: Չի կարելի արդարությամբ չխոստովանել պ. Նազարյանի մեծահոգի ծառայությունը գիտությանն ու ազգին: Նա արդեն իր գրքերով ձեռք է բերել իր հայրենակիցների երախտագիտությունը: Այդ գրքերը խոսակցական, օտար բառերից զերծ հայերենով հայերին ծանոթացնում են եվրոպական գիտության բոլոր բնագավառների հետ: Ուստի, չի կարելի հաջողություն չցանկանալ այնքան օգտակար այդ ձեռնարկությանը, որը պետք է հանդիսանա եվրոպական գիտության և ուսական քաղաքակրթության միջնորդը հեռավոր Կովկասի լեռներում, Ասիայի խորքերում, ուր հազիվ թե լուսավորության ճանապարհ է թափանցել: Խմբագրի անունը հաջողության երաշխիքն է, և անկասկած, հայերը, գերազանցապես Ռուսաստանում բնակվողները, պատրաստակամությամբ կալաշտպանեն այդ հրատարակությունը: Թուրքիայում հրատարակվող հայկական ամսագրերում արդեն հոդվածներ են երևում, որոնք ըստ արժանվույն զնահատելով Նազարյանի ծառայությունները, բացատրում են, թե ինչ նշանակություն կատանա նրա ամսագիրը հայերի կրթության պատմության մեջ:

Մեր տեսությունն ավարտում ենք պ. Նազարյանի հայտարարության թարգմանությամբ (նրա ամսագրի հրատար-

բակուբյան մասին), և այդպիսով հնարավորութուն ենք ըն-
ձեռում իրենց, ընթերցողներին՝ դատելու նրա նպատակի ու
նշանակութեան մասին ¹:

1858 թվականի հունվարին տպագրվում է «Հյուսիսա-
փայլ»-ի առաջին համարը: «Հյուսիսափայլ»-ի հրատարակու-
թյան ընթացքում, Նալբանդյանից բացի, ամսագրին աշխա-
տակցում էին ժամանակի առաջավոր հայ երիտասարդները՝
որոնցից շատերն իրենց կրթութունն ստանալով Ներսիսյան
դպրոցում, կամ Լազարյան ձեմարանում, այդ տարիներին
բաժանում էին Մոսկվայի համալսարանում: Այդ գրական գոր-
ծիչներն էին՝ բանաստեղծներ Սմբատ Շահադիզը, Մանուկ
Սաղաթյանը, Ռուբեն Հասան Զալալյանը, Քերովբե Պատ-
կանյանը (Քեստեն), Ստեփանոս Ստեփանյանցը (իշխան
Բագրատունի), Մ. Բուզադյանը, Հ. Քուչուրեկյանը, Գ. Բար-
խուդարյանը և ուրիշներ: Արձակ գործերով և զանազան հոդ-
վածներով ու թարգմանություններով ամսագրին աշխատակ-
ցում էին Գ. Տեր-Հովհաննիսյանը (Քաջբերունի), Ա. Սուլ-
թանշահը, Մ. Սիմոնյանցը (Մարտիրոս Հրաչյա), Ռ. Պատ-
կանյանը (Մ. Վնիելյան), Մ. Միանսարյանը, Բաֆֆին,
Թ. Լալազարյանը, Ս. Ավետիքյանը և այլք:

«Հյուսիսափայլ»-ը յուրօրինակ գրական դպրոց հանդի-
սացավ դրանցից շատերի համար, որոնք գրական ճանաչում
ստացան այդ ամսագրի միջոցով:

«Հյուսիսափայլ»-ի նպատակը ժողովրդի լուսավորությունն
էր, ֆեոդալական հարաբերությունների արգասիքը հանդիսա-
ցող արատավոր երևույթների քննադատությունը:

Ամսագրի հրապարակախոսական ուղղությունը Նալբանդ-
յանը բնութագրում է հետևյալ կերպ.

«Համարձակ «Հյուսիսափայլ»-ը անմասն անոտի երկյու-
ղից, անմասն կեղծավորութենից, երեսպաշտութենից, անբա-
ժին դժոխային եղվիտական հոգուց, «Հյուսիսափայլ»-ը ամե-
նայն հարադատությունը սպասավորելով աստվածային ճշը-
մարտությունը, յուր գործակատարների հաստատուն ձեռքով

¹ ՀՍՍՌ Մատենագրան, Լազարյանների արխիվ, թղթ. 113, գործ
81, վավ. 15:

Ճեղքում է, պատահում է մի հազար կարկատաններով թանձրացուցած վարագույր, որի տակ ամենայն խնամով թաքուցած էին խավարապաշտները, մեր ազգի բարոյական խոցերը և վերքերը»¹։

«Հյուսիսսփայլ» ամսագրի էջերում, առաջին անգամ հայ պարբերական մամուլի պատմության մեջ, տրվում է ամսագրի դերի և խմբագրի պարտականությունների լուրջ մեկնաբանությունը։ Միքայել Նալբանդյանը անօգուտ է համարում այն պարբերականների գործունեությունը, որոնք «ազգի ներկա հարկավորությունների և օգուտների հետ» առնչվող հարցեր չեն շոշափում։

Ամսագիրը պետք է կառված լինի կյանքի հետ, զբաղվի կենդանի, օգտակար գործունեությամբ և նպաստի ժողովրդի լուսավորության և առաջադիմության գործին։

«Առանց այսպիսի խնդիրների մոտենալու, — գրում է Նալբանդյանը, — օրագիրը կյանք չունի, այս կենդանի և շարժուն խնդիրները հոգի են մի օրագիր սասցյալ մատենագրական գործունեության։ Եվ օրագրի գործակատարը, այն ժամանակ միայն աղաթ են առողջ բանականության դատապարտութենից և արժանի բարոյական վարձատրության, եթե ամենայն բան զոհ բերելով ճշմարտության, ընթացք էին տալիս այս խնդիրներին»²։

Մ. Նալբանդյանը հրատարակախոսությունը տալիս է ակտիվ, ներգործուն նշանակություն։

Խմբագրից նա պահանջում է լինել սկզբունքային, անաչառ և լայն աշխարհայացքի տեր, որ պարտավոր է պատվով ծառայել իր ստանձնած սուրբ կոչմանը։ Խմբագրի պարտքն է ժողովրդին դաստիարակել հայրենասիրության և եղբայրասիրության ոգով, կրթությունը դարձնել ժողովրդի սեփականությունը։ Նա պետք է անվախ լինի հասարակական շարքեր մերկացնելու գործում։

Ամսագրին և խմբագրին առաջադրված այս խնդիրները, ինչպես ասացինք, նորություն էին հայ իրականության համար և արգասիք ուսա առաջավոր կուլտուրայի ազդեցության։

¹ «Հյուսիսսփայլ», 1858, № 10, էջ 299—300։

² Նույն տեղը, էջ 300։

Ժողովրդի պահանջներն արտացոլող գրականությունը, ըստ Չերնիշևսկու, պետք է դառնար պատմական զարգացման դիսավոր շարժիչ ուժը. հենց այդ նպատակով էլ նա առաջարկում էր մամուլի միջոցով ժողովրդի մեջ սեր և հետաքրքրություն առաջացնել դեպի գիրքը և հասարակական հարցերը: «Չիշերինը որպես հրապարակախոս» իր հոդվածում Ն. Գ. Չերնիշևսկին հստակ կերպով ձևակերպում է ամսագրի դերն ու անկիւնները: Հրապարակախոսը, — գրում է Չերնիշևսկին, — արտահայտում է և բացահայտում այն պահանջները, որոնցով պրազված է հասարակությունը տվյալ պահին: Վերացական դիտության ծառայելը նրա գործը չէ. նա պրոֆեսոր չէ, այլ տրիբուն, կամ փաստաբան¹:

Ժողովրդի շահերին ծառայել ցանկացող յուրաքանչյուր գործչի համար նա անհրաժեշտ է համարում հասկանալ, թե ինչ վիճակի մեջ է գտնվում նրա ժողովուրդը, նրա ունկնդիրը, կամ ընթերցողը, ընդ որում, եթե նա սկսի քարոզել այնպիսի ճշմարտություններ, որոնք բնավ չեն վերաբերում նրա ունկնդիրներին, ապա այդպիսի հրապարակախոսը ծիծաղելի կդառնա:

Հրապարակախոսի գործը չհամարելով վերացական ճշմարտություններով զբաղվելը, Չերնիշևսկին մի անգամ ևս ընդգծում է նրա խնդիրը, որը առաջին հերթին պետք է լինի «հասարակության կենդանի պահանջներին» ծառայելը:

Իր գրական լուսավորական գործունեությունն սկսելով 50-ական թվականներին Մոսկվայում, Մ. Նալբանդյանը սերտ կերպով կապված էր ուսուցիչականության և համալսարանական երիտասարդության հետ: Նրա աշխարհայացքը ձևավորվում է ուսական առաջավոր մտքի ազդեցության տակ: Էժեն Սյուրի «Թափառական հրեա»-ի թարգմանության տպագրության գրաքննական պատմությունն արդեն խոսում է այն մասին, որ Նալբանդյանը իր գործունեության հենց առաջին քայլերից նպատակասլաց պայքար է սկսում հայ հետադիմականների և ռեակցիոն պապականության դեմ: Երբ Նալբանդյանը 1856 թ. այդ աշխատանքը իր ծավալուն առա-

¹ Н. Г. Чернышевский, ПСС, т. 5, էջ 647:

չարանով ներկայացնում է տպագրութեան, գրաքննիչ Բերոյանն այն արդելում է՝ հետևյալ պատճառաբանութեամբ.

«Թարգմանիչը շարժանց ազատ և անպատշաճ է արտահայտվում վենետիկյան այն աշխատասեր վանականների մասին, որոնք արդեն ամբողջ աշխարհին հայտնի են իրենց անմահ ստեղծագործություններով»: «Նա մանրամասնորեն նկարագրում է ինկվիզիցիայի ողջ շարագործությունները և շարժանց համարձակ կերպով է անդրադառնում Հոմերի պոեմին՝ նրա կրոնական մոլորությունների կապակցությամբ»¹:

Միայն այն բանից հետո, երբ Մ. Նալբանդյանն ստիպված է լինում հանել իր առաջարանի այն մասերը, որոնց նկատմամբ գրաքննիչը 22 դիտողություն էր արել, իսկ մնացած 7 դիտողություններին վերաբերող մասերը փոխել, Բերոյանը թույլ է տալիս հոգվածը և թարգմանությունը հանձնել տպագրության:

Նալբանդյանն անկասկած մտածել է իր սեփական օրգանն ունենալու մասին: Սակայն 1856 թվականին գրված նրա նամակից հայտնի է դառնում, որ նա իր անունով չէր կարող որևէ պարբերականի հրատարակության իրավունք ստանալ, որովհետև այդ բանի համար անհրաժեշտ ցենզ չուներ: Եվ նա համագործակցում է Ստ. Նազարյանին:

«Հյուսիսսփայլ»-ի հրատարակության առաջին տարիներին Նալբանդյանը գործուն մասնակցություն է ցույց տալիս ամսագրի խմբագրական աշխատանքներին, ջանալով հնարավորության սահմաններում սկզբունքային ու նպատակասլաց դարձնել պայքարը կղերա-ֆեոդալական հոսանքի դեմ և ձգտելով «Հյուսիսսփայլ»-ին տալ արմատական դեմոկրատական ուղղություն: Այդ նրան մասամբ հաջողվում է: Իրենց ամսագիրը նա որակում է որպես հայ իրականության մեջ թագավորող խավարը փարատող լույսի ճառագայթ: Այս իմաստով հետաքրքրական է ամսագրի սիմվոլիկ անվան ընտրությունը՝ «Հյուսիսսփայլ», որ վկայում է ռուսական առաջավոր մտքի («Полярная звезда») նկատմամբ խմբագիրների տածած համակրանքի մասին:

¹ ЦГИАЛ, фонд № 777, оп. 2, ед. хр. № 89.

«Հյուսիսսփայլ»-ի հրատարակութեան դորժը մեծ մասամբ ընկած էր Ստ. Նազարյանի վրա, որը ոչ մի ջանք չէր խնայում մասագրի որակի բարձրացման համար:

Նազարյանի մի նամակից երևում է, որ նա որոշել էր ամսագրի հրատարակութեանն սկսել առնչազն 600 բաժանորդ ունենալուց հետո միայն: Նա մտադիր էր բնագիտական հոդվածները և մեծ մարդկանց կենսագրութունները տպագրել համապատասխան նկարների հետ միասին: Խմբագրի ինչպես առաջին, այնպես էլ երկրորդ մտադրութունները չեն իրականանում: 1858 թվականին «Հյուսիսսփայլ»-ի բաժանորդների թիվը հասնում էր միմիայն 300-ի:

Նազարյանը ժամանակի ռուս ամսագրերի օրինակով ցանկանում էր ունենալ մշտական աշխատակիցներ և թղթակիցներ, որոնց վարձատրութեան համար անհրաժեշտ էր առնչազն 5000 ռուբլու շափ մի գումար: Սակայն, զուրկ լինելով նյութական անհրաժեշտ միջոցներից, Ստ. Նազարյանը և Մ. Նալբանդյանը չեն կարողանում պահել հատուկ աշխատակիցներ և իրենք են կատարում ամսագրի հրատարակման հետ կապված բազմապիսի աշխատանքները: Անգամ Նալբանդյանն ամսագրում աշխատելու տարիներին ոչ մի դրամական հատուցում չէր ստանում:

«Հյուսիսսփայլ»-ի հրատարակութեան երկրորդ տարում նրա բաժանորդների թիվը հասնում է 340-ի: Ամսագիրն իր քննադատական ուղղութեան պատճառով հայ ղեակցիոն հրատարակատեսակների, հոգևորականութեան և հարուստների շրջաններում ձեռք է բերում բազմաթիվ հակառակորդներ, որոնք ամեն միջոց գործադրում էին՝ այն դադարեցնելու համար: Այն բանից հետո, երբ 1860 թ. նոյեմբերին Մ. Նալբանդյանը մեկնում է արտասահման, «Հյուսիսսփայլ»-ի վիճակն ավելի է ծանրանում: 1862 թվականին նրա բաժանորդների թիվն իջնում է մինչև 170-ի: Նազարյանն իր նամակներից մեկում գրում է.

«Այն ծանրութունը և անտանելի ծանրութունը մնում է դեռևս իմ վերա միայն, այսինքն գրավոր աշխատութունքը»

որովհետև արծաթի անհնարին աղքատությունը այնքան է, որ ինձ գործակից աշխատավորք պահելու կարողություն չկա»¹։

1863 թվականին Նազարյանը դադարեցնում է «Հյուսիսսփայլ»-ի հրատարակությունը։ Բարեկամների օժանդակությամբ 1864 թ. նա վերսկսում է հրատարակել «Հյուսիսսփայլ»-ը, բայց դա տևում է մեկ տարի միայն։

Իր գոյություն 6 տարիների ընթացքում «Հյուսիսսփայլ»-ը նշանակալից աշխատանք է կատարում հայ հասարակական մտքի պատմության մեջ։

«Հյուսիսսփայլ»-ի առաջին համարում տպագրված՝ Նազարյանի «Հայկական լեզվի խորհուրդը» ծրագրային հոդվածն արդեն նախանշում էր գործունեության այն ուղին, որով պետք է տարվեր ամսագրի հրատարակությունը։ Հավատարիմ մնալով այդ ծրագրին, Նազարյանը իր ամսագրի հրատարակության ողջ ժամանակամիջոցում հաճախ է անդրադառնում ազգի «իմացական և բարոյական պիտույքների» հարցին։ Առաջնահերթ էր ժողովրդին հասկանալի գրական լեզվի մշակման խնդիրը։

Նոր լեզվի պրոպագանդայից բացի «Հյուսիսսփայլ»-ի էջերում Նազարյանը հսկայական տեղ է նվիրում մայրենի գրականության զարգացման, ժամանակի տառաջալոր դիտական մտքի նվաճումների մասսայականացման, ռուսական և եվրոպական կոլտուրային և քաղաքակրթությանը հաղորդակցվելու հարցերին։

Հայ ժողովրդի լուսավորության և կրթության հարցին նվիրված իր գրեթե բոլոր հոդվածներում Նազարյանն ընդգծում է Ռուսաստանի պատմության, աշխարհագրության, տնտեսական կյանքի ուսումնասիրության անհրաժեշտությունը։ Հայկական դպրոցների համար մշակած իր ծրագրում նա հայ աշակերտների խնդիրն է համարում ռուսաց լեզվի ուսումնասիրությունը։

Նազարյանի լուսավորական ծրագիրը հանգում էր հեռույալին՝ ազգի նյութական միջոցներով աղքատին դպրոցի հաստատման (տղաների և աղջիկների համար), տպարանի հիմ-

¹ «Լուսա», 1901, գիրք Բ, էջ 452։

նադրման, ինչպես և մի լուրջ ընկերութեան կազմակերպման, որը կարողանար իրականացնել անհրաժեշտ գրականութեան տպագրութեան գործը, և այլն:

Նազարյանի լուսավորական ծրագիրը նպատակ ունի դաստիարակելու ողջ հայ ազգը, ուստի նա իր ծրագրի կենսագործումը պայմանավորում էր հայ ազգի բոլոր խավերի քանքերով. «Եթե մեր սիրելի հայերը, մեծ ու փոքր, հոգևոր և աշխարհական, ուսումնական, արհեստավոր ու վաճառական, գործեին մեկ մարդու նման», ապա, ըստ նրա, հայերի լուսավորութեան գործը կիրականանար:

Վ. Ի. Լենինը 60-ական թվականների լուսավորիչներին աված իր բնութագրման մեջ անդրադառնալով այդ հարցին, գրում է.

«Լուսավորիչներն իբրև իրենց հատուկ ուշադրութեան առարկա չեն առանձնացրել բնակչության ոչ մի դասակարգ-խոստում էին ո՛չ միայն ժողովրդի մասին ընդհանրապես, այլ նույնիսկ ազգի մասին ընդհանրապես»¹:

Որպես լուսավորիչ, Ս. Նազարյանն իր «Հյուսիսափայլ»-ը ծառայեցնում է հայ ազգի լուսավորութեան գործին, իր առաջին խնդիրը համարելով ուսական կուլտուրայի յուրացումը: Սակայն, ինչպես արդեն նշել ենք, ուսական կուլտուրայի մեջ նա չէր տեսնում ժամանակի երկու կուլտուրաների՝ կառավարական պաշտոնական և ակցիոն կուլտուրայի և ուսվածքաբանականների՝ ռեպրուցիոն-դեմոկրատական կուլտուրայի առկայությունը:

Երախտագիտութեան զգացումով արտահայտվելով Ռուսաստանի մասին, որի շնորհիվ հայերն ազատվել էին «մի անտանելի, անարգական ստրկութենից», Նազարյանը հայերին հավատարմութեան կոչ է անում ուսական պետութեանը, թագավորին: Ելնելով այն բանից, որ հայերը հանդիսանում են ուսական պետութեան հպատակները, Նազարյանը հայերին քաղաքականապես ուս է համարում՝ պահանջելով ընդօրինակել ուսական կուլտուրան, որպես ժամանակի առաջավոր, եվրոպական կուլտուրա:

1 Վ. Ի. Լենին, Երկեր, հ. 2, էջ 681:

Նազարյանի հյուսիսափայլյան շրջանի գործունեության համար բնորոշն այն է, որ նրան հուզել են հայերի վիճակի բարվոքման, նրանց դաստիարակության, կրթության, եվրոպական գիտության հետ հաղորդակցվելու հարցերը:

Կոչ անելով ընդօրինակել եվրոպական անտեսաձևը, նա առանձնապես կարևոր է համարում վաճառականության զարգացումը: Մի ազգի կուլտուրականության և բարձր զարգացման արտահայտությունը համարելով նրա վաճառականության զարգացման աստիճանը, Նազարյանը հորդորում է երկրագործներին՝ ամեն կերպ օժանդակել վաճառականներին:

Նազարյանը համոզված էր միաժամանակ, որ կրթության միջոցով կարելի կլինի հասնել հայ ազգի բարոյական և նյութական վերածնությանը: Այս առումով էլ նա անհրաժեշտ էր համարում երիտասարդ սերնդին մասնագիտական կրթություն տալով՝ նրանցից պատրաստել պոլիտեխնիկական մասնագիտություն ունեցող մարդիկ: Իր ապագա մասնավոր դըստրոցի հայտարարության մեջ ևս նշում է, որ պետք է պատրաստի գործնական կյանքի զանազան բնագավառների գործիչներ՝ վաճառականներ, արվեստավորներ և այլն:

Ի՞նչ նյութական հիմքի վրա էր հաստատելու Նազարյանն ազգային ուսումնական ձեռնարկությունները: Հայերի նյութական և բարոյական կյանքը բարեկարգելու նպատակով նա առաջարկում է հիմնադրել մի ընկերություն, որ պետք է կոչվեր «ընդհանուր հայկական ընկերություն վասն բարեկարգելու Ռուսաստանի չքավոր հայոց նյութական և բարոյական կյանքը»: Նազարյանն այդ ընկերության գլխավոր նպատակն էր համարում՝ «փակել աղքատության և մերկության ճանապարհը, դաստիարակելով և ուսուցանելով ժողովրդի չքավոր զավակները. դաստիարակությունը և ուսումը կպատրաստեն նոցա մի ոսկի ապագայք»¹:

Հետագայում կրկին անդրադառնալով հայկական կյանքի վերանորոգության իր ծրագրին, Նազարյանը վճռական դեր է հատկացնում ազգային դպրոցին, համարելով դա «միակ

¹ «Հյուսիսփայլ», 1862, № 7, էջ 49:

հնարը հայկական կյանքի վերանորոգության, բուն հիմքից և արմատից: Եթե հայերին մի բան կօգնե, դա է մի ազգային մայր դպրոց եվրոպական հիմքերի վերա»¹:

Սակայն Նազարյանի պահանջները միանգամից չէ, որ ընդունվում են: Ժամանակակիցների մեծ մասը կասկածի տակ առնելով հայ ժողովրդի առաջընթացի օգտին արած նրա յուրաքանչյուր առաջարկը՝ կատաղի հարձակում է սկսում «Հյուսիսամիայլի» դեմ, փորձելով դադարեցնել տալ նրա հրատարակությունը: Բայց Նազարյանը հետևողական էր իր սկզբունքների մեջ և հավատարիմ՝ ժողովրդի լուսավորության իր մեծ նպատակին:

¹ «Հյուսիսամիայլ», 1864, № 3, էջ 226:

ՅՍ—ԱԿԱՆ ԹՎԱԿԱՆՆԵՐԻ ԱՐԵՎԵԼԱՀԱՅ ՊԱՐՔԵՐԱԿԱՆ
ՄԱՄՈՒՂ ԵՎ «ՀՅՈՒՍԻՍԱՓՍՅԱՅ»-Ը

50—60-ական թվականների հայ պարբերական մամուլի էջերում արտացոլվել է այդ ժամանակաշրջանի հայ հասարակական հոսանքների միջև տեղի ունեցող պայքարը:

«Հյուսիսափայլ»-ի դեմ կատաղի արշավ է սկսում կղերաֆեոդալական հոսանքը «Ճոռաբալ», «Մեղու Հայաստանի» և «Մասյաց աղավնի» պարբերականների էջերում:

«Ճոռաբալ» ամսագիրը հրատարակվում էր Մոսկվայում Մսեր և Զարմայր Մսերյանների կողմից, 1858-ից մինչև 1862 թվականը:

Ամսագիրը կազմված էր երեք բաժնից. առաջինը նվիրված էր հին գրականության, երկրորդը՝ գրաբար լեզվով գրված նոր գրականության, իսկ երրորդը՝ աշխարհաբար լեզվով գրված նոր գրականության: Բոլոր այդ բաժիններում ցնդգրկված նյութերը և բանաստեղծությունները, չնչին բացառությամբ, կտրված էին ժամանակի հասարակական կյանքից, հայ իրականությունը հուզող հրատապ հարցերից և գերազանցապես պտտվում էին կրոնական ու մասամբ էլ պատմական թեմաների շուրջը: Այսպես, տպագրվում են կիլիկիացի Ներսես արքեպիսկոպոսի թուղթը, Հոհանիսիկ վարդապետի համառոտ պատմությունը («Անցից անցելոց ի վերին կողմունս Հայաստանի ըստ կարգի ժամանակագրութեան»), Հովհաննու վարդապետի՝ «Բացատրութիւն աղօթից Ամբակումսյ մարգարէի», Հովհան Ոսկերեբանի՝ «Ներբողու-

թիւն ի սուրբ Գրիգոր Լուսաւորիչ»-ը, այլեւ բազմաթիւ քարոզներ, թղթեր, հոգեւոր բովանդակութիւն ունեցող բառերի ստուգարանութիւններ, եկեղեցական ծեսերի բացատրութիւններ, և այլն: Բանաստեղծութիւնները ևս մեծ մասամբ կրօնական բովանդակութիւն ունեին («Ներբողական ի սուրբ Գրիգոր Լուսաւորիչ», «Աղերս առ Տիրամայրն», «Տաղ ս. Սարգըսի զօրաւարին», «Մարիամ առ խաչին», «Տաղ ի յարութիւնն Քրիստոսի» և այլն):

Տպագրւում էին հողմածներ, նվիրւած Ռուսաստանի հին պատմութեան զանազան դրվագներին և հուշարձանների նկարագրութեանը, վաճառականութեան վիճակին ճապոնիայում, շինաց բժշկութեանը, Իտալիայի կրօնական շարժումներին կամ Լյուդովիկոս 14-րդի ժամանակի Ֆրանսիայի իրադարձութիւններին:

Ժամանակակից հայ իրականութեանը «Ճոռաքաղ»-ն անդրադարձել է միայն «Հյուսիսսփայլ»-ի կապակցութեամբ, աշխատելով «ապացուցել» այդ ամսագրի վտանգավորութիւնը և դադարեցնել տալ նրա հրատարակութիւնը:

«Ճոռաքաղ»-ի խմբագիրները օգտագործում էին ամեն մի հնարավորութիւն ցարական կառավարութեանը հավաստիացնելու իրենց նվիրւածութեան և հպատակութեան մեջ: Որպես կղերա-ֆեոդալական հոսանքի օրգան, «Ճոռաքաղ»-ը իշնամական դիրքերից էր դիտում նոր, բուրժուական հարաբերութիւնների զարգացումը, ձգտելով հին փոխհարաբերութիւնների և ճորտատիրական կարգերի պահպանմանը: Ամսագրի էջերում հետեոյապահանորեն ջատագովւում էին ֆեոդալական կարգերն ու պրոպագանդիւում էր միջնադարեան-կրօնական մտայնութիւնը:

Առաջնորդվելով այն սկզբունքով, թե՛ ազգի բարոյակա-նութեան ամենատառաջին դաստիարակը կրօնն է, նրանք մի երկրի քաղաքական կարգերի բարգաւաճումը և երջանկութիւնը պայմանավորում են հավատի ուժով: «Ա՛յն երկիրն, — գրում է «Ճոռաքաղ»-ի հոդվածագիրը, — ուր ժողովուրդն հաստատ է սուրբ հավատոյ մեջ, բարգաւաճի ամենայն քաղաքական և եկեղեցական բարեկարգութեամբք. և սմին հակառակ, ա՛յն երկիրն՝ ուր ժողովուրդն զուրկ է ՚ի հաւատոց,

կամ թոյլ է 'ի հաւատս, ալէկոծի միշտ խոռովութեամբք և խանդարի անկարգութեամբք»¹ :

«Ճռաքաղ»-ը պրոսպագանդելով քրիստոնեական կրօնի դոգմաները, քարոզելով հավատարմություն ցարական կառավարութեանը, մեծ ջանք էր գործադրում ժողովրդին հետո պաշելու սոցիալական հարցերից, ուստա առաջավոր մտքի, ռետլյուցիոն-գեմոկրատական գաղափարների աղդեցութեանից: «Ճռաքաղ»-ի խմբագիրները կոչ էին անում պաշտպանել «մեր սուրբ կրօնը, մեր նվիրական լեզուն, մեր սրբազան ծեսերը» և համոզմունք հայտնում, որ «այն ժամանակ և լուսավորութեան կունենանք և աղդ կլինենք»²:

Ազգային անապարծութեանը և կրօնամոլութեանը բնորոշում են Մսերյաններին:

«Յորդոր հայրենասիրութեան» հոգվածում ամսագիրը կոչ է անում «Երկնչել 'ի Տեառնէ, և ծառայել նմա քոչոր սրտիւ. զի սկիզբն իմաստութեան՝ երկիւղ Տեառն: Գուն գործեսցէ ուրեմն իւրաքանչիւր ոք փրկել զհոգի իւր. պարտ համարեսցի ճանաչել զսուրբ կրօն իւր, ուսանել զքաջութիւնս նահատակաց և հետեւել նոցին շպւղաց, պատկերացուցանել 'ի միտս իւր զչարչարանս արանց քաջաց և լուսաց՝ զոր վասն հաւատոյ և աղգի յանձն առին»³:

Հայերին վերագրած այս կարծեցյալ կրօնասիրութեան մտայնութեամբ «Ճռաքաղ»-ն ուղիղ զծով միանում է ժամանակի ուսական ռեակցիոն հոսանքի ուղարկման այն քարոզին, թե ուստա ժողովրդի ամենաբնորոշ գծերն են հանդիսանում ժողովրդայնութեանը և նվիրվածութեանը ուղղափառութեանն ու ինքնակալութեանը: Կառավարական պաշտոնական այս գաղափարախոսութեանը լայնորեն պրոպագանդվում էր անցյալ դարի քառասնական թվականների ռեակցիոն օրդան «Մոսկվիտայնին»-ի էջերում, որի խմբագիրներ Պոզոզինը և Շեվրյուվը ամսագրի նյութերն անգամ դասավորում էին այդ լողունդին համապատասխան: Ամսագրի յուրաքան-

¹ «Ճռաքաղ», 1860, № 1, էջ 5:

² Նույն տեղը, 1861, № 75, էջ 250—251:

³ Նույն տեղը, 1859, № 11, էջ 302:

չյուր նոր համար բացվում էր հոգևոր բնույթի որեէ հոգւա-
 ծով: Կառավարական գաղափարախոսութիւնն էր պրոպա-
 գանդում և ժամանակի մոլի ռեակցիոներներ Կորսակոյի և
 Բուրաշոկի օրգան «Մայակ»-ը: Բուրաշոկի համար աստվա-
 ծաշունչն էր այն միակ շափանիշը, որով ռուսական հասա-
 բակական կյանքի բոլոր երևույթներն իրենց գնահատականն
 էին ստանում: Այսպէս, բննադատելով Պուշկինի, Լերմոնտո-
 վի և Գոգոլի ստեղծագործութիւնը, «Մայակ»-ի հոգւածագի-
 րը հայտարարում է, թե ժամանակի ռուս գրականութեանը
 ակնհայտորեն պակասում է հայրենասիրութեան, ժողովրդայ-
 նութեան և կրոնասիրութեան ոգին¹:

Իր այդ նախորդներից բացի, «Ճռաքաղ»-ն ուներ և իրեն
 արժանի ժամանակակիցը՝ հանձին 60-ական թվականների
 ծայրահեղ ռեակցիոն օրգան «Դոմաշնյայա բեսեդա»-ի, որի
 խմբագիր Ասիոշենսկին իր շարաթաթերթի յուրաքանչյուր
 համարը լցնում էր եկեղեցական քարոզներով²:

«Ճռաքաղ» ամսագրի համար շատ բնորոշ է նրա կապը
 ռուսական ռեակցիոն օրգան «Սեվերնայա պշելա»-ի հետ,
 որը մի քանի տասնյակ տարի անընդհատ գլխավորում էր
 ռուսական ռեակցիոն հոսանքի ժուռնալային տրիումվիրատը:
 Բուլգարինի թերթից «Ճռաքաղ»-ը թարգմանութիւններ էր
 հրատարակում իր էջերում: Հատկանշական է, որ «Սեվերնա-
 յա պշելա»-ն էլ իր հերթին տպագրում էր Խալիբջան ուսում-
 նարանի օժման ու բացման հանդեսի նկարագրութիւնը, ընդ-
 հուպ մինչև բաժակաճառերն ու ուղերձները³: Այս երկու
 պարբերականների բարեկամութիւնն օրինաշափ երևույթ է և
 բացատրվում է նրանց և՛ քաղաքական համոզմունքների, և՛
 գրական ըմբռնումների հարազատութեամբ: 60-ական թվա-
 կաններին «Սեվերնայա պշելա»-ն անվանարկելով Բելին-
 սկոն, նրա երկերի հրատարակութիւնն ավելորդ էր համա-

¹ Տե՛ս Ա. Գ. Деметьев, Очерки по истории русской жур-
 налистики 1840—1850 гг., էջ 88:

² Տե՛ս Բ. Ս. Козьмин, Журналистика 60-х годов XIX века,
 М., 1948 г.

³ Տե՛ս «Открытие в Феодосии Халибовского армянского учи-
 лища», «Северная пчела», 1858, № 280.

րում: Թերթի գրախոս Կ. Պոլևոյը նշում էր, թե Յեկինսկին ոչ մի օգուտ չի բերել ուսա գրականությանը, ոչինչ չի արել նրա համար, շարիքից բացի¹: Նույն հոգվածում Պոլևոյը ոչնչության է հավասարեցնում և Գոգոլի ստեղծագործությունը, հայտարարելով, թե նրա երկերը նպաստել են այն քառսի աարածմանը, որն իշխում է ներկայումս գրականության մասին եղած հասկացողությունների մեջ:

Հանդես գալով ճիշտ այդպիսի գիրքերից, «Ճոռքաղ»-ը գժբախտություն էր համարում Նալբանդյանի և Նազարյանի գործունեությունը և կոչ էր անում հրո ճարակ դարձնել նրանց երկերը: Մսերյանների համար անհանդուրժելի էին Նազարյանի ամենաչափավոր պահանջներն իսկ: Այդ է պատճառը, որ նրանք «Հյուսիսսփայլ»-ի խմբագրին խորհուրդ էին տալիս առաջնորդվել միմիայն աստվածաբանական կանոններով: Հասկանալի է նաև, թե ինչու «Ճոռքաղ»-ի խմբագիրները քաջալերում էին Նազարյանի գրքերի «գրախոս» սեակցիոներ Առաքել Արարատյանին:

Գրաբարամոլ Մսերյաններն իրենց սլաքներն առաջին հերթին ուղղում են աշխարհարարի դեմ, որին քաղաքացիական իրավունքներ էր տալիս «Հյուսիսսփայլ»-ը: Նրանք չէին հանդուրժում, որ «Հյուսիսսփայլ»-ը քննադատում է հայ ազգի կյանքում եղած թերությունները: Ի վերջո, «Ճոռքաղ»-ը կորցրնում է իր հավասարակշռությունը Ստ. Նազարյանի այն հոգվածի հրապարակումից հետո, որտեղ պահանջվում էր բարեփոխումներ մտցնել հայ եկեղեցու ծեսերի և սովորույթների մեջ, վերանայել դավանաբանական մի շարք հարցեր:

«Ճոռքաղ»-ը Նազարյանի հայացքները համարում է հավատարմորեն և ազգրնդդեմ, իսկ նրա լուսավորության քարոզը՝ մոլորության կոչ: Հավատին մերժենալը «մեր լուսավոր օրերումը վիճել հավատի վերա», շատ հին բան է և «ծիծաղելի անախրոսիզմ»², — գրում է Զարմայր Մսերյանը:

Այնուհետև, ամսագրի էջերում հրատարակվում է Մ. Մսերյանի «Զննութիւնք գրուածոց Ստեփաննոսի Նազարեանց» հոգվածը, որտեղ քննարկվում են Նազարյանի «լանցանջնե-

¹ Տե՛ս «Северная пчела», 1859 № 229.

² «Ճոռքաղ», 1860, № 12, էջ 148:

րը»։ Տպագրվում են նաև Հ. Չերքեղյանի նամակը Նազարյանի հոդվածի դեմ, Չերքեղյանի երկրորդ հոդվածը («Մեկնութիւն մեկնութեանց») և այլն, և այլն։

Հոդվածագիրները Նազարյանից պահանջում են հրաժարվել ունեցած պահանջող իր հոդվածներից, ծնկի գալ ազգի առջև, ընդունել գրաբարի գերազանցությունն աշխարհաբարի հանդեպ և թողնել իր մեծամիտ տոնը։

Մսերյանները բացահայտ բանավեճին ղուգընթաց, իրենց մաղձը Նազարյանի և Նալբանդյանի վրա թափում էին նաև անձնական նամակների և զանազան գրությունների մեջ։

Հետաքրքրական է Մսերյանների արխիվում պահվող, Մսեր Մսերյանի ձեռագրով գրված, բայց անստորագիր մի բանաստեղծութուն, որի մեջ հեղինակի ատելութունը Նազարյանի և Նալբանդյանի դեմ գուրս է գալիս պատշաճության սահմաններից ¹։

«Չարին ծնունդ՝ Նազարյանց
Ի շարության գերազանց,
Եվ քո ընկեր վարչամյանց
Լիրք է նման հաջող շանց։

Դու վարդապետ անվեղար,
Սուտ առարկալ մեզ եղար.
Չե՛ս դու արժան փըլավին
Չլ ուտեցո՛ղ ևս լավին։

Կե՛ր Լուսերի բալպասը,
Եվ մի՛ պահեր մեծ պասը
Երմե՛ փիվայն ՚ի վերա,
Սաղայի հետ քե՛փ արաւ։

Լուսավորչու լո՛ւյս հավատ
Պիտի՛ մնա միշտ հաստատ.
Վնասել նմա թե ջանաս,
Իմացի՛ր՝ շո՛ւտ փըլանաս։

Էջմիածնի սուրբ Աթոռ
Չուզե բեզ պես գիժ տոթթոր.

¹ ՀՄՍԻ Պետ. Մատենադարան, Մսերյանների արխիվ, թղթ. 208, վավ. 1703։

Հասկանալի է, որ Մսերյաններին հայտնի էր Վարշամ-
յանի ով լինելը:

Մսերյանների արխիվի փաստաթղթերի ուսումնասիրու-
թյունը ցույց է տալիս, թե որքան լուրջ ուշադրութուն են
նվիրել նրանք Նազարյանի և Նալբանդյանի դեմ մղվելիք
պայքարի հարցին: Ինչպես իրենց հողվածներում, այնպես էլ
անձնական նամակներում նրանք ամենաթունոտ խոսքերով և
գրեթե հայհոյանքներով են արտահայտվում «Հյուսիսա-
փայլ»-ի և նրա աշխատակիցների մասին: Այսպես, Մանուկ
բեյին հասցեագրած հայատառ թուրքերեն իր մի նամակում
Մսերյանը ծաղրում է Նազարյանի արևելյան լեզուների իմա-
ցությունը և կասկածի տակ առնում նրա դոկտորական դի-
սերտացիայի արժեքը: Հետաքրքրական է, որ նա միաժա-
մանակ խնդրում է միջնորդել Լազարյանների և կաթողիկոսի
առաջ՝ իրեն մագիստրոսի աստիճան շնորհելու համար:
Դարձյալ հայատառ թուրքերենով գրված մի այլ նամակում
Մսերյանը հայտնում է, որ խենթ Նազարյանն իր ամսագը-
րում «պրոտեստանտություն» է տարածում, ուտի իր պարտ-
քըն է համարում այլ խմբագիրների օրինակով հանդես գալ
նրա դեմ: Հայտնում է սինոդի որոշումը «Հյուսիսափայլ»-ը
դադարեցնելու մասին և ուպա ավելացնում է. «Նազարյանն
այսպիսի խենթությամբ ի՛նչ օգուտ կրերի ինստիտուտին:
Այս մարդու գիժ լինելն առաջին անգամ դուք հասկացաք,
բայց ուրիշ հասկացող չկա»²:

Անձնական նամակներից բացի, հետաքրքրութուն են
ներկայացնում Մսերյանների արխիվում պահպանվող այլ
փաստաթղթեր ևս: Այսպես, պահպանվում է Մսերյանի «Սխա-
լանք վարդապետարանի» մեծածավալ աշխատությունը³, գըր-

1 Վերջին տողը առաջին վարիանտում եղել է. «Նո՛ր դու վրտեր,
նո՛ր Լուսեր»:

2 ՀՄՍՍ Պետ. Մատենադարան, Մսերյանների արխիվ, թղթ. 207,
վավ. 1747:

3 Նույն տեղը, թղթ. 208, վավ. 2290:

ված 1858 թ. Սոս. Նազարյանի «Վարդապետարան կրոնի» աշխատության դեմ: Ուշադրության արժանի է մի այլ փաստաթուղթ: 1858 թվականին «Մեղու Հայաստանի»-ում տպագրվում են Վահան Արամյան ստորագրությամբ երեք նամակ՝ ուղղված «Հյուսիսսփայլ»-ի դեմ: Մսերյանների արխիվում պահպանվող այդ նամակների ձեռագիրը մեզ հնարավորություն է տալիս պարզելու ինքնությունը նամակագրի, որը ոչ այլ ոք է, եթե ոչ՝ Մսեր Մսերյանը: Վերջինս մի այլ ձեռագրի մեջ անդրադառնալով այդ նամակների բնույթին, նշում է, որ հոգվածագրի անունն ընտրված էր հատուկ դիտավորությամբ. «Ահա «Մեղու Հայաստանի» 24 և 25 համարներումը տեսնում եմք երկու նամակքը Վահանա Արամյան, որ արդարև իբրև Վահան լինելով, սկսած է պաշտպանել ոչ յուր անձը, այլ յուր ազգի փառքը, պատիվը, պարծանքը, նորա նվիրական պատմությունը և սուրբ եկեղեցին, և կարծես, թե ամենայն ջանյուր աշխատում է յուր դատափեսա ծնողը թափել հայրատանջ զավակների ձեռքից»¹:

Առավել մեծ հետաքրքրություն է ներկայացնում Մսերյանի գրչին պատկանող այս վերջին փաստաթուղթը, որը պուլեմիկական բնույթ է կրում, և որի մի փոքր հատվածը տպագրվել է «Ճոռաբաղ»-ի էջերում²:

Այս հոգվածից երևում է, որ ռեակցիոն լադերի գործիչները մի որոշ ժամանակ հույս են ունեցել, թե Նազարյանը կփոխի իր բռնած դիրքը և «դարձի» կգա. Մսերյանը Նազարյանին նույնիսկ խորհուրդ էր տալիս օրինակ վերցնել Մխիթարյանների և Այվազովսկու հրատարակություններից: Ուշագրավ են այն տողերը, որոնք նվիրված են «Հյուսիսսփայլ»-ի և Մ. Նալբանդյանի քննադատությանը: Վերոհիշյալ հոգվածը շնայած պատկանում է Մսեր Մսերյանի գրչին, բայց ստորագրված է Զարմայր Մսերյանի կողմից: Հավանաբար, հաշվի առնելով գրական էտիկան, հայր Մսերյանն անպատշաճ է համարել ստորագրել մի հոգված, որը պետք է պաշտպաներ իրեն Նալբանդյանի սուր գրչից:

¹ Նույն տեղը, թղթ. 192, վավ. 123:

² «Ճոռաբաղ», 1859, № 6:

Հավելվածի բաժնում ամբողջությամբ մեջ ենք բերում «Հյուսիսսփայլ»-ի պատմության հետ մեծ առնչություն ունեցող այս հոդվածը, որը մի անգամ ևս ցույց է տալիս «Հյուսիսսփայլ»-ի հրատարակիչների համար ստեղծված ծանր պայմանները¹:


Վերոհիշյալ բաժնում ղեկավար է նաև իր նշանակությամբ խիստ արժեքավոր և դարձյալ Մսեր Մսերյանի գրչին պատկանող, անստորագիր և անթվական մի նամակի սևագրություն, որն ուղղված է կաթողիկոսին և գրված՝ հավանաբար 1860 թ. վերջերին կամ 1861 թ. սկզբին: 13 կետից բաղկացած մի նամակ է այդ, որի հեղինակը հիմնավորելով «Հյուսիսսփայլ»-ի վտանգավոր ընթացքը և խոսելով հայ եկեղեցու դիսին կախված կարծեցյալ վտանգի մասին, խընդրում է պատժել այդ ամսագրի խմբագրին և գլխավոր աշխատակցին, և «անսխառն հեռացուցանել ի քաղաքէ աստի (զայս ոք և զայն)»²:

Հետաքրքրական է այն դիտողությունը, թե Նազարյանին կարգի հրավիրելու դիտավորությունը Այվաղովսկին գիմել է և և. Լազարյանին, որն իր հերթին բազմիցս զգուշացրել է հիշյալ «մոլորամիտ ազգայացին», բայց ապարդյուն:

Մսերյանների արխիվի փաստաթղթերը վկայում են, որ Նազարյանի և Նալբանդյանի գործունեությունը լրջորեն մտահոգել է նաև Խաչատուր Լազարյանին: Վերջինս Մ. Մսերյանին ուղղված 1859 թվականի օգոստոսի 10-ի թվակիր նամակում գրում է. «Շատ ափսոս, որ աշխատասեր և գիտնական պրոֆեսոր պ. Նազարյանցը պատանեկության դաստիարակությանը բարեխիղճ կերպով օգուտ տալու փոխարեն իր գիտելիքներն ու տաղանդը գործադրում է վնասակար երկպառակությունների՝ և իր, և ուրիշների համար: Պետք է ափսոսալ և արհամարհել համբերությամբ և խոհեմորեն, որովհետև հոռին և վտանգավորը չի կարելի փոխել հատկապես մեծ հասակում և գրեթե միշտ կարծրացած ասիական համառության առկայության դեպքում:

¹ Տե՛ս Հավելված № 1:

² Նույն տեղը, № 2:



Մինայեկ Նալբանդյան

ախտ է մեր ազգայնոց մեջ»¹։ Թերթը կոչ է անում Հայաստանը դարձնել «պարծանքի տուն», «հաղթանակների ասպարեզ», որպեսզի Հայաստանը մոռանալով «արյան ճապաղիքը», հայրենասիրության շքեղ հիշատակներով կրկին ոգի առնի։

Այս ոգով են գրված և թերթում տպագրված բազմաթիվ այլ հոդվածներ։ Այսպես, Գ. Տեր-Կիրակոսյան Այգեհատցու «Հայաստանի հնությանց ախուր հիշատակ» հոդվածում ծեր կնոջ կերպարանքով պատկերված Հայաստանի ոգին հայերին քարոզում է հեռու մնալ շահասիրությունից և փառասիրությունից (որոնց հետևանքով Հայաստանն ավերվել է)։ Միաժամանակ նա հայերին հորդորում է նմանվել Արամին, Վահանին, Վարդանին և այլոց, և զնալ նրանց ճանապարհով. «Քրիստոնեական սերն ձեզ դրոշակ, հայության անունը ձեզ թող վահան լինի, ազգության հոգին ձեզ անհաղթելի զեն և ասպար, քաջալերվեցեք, կօզնե ձեզ Նազովրեցին Հիսուս»²։

Այնուհետև, քրիստոնեական հավատի դրոշի տակ Մանգինյանը կոչ է անում սիրով ու փառաքշանքով դաստիարակել ազգը, խնայել հայրենիքը, շխտաբանել նրան և սիրո միաբանությունը ծառայել ազգային առաջադիմության գործին։ Թե որքան հեռու էր Մանգինյանի թերթը իր ժամանակի գիտական մտքի բարձրությունից և որքան խոր էր ընկղմված հետադիմականների ճահճում, այդ երևում է թեկուզ հենց «Տեղեկություն Հայաստանի վրա» հոդվածից։ Հայաստանի բնության գեղեցկությունն ու բնական հարստությունները ցույց են տալիս, որ «աշխարհիս էս մասն առաջուց աստծոմենն օրհնած տեղ է էլած։ Էն մասն աշխարհի, ինչպես որ ոմանք ասում են, աստված ընտրեց դրախտը տնկելու և առաջին մարդն Ադամ նրա մեջը բնակեցնելու, որո Մասիս ասված լեռնի վրա վեր եկավ Նոյան տապանը»³։ «Մեղու Հայաստանի» թերթում տպագրված մնացած նյութերը համապատասխանում են այս ընդհանուր ոգուն։ Այդ առումով հե-

1 «Մեղու Հայաստանի», 1860, № 19, էջ 151։

2 Նույն տեղը, 1859, № 32, էջ 254։

3 Նույն տեղը, 1858, № 1, էջ 4։

տաքրքրական է և զեղարվեստական գրականության բաժինը: Արձակի բաժինն աղքատ է և զերազանցապես լրացվում է ուսու և օտար լեզուներից կատարված թարգմանություններով: Կան մի քանի թատերական գործեր, որոնք պատկանում են խմբագրի՝ Ս. Մանգինյանի գրչին և արծարծում են կենցաղա-
յին, առօրյա հարցեր («Հայոց լեզու» և այլն): Հարուստ է բանաստեղծության բաժինը. այստեղ զետեղված բանաս-
տեղծությունների մի զգալի մասում գովերգված են Հայաս-
տանը, ազգասիրության գաղափարը, «Մեղու Հայաստանի»
թերթն ու նրա կարծեցյալ արժանիքները: Կան բարոյա-խրա-
տական բնույթի բազմաթիվ բանաստեղծություններ, առակ-
ների և շփածո հանելուկներ: «Մեղու Հայաստանի»-ին աշ-
խատակցել են հիմնականում բանաստեղծ Պետրոս Մադաթ-
յանը (Սեյադ), Գ. Եվանգոլյանը, Հ. Սայազնովյանցը, Ա.
Արարատյանը, որոշ շրջանում՝ Գ. Բարխուդարյանը և այլք:

Առանձնապես բեղմնավոր էր Սեյադի գրիչը: Նա հանդես է գալիս գրեթե բոլոր համարներում և շփածո խոսքով ար-
ձագանքում «Մեղու Հայաստանի»-ի գաղափարներին:

Այսպես, 1858 թվականին ողջունելով «Մեղվի» հրատա-
րակությունը, նա գրում է.

«Շնորհիվ ուսաց, քո հայերըդ,
հաղում են ոսկով, արծաթով
Երբ վայելեն անկեղծ սերրդ,
Քեզ կպահպանեն ապահով:

Հայք բանասիրության մասին
Ուրիշ ազգերից են ավել.
Դու էլ նրանց հետ միասին
Ըսկսյա ազգին համբավել»¹:

«Մեղու Հայաստանի» թերթում տպագրված բանաստեղ-
ծություններն արտահայտում են թերթի հիմնական գաղափա-
րախոսությունը՝ ազգի միաբանության և ցարական միապե-
տությանը հավատարիմ լինելու մասին: Հայհոյելով «Հյուսի-
սափայլ»-ը նրա «ամբարիշտ» ուղղության համար, Ա. Արա-

¹ «Մեղու Հայաստանի», 1858, № 9, էջ 65:

քատյանը իր ընթերցողներին հորդորում է խաղաղությամբ համագործակցել. «խռովությամբ բան չի ծաղկիլ», — գրում է նա.

«Մեր հայրենյաց վերբերն լանր,
Նվ բժշկել զայն հոգանր,
Նախ մեր աչքի գերանն հանենր,
Ապա այլոց շյուղերն»

Մեր ծառա եմք մեծ տերության
Վատ ձայնք նմա դուր չըգան»¹, և այլն:

Թերթի էջերում լայնորեն արտացոլվել է կղերա-ֆեոդալական հոսանքի ներկայացուցիչների վարած բռնավեճը Նազարյանի և Նալբանդյանի դեմ:

Մանդինյան քահանան իր թերթի հրատարակության առաջին իսկ տարվանից հետևողականորեն քննության է ենթարկում «Հյուսիսսփայլ»-ում տպագրված գրեթե բոլոր հոդվածները, տպագրում է սլոլեմիկական բաղմաթիվ հոդվածներ, բանաստեղծություններ ու այլաբանական պատկերներ՝ ուղղված Նազարյանի և Նալբանդյանի դեմ: Հիշենք հոդվածներից մի քանիսը.

Ս. Մանդինյանի «Մի քանի խոսք գերապատվելի Ստեփանոս Տեր Սալայան Նազարյանցի գրած մատյանների վերա», Վ. Արամյանի (Մ. Մսերյան) երեք նամակները «Հյուսիսսփայլ»-ի առաջին համարներում տպագրված նյութերի և հատկապես Նազարյանի հոդվածների մասին, Ղ. Մարգարյանի «Պարոն Ստ. Նազարյանցը և նորա գրավոր վաստակը», Մ. Իսահակյանի «Պատասխանի կրիտիկային Շահբեգի, որ տպված է «Հյուսիսսփայլ»-ի 5-րդ ամսատետրակումը» հոդվածը: 1859 թվականին տպագրվում է «Հյուսիսսփայլ» օրագրին 11-րդ համարին մեջ տպված պ. Նալբանդյանցի նամակին վրա գիտողությունք» վերնագրով Պալասանյանի հոդվածը, 1860-ին՝ նույն հեղինակի՝ «Պարոն Նազարյանցի աշխարհաբար լեզվի վրա» հոդվածը, Չերքեզյանի նամակը խմբագրին՝ ուղղված Նազարյանի դեմ, Սկայորդու թղթակցությունները

¹ «Մեղու Հայաստանի». 1859, № 1, էջ 2:

Մոսկվայից և ի վերջո՝ Հ. Չերքեզյանի մեծածավալ ուսումնասիրությունը՝ «Նաղարչանց և նորա նշանակությունը հայոց գրականության մեջ» վերնագրով:

Պոլեմիկական բնույթի այս հոդվածներում Նաղարչանը քննադատվում է հայոց լեզուն Նոյի լեզու չհամարելու, հայոց պատմության ժամանակի հրատարակությունները թերագնահատելու, Ավգերյանին և Խնճիճյանին «մաշած ու կարկատած գիտնականներ» անվանելու համար և այլն:

Նաղարչանը մեղադրվում է հին գրականությունը «ըստ կրիտիկայի ներկա ժամանակին» գնահատելու մեջ, անվանվում է լյութերական, խաբերա, արծաթասեր, այլազգի...: Նրա «շարափայլ օրագիրը» քննադատվում է իր «տգեղ, անհամ, անալի» լեզվի և այն բանի համար, որ դարձել է վրեժ-խնդրության գործիք: «Հյուսիսափայլ»-ը «Մեղու Հայաստանի» թերթի կողմից որակվում է որպես «տաղտկացուցիչ մտաց, վշտացուցիչ սրտի, խոսք վատաբանության ազգի և ամբար ինքնահախանության»¹: Այս առումով հետաքրքրական է նշել, որ մեղվականները իրենց թերթը համարում էին ժամանակի առաջնակարգ օրգանը, որը «ոչ միայն բավականացնում է ժամանակիս մտավոր պահանջմունքներին, այլև հանդիսանում է հզոր և արդար ախոյան լուսավոր ձևացած ազատության և անբարոյական գրվածների»²:

Նաղարչանի դեմ գրված հոդվածներից բացի, Մանգինյանի թերթը հաճախ այս կամ այն առիթով կատաղի ելույթ էր ունենում և Նալբանդյանի դեմ: Այսպես, դեռևս 1858 թվականին Մանգինյանի բարեկամ Մսերյանը «Մեղվին» ուղարկած իր թղթակցության մեջ հայտարարում է, որ Նաղարչանից բացի «Հյուսիսափայլ»-ում վտանգավոր հոդվածներ է սպասվում «անզգաստ և անհեռատես մի երիտասարդ» և, սպասվում էր որոշակի ձևով արտահայտում է «Մեղվին» թղթակցականության դեմ: Այդ միտքն արտահայտում է «Մեղվին» թղթակցության մեջ: Վերջինս Նալբանդյանին անվանում է Նաղարչանի «խոռովարար և շարաբար օգնա-

¹ «Մեղու Հայաստանի», 1858, № 16, էջ 126:

² Նույն ազգը, 1860, № 13, էջ 98:

կանը», որի «նենգավոր խորհուրդներով» խմբագիրը «խոսովասեր» հոգվածներ է տպագրում «Հյուսիսափայլ»-ում:

1858 թվականին տպագրելով Այվազովսկու հայտարարությունը Թևոդոսիայում Հայկազյան ուսումնարան հիմնադրելու մասին, Մանդինյանը հրատարակական նամակով ողջունի խոսք է ուղղում նրան: Նա Այվազովսկուն համեմատում է հայ հին թարգմանիչների հետ, որոնք արևմուտք դնալով ուսում էին ստանում, ապա՝ վերադառնում՝ լուսավորելու իրենց հայրենիքը: Նկատի ունենալով «Հյուսիսափայլ»-ի անբարյացակամությունն Այվազովսկու հանդեպ, Մանդինյանը բացականչում է. «Բանի տեղ մի՛ դնեք, թե հայոց արեղայից անուսումն են անվանում, մեծատուններին և հարուստներին՝ ազահ ու ժլատ, և ազգին՝ մանուկ. թո՛ղ բաց անեն այն խոսողները եթե ոչ մտքի՛ դոնե մարմնո աչքերը և տեսնեն, թե մեկ արեղա նման յուր նախնի հարց ուսումնարան է բաց անում ՚ի Թևոդոսիա և հոգևոր դպրոց ՚ի Նախիջևան և հայ մեծատունն տեսնելով Ձեր ազգային եռանդն, այժմեն իսկ քնծայել է մեծ դումար, և յապայն ունի ապահովացուցանել ուսումնարանի վիճակը: Մարգարեական է ասածը՝ «օր ատուր բղխէ զբան, և գիշեր գիշերի ցուցանէ զգիտութիւն»¹:

Մեղ թվում է, որ Մանդինյանի այս նամակն է առիթ ծառայել Նալբանդյանին շարադրելու «Հիշատակարան»-ի է գլխի կոմս էմմանուելին՝ հասցեագրած նամակը, որտեղ պատմվում է հաստատվոր բժիշկ Լինդմանի հետ ունեցած հանդիպման մասին: Այդ հանդիպման ժամանակ բժիշկը խոսում է մի անգլիական «երկրաչափի» մասին, որը փոխադրվել է Հնդկաստան, ինչպես և այն մասին, որ ինքը արքունի ծախքով ուղարկվել է քննելու Տաճկաստանի Բրուտա քաղաքի հանքային ջրերը, սակայն իր փորձերն անհետևանք են անցել:

Ելնելով Լինդման անունից, որը Մանդին(յան) ազգանվան անոգրամն է, պետք է ենթադրել, թե «Հիշատակարան»-ի այդ հատվածն ուղղվել է Մանդինյանի և նրա համախոհների դեմ: Նշելով, թե Լինդմանը օրվա քննաքննում 12 շիշ դարեջուր էր խմում, Նալբանդյանը հավանաբար ակնարկում է

¹ «Մեղու Հայաստանի», 1858, № 39, էջ 308:

Այվազովսկու գովքը պարունակող Մանդինյանի վերոհիշյալ հոդվածը, որը տպագրվել էր հուլիսի 12-ի համարում: Բրուսայի հանգային ջրերի քննարկման հիշատակումը, մեր կարծիքով, վերաբերում է «Հյուսիսափայլ»-ի համարների քննարկմանը Մանդինյանի ամսագրում: Իր հոդվածներից մեկում քաղվածաբար մեջ բերելով Նաղարյանի օրագրի «անարգական խոսքերի ժողովածուն», «Մանդինյանը գրում է. «Ահա կրիտիկայն թողնելով այլոց անձանց, միայն նորա թթու, կծու, անարգական և նախատական բառերն այստեղ գրում եմ, հանելով միևնույնությամբ նորա օրագրեն երեսահամարով, որ մեր ազգն իմանա, թե նախատինքն փողով առել է նրանից և այժմ էլ առնում է»¹:

Ի վերջո, Նալբանդյանն ամփոփում է. «Նա մտածում է գարնան բացվելովը Ռուսիա մտանել, կամի տեսանել և էջմիածինը, և խնդրեց ինձանից, որ ես ուղեկից լինիմ նորան այս ճանապարհորդության մեջ: Տեսանեմ, ինչպես հարմար կգա գործս, գուցե զնամ ևս, մեր Հայաստանի մոխրացած ավերակներին մի համբուլք տայու»²:

Հավանաբար Նալբանդյանն ակնարկում է Այվազովսկու Ռուսաստանում կատարած ճանապարհորդությունը և ծաղրում այն աղմուկը, որ ստեղծվել էր այդ ճանապարհորդության կապակցությամբ:

1858 թվականին «Սովրեմեննիկ» ամսագրի «Ժամանակակից տեսություն» բաժնում տպագրվում է Կ. Նվյանի հոդվածը՝ նվիրված հայոց լեզվի, գրականության և պատմության ուսումնասիրությանը եվրոպայում: Այդ հոդվածում հեղինակը շանդրազառնալով Այվազովսկու քաղաքական դիտավորությանը, 1857 թվականին նրա կատարած ճանապարհորդությունը Ռուսաստանում բացատրում է բացառապես դիտական նպատակներով: Նա առանձնապես կանգ է առնում այն մեծ սպասելիքների վրա, որ Այվազովսկու ճանապարհորդության հետ կապում էր ողջ գիտական աշխարհն ու մասնավորապես ֆրանսիական արևելյան ընկերությունը: Նվյանը

¹ «Մեղու. Հայաստանի», 1858, № 16, էջ 129:

² «Հյուսիսափայլ», 1858, № 10, էջ 336 - 337:

նշում է, որ այդ ընկերությունը Այվաղովսկուն հանձնարարել է իր ճանապարհորդություն ընթացքում դարերի փոշիների տակից հանել մի շարք ձեռագրեր, ուսումնասիրել էջմիածնի շրջակայքի հնավայրերը և հավաքել արժեքավոր արձանագրություններ ու հնագիտական տեղեկություններ, որոնք կորած համարվող որոշ ձեռագրեր, Հայաստանի օրենքների գիրքը և այլն, և այլն¹:

Նազարյանի և Նալբանդյանի դեմ Մանդինյանն իր թերթում զետեղում է ոչ միայն լրագրային հոդվածներ, այլև պատկվիլային բանաստեղծություններ: «Մեղու Հայաստանի»-ի 1860 թ. 51-րդ համարում տպագրվում է Ղ. Պողոսյանի «Տեսիլ» պատկերը՝ ողղված Նազարյանի դեմ: Գրական շնորհքից զուրկ հեղինակը փորձել է ծաղրել Նազարյանին՝ նրա խսկ ոճով²: Գեների իշխան Բեհեղզերուզը իր զլխավոր գործակից Սադայելին կարգադրում է գնալ այն աշխարհը և վարդապետ ձեռնալուծ այնտեղի ինքնահավաններին շրջել դեպի իրենց կողմը: Ակնարկելով Նազարյանի ոճը, նա խորհուրդ է տալիս քարոզն սկսել այսպես. «Ո՞վ հիմար և տգետ ադամորդիք, ո՞վ անբարոյական և ֆանատիկոս մարդիկ, եթե կամենում եք լույս տեսնել, թողեք ձեր հնացած և մաշված կարծիքները, թողեք ձեր փտած մտքերը, և գուք ևս նորոգություն ստացեք, վերանորոգվեցեք ոտքից մինչև գլուխ»³:

1860 թվականի 4-րդ համարում տպագրվում է Պետրոս Մադաթյանի (Սեյադ) «Տեսիլ» պատկվիլային բանաստեղծությունը: Բանաստեղծը Նազարյանի գիտական-գոկտորական աստիճանը ծաղրելով, նրան համարում է անսիրտ, ազգայնաց և շար գործերի ընդունակ մի մարդ, որն իրրև գիտնա-

1 «Современник», 1858, № 4.

2 Որ Մանդինյան քահանան և նրա աշխատակիցներն ապաշնորհ էին պոլեմիկայում, այդ երևում է և մի փոքրիկ փաստից: Երբ նրա թերթի բաժանորդներից մեկը բողոքում է, որ թերթն իրեն չի արգարացնում, կամ ինչպես նա է գրում՝ «Մեղուն զեռես իր շրթունքները չի մեղրոտել», խմբագիրը նրան հրապարակորեն հայհոյում է ամենակոպիտ արտահայտություններով (տե՛ս «Մեղու Հայաստանի», 1858, № 12, էջ 96):

3 «Մեղու Հայաստանի», 1860, № 51, էջ 408:

կան լինելու նշան՝ դժողքից նվեր է ստացել մեկ ավանակի գլուխ: Այդ նոր գլուխն ստացող յուրաքանչյուր ոք կարող էր ըստ Սեյադի, աներկյուղ կերպով մարդիկ վատարանել, «հաշել, քրփրել և այսպանել» (հայհոյել և ծաղրել):

Ենթադրում ենք, որ այդ ժամանակ «Մեղլի» խմբագրին հայտնի էր Նալբանդյանի «Սատանայի պաշտոնական մեծ հանդեսը» պամֆլետի բովանդակությունը և աղբյուրը: Մ. Նալբանդյանն իր այդ ստեղծագործության մեջ կերտել է հայ ռեակցիոն գործիչների երգիծական կերպարները: Ինչպես արդեն հայտնի է, այդ երկի սյուժեն վերցված է Սենկովսկու (Բարոն Բրամբեուս), «Большой выход у сатаны» ֆելիետոնից: Չնայած Նալբանդյանի պամֆլետն առաջին անգամ տպագրվել է 1881 թվականին, բայց ժամանակին, անկասկած, կատարել է իր դերը որպես հայ անցնողուր մամուլի առաջին արտահայտություններից մեկը: «Տեսիլ» բանաստեղծության միջոցով հայհոյելով հակառակորդին, Մանդինյան քահանան տողատակի ծանոթության մեջ անուղղակիորեն հայտնում է Նալբանդյանի պամֆլետի սյուժեի իր իրազեկության մասին: Այսպես, խոսելով պրոֆեսորության աստիճանի մասին, նա գրում է.

«Այս դիտնական բառը պրոփեսոր է նշանակում և հուսամ զի բարեմիտ ընթերցողք զիս արժանի ներողության կը համարեն, վասն զի որպես արքայությունն, նույնպես և դժողքն ունին զզանազան գիտնականս, որպես վկայե և քաղցրարան Բարոն Բրամբեուսն»¹:

Ի պատասխան «Մեղու Հայաստանի» թերթի հրույթին, «Հյուսիսափայլ»-ի 1861 թվականի 9-րդ համարում տպագրվում է Ա. Ա. Ե. ստորագրությունը կրող մի նամակ, որը վերագրվում է Միքայել Նալբանդյանին², ժամանակին այդ նամակն անվերապահորեն համարելով Նալբանդյանի գրչի արգասիքը, մենք փորձել ենք վերծանել նրա մեջ զետեղված ֆելիետոնը³:

¹ «Մեղու Հայաստանի», 1860, № 4, էջ 28:

² Մ. Նալբանդյան, ԾԼԺ, հ. 2, 359—363:

³ ՀՄՍՌ ԳԱ «Տեղեկագիր», 1956, № 4:

Նամակի խորագինն ուսումնասիրությունը, սակայն, հետադառնում մեզ բերեց այն եղբակացության, որ այն չէր կարող պատկանել Մ. Նալբանդյանի գրչին: Նամակը հավանաբար գրվել է Նալբանդյանին և «Հյուսիսափայլ»-ին մոտ կանգնած առաջավոր գործիչներից մեկի կողմից, որը Նալբանդյանի բացակայության շրջանում հակառակորդներին հարվածելու անհրաժեշտությունից դրդված իրեն իրավունք է վերապահել ազատ կերպով օգտվելու ոչ միայն մեծ հրատարակատեսի պոլեմիկական միջոցներից, այլև արտագրել է նրա ֆելիետոններից մեկի մի հատվածը¹: Ա. Ա. Ն.-ն իր նամակում համարձակորեն քննադատում է Մանգինյան—մանկավարժի հետադիմական գործունեությունը և ապանդրագառնալով Մանգինյան—խմբագրին՝ ծաղրում է նրա թերթը և մասնավորապես «Տեսիլ» բանաստեղծությունը:

Ամբողջությամբ մեջ բերելով այդ նամակում դետեկված ֆելիետոնը, մենք ցանկանում ենք ցույց տալ ոչ միայն հեղինակի բանավեճ վարելու կարողությունները, այլև եզոպոսյան լեզվին տիրապետելու նրա վարպետության աստիճանը և անողորմությունը ուսուցիչին լազերի գրչակների նկատմամբ:

«Անցյալ 1860 թվականի հունվար ամսո 23-ին² պատահելով Սատանի հայ Շումեհ³ գյուղի մեջ, տեսա մի զարմանալի անասնանոց, թեպետ վաղուց տեսած էի, բայց այդ ամենից զարմանալի էր, որի մուտը արժեր վեց կոպեկ⁴. շուտով հատուցի և մտա. բայց ինչպես զարմացա վերահասու լինելով, մի քանի բոպեից հետո դուրս երևեցավ մի լայն վարտիքով հագնված մարդ. Փանտեսսոն Մատաթինիոն⁵ անունով, մորուքը շիպանելով կանգնեց հանդիսավորների առաջը. ապա դանչեց բիրտ ձայնով. «Որսկան⁶ դուրս արի

¹ Այս հարցին մենք կանդրագառնանք առանձին հոդվածով:

² «Տեսիլ» բանաստեղծությունը տպագրված է «Մեղու. Հայաստանի» թերթի 1860 թ. հունվարի 23-ի 4-րդ համարում:

³ Անոգրամ՝ «Մեղու. Հայաստանի»:

⁴ «Մեղու. Հայաստանի» թերթի մեկ տարվա բաժանորդագրին էր

⁶ ուրլի:

⁵ Անոգրամ՝ Մտեփաննոս Մանգինյան:

⁶ «Տեսիլ» բանաստեղծության հեղինակի անվան բառախաղը (ուսուցաղ — պարսկերեն լեզվով նշանակում է որսորդ):

շուտ և պատմիր այս հանդիսավորներին քո որսածները».
Իսկույն դուրս եկավ մի հաստափոր արջի կերպարանքով կեն-
դանի, կանգնեց տիրոջ առաջ, հետի երկու թաթերի վերա. Ես
որոշ նկատեցի, որ այդ կենդանին հավատարիմ ծառա պիտի
լիներ, որովհետև կարմիր վզնոց էր ստացել յուրյան տիրո-
ջից. այդտեղ հանդիսավորներից ոմանք Արարատյան ավե-
րակների բորենի ասացին, և ոմանք Շամախու նահանգի Ղա-
բալիու անտառի արջ ասացին¹. մի փոքր դժվար նկատելի
էր, որովհետև այդ անասնանոցի մեջ կախված կանթեղները
խավար լուսավորության մեջ էին, միայն զարմանալին այն
էր, որ զլուսը ներկել էին. այդտեղ ինձ հավատացրին, որ այդ
կենդանին շորս լեզվի երգիչ է. մի փոքր ժամանակից հետո
անհարմար բերանը բացեց ու երգել կամեցավ. մի քանի
վայր ի վեր, զալբ զուլբ խոսեց, այդտեղ մի քանի խոշորա-
միտ մարդերից ծիծաղ ծափահարություն. առաջացավ. այս-
պիսի հիմարությունները տեսնելով, բանիմաց հանդիսավոր-
ները ծաղրածու ժպիտով հեռացան այդ հիմարանոցից»²:

Միանգամայն պարզ է, որ շնայած ֆելիետոնը գրված էր
եզոպոսյան լեզվով, ժամանակին այն հասել է իր նպատա-
կին՝ աննախանձելի վիճակի մեջ գցելով «Մեղու Հայաստա-
նի» թերթի խմբագրին և Սեյադին իր կոմպանիայով:

Այդ ֆելիետոնի տպագրությունից երկու ամիս անց, «Հյու-
սիսափայլ»-ի 1861 թ. 11-րդ համարում տպագրվում է նույն
հարցին նվիրված վահունու «Ազդ» բանաստեղծությունը:

Առանց Սեյադի անվան հիշատակության, վահունին աշու-
ղական շարիով գրված իր բանաստեղծության մեջ ակնարկ-
ներով խոսում է «լանազան խոստմունք, անարդ պարգևներ»
ստացած մի անարժան գործչի մասին, որն առանց նվիրա-
կան սկզբունքների, միայն իր քաղցած փորն է կշտացնում:
Վերջում միայն վահունին բացահայտելով իր հերոսի ինք-
նությունը, ավելացնում է.

«Առանց խորհրդի, խոսելն է անխել,
Թուղթ անմտությամբ թանքով ներկել».

¹ Պ. Մաղաթյանը շամախեցի էր և երբեմն իր բանաստեղծու-
թյունները ստորագրում էր՝ «Սեյադ Շամախեցի»:

² «Հյուսիսափայլ», 1861, № 9, էջ 225:

Այս բանաստեղծությունը թերևս արվեստի տեսակետից թույլ է և անկատար, բայց Վահունին Նալբանդյանի պոլեմիկական մեթոդներից օգտվելով, իր ժամանակի գրական-քաղաքական պայքարում անկասկած ղգալի դեր է կատարել՝ ուժեղացնելով «Հյուսիսափայլ»-ի ճակատը:

«Հյուսիսափայլ»-ի գործիչները, սկսած 1860 թվականից, ստիպված էին պայքարել նաև ուժեղ մի հակառակորդի՝ Գարրիել վարդապետ Այվազովսկու դեմ, որը 1857 թվականին ցարական կառավարության կողմից նշանակվել էր Բեսարաբիայի և Նախիջևանի թեմակալ առաջնորդ: Նա միաժամանակ ղեկավարում էր Թեոդոսիայում բացված հալիբյան դպրոցը և խմբագրում էր «Մասյաց աղավնի» ամսագիրը: Այվազովսկին վայելում էր ցարական կառավարության հովանավորությունն ու վստահությունը այն աստիճան, որ նրան թողնված էր իր իսկ խմբագրած ամսագրի գրաքննությունը:

Գ. Այվազովսկին, ինչպես և Մսերյանները, ելնում էր ֆեոդալական հարաբերությունների պաշտպանության դիրքերից, ընդդեմ բուրժուական բարեփոխումների: Այվազովսկին, մյուս կողմից, անվերապահորեն պաշտպանելով ցարական ինքնակալությանը, հավատարիմ հպատակության կոչ էր անում հայ ժողովրդին: Ըստ նրա, աղգությունը միայն բարեպաշտության և կրոնասիրության ճանապարհով է, որ կգնա դեպի կուլտուրական վերածնություն և աստժո «հզոր հովանավորությունը» միշտ աջակից կլինի նրան:

Հայ լրագրության պատմիկական մեջ Այվազովսկին կատարում էր այն դերը, ինչ ռուսական ժուռնալիստիկայի ասպարեզում՝ ցարական կառավարության լրտես և ռեակցիոն մամուլի պարագլուխ Ֆ. Բուլգարինը:

Բուլգարինյան փութաջանությանը նա ռեվերանսներ էր անում ցարական կառավարությանը, լուսանքներ թափում լիբերալ ու դեմոկրատական ուղղությունների վրա: Իր շուրջը համախմբելով հայ ռեակցիոն օրգաններ «Ճոռաքաղ»-ը

1 «Հյուսիսափայլ», 1861, № 11, էջ 410:

հիշատակների պահպանումն ու փառարանումը պետք է լինեն: Հայերի վերածնություն միտքը նա ուղղակիորեն պայմանավորում է այդ հիշատակների պահպանման հետ. «Մեկ ժողովուրդ մը, որ դեռ յուր հին պարծանքները կսիրե, — գրում է նա, — մեկ ժողովուրդ մը, որ հարգանք ու փափաքանք կպահե, կպահպանե յուր նախնայաց հիշատակները, ոչ, այն ժողովուրդը հուսահատիլ չկրնար»¹: Արդեն ամսագրի ճակատը պսակող նկարն իսկ սիմվոլացնում էր Այվաղովսկու համակրանքները — արքայազնի և խուզվույցան ջրհեղեղի ջրերի քաշվելուց հետո արևմուտքից ելած քաղաքակրթության արևի ճառագայթները վառում և իրենց ծիածանի տեսքով ավելի են քաղցրացնում հայկական երկրի քաղցր հիշատակները: Ամսագիրը հրատարակվում էր 5 բաժնից, որոնք ընդգրկում էին հետևյալ հարցերը.

1. Կենցաղօգուտ բանք, պատմական, բանասիրական և ուսումնական հոդվածներ:

2. Տեսարանք եվրոպա — և վրոպական երկրների գիտություն, արվեստի, վիճակագրության հարցերը:

3. Հանդիսարան աշխարհաշեն մարդկանց — խոշոր գործիչների կենսագրությունները:

4. Հայկազյան թանգարան բաժինը պատկերում էր հայերի հին ու նոր վիճակը:

5. Փարիզյան ամսագիր վերջին բաժինը հրատարակում էր վերջին ամսում կատարված անցքերն ու իրադարձությունները:

Ինչպես նշվում է հայտարարության մեջ, ամսագրի լեզուն հիմնականում մնում է ժողովրդին հասկանալի արևմտահայերենը: Խմբագրի նպատակն էր, սակայն, աշխարհաբարն ազնվացնել և հետզհետե մոտեցնելով գրաբարին, հետագայում միացնել նրա հետ:

1860 թվականին ամսագիրը Ռուսաստան փոխադրելուց հետո ևս Այվաղովսկին իր արևմտահայ բաժանորդներին հասկանալի մնալու համար շարունակում է գրել արևմտահայերենով: Նա շարունակում է փայփայել այն հույսը, թե

¹ «Մասյաց աղավնի», 1855, № 1, էջ 2:

կարելի կլինի և՛ արեմտահայ, և՛ արեւելահայ շեղունքը կոկելով հասցնել զբարարին:

Չնայած հայտարարութեան մեջ առանձին բաժին էր նախատեսվում հայերի հին ու նոր վիճակի ուսումնասիրութեանը, ամսագիրն իրականում շատ հեռու է մնում հայկական կյանքի պատկերումից: Ի՞նչ խնդիրներ էին հուզում Այվազովսկու օրգանին, որը հրապարակ էր իջել հայերին լուսավորելու նպատակով: «Մասյաց աղաւնի» էջերում մեծ շափով լուսարանվում են եկեղեցու պատմութեան հարցերը, դավանաբանական խնդիրներ և այլն: Մեծ տեղ էր հատկացվում զանազան թագավորների «վարքագրութուններին»։ Ընդարձակ էջեր էին նվիրվում ուրա թագավորների բազմաթիվ հրովարտականերին, նրանց առօրյա կյանքին, թագադրման, օծման և պալատական զանազան հանդեսների նկարագրութուններին: Կենդանի հայ իրականութունը շատ փոքր արձագանք էր գտնում Այվազովսկու ամսագրում: Ինչ վերաբերում է հայերի «հին ու նոր վիճակի» պատկերմանը, ապա այդ բաժինը լրացվում է մի շարք թուրքիկ ակնարկներով, նվիրված հայերի վիճակին՝ Պարսկաստանում, Հնդկաստանում, Ռուսաստանում, Լեհաստանում, Մոլդավիայում: Ինչպես «Մեղու Հայաստանի»-ն, «Մասյաց աղաւնի»-ն ևս բոլորովին պատահական և մակերեսային հոգւածներով է անդրադառնում բնական գիտութունների զարգացման, կամ կանանց դաստիարակութեան հարցերին:

«Մասյաց աղաւնի» էջերում համեմատաբար մեծ տեղ է հատկացվում գեղարվեստական գրականութեանը և առանձնապես թարգմանական պոեզիային. տպագրվում էին թարգմանութուններ Լամարթինից, Լաֆոնտենից, Կրիլովից, Գերժավինից և այլ բանաստեղծներից, Խ. Գալֆայանի, Պեշիկ-թաշլյանի բանաստեղծութունները, Սայաթ-Նովայի երգերը և այլն:

1860 թվականից հետո ևս, երբ ամսագիրը փոխադրվում է Ռուսաստան, նրա բովանդակութեան մեջ բեկոր է չի նկատվում. հոգւածներ են տպագրվում Հոռմի պապերի, Նապոլեոն Իշխանի, ասորաց երկրի և Պաղեստինի, Չամչյանի թղթի,

չերքեզների և չերքեզահայերի, Գրիգոր Լուսավորչի, հոփ-սիմյան կույսերի և նման նյութերի մասին:

«Մասյաց աղավնու» էջերում գրվատվում է Խալիբյան դպրոցը, որի տեսչութունը հանձնված էր Գ. Այվազովսկուն: Հոգիվածներ են տպագրվում նվիրված այդ դպրոցի հիմնադրման տարեդարձի տոնակատարությունը, աշակերտների պարգևաբաշխության հանդեսներին, ներկայացումներին և այլն: Անվերասուհ մեծարանքի խոսքեր են շուսվում Հարություն աղա Խալիբյանին, որպես ազգային «մեծ բարերարի»: Այվազովսկին տպագրելով Խալիբյանի կենսագրությունը, ազգայիններին կոչ է անում փառքի արձան կանգնեցնել նրա համար.

«Վազեցեք,— գրում է նա,— մի՛ հապաղեք. ապա թե ոչ, կգան այլազգիք, կկանգնեն նմա այդ արձանը և դուք կմնաք անարգյալք, ապերախտք»¹:

Բացի իր ամսագրից, Այվազովսկին բազմաթիվ այլ ձևերով կատաղի կերպով պայքարում էր հայ առաջադիմական մտքի ամենափոքր իսկ արտահայտության դեմ: Հասկանալի է, որ «Հյուսիսսփայլ»-ի հրատարակությունը նա ընդունեց թշնամաբար: Երբ 1858 թ. Նազարյանը նրան է ուղարկում «Հյուսիսսփայլ»-ի առաջին համարները, Այվազովսկին նրան խորհուրդ է տալիս թողնել իր համարձակախոսությունը, և միաժամանակ դանոս է ուղարկում ներքին գործոց մինիստր Լանսկոյին՝ վերջինիս ուշադրությունը հրավիրելով «Հյուսիսսփայլ»-ի վրա:

Այվազովսկին «Հյուսիսսփայլ»-ի ծնունդը համարում է ազգային պատիժ և մի հրեշավոր երևույթ, որի արդյունքն է խռովություն, պղտորություն, մոլորություններ տարածել ընդդեմ ազգային լեզվի, դավանության, պատմության, «ճշմարտության անունով՝ ստուրյուն ծավալել, հյուսիսային լույսը սեղծել՝ Լուսերական կրոնի վարդապետությունները տարածել մեր խեղճ ազգին վրա»²:

«Մասյաց աղավնու» էջերում «քննարկվում» են Ստ. Նա-

¹ «Մասյաց աղավնի», 1864, № 6, էջ 184:

² Նույն տեղը, 1860, № 12, էջ 193:

զարյանի հողվածները: Այսպես, 1860 թվականին տպագրվում են «Զննությունք հրատարակյալ գրվածոց Ստեփանոսի Նազարյանց» և «Հերքումն կարծյաց այնոցիկ, որ քարոզում են, թե պետք է վերանորոգություն (րեֆորմ) առնել Հայաստանյայց եկեղեցումը» հողվածները: Այդ նույն թվականին «Մեղու Հայաստանի»-ից արտատպվում են Սկայորդու հողվածը Նազարյանի դեմ և Հախ-Վերդի Հախ-Նազարյանց ստորագրությունը կրող մի բանաստեղծություն՝ ուղղված Նազարյանի դեմ, ընդ որում, Այվազովսկին հայտարարում է, թե սկսած «Հյուսիսափայլ»-ի առաջին համարից ինքը պետք է քննության առնի «Հյուսիսափայլ»-ի բոլոր տետրակները:

Այնուհետև, 1861 թվականին Այվազովսկին «Մեղու Հայաստանի» թերթից արտատպում է Պալասանյանի հողվածը Նալբանդյանի դեմ՝ կցելով դրան իր առաջաբանը:

1861 թվականին Այվազովսկին տպագրում է նաև Հ. Չերքեզյանի նամակը՝ ուղղված Ստ. Նազարյանին: Խմբագրին ուղղված իր երկտողում Չերքեզյանը շարադրում է իր հողվածի նպատակը, որը հանգում էր հետևյալին. «Ամենայն հնարք պետք է գործ դնենք, որ ազգային դավաճանությունը չհամարվի ազգային բարերարություն, Նազարա-Նալբանդա-Սադայական խավարը չպատե բոլորովին մեր սլատվական ազգը լուսավորության սուտ անունով. վասակները չհափշտակեն՝ Վարդանների տեղը»¹: Այնուհետև հայհոյանքով լի իր նամակում Չերքեզյանը Նազարյանին դատապարտում է Նալբանդյանի հետ համագործակցելու, «Հյուսիսափայլ» օրագրի մեջ հայ հոգևորականներին և Ներսես կաթողիկոսին պարսավելու, լյութերականություն տարածելու, հայերենի մեջ անգրագետ լինելու համար, և այլն: Հատկապես կանգ առնելով Նազարյանի լեզվաշինական ծրագրի վրա, այն անվանում է Նազարյանի լեզվաշինական ծրագրի վրա, այն անվանում է Նազարյանի կատակերգություն, որի գործող անձինք չեն հասկանում իրար: «Նույն խուժադուժ նորաշեն բարբառով, Նալբանդյանցը, ազգային կատակերգության երկրորդ խաղարկուն, երբ մեք ապացուցել էինք թո գրվածների անբարոյականությունը, խոսել էր բանդագուշանք»², — ավելաց-

¹ «Մասյաց ազգինի», 1861, № 4, էջ 41:

² Նույն տեղը, № 9, էջ 101:

նում է նա թունով: Չերքեղյանը «Հյուսիսափայլ»-ի մասին գրում է. «Լավ է շտեմանել արեգական լույսը, քան թե չհասկանալ «Հյուսիսափայլարի» վնասարեքը և ազդակործան նպատակը»¹: Այնուհետև, տարբեր ժամանակներում, տարբեր առիթներով «Մասյաց աղավնի»-ն շարունակում է ուղղակի կերպով, կամ հավատարիմ թղթակիցների ձեռքով հարվածել և՛ Նաղարջանին, և՛ Նալբանդյանին: Այվազովսկին «Հյուսիսափայլ»-ի դեմ վարած իր պայքարում ակնհայտորեն առավել վտանգավոր հակառակորդ էր համարում Միքայել Նալբանդյանին, որի դեմ պայքարում էր և՛ լրագրային հոդվածների, և՛ դանոսների միջոցով:

Հատկապես այն բանից հետո, երբ 1858 թ. «Հյուսիսափայլ»-ում տպագրվում է Մ. Նալբանդյանի հոդվածը Նոր Նախիջևանի եկեղեցական դումարների մասին, բանավեճը բորբոքվում է «Հյուսիսափայլ»-ի դեմ:

Այվազովսկուն քաջ հայանի էր, որ Նալբանդյանի ձեռնարկած պայքարը դուրս էր գալիս Ս. Նաղարջանի լուսավորական քարոզների նեղ շրջանակներից: Նալբանդյանն իր վերոհիշյալ հոդվածում մերկացնում էր Նոր Նախիջևանի քաղաքագլուխ Հարություն աղա Նալիրջանի հակաժողովրդական գործունեությունը: Երկար տարիներ հանդիսանալով Նախիջևանի եկեղեցական դումարների լիազորը և օգտվելով ներսես կաթողիկոսի հովանավորությունից, նա յուրացրել էր չքավոր ժողովրդի վերջին կողեկներից հավաքված եկեղեցական դումարները, առանց որևէ հաշիվ ներկայացնելու ժողովրդին: Իր յուրացրած դումարներից նա կառուցել էր Թեոդոսիայի Նալիրջան դպրոցը և ձեռք բերել մեծ ազդասերի համբավ²:

Հակադրվելով իր ժամանակի հայ հետադիմական մամուլի «ազգասիրական» քաղցր-մեղցր կրշերին, Նալբանդյանը

1 «Մասյաց աղավնի», 1861, № 10, էջ 116:

2 «Մեզու Հայաստանի»-ն երկու անգամ անդրադառնում է այս փաստի փառաբանմանը, ուստի Նալբանդյանն շտապում է տալ դրա հերքումը՝ որպեսզի «ազգը մոլորություն մեջ չմնա այս մասին, այլ կարգավով և այն, և այս, մարտը խղճմտանքով և լուսավոր բանականությամբ դատաստան կատարեն»:

գրում է. ազգին նվիրված լինելը քիչ է. «իշխանություն կա՝
ձեռքումդ, հարո՞ւտ ես, ուրեմն ամենալավ, ամենապատվելի
մարդը դու ես հայերի մեջ. զարկի՛ր, խեղդի՛ր, հալածի՛ր, ինչ
կամիս արա՛, անդատապարտ ես, որովհետև հարուտ, կամ
իշխան լինելով, արդեն քո կողմը գրավել էիր Հոռվմի պապի
անմեղանշականությունը»¹:

Հրապարակորեն ելնելով ազգի «համերաշխության» քա-
րողների դեմ, Նալբանդյանը միմյանց է հակադրում տարբեր
սոցիալական շահեր ունեցող դասակարգերին՝ միևնույն ազ-
գության կազմում: Ահա թե ինչո՞ւ «Մեղու Հայաստանի»-ն և
«Մասյաց աղավնի»-ն տպագրելով Ստ. Պալասանյանի հոդ-
վածն այս հարցի կապակցությամբ, ահազանգ են տալիս
իրենց ընթերցողներին: «Ազգին մեջ մեկ-մեկու դեմ թշնամու-
թյուն սերմանելով ազգը շուտավորվիր», — գոչում են նրանք.
«այդպիսի հասարակաց բերանը ազգային լուսավորության
գործիք չլինար ըլլալ», — բնութագրում են նրանք «Հյուսիսա-
փայլ»-ը: «Ո՛չ, ո՛չ, ասոր չէին սպասեր, և իրավունք ունեին
ասոր շսպասելու «Հյուսիսափայլեն» բոլոր Ռուսաստանի հա-
յերը»², — հանդիմանում են նրանք Ստ. Նազարյանին, որից՝
անկասկած, այլ սպասելիքներ ունեին:

Մ. Նալբանդյանին վճռականորեն զատելով Նազարյանի
ուղղությունից և գրեթե հակադրելով նրան, Պալասանյանը
գրում է, թե հաչ ազգի մեջ իմաստության և գիտության լույս
տարածելու նպատակով հրապարակ իջած «Հյուսիսափայլ»-ը
«արատավորեց յուր թերթերը՝ պ. Նալբանդյանի նամակին
նման գրվածքներով»³:

Զայրացած այս նամակի հրատարակության փաստից,
Այվազովսկին ձեռք է առնում մի շարք միջոցներ, լռեցնել
տալու համար այդ վտանգավոր ամսագիրը: Նա շտապում է
կրկին դանոս ուղարկել ներքին գործերի մինիստրին, որի
ուշադրությունը հրավիրում է «Հյուսիսափայլ»-ում հրատա-
րակված հոդվածների և հատկապես Նալբանդյանի վերջին

1 «Հյուսիսափայլ», 1858, № 11, էջ 429:
2 «Մասյաց աղավնի», 1861, № 3, էջ 29:
3 Նույն տեղը, № 6, էջ 34:

Նամակի վրա: Այվազովսկին հարցը կտրուկ է դնում՝ մինիստրին առաջարկելով որքան հնարավոր է արագ կերպով արդելել այդ հրատարակությունն իր ներկա ոգով, այն հաշվով, որ շարք կանխավի իր սկզբում: Ինչ վերաբերում է նամակի հեղինակ Նալբանդյանին, որին Այվազովսկու խոստովանությունը արդեն դեպարտամենտում պետք է ճանաչելիս լինեին որպես «չարամիտ, ու անհանդիստ մարդու», առաջարկում է պատժել օրենքի ամբողջ խստությամբ¹:

Որ «Հյուսիսսիբիրյ»-ը 60-ական թվականներին լայն ժողովրդականություն էր վայելում հայ իրականության մեջ, այդ ահամայնից խոստովանում է և հայ ուսուցիչներն մամուլի տրիումֆիրատի ներկայացուցիչ Զ. Մսերյանը: Հիշատակելով այն փաստը, որ Խալիբյան դպրոցի մասին գրած իր հոդվածն ընդունելություն չի գտնում ժողովրդի մեջ, Մսերյանը գրում է.

«Մեր ժողովուրդին շատերն (որպես աշոքս տեսած եմ և լսում եմ) հույժ գայթակղվեցան «Հյուսիսսիբիրյ»-ի շնորհքով: Օրինակի համար պատմեմ ձեզ զհետևյալը: Երբ որ «Ճոռքաղի» երկրորդ տետրակի մեջ ես տպեցի քանի մի խոսք Խալիբյան ուսումնարանի վերա՝ շատերն (որոց անունքը տալ հարկավոր չէ) մեղադրեցին դիս՝ ավելորդ համարելով բոլորովին զայն հոդվածո հրատարակումը, ըստ որում հիմնադրի սեպհական արդյամբքն շինված չէ, ասում էին, այն ուսումնարանն, ինչպես բացահայտ գրված է «Հյուսիսսիբիրյ»-ի մեջ»²:

Ահա թե ինչո՛ւ, հրապարակային մարտում պարտվելով Այվազովսկին Նալբանդյանի դեմ սկսում է պայքարը քողարկված կերպով:

Օգտագործելով արքունիքում և Զ-րդ բաժանմունքում տնեցած իր բազմաթիվ կապերը, Այվազովսկին կատարում է ամեն հնարավորը՝ Նալբանդյանին ներկայացնելու համար որպես քաղաքականապես միանգամայն անբարեհույս մի անձնավորություն:

Պայքարը Նալբանդյանի և նրա ամբիոնը հանդիսացող

1 Մ. Ն ա լ բ ա ն դ յ ա ն, Ն լ ժ, Կ. 2, էջ 429:

2 «Ճոռքաղ», 1859, № 5, էջ 189:

«Հյուսիսափայլ»-ի դեմ՝ դառնում է ռեակցիոն գործիչներին առաջնահերթ խնդիրը, որոնք աստիճանաբար ավելի են համախմբվում միմյանց շուրջը: Նալբանդյանի դեմ պայքարն այժմ տարվում է երեք ճակատով. նրան հարվածում են կովկասահայ և մոսկովահայ ռեակցիոներները և արևմտահայ հետադեմ մամուլը: Մսերյանները մեծ ջանասիրությամբ օգնում են Այվազովսկուն՝ Նալբանդյանի դեմ վարած նրա գաղտնի և բացահայտ պայքարում:

Իրենց նպատակներին համար նրանք օգտագործում են և արևմտահայ իրենց համախոհներին: Մսերյանի արխիվում մենք ծանոթացանք «Արշալույս Արարատյան» թերթի խմբագրի նամակների հետ, որոնցից պարզվում է Չ. Մսերյանի՝ նրան ուղարկած թղթակցությունների բնույթը: Չ. Մսերյանին ուղղած նամակում Պաղղազարյանը գրում է. «Զհողուածն Ձեր ընդդեմ «Հյուսիսափայլ» լրագրույն հաջորդ թուով Արշալուստ ունիմ հրատարակել»: Սակայն Մսերյանը մենակ չէր:

Հալանբար այս կարգի թղթակցությունների թիվը մեծ է եղել, որովհետև Պաղղազարյանն իրարամերժ այդ գրությունները հասկանալու համար դիմում է Չ. Մսերյանի օգնությանը:

«Աղաչեմ ծանուցանել ինձ համառոտիվ, թե զինչ են կարծիք ձեր զհանգուցեալ Միքայելէ Նալբանդյանց. զի այնինչ ոմանք բարձրացուցանեն զազգասիրություն նորա ցերկինս, այլք իջուցանեն զնա՝ ՚ի դժոխս, իբրև երիտասարդ մի խառնակիչ, անհավատ և ինքնահավան: Ուղարկել են ինձ ՚ի Տիֆլիսէ ստորագրություն կենաց նորա, որ շարաշար դատապարտե զնա»¹:

Ի պատասխան Պաղղազարյանի հարցմանը, Մսերյանն իր 1867 թ. հոկտեմբերի 20-ի թվակիր նամակում հայտնում է. «ԶՆալբանդեանն Դուք ևս դատապարտելով դատապարտէիք ապաքէն, եթէ գիտացեալ էիք զեթ զմի կամ զերկուս ի յոգունցն ապիրատութեանց՝ զորս գործեաց նա ի վնաս բազմաց՝ է՛ զի յայտնի և է՛ զի գաղտ՝ իւրովքն բազմահնար մե-

¹ ՀՍՍԹ Գեո. Մատենադարան, Մսերյանների արխիվ, թղթ. 205, վավ. 1170:

քննաչիւրք, յորոց ի գիւտ ճարտար էր նա առաւել քան զվարդապետ իւր զՌօտեն: Արդ հատուցումն արդարապէս հատուցաւ նմա, քանզի և արդարոյն ոսկերք բողոքեցին ի գերեզմանէ առ այն՝ որոյ դատաստան ո՛չ նիրհէ...»¹:

Հետագայում Ղ. Պալղազարյանն իր թերթում տպագրում է Նալբանդյանի կյանքի ու գործունեութեան փաստերն ազավաղող, զրպարտչական մի հոդված՝ «Պատմութիւն վարուց հանգուցյալ Միքայելի Նալբանդյանց» խորագրով»²:

«Հյուսիսափայլ»-ի և նրա առաջադրած խնդիրների շղարջը ծավալվող բանավեճն իր արտահայտութիւնն է գտնում նաև Թիֆլիսում հրատարակվող ազգային պահպանողականների օրգան «Կոռնկ հայոց աշխարհին» ամսագրում; որ լույս էր տեսնում Մարկոս Աղաբեկյանի խմբագրութեամբ: Իր գործունեութեան նպատակը «Կոռնկ հայոց աշխարհին» համարում էր «հայկական ազգայնութեան տաճարի շինութիւնը», հայտարարելով, թե այդ գործունեութեան ընթացքում «իրան միմիայն մայր ճանաչել է Հայաստանյայց սուրբ եկեղեցին և իրան միմիայն հայր՝ մեր ազգի անցած գնացած և ներկա կյանքը»³: «Կոռնկ»-ի զլխավոր աշխատակից Գ. Մուրադյանը գրում էր, թե՛ «Ձեռն պետք է մխենք ազգաշինութեան, բայց նյութերն հնութեան ավերակներից և մնացորդներից պետք է ժողովենք»⁴: Ազգային պահպանողականները կրթութիւնը պայմանավորում էին «քրիստոնեական կրոնի ուսումով» և նույնիսկ կոչ էին անում «քրիստոնեութեան լույսով» լուսավորել նաև հայերի «ղրացի և վաղածանոթ մահմեդականներին», «ընդ հովանեալ խաչին և Ավետարանին Քրիստոսի»:

Ելնելով հայոց եկեղեցու դոգմայացած սկզբունքներից, «Կոռնկ հայոց աշխարհին» ամսագիրը սարսափով է ընդունում Ս. Նազարյանի առաջարկը եկեղեցու ռեֆորմի մասին:

1 ՀՄՖՌ Պետ. Մատենադարան, Մտերյանների արխիւ, Թղթ. 207, վավ. 1985:

2 «Արշալույս Արարայան», 1867, № 819—820:

3 «Կոռնկ հայոց աշխարհին», 1860, № 11, էջ 923:

4 Նույն տեղը, № 9, էջ 750:

«Կոռնկ»-ում տպագրվում է Գ. Մուրադյանի հոդվածը «Նկատմունք Ս. Նազարյանցի մի ամենամեծ խնդրի պատճառով հրատարակած ամենաթույլ հատվածի վրա» խորագրով, ուր հերքելով Նազարյանի դրույթներն այս հարցում, հոդվածագիրը գրում է.

«Հայոց ազգն իրան եկեղեցու ամեն մի ծեսն, ամեն մի քարն, նրա սեղանի և խորանների շինվածքի ձևն անգամ անփոփոխ է համարում, սուրբ և նվիրական և այսու համոզմամբ պատրաստ է իրան կուրծքն դեմ դնել փոփոխություն կամեցողների դեմ»¹:

Պետք է նշել, սակայն, որ սրա հետ միասին «Կոռնկ հայոց աշխարհի»-ն ուներ բազմաթիվ շփման կետեր Նազարյանի և նրա «Հյուսիսափայլ»-ի հետ և հաճախ իր էջերից պրոպագանդում էր Նազարյանի հայացքները:

Այսպես, Մ. Աղաբեկյանի ամսագրում նույնպես բարձրացվում է աշխարհաբար լեզվի հարցը: Այս խնդրում Մ. Աղաբեկյանը և նրա զլխավոր աշխատակից Գ. Մուրադյանը հակադրվում են միմյանց: Մուրադյանը ընդունելով հանդերձ աշխարհաբարով գրելու անհրաժեշտությունը, հույս ուներ հարություն տալ գրաբարին: Նա այն կարծիքն էր հայտնում, թե գրաբարի գեղեցիկ և ընտիր բառերով կարելի կլիներ աշխարհաբարին տալ մի գրական ուղղություն և այն շթողնել «օտարախոս ալլանդակության մեջ», որում գտնվում էր: Մարկոս Աղաբեկյանը վկայակոչելով «Հյուսիսափայլ» ամսագիրը և Ս. Նազարյանի դրույթները լեզվի մասին, իր պաշտպանության տակ էր առնում աշխարհաբարը: Աղաբեկյանը բանակռիվ է սկսում աշխարհաբարի երգվյալ թշնամի Աղանուրի դեմ, նրա գրաբարով գրված հոդվածին պատասխանելով ժողովրդին հասկանալի լեզվով: Մի քանի խոսք, սակայն, Աղանուրի հոդվածի մասին: Նախանձախնդիր լինելով գրաբարի դարգացմանը և սարսափելով աշխարհաբարի հաղթանակի հեռանկարից, Աղանուրը խորհուրդ էր տալիս ուսուցիչներին և ծնողներին՝ աստիճանաբար մաքրել երեխաների լեզուն և նրանց ընտելացնել գրաբարին: Ինչ վերաբերում էր

¹ «Կոռնկ հայոց աշխարհին», 1860, № 10, էջ 846:

Գանդուզն աշխարհաբարին, որն առանց թուլլուլուիցան, հա-
թուռն թափով կյանք էր ներխուժում, ապա Աղանուրն այս-
տեղ խորհուրդ է տալիս օգտվել միջնադարյան ինկվիզիտոր-
ների փորձից: Նա գրում է. «Մեծ իմն գործ ազդասիրական
վարձուք՝ ըստ մեր կարծեաց, եթէ ամենայն ուրեք ուր գտա-
նին դպրոցական մատենաք ի լեզու աշխարհիկ և գուհիկ ի
մի հավաքեալ հրոյ ճարակ արասցեն:

Յուսամբ սկսանիցի այդ բարեգործութիւն ի Թեոդոսիա»¹:

Գաբրիել Այվազովսկիու գաղափարակիցը վստահ կերպով
իր բարեկամին է հանձնարարում ինկվիզիտորի պաշտոնը:

Թերևս հարցադրման այս սրույթունն էր պատճառը, որ
Աղաբեկյանը շատ խիստ գնահատական է տալիս գրաբարին,
ասելով. «Գրաբար լեզու ասվածն այսօր մեր մեջ ուրիշ բան
չէ, այլ միայն բյուրավոր խորթ բառերու, հազարավոր անի-
մաստ ոճերու անընտիր հավաքածո»²:

Մարկոս Աղաբեկյանը, նշելով աշխարհաբարի զարգաց-
ման հեռանկարները, գրում է, թե «ոսկեդարյան լեզուն» պետք
է դիմի ուղիղ դեպի ոսկեդար, իսկ աշխարհաբարը՝ «դեպի
հառաջ»³:

Ազգային պահպանողականները հիմնականում լուրջ ան-
ջրպետ շտեմներով իրենց և Ստ. Նազարյանի հայացքների
միջև, «Կոռնկի» էջերում մեծ տեղ են հատկացնում նրա
առաջարկությանը՝ «Ընդհանուր հայկական ընկերություն»
հիմնելու մասին: Այս հարցին լուրջ հողված է նվիրում
«Կոռնկ հայոց աշխարհին» ամսագրի աշխատակից Գևորգ
Տեր-Աղեքսանդրյանը: Նշելով, որ Նազարյանի գործունեու-
թյունը համապատասխանում է ժամանակի առաջադրած պա-
հանջներին, հողվածագիրը կոչ է անում հաղթահարել հին
հարաբերություններից մնացած արգելակները՝ և իրագործել
հայերի առաջընթացի համար անհրաժեշտ ծրագրերը. «Բրա-
վո Նազարյանց, — ավարտում է Տեր-Աղեքսանդրյանն իր հող-
վածը, — կեցցե՛ Նազարյանցը, կեցցե՛ և կրկին կեցցե՛ դա մեզ

¹ Կոռնկ հայոց աշխարհին», 1862, № 7, էջ 517—518:

² Նույն տեղը, էջ 521:

³ Նույն տեղը, № 9, էջ 670:

համար այդպիսի ամենահարկավոր խնդիրներ շարժելու ու հարցուփորձ անելու»¹։ Տեր-Աղեքսանդրյանը անդրադառնում է նաև Հայաստանի բնական հարստությունների հետազոտման, հայ մասնագետներ պատրաստելու, օտար կապիտալի ներգործության դեմ պայքարի հարցերին։

Անմիջականորեն Ստ. Նազարյանի հայացքների հետ են առնչվում 1861—1862 թվականներին «Կոռնկ»-ի էջերում տպագրված և Կոմս էմմանուելի «Հիշատակարանների» ձևական նմանությունը կրող երեք խոշոր հոդվածներ։ Թիֆլիսի բարբառով գրված այդ հոդվածները կրում են «Քախկըցի Շաքար Մանուշակյան», «Քախկըցի Դաբաղ Ղաղո» և «Քախկըցի վաճառական Գեօ Ավետիսով» ստորագրությունները։

Նկատի ունենալով հոդվածների ուղղությունը, լեզուն ու ոճը, կարելի է եզրակացնել, որ դրանց հեղինակը միևնույն անձնաւորությունն է, որ հաշվի առնելով հոդվածում արժարժած խնդիրների սրությունը, և հավանաբար, հետևելով «Հիշատակարանների» օրինակին, գերադասել է թաքցնել իր անունը։ Ի դեպ, հետաքրքրական է նրա մեկ խոստովանությունը. «Չիլ էլ այդնի է, դրուատ խոսողն ինչ հալումն է... ձիր համանքինը չլի, հիմի ինձ էլ դուսս մէ թամքած ձի է հարկաուր, թե չէ բանս փիս գուքա...»²։

Հետագայում մեր պրպտումները ցույց տվին, որ այդ հոդվածների հեղինակն է Գևորգ Տեր-Աղեքսանդրյանը³։

Վերոհիշյալ հոդվածներում հեղինակը առաջ է քաշում ոչ միայն երիտասարդ սերնդի, այլև «ուանչպար խալխի» կրթության անհրաժեշտությունը, ժամանակի ոգուն համապատասխան։ Այնուհետև, հոդվածագրի քննության առարկա է դառ-

¹ «Կոռնկ հայոց աշխարհին», 1862, № 11, էջ 863։

² Նույն տեղը, № 2, էջ 152։

³ Գ. Տ Ե ր - Ա Ղ Ե ք ս ա ն ղ ր յ ա ն, Թիֆլիսեցոյ մտավոր կյանքը, 1885, էջ Բ։ Ի դեպ, չնայած Տեր-Աղեքսանդրյանն այս դրքի առաջաբանում իր կեղծանունները թվելիս չի նշում «Շաքար Մանուշակյանը», սակայն մենք կարծում ենք, դա ևս նրա ծածկանուններից է։ Հիշյալ առաջաբանը գրված է այդ հոդվածների տպագրությունից ավելի քան 23 տարի հետո, և նա կարող էր պսեղոսիմներից մեկը չհիշել, կամ չհիշատակել։

նում հայ վաճառականութեան դաստիարակութեան հարցը: Մեծ սրութեամբ և Մ. Նալբանդյանի «Հիշատակարանների» ակնհայտ ազդեցութեամբ քննադատված են հայ առևտրական կապիտալի ներկայացուցիչները, որոնք «փուղը իրանց հաճախ աստուծ ին շինի ու կուռքի պես պաշտում ին»¹:

Գ. Տեր-Աղեքսանդրյանին առանձնապես զբաղեցնում է հայ հոգևորականութեան վիճակը, նրանց դաստիարակութեան հարցը: Այս իմաստով նա քննադատում է հոգևորականութեան ընչաքաղցությունը, տգիտությունն ու անտարբերությունը ժողովրդի կարիքների հանդեպ: Հեղինակին հատկապես հուզում է այն փաստը, որ հայ իրականութեան մեջ ամեն մի բախտախնդիր, որ փոքր ի շատե փող է հավաքել, կարող է դառնալ քահանա. «Մէ տպսը թուման կի յիդ գրցես... իժում վունցոր գուզիս, էնենց կուշինիս բանըտ... գուզիս դահանայ կուշինին քիզ, գուզիս վարթապիտ...»²:

Հոգվածագիրն այս հարցը դարձնում է հրապարակական խնդիր, քանի որ քահանաների արարքները «լուր դիփ մեաի յիդ պատմե մարթ, մէ լայլ մինձ իստորիա կու դառնա»:

Այդ հոգվածների ունեցած ակտիվ ներգործութեան մասին է վկայում Գ. Տեր-Աղեքսանդրյանը, որը «Մեղու Հայաստանի» թերթում հետագայում տպագրված հոգվածում պատմում է, թե Թիֆլիսում շատերը որոնում էին Դաբաղ Դաղոյին՝ նրան ծեծելու համար: Այս հոգվածները Ստ. Նազարյանի և «Հյուսիսափայլ»-ի գործունեություն վաղ շրջանի արձագանքն էին հանդիսանում կովկասահայ իրականութեան մեջ:

Իր հրապարակախոսական գործունեությունն սկսելով «Հյուսիսափայլ»-ի և Ստ. Նազարյանի դիրքերի պաշտպանությամբ, Տեր-Աղեքսանդրյանը հետագայում աստիճանաբար նահանջում է: 1866 թվականին «Մեղու Հայաստանի» թերթում տպագրված «Դաբաղ Դաղոյի մասլաաթի շարունակությունը» հոգվածում նա արդեն թողնելով իր նախկին խիստ ոճը, զգուշորեն առաջ է քաշում միմիայն հոգևորականութեան դաստիարակութեան անվտանգ խնդիրը: Այդ վայրէջքն ար-

¹ Երևանի հայոց աշխարհին», 1862, № 2, էջ 143:

² Նույն տեղը, № 6, էջ 483:

քեն անառարկելիորեն դրսևորվում է նրա խմբագրած «Վաճառական» շաբաթաթերթում: Հասարակական, քաղաքական, կամ սոցիալական բնույթի խնդիրները մի կողմ թողնելով, Սա. Նազարյանի աշակերտն զբաղվում է լոկ առևտրական հարցերով և պաշտոնական ինֆորմացիաների հրատարակումով: Նրա վաղեմի փոքրիշատե առաջադիմական հայացքների հետքն այստեղ չի երևում: Իր թերթում Տեր-Աղեքսանդրյանն անցողիկ կերպով անդրադառնում է հողևորականների ընտրության, ժողովրդի մեջ հավատն անխախտ պահելու գործում նրանց դերի, կրթված երիտասարդությանը քահանայության աստարեզի մեջ քաշելու խնդիրներին¹: Հետաքրքրականը նրա ծրագրային հոգվածից անմիջապես հետո տպագրված մեկնաբանությունն է, որից ավելորդ չենք համարում մեջ բերել մի հատված.

«Մենք սիրում ենք մեր հողևորականներին մեր զլխիցն առավել ոչ թե անմեղ տեղը, այլ հիմնավոր պատճառներով: Հողևորականները և առհասարակ հողևորականությունը մեզ հայերիս համար հիմի մեկ զորավոր կապ է, որն որ մտակացնում է հայերին միմյանց հողևորապես: Դրանք անխախտ պահպանելով մեր եկեղեցու ծեսերը, հաստատ պարիսպ են հայերի համար ազգուրացութենից և հավատափոխութենից պահպանելու: Ուրեմն հայութենի պարիսպներին, մեր ազգի հաստատ պահողներին ի՞նչպես շտիրենք: Ով ինչ ուզում է ասե, բայց մենք սիրում ենք և սիրելու ենք դրանց: Եվ դրանք զիտենալով մեր բարի ցանկությունը, բոլորովին չպետք է նեղանան մեր և ուրիշների գրվածներից, որովհետև բոլորն էլ զեպի դրանց լավությունն է ուղղած»²:

60-ական թվականներին արևելահայ պարբերական մամուլի էջերում ծայր առած բանավեճն իր արտահայտությունն է դառնում և արևմտահայ մամուլում: Հնարավորություն չունենալով հանդամանորեն կանգ առնելու այդ պարբերականների ուղղության, բնույթի վրա, մենք ցանկանում ենք

¹ «Մեր հողևորականների վրա մեկ քանի խոսք», «Վաճառական», 1866, № 36 - 38:

² «Վաճառական», 1866, № 41, էջ 161:

նշել միայն, որ դրանք կապված էին ուսահայ մամուլի հետ
և հանդիսանում էին նույն հասարակական հոսանքների ար-
տահայտութիւնը:

Կղերա-Ֆեոդալական հոսանքի օրդանն արեւմուտքում
հանդիսանում էր Հ. Տերոյենց Չամուռճյանի «Երեւակ»-ը, որը
կատաղի պայքար էր մղում ոչ միայն արեւմտահայ դեմոկրա-
տական և լիբերալ հոսանքների ներկայացուցիչների, այլև
Մ. Նալբանդյանի դեմ:

Այսպես, Չամուռճյանն իր պարբերականի էջերում հան-
գամանորեն քննարկում է Նալբանդյանի այն դրույթը, թե
մարդիկ հավասար իրավունքներով են ծնւում: Այդ միտքը
նա կնայում է «Ռուսոս հռչակավոր անհավատ հեղինակի» և
«անցյալ դարուն վերջը և ներկա դարուն կեսին (1848-ին)
Գաղիա և ետքը բոլոր եվրոպա տակն ի վրա ընող սոսիա-
լիստներուն կամ կարմիր հասարակապետականներուն» աշ-
խատութիւնների հետ¹:

Նկատի ունենալով Նալբանդյանին Պոլսում ցույց տրված
հարգանքը, նա զգաստանում է և իսկույն մտնելով իր դերի
մեջ, հրապարակավ հայտարարում. «Կարեւոր կսեպենք խո-
նարհաբար հիշեցնել կրօնական ժողովույն, որ այսպիսի մո-
լար վարդապետութիւններն ազգը պահելու միակ հնարքը
իր ձեռքն է»²:

Փարիզում հրատարակվող «Արեւմուտք» երկշաբաթաթեր-
թը, որ խմբագրում էր Ստեփան Ոսկանը, իր պաշտպանած
առաջավոր գաղափարներով արժանացել էր Մ. Նալբանդյանի
ուշադրութեանը: Այդ թերթը լուրջ պայքար էր ծավալել կղե-
րա-Ֆեոդալական հոսանքի դեմ և հենց Գ. Այվազովսկու
դավերի հետեանքով էլ փակվել էր:

Արեւմտահայ իրականութեան մեջ Մ. Նալբանդյանի ամե-
նամոտ գինակիցն էր հանդիսանում ուղղուցիտն-դեմոկրա-
տական հոսանքի ներկայացուցիչ Հարություն Սվաճյանը: Նրա
«Մեղր» կիսամյա և, ապա, տասնօրյա հանդեսը սուր պայ-
քար էր ծավալել կղերա-Ֆեոդալական և լիբերալ գաղափա-
րախոսութեան դեմ:

¹ «Երեւակ», 1860, № 87, էջ 88:

² Նույն տեղը, 1860, № 87, էջ 101:

Իր արտասահմանյան ճանապարհորդութեան ժամանակ, 1860—1861 թթ., Մ. Նալբանդյանը մասնակցում է արևմտահայ իրականության մեջ ծավալված այս պայքարին, «Մեղու»-ն դարձնելով իր մարտական ամբիոնը: Հ. Սվաճյանն իր հերթին Մ. Նալբանդյանին պաշտպանելով հակառակորդների հարձակումներից, հայտարարում է, թե ինքը Նալբանդյանի գրած հոդվածների յուրաքանչյուր տողին և բառին պատասխանատու ու պաշտպան է:

Տարբեր ժամանակներում «Մեղու»-ն տպագրում է Մ. Նալբանդյանի «Մանկության օրեր», «Ազատն աստված», «Ապուլունին», «Օշական», «Իտալացի աղջկա երգը» և այլ ստեղծագործությունները:

«Հյուսիսափայլ»-ի խմբագրությունը գրաքննության կողմից արգելված կարևոր նամակները և հոդվածները նպատակահարմար էր գտնում տպագրել տալ Սվաճյանի «Մեղվում»: Մյուս կողմից, Մ. Նալբանդյանը հաշվի առնելով «Մեղվի» աշխատակիցների կրած հալածանքները և այն հանգամանքը, որ կրոնական ժողովի երկյուղից նրանք չեն կարողանա ազատ արտահայտել իրենց սկզբունքները, գրում է, թե «այդպիսի վատարբիտ դիպվածում «Հյուսիսափայլ»-ի էջերը բաց են Խոցա համար»¹:

Մենք արդեն տեսանք, որ 60-ական թվականներին հայ պարբերական մամուլի աշխուժացման հետ միաժամանակ սկսվում է մի կատաղի բանավեճ, որը հիմնականում մղվում էր «Հյուսիսափայլ»-ի և Ստ. Նազարյանի ու Մ. Նալբանդյանի շուրջը, և այդ հասկանալի է: Նալբանդյանն ամեն կերպ աշխատում էր ամսագրին տալ դեմոկրատական թեքում, և խեղապես, «Հյուսիսափայլ»-ի հրատարակության առաջին տարիներին այդ ամսագրի ուղղության վրա մեծապես երևում էր Նալբանդյանի ազդեցությունը, մի հանգամանք, որ չէին կարող չնշմարել ռեակցիոն բանակի ներկայացուցիչները: Վերջիններս լրջորեն անհանգստանալով այդ բանից, «Հյուսիսափայլ»-ն առնում են կրակի տակ, ցանկանալով Նազարյանին հեռացնել նրա «անզգաստ և անհեռատես» դաշնակցից:

Մայր առած այդ բանավեճում հակառակորդների հարձա-

¹ Մ. Նալբանդյան, ՆԼՓ, հ. 3, էջ 25:

կումներին հիմնականում պատասխանում էր Մ. Նալբանդ-
յանը: Հայ ռեակցիոներների դեմ իր վարած պայքարում նա
գրեւորում է մեծ սկզբունքայնութիւն, գաղափարական նպա-
տակասւացութիւն և պոլեմիկական շփարաղանցված ունա-
կութիւններ: Նա հետևողականորեն մերկացնում է հայ ռեակ-
ցիոն մամուլի և նրա հրապարակախոսների հայացքները, հայ
հոգևորականութեան, մասնավորապես Մխիթարյան միաբա-
նութեան հակաժողովրդական գործունեութիւնը, և այլն:

Միքայել Նալբանդյանը պայքարում էր ոչ միայն հայ իրա-
կանութեան մեջ գործող ռեակցիոն հոսանքների, այլև, միա-
ժամանակ, «Հյուսիսափայլ»-ի էջերում իշխող լիբերալ հո-
սանքի դեմ: Նրա և Նազարյանի հայացքների միջև եղած ար-
մատական տարբերութիւնները իրենց արտացոլումն են
գտել «Հյուսիսափայլ»-ում տպագրված նրանց հոգվածնե-
րում, որոնց ուսումնասիրութիւնը լուսարանում է այն պայ-
քարը, որ առկա է եղել ամսագրի խմբագրութեան ներսում
այն հրատարակիչու օրվանից մինչև Մ. Նալբանդյանի
«Հյուսիսափայլ»-ին աշխատակցելու վերջին շրջանը:

Գ Լ ՈՒ Խ Ե Ր Ր ՈՐ Դ

«ՀՅՈՒՍԻՍԱՓՍՅԱՅ»-ՈՒՄ ԱՐԾԱՐԾՎԱԾ ԽՆԴԻՐՆԵՐԸ

Իր հրատարակության կարճատև ժամանակամիջոցում «Հյուսիսսփայլ» ամսագրի էջերում քննարկվել են ժամանակի հայ իրականությանը հուղող բազմաթիվ հարցեր, որոնցից յուրաքանչյուրը կարող էր դառնալ առանձին ուսումնասիրության առարկա:

Քանի որ ներկա աշխատության բնույթը և ծավալը մեզ հնարավորություն չեն տալիս զբաղվելու դրանցից յուրաքանչյուրի քննարկմամբ, ուստի, փորձել ենք միայն ընդհանուր գծերով վեր հանել այդ հարցերից կարևորագույնների նշանակությունը 50—60-ական թվականների մեր մտավոր շարժման համար:

Դրանք են՝ լեզվի, դպրոցի և դաստիարակության հարցերը, գրա-քննադատական միտքը, բնական գիտությունների սլոպագանդան և կանանց հարցը: Միաժամանակ փորձել ենք բնութագրել ամսագրի գեղարվեստական արձակի, պոեզիայի և թարգմանությունների բաժինները:

1. ԼԵԶՎԻ ՉԱՐՅԸ

Արևելահայ գրական լեզվի ձևավորման և զարգացման պատմությունն օրգանապես կապված է «Հյուսիսսփայլ» ամսագրի և 50—60-ական թվականների հայ առաջավոր գործիչների հետ: Դեռևս անցյալ դարի 40-ական թվականներին հայ

մեծ լուսավորիչ և դեմոկրատ ետաշատուր Աբովյանը առաջ-
նորդվելով հայ ժողովրդին լուսավորելու ազնիվ նպատակնե-
րով, հիմք է դնում հայ աշխարհիկ գրականությանը: Նրա
օրինակին է հետևում և իր դասընկեր Ստեփանոս Նազար-
յանը, որը 40-ական թվականներին տպագրված իր «Հայ
գրականության պատմության» 2-րդ մասում հայտարարում
է, թե գրաբար լեզուն այլևս չի կարող կրթական գործիք լի-
նել նոր ժամանակներում, հետևապես զբաղվելն այդ լեզվով՝
կնշանակեր չհասկանալ ժողովրդի ժամանակակից պահանջ-
ները: Նա առաջարկում է մշակել մի նոր, ժողովրդական լե-
զու՝ արարատյան բարբառի հիման վրա¹: Առաջին այդ հա-
մարձակ ելույթները լուրջ արձագանք են գտնում, և հայ
իրականության մեջ ծավալվում է մի պայքար, որը իր հիմ-
քով առնչվում էր ժամանակի հայ հոսանքների հասարակա-
կան-քաղաքական նպատակների և դեպի ժողովրդի լուսավո-
րության հարցն ունեցած նրանց վերաբերմունքի հետ²: 40-
ական թվականներին սկզբնավորված այդ պայքարն առանձ-
նապես սրվում է 60-ական թվականներին, հայ ժողովրդի,
որպես ազգության ձևավորման շրջանում, երբ հայ ազգային
լեզվի ճշակման հարցը մղվում է առաջին պլանը: Այդ երե-
վույթը պայմանավորված էր ֆեոդալիզմի քայքայման և նոր,
բուրժուական հարաբերությունների զարգացման էսոխայով:

Ճիշտ է, ժամանակի խոսակցական լեզուն հանդիսանում
էր աշխարհաբարը, սակայն ֆեոդալական հարաբերությու-
նների ջերմ պաշտպանները լսել անգամ չէին ցանկանում աշ-
խարհաբար լեզվին քաղաքացիական իրավունքներ տալու,
այն՝ գրականության և մամուլի լեզու դարձնելու մասին: Կղերա-
ֆեոդալական հոսանքի ներկայացուցիչներ՝ Մ. Մսեր-
յանը, Զ. Մսերյանը, Ստ. Մանդինյանը, Ա. Արարատյանը,
Հ. Չերքեզյանը և ուրիշներ գրաբարը համարելով աշխարհի
ամենահին լեզուն, գտնում էին, որ աշխարհաբարը դրա
աղավաղումն է և բնավ չի կարող փոխարինել գրաբարին

1 (Կ. Ա զ ա ղ յ ա ղ, Ծոբրենն Իստորն Գայկանսկոյ Կրննոնոս-
տն Ե յ յոյննա յա յա յա, Կազան, 1846, էջ 152—154:

2 Ա. Հ ո Վ հ ա ն ն ի ս յ ա ն, Նալրանդյանը և նրա ժամանակը, զերբ
Երկրորդ, էջ 393:

որպէս գրականութեան կամ գիտութեան լեզու: Ստ. Նազար-
յանը հրապարակով հանդես է գալիս աշխարհաբար լեզվին
քաղաքացիական իրաւունքներ տալու պահանջով և այդ պա-
հանջի պաշտպանութեամբ: Համոզված լինելով, որ մեռած
գրաբարով անկարելի է որևէ լուրջ գործ կատարել, նա կոչ է
անում «հայոց ազգի տունը շինել նորա լեզվի շինութեամբը»:
Ազգի ծաղկումն ու լուսավորութիւնը նա անբաժանելի է
համարում լեզվի զարգացումից, որովհետև «մինը առանց
մյուսին անիմանալի է, ոչինչ է»: «Առանց լեզվի չէին կարող
հաստատուիլ ոչինչ խելացի քաղաքական կարգեր և թագա-
վորութիւնք, առանց լեզվի չէր կարող մարդը քաղաքացի
դառնալ, չէր կարող երկրագործութիւն լինել, առուտուրք հա-
ռաջանալ. կարճ ասեմ, չէր կարող մի հացատու բուս-
տանել, մի կտոր հաց գոյանալ մարդու համար»¹:

Նշելով, որ գրաբարը պիտանի չէ ժողովրդի կրթութեան
գործում, Նազարյանը հայտարարում է, որ բոլորին հասկա-
նալի աշխարհաբար լեզուն «միտք է, բանականութիւն է,
գիտութիւն է, և բոլոր հմտութիւնների մայր ու դայակ»:
Գիտական բացատրութիւն տալով լեզվի ծագմանը, նա հեր-
քում է Ինճիճյանի և Ավգերյանի «մաշած ու կտրատած
ուսումնականութեամբ» հորինած առասպելը՝ հայերենը Նոյի
լեզու լինելու մասին և ցույց է տալիս, որ այն հանդիսանում
է հնդկա-եվրոպական սանսկրիտ լեզվի մի ճյուղը:

Ռեւոլյուցիոն, ղեմնկրատական հոսանքը, հանձին Մ. Նալ-
բանդյանի, հետևողականորեն պայքարում է աշխարհաբարի
հաղթանակի և նրա հետագա մշակման համար: Նա հստա-
կորեն նշում է աշխարհաբարի զարգացման ուղիները, այդ
զարգացումը կապելով ժողովրդի կենսունակ լեզվի հետ,
չբացառելով փոխառութիւնները գրաբարից և օտար լեզու-
ներից: Ելնելով ժողովրդի լուսավորութեան պահանջներից,
Նալբանդյանը առաջ է քաշում գրականութիւնը ժողովրդին
հասկանալի դարձնելու անհրաժեշտութեան հարցը:

«Շյուսիսափայլ»-ի աշխատակիցների այս դիրքավորումը
կատարի հարձակումների տեղիք է տալիս: «Մեղու Հայաս-

¹ «Շյուսիսափայլ», 1858, № 1, էջ 5—6:

տանի», «Ճոռաքաղ», «Մասյաց աղաւնի» պարբերականները բազմաթիւ հոգւածներ են տպագրում «Հյուսիսափայլ»-ի դեմ, ձգտելով անխախտ պահել գրաբարի դիրքերը: Ստ. Նազարյանի և Մ. Նալբանդյանի դեմ մի կատարչաւ արշավանք է կազմակերպւում, որին մասնակցում են Հ. Զերքեղյանը, Զ. Մսերյանը, Ա. Արարատյանը, Ս. Պալասանյանը և ուրիշներ:

Առաքել Արարատյանն առանձին քննութեան անարկա է դարձնում Ստ. Նազարյանի «Հանդես նոր հայաստութեան» և «Վարդապետարան կրօնի» աշխատութեանները: Նա առաջնորդւում էր այն քարացած սկզբունքով, թե «լեզու և կրօն են երկու հաստահիմն սիւնք տաճարի ազգութեան, ի խախտիւ միոյն, հարկաւ խախտի և միան, որով և կործանի ազգութիւնն»¹:

Ինչ վերաբերում է Նազարյանի գրքին, Առաքելյանն առաջարկում է «ճարակ հրոյ տուեալ զայմենայն մատեանս նորա, խափանէին զնա մի ևս խոսիլ կամ գրել ինչ զազգէ, զկրօնէ և զլեզուէ մերմէ»²:

Արարատյանն ավելի հեռուն գնալով՝ Նազարյանին ամբաստանում է այն բանում, թե նա կամենում է փոխել հայկական կրօնը, ինչպէս փոխում է հայոց լեզուն:

«Հյուսիսափայլ» ամսագրի հրատարակութեամբ ծայր առած գրասպարարը ավարտւում է աշխարհաբարի լիակատար հաղթանակով. այն օրինական իրավունքներ է ձեռք բերում մամուլի, գիտութեան, զեղարվեստական գրականութեան ասպարեզում: Անգամ այնպիսի մի հետադիմական ամսագիր, ինչպիսին էր «Ճոռաքաղ»-ը, որ համառորեն պաշտպանում էր գրաբարը, իր հրատարակութեան վերջին տարիներին հարկադրված գրում է աշխարհաբար լեզվով: Աշխարհաբար լեզվով էին հրատարակւում նաև «Մեղու Հայաստանի» և «Մասյաց աղաւնի» պարբերականները:

Մեծ է «Հյուսիսափայլ»-ի դերը նոր գրական լեզվի դար-

1 «Դիմագրաւ ընդդէմ սատան հարուցելոյ ամենապատուական լեզուիս հայոց», էջ 8:

2 Նույն տեղը, էջ 22:

գայման և գրաբարի նկատմամբ տարած հաղթանակի գործում: Առաջին խոկ համարից «Հյուսիսափայլ»-ի խմբագիրը և աշխատակիցները փորձում են գրել ժողովրդին հասկանալի մի այնպիսի լեզվով, որը վերացներ հասարակ ժողովրդի և գիտության միջև եղած պատենշները:

Ուսումնասիրելով հայոց լեզուն սկսած հնագույն դարերից, Նաղարյանն այն կարծիքն է հայտնում, թե՛ գրաբար լեզվի հիմքը հանդիսացել է ժողովրդի կենդանի լեզուն, որի բազայի վրա գրաբարը մշակվել է և դարձել գրական լեզու: «Հայոց այն ժամանակի ուսանելը յուրյանց գրավոր լեզուն, ոչինչ հարակցություն չունի մեր այժմյան ուսանելուն գրոց հին լեզուն, որ մեռած էր մեր համար, բայց այն ժամանակը բխում էր կենդանի աղբյուրից և նույն ժամանակի ու կյանքի պատշաճ գրավոր լեզու էր»¹:

Մեծ նշանակություն տալով գրական լեզվին մի ժողովրդի կրթության գործում և գրաբարը սխտանի չհամարելով այդ նպատակի համար, Նաղարյանը միաժամանակ գտնում է, որ ժողովրդի «վայրենացած լեզվով» ևս անկարելի է կրթել ժողովրդին: Նա գրում է. «Ընտրեցինք մի ընդհանուր ոճ խոսակցության, ինչքան կարելի էր, հեռի պահելով մեզ տեղական առանձին բարբառներից, հետեւելով միայն այն առավել ընտիր աշխարհաբար հայախոսությանը, որ հայաբնակ քաղաքներումը Ռուսաստանի լսվում է ընդհանրապես»²:

Նաղարյանը անհրաժեշտ է համարում աշխարհաբար լեզվի մշակման գործն սկսել ժողովրդական դպրոցների հիմնադրումով: Դպրոցական ծրագրերում նա պահանջում է մտցնել դասական, եվրոպական և ռուսաց լեզուների ուսումնասիրությունը, այդ լեզուների քերականությունն ու գրականությունը: Օտար լեզուների ուսումնասիրության կապակցությամբ նա առաջ է քաշում նաև այդ լեզուների համար բառարաններ ստեղծելու խնդիրը: Եվրոպական լեզուների ուսուցման նպատակը նա համարում էր այդ լեզուներով հրապարակված գեղարվեստական գրականության կլասիկ օրինակներին և բնա-

¹ «Հյուսիսափայլ», 1858, № 1, էջ 22:

² Նույն տեղը, էջ 31:

Ֆլան գիտություններին նվիրված աշխատությունների հետ ծանոթանալը:

Ինչ վերաբերում է ուսաց լեզվի յուրացմանը, ապա Նազարյանն այդ անհրաժեշտ է համարում, քանի որ հայերը քստ նրա, քաղաքականապես լինելով ուս, պարտավոր էին տիրապետել այդ լեզվին:

«Հյուսիսափայլ»-ում տպագրած, ինչպես և նախորդ շրջանի իր բազմաթիվ հոդվածներում Նազարյանը մշակել է լեզվաշինության իր ծրագիրը, որը, սակայն, տարիների ընթացքում ենթարկվել է զգալի փոփոխությունների: Վաղ շրջանի իր աշխատանքներում նշելով հայ նոր լեզվի զարգացման ուղիները, նա մեծ նշանակություն է տալիս բարբառներին: Հետագայում, նոր գրական լեզվի մշակման համար նա միաժամանակ առաջարկում է օգտվել գրաբարի հարուստ բառապաշարից, «մի ոտքը պահելով միշտ հին նախնական հիմքի վերա, օր ավուր լցուցանելով յուր պակասությունքը հին լեզվի ճոխ գանձարանից»¹:

Այնուհետև խորացնելով առավելապես այս վերջին թեզը, Ստ. Նազարյանը նոր լեզվի զարգացման ուղիները կապում է գրաբարյան ձևերի հետ:

Ստ. Նազարյանի լեզվական հայացքների էվոլյուցիայի տեսակետից հետաքրքրական է այն դնահատականը, որ նա 1860 թ. տալիս է գրաբար և աշխարհաբար լեզուներին: Խոստովանելով, որ գրաբարը չի կարող լինել ընդհանուր խոսակցական լեզու, նա ափսոսանքով է հրաժեշտ տալիս գրաբարին, այն համեմատելով մի պերճ թագավորի հետ, իսկ աշխարհաբարը՝ «հաղիվ թե արժանի նորա ոտքը համբուրելու»²:

Նույն թվականին առարկելով Մ. Նալբանդյանին աշխարհաբարի գնահատման հարցում, Ստ. Նազարյանը մերժում է «այն ուսման խոսությունը, որի վերա հիմնված է մեր շատ սիրելի հիշատակի բարեկամ Ապովյանի «Վերք Հայաստանի» գիրքը»:

Քննադատելով հայ հետադիմականների լեզվական հա-

¹ «Հյուսիսափայլ», 1858, № 1, էջ 34:

² Նույն տեղը, 1860, № 11, էջ 389:

յացքները և հեռանալով Միքայել Նալբանդյանի լեզվաշինական ծրագրից, Նազարյանը դրսևորում է լիբերալ գործչին յուրահատուկ մի հաշտվողական վերաբերմունք: Նա պահանջում է գտնել մի «միջակ ճանապարհ», «մի կամուրջ բանալ անցած օրերի և ներկայիս մեջ»: Գիտակցելով, որ գրաբարի ասպարեզն անդառնալիորեն ավարտված է արդեն, նա, այնուամենայնիվ, երազում է հարուստուն տալ գրաբարին, նոր լեզուն բարձրացնել գրաբարի հիմքերի վրա, ազգության «նոր շինություն» տարրերը վերցնել հնությունից: Իր հոգվածների լեզվով Նազարյանը տալիս է հնի հետ կամրջած նոր լեզվի օրինակը, որն անշուշտ մի քաջ հետ էր «Հյուսիսսփայլ»-ի 1858—1859 թթ. լեզվից:


Հայերենի կադմապոլոման գործում նա լուրջ նշանակություն է տալիս օտար ազդեցություններին և փոխառություններին, և նշում է, որ հայերն իրենց քաղաքական ազատությունը կորցնելով և ենթարկվելով օտար ազդեցին, վայրենանում են, իրենց հետ վայրենացնելով և իրենց լեզուն:

Նազարյանին առանձնապես անհանգստացնում էր այն հարցը, որ երկար ժամանակ գտնվելով արաբական և տաճիկական տիրապետության տակ, հայերը յուրացրել են օտար նվաճողների լեզուների ոչ միայն բառերը, այլև խոսակցության ձևն ու շարադասությունը: Ահա թե ինչու, նա ձգտում էր հայերենն ազատել այդ ձևերից:

Նազարյանի լեզուն աստիճանաբար հեռանում է ժողովրդի կենդանի լեզվից և խճողվելով գրաբարյան արտահայտություններով, վեր է ածվում գրքային անկենդան լեզվի:

Իր գրական-հրապարակախոսական գործունեության ողջ ժամանակամիջոցում Մ. Նալբանդյանը հետևողականորեն զբաղվել է աշխարհաբար գրական լեզվի զարգացման հարցերով:

Դեռևս 1856 թ. թարգմանելով էժեն Սյուրի «Քափառական հրեան», նա իր առաջին նպատակն է համարում ժողովրդին ընթերցանության նյութ տալ՝ նրան հասկանալի լեզվով: Նշելով, որ «բացվում է կենդանի ժողովրդի կենդանի բարբառի արշալույսը», Նալբանդյանը Նազարյանի հետ միասին հրակայական ջանքեր է գործադրում գրական նոր լեզուն կատա-



«Հյուսիսափայլ»-ի խմբագրատունը Մոսկվայում

քելագործելու և ժողովրդի դաստիարակութեան համար «ընտիր գործիք» դարձնելու համար:

Այս սկզբունքով էլ նա առաջնորդվում է՝ Խ. Աբովյանի, Ս. Նազարյանի, Ղ. Ալիշանի, Մ. Բաղիադյանի, Ռ. Պատկանյանի, Խ. Գալֆայանի և այլ հեղինակների ստեղծագործությունները և թարգմանությունները գնահատելիս:

Բուռն ոգևորությամբ ողջունելով աշխարհաբար լեզվով գրված յուրաքանչյուր երկ, Նալբանդյանն իր «Հիշատակարան»-ներում նույնիսկ տպագրում է այդ կարգի ստեղծագործությունների ցանկը, նախապես ժողովրդի ուշադրությունը դրանց վրա հրավիրելու գիտավորությամբ:

«Հիշատակարան»-ներից բացի, որոնց բազմաթիվ էջերը նվիրված են լեզվի զարգացման հարցերին, Մ. Նալբանդյանն այդ խնդրին անցրադառնում է Ս. Նազարյանի «Հանդես նոր հայախոսության» և «Ռոբերտոն Կրուզո»-ի Ռ. Պատկանյանի թարգմանության առթիվ գրած քննադատական հոդվածներում:

Ուշագրավ է աշխարհաբարի գնահատման և նրա զարգացման հեռանկարների հարցին նվիրված Նալբանդյանի մի հոդվածը¹:

«Սարգիս Տեր Միքայելյան Վարշամյանց» ստորագրությունը կրող այդ նամակը ժամանակին մեծ ազդեցություն է բարձրացնում ռեակցիոն գործիչների լազերում: Նամակի տպագրությունից հետո Զարմայր Մսերյանը որոշում է պատասխանել «Հյուսիսափայլ»-ին, բայց նրան անհրաժեշտ էր նախ պարզել նամակագրի ինքնությունը: Հետաքրքրականն այն է, որ Բաբվից ումն Սարգիս Վարշամյան «Ճռաբաղ»-ի խմբագրությունն ուղղած իր նամակում հայտարարում է, թե ինքը չէ «Հյուսիսափայլ»-ում տպագրված նամակի հեղինակը: «Ճռաբաղ»-ը Նալբանդյանին պատասխանում է մի հոդվածով² և տպագրում է թունոտ մի քառատող՝ ուղղված Նազարյանի և Նալբանդյանի դեմ³:

Նալբանդյանը սուր քննադատության է ենթարկում «Ճռա-

1 «Նամակ Կոմս Էմմանուելին», «Հյուսիսափայլ», 1860, № 11, էջ 384—396:

2 «Ճռաբաղ», 1861, Տետրակ ԺԳ և ԻԲ, էջ 217—219 և 358—364:

3 «Առ ցոփն շրթամբք», «Ճռաբաղ», 1861, տետրակ ԹԺ, էջ 143:

քաղ»-ի լեզուն, ջախջախելով այդ ամսագրի խմբագիրներին տեսակետն աշխարհաբարի վերաբերյալ: Նա նշում է, որ անգամ չմշակված աշխարհաբարը ոչ միայն անհամ, թույլ և անհեթեթ չէ (ինչպես կարծում էին Մսերյանները), «այլև կարող է փոխ տալ մեռած գրաբարին և՛ համ, և՛ ազդուություն, և՛ գեղեցկություն, և՛ ուղղախոսության կարի կարևոր կանոններ»¹:

Դեռևս 1858 թ. «Ասվում է լսելու համար» հոդվածում, Մ. Նալբանդյանը անդրադառնալով աշխարհաբարի և գրաբարի հարցին, հայտարարում էր, թե «Շատ հեշտ է գերեզմանից մեռելները հանել կենդանացնել, քան յայդ ժանդոտյալ լեզվով նոր ժողովուրդ լուսավորել»²: Այնինչ, նոր լեզուն և, հետևապես, ժողովրդին հասկանալի լեզվով գրված նոր գրականությունը այն միակ միջոցն էին հանդիսանում, որոնց օգնությամբ ժողովրդին կարելի կլիներ հաղորդակից դարձնել գիտության նվաճումների հետ: Նալբանդյանը ծրագրում էր նոր լեզվի հիման վրա մշակել մի համազգային գրական լեզու, որը պետք է նպաստեր հայերի ազգային միավորմանը և ծառայեր նրանց ազգային-քաղաքական ինքնորոշման և կուլտուրական առաջընթացի գործին³:

Առաջնորդվելով ժողովրդին լուսավորելու գաղափարով, Նալբանդյանը գրում է. «Թող հայոց մանուկը սովորի յուր մայրենի լեզվով ազատական գիտությունները: Թող նա այն աշխատությունը ինչ որ գործ է դնում հին և մեռյալ լեզուն սովորելու համար, գործ ածն հարկավոր գաղափարներ ստանալու մասին: Չէ՛ պիտո նորա հինգ դարու հայախոսությունը, այդ նորան հաց ու ջուր չի տա, նոցա հարկավոր է գիտությունը, որը կարող է ստանալ նոր լեզվի միջնորդութենով, որ կյանք և կիրառություն ունենալով ընկերության մեջ, այլ և ուղ և ծուծ ունենալով՝ կարող էր հյութ և արյուն դառնալ և սնունդ տալ հայոց տկար զավակներին»⁴: Ահա թե ինչու՛

¹ «Հյուսիսահայկ», 1860, № 11, էջ 380:

² Մ. Նալբանդյան, ԵԼԺ, հ. 2, էջ 408:

³ Ա. Հովհաննիսյան, Նալբանդյանը և նրա ժամանակը, գեղեցիկ կերպով, էջ 388—392:

⁴ Մ. Նալբանդյան, ԵԼԺ, հ. 2, էջ 409:

«Հյուսիսափայլ»-ին աշխատակցելու շրջանում Մ. Նալբանդյանն առանձնահատուկ ուշադրություն քննության առնելով աշխարհաբար լեզվով գրված գրքերը, շի ներում նրանց սխալները:

Այսպես, խոսելով Նազարյանի «Հանդես նոր հայախոսության» գրքի արժանիքների մասին, Նալբանդյանը շի մոռանում նշել, որ հեղինակի լեզուն այնուամենայնիվ «տեղ-տեղ ավելի մոտ է հին լեզվին, քան ժողովրդական բարբառին»: Այնուհետև Նալբանդյանը «Ռոբինզոն Կրուզո»-ի թարգմանության կապակցությամբ Ռ. Պատկանյանին քննադատում է նրա անհետևողականության համար (վերջինս շեղվել էր Կարամզինից վերցրած իր էպիգրաֆից, որն ավզարարում էր. «Գրել այնպես, ինչպես որ խոսում են և խոսել այնպես, ինչպես գրում են»): Նալբանդյանը կանգ է առնում նաև Պատկանյանի «Նոր այբբենարանի» և բանաստեղծությունների վրա, որոնցից առաջինի լեզուն հեռու էր ժողովրդական լինելուց, իսկ երկրորդի լեզվի մաքրությունը զոհ էր գնացել «տաղաչափության սկզբունքին»:

Նորապես ուսումնասիրելով հայ ժողովրդի կենդանի լեզուն, Նալբանդյանը հակառակ Մսեր Մսերյանի և Ստեփանոս Նազարյանի, այն չէ համարում գրաբարի աղճատումը: Աշխարհաբարի զարգացումը Նալբանդյանը պայմանավորում է կենդանի ժողովրդի գոյությունը, «որ անդադար շարժողության մեջ է և հառաջ է երթում»: Ինչ վերաբերում է գրաբարի և աշխարհաբարի փոխհարաբերությանը, ապա նա նշում էր, որ ժողովրդի լեզուն գրաբարից առաջ է եղել, «և որչափ գրոց լեզուն հեռացել է ազգի կենդանի լեզվից, այնչափ կորուսել է յուր սկզբնական հատկությունքը, ստրկանալով այլ մերձավոր ազգերի լեզուների ազդեցության»¹: Նազարյանին առարկելով այն հարցում, թե իբր աշխարհաբարը շունի գրաբարյան զարգարուն ոճեր, Նալբանդյանը ասում է. «Այդ չէ նշանակում, թե նա ավերվել է, այլ մանավանդ թե առաջ է գնացել»:

Եթե Նազարյանը խորհուրդ էր տալիս քնտրել միջին ճա-

¹ «Հյուսիսափայլ», 1860, № 11, էջ 391:

նապարհը և, «հրաժարվելով բազմութեան վայրենացած լեզվից» ու օտար շարադասութեան ազդեցութեանից, մշակել աշխարհաբարը գրաբարյան բառապաշարի բազայի վրա, ապա Մ. Նալբանդյանը առաջարկում է նոր լեզուն զարգացնել ինքնուրույնաբար, օգտվելով գրաբարյան, բարբառային և օտար լեզուների համապատասխան տարրերից: Ժամանակի հեղինակներից Նալբանդյանը պահանջում էր գրել ժողովրդի լեզվով և գրականութունը հասկանալի դարձնելով ժողովրդական լայն խավերին, այն ծառայեցնել նրանց շահերին:

«Գրել ժողովրդական լեզվով, առանց ծառայանալու դաժառական բարբառներին, միևնույն ժամանակ ամբողջ պահելով լեզվի ժողովրդականութունը, մշակել այդ լեզուն, ներս բերելով դորա մեջ նոր մարդավայել և արժանի եվրոպական անունի գաղափարներ, ահա այն մի հատիկ գործը, որով պիտո է պարապելին հոգիազգեյաց հեղինակները և թարգմանիչքը մեր ազգի ուր և իցէ»¹:

Նալբանդյանը լուրջ պայքար էր ծավալում աշխարհաբարը գրաբարի հիմքի վրա բարձրացնելու Նազարյանի ջանքերի դեմ: Այդ կապակցութեամբ նա գրում է. «Բռնադատել նոր լեզուն և մինչև այն աստիճան ստրկացնել հին լեզվի ձևերին, որ աղղը դժվարութեամբ հասկանա, անխորհուրդ մաքրասիրութուն է և մենք մեր կողմից չենք ընդունում այդ... «Հյուսիսամիայլ»-ը չափից դուրս հայկաբան էր, մանավանդ 1862-ին. այդ աստիճանը տանելի չէ ժողովրդին»²:

Այնուհետև Նալբանդյանը խստիվ դատապարտում է Նազարյանի լեզվաշինական մի այլ մեթոդը, որը հանգում էր հայերենի շարադասութունը տաճկականից հեռացնելու նկատառումով այն դրաբարի շարադասութեանը մոտեցնելու ջանքերին: Զարգացող, կենդանի լեզվի նկատմամբ այդ կամայականութունը ծաղրելով, Նալբանդյանը գրում է. «Բայց ի՞նչ կանես, երբ բոլոր ազգի այդ տրամաբանութեամբ և այդ բաղդասութեամբ է խոսում: Մոռցնել նորան այդ բոլորը և քաշել տանել հին լեզվի տրամաբանութեան տակ, համազոր

¹ «Հյուսիսամիայլ», 1858, № 5, էջ 420:

² Մ. Նալբանդյան, ԵԼԺ, հ. 2, էջ 399—400:

է հին լեզուն քարոզելու, որ իր կարգով համազոր է մարդկային կենդանի խոսքը ուրանալու»¹:

Ելնելով լեզվի վարդացման ներքին օրենքներից և այն ժողովրդին ծառայեցնելու նպատակից, Նալբանդյանը դրոնում է, որ անկախ այն բանից, թե հայոց կենդանի լեզուն ինչ լեզուների ազդեցություն տակ է գտնվում, անկարելի է պատերազմ հայտարարել փոխառությունների դեմ և լեզվի զարգացումը դնել արհեստական ճանապարհի վրա:

«Մեռած կենդանու մորթը առողջ կենդանու վրա չէ կրպշում, — գրում է նա Ստ. Նազարյանի լեզվական հայացքների կապակցությամբ, — չորացած ծառի ճյուղը կենդանի և թարմ ծառի վրա չէ ծաղկում, կենդանի մարդը մեռելի հետ չեն պատանքում»²:

Ստ. Նազարյանի և Մ. Նալբանդյանի գլխավորած պայքարը ունակցիոնների դեմ, իր արտահայտությունն է գտել և «Հյուսիսափայլ»-ի աշխատակից Անանիա Սուլթանշահի «Հայոց ազգի լուսավորիչքը» գրամատիկական երկի մեջ:

Լեզվագիտության թեկնածու Գ. Մազամյանի կերպարի միջոցով Անանիա Սուլթանշահը ծաղրում է «Հյուսիսափայլ»-ի ուղղության դեմ սուր ճոճող այն խավարամուլներին, որոնք հայոց լեզուն աշխարհի առաջին լեզուն էին հռչակում: Վերհանելով «Հյուսիսափայլ»-ի հակառակորդների գաղափարական սնանկությունը, Անանիա Սուլթանշահը նշում է. «Տարաբաղդությունը այն է, որ մեր ազգի մեջ ձեզ նման դատավորք պիտի ունենա այն ազնիվ և առաքինի պարոնը. դուք ով, Նազարյանց դատողը ով»³:

«Հյուսիսափայլ»-ի և հայ ունակցիոնների միջև ծայր առած դրապայքարն ավարտվում է առաջնի հաղթանակով:

Չնայած «Հյուսիսափայլ»-ի լեզուն նրա հրատարակության վերջին շրջանում մի փոքր վայրէջք է ապրում, այնուամենայնիվ այն հսկայական դեր է կատարում նորաստեղծ գրական լեզվին քաղաքացիական իրավունքներ տալու գործում:

¹ Մ. Նալբանդյան, ԵԼԺ, հ. 3, էջ 330:

² Նույն տեղը, հ. 2, էջ 400:

³ «Հյուսիսափայլ», 1859, № 10, էջ 800:

Հանրագումարի բերելով «Հյուսիսսփայլ»-ի առաջին երեք տարվա գործունեության արդյունքները, Նալբանդյանը գրում է.

«1858 թվականը արժանի է ոսկեղեն տառերով արձանագրվելու ամենայն բանասեր հայկազնի հիշատակարանի մեջ: ...Այս թվականին ծնավ «Հյուսիսսփայլ» օրագիրը: Ոչ մի օրագիր ոչ մի ազգի մեջ այնքան ազդեցություն չէ արած գրականության վերա, այնքան բարի պտուղներ չէ բերած այսպիսի կարճ միջոցում, որքան այդ բազմարդյուն օրագիրը, որ հյուսիսից փայլելով, մի ամենևին նոր լույս թափեց մեր կենդանի բարբառի վերա, առաջին և գլխավոր պատճառ դառնալով կենդանի ազգի մեջ կենդանի լեզվով խոսելու և գրելու»¹:

«Հյուսիսսփայլ» ամսագիրը իբ հրատարակության ողջ ժամանակամիջոցում և հատկապես առաջին երեք տարիներին մեծ աշխատանք է կատարել հայոց գրական լեզվի զարգացման, այն կատարելագործելու և ժողովրդականացնելու ասպարեզում: Այդ գործում իրենց մասնակցությունն են ունեցել ամսագրի աշխատակիցներ՝ Ս. Շահազիզը, Գ. Տեր-Հովհաննիսյանը, Ա. Սուլթանշահը, Մ. Սաղաթյանը, Գ. Բարխուդարյանը, Ռ. Պատկանյանը և ուրիշներ:

Հայ առաջավոր գործիչները 60-ական թվականներին հետևելով «Հյուսիսսփայլ»-ի ուղղությանը, նոր թափ են հաղորդում աշխարհարար գրական լեզվի հետագա զարգացմանը:

2. ԳՊՐՈՅ ԵՎ ԴԱՍՏԻԱՐԱԿՈՒԹՅՈՒՆ

Բնութագրելով 19-րդ դարի 40—60-ական թվականների ուսա լուսավորիչների գործունեությունը, Վ. Ի. Լենինը նրանց երկրորդ բնորոշ գիծն է համարում լուսավորության, ինքնավարության, ազատության, կյանքի եվրոպական ձևերի և առհասարակ Ռուսաստանի բազմակողմանի եվրոպականացման պաշտպանությունը²:

¹ «Հյուսիսսփայլ», 1860, № 10, էջ 384:

² Տե՛ս Վ. Ի. Լենին, Երկեր, հ. 2, էջ 314:

«Հյուսիսսփայլ» ամսագիրը հանդիսանալով նույն ժամանակաշրջանի արևելահայ իրականության արդասիքը, իր գործունեության ծրագրի հիմքում դրել էր «Ընդհանուր ազգային լուսավորության և դաստիարակության» խնդիրները:

Ստ. Նազարյանը «մի կարող իշխանական գավազանի հովանավորությամբ», ձգտում էր հայերին կապել ռուսական կուլտուրայի և եվրոպական քաղաքակրթության հետ: Նա գրում է. «Այս մասին ինքը տերությունը յուր բոլոր հպատակների առջև բացել է մի ընդարձակ ասպարեզ. և ռուսաց գիտությունը հազարավոր փողովակներով հեղեղի պես թափում է ժողովրդի վերա լուսավորության բարությունքը»¹:

Լուսավորության տարածման խանդավառ գործիչներից մեկը լինելով, Նազարյանը, սակայն, կարծում էր, թե լուսավորության միջոցով կարելի կլինի բարձրացնել ժողովրդի ոչ միայն մտավոր, այլև նյութական մակարդակը: Մի կատարյալ դպրոց՝ ապահովված կանոնավոր դասագրքերով, քարտեզներով, դրադարանով, լաբորատորիաներով և հոգատար հոգաբարձուներով, նրա կարծիքով, ընդունակ կլիներ վերածնելու հայերին, «ոսկի ապագայք» պատրաստելու «ժողովրդի չքավոր գավակներին»:

Հայ ժողովրդի լուսավորության կարևոր նախապայմանը համարելով դպրոցական գործի լուրջ դրվածքը, Նազարյանը «Հյուսիսսփայլ»-ում բաղմաթիվ հոդվածներ է տպագրել դպրոցական դաստիարակության, դպրոցական ծրագրերի, դասագրքերի պատրաստման և այլ հարցերի վերաբերյալ:

Նազարյանի օրինակով, առաջնորդվելով նույն նպատակներով, «Հյուսիսսփայլ»-ի աշխատակիցներից շատերը ևս մշակում էին լուսավորության իրենց ծրագիրը: Նրանք նույնպես անտեսելով սոցիալական հարցերը, ժողովրդի երջանիկ ապագան պայմանավորում էին միայն լուսավորության գործի լավ դրվածքով: Այսպես, Մ. Միասարյանը ժամանակի ոգուն համապատասխան դպրոցի հիմնադրումով ենթադրում էր ստեղծել «մի նոր արևաբաց երջանիկ գալոց օրերի, հայոց ազգի համար»²: Նա երազում էր այդ «արևաբացի» օրն

¹ «Հյուսիսսփայլ», 1861, № 3, էջ 253:

² Նույն տեղը, № 9, էջ 209:

արագացնել ազգային դպրոցներում տրվելիք դաստիարակութ-
թյան ճանապարհով, խորապես համոզված լինելով, որ այդ
միջոցով հայերն այլևս չէին ունենա «ոչ մի անարժան սպա-
սավոր աստուծո սեղանի, ոչ մի կաշառելի դատավոր, ոչ մի
անկիրթ քաղաքացի, ոչ մի անհմուտ արվեստավոր, ոչ մի
ծուլ երկրագործ»¹։

Չնայած հարցադրման իդեալիստական բնույթին, հիշյալ
հոդվածները մեծ հետաքրքրություն են ներկայացնում որպես
դպրոցական գործի կատարելագործման առաջին լուրջ խոս-
քը հայ իրականության մեջ։

Կենն խոսելով «Հյուսիսսփայլ»-ի մասին, դպրոցի և լու-
սավորության հարցում արժեքավորում է սոսկ Նազարյանի
հոդվածները և կանգ է առնում միայն նրա մանկավարժական
հայացքների վրա։ Անշուշտ Նազարյանը նշանակալից գործ է
կատարել ոչ միայն իր սրակտիկ մանկավարժական աշխա-
տանքով, այլև «Հյուսիսսփայլ»-ում տպագրած կրթության և
դաստիարակության հարցերին նվիրված իր հոդվածներով՝
սակայն անկարելի է «Հյուսիսսփայլ»-ն արժեքավորել,
առանց հիշատակելու Մ. Նալբանդյանի և ամսագրի մնացած
աշխատակիցների ջանքերն այդ ասպարեզում։

«Հյուսիսսփայլ»-ի հրատարակության վեց տարիների ըն-
թացքում նրա էջերում հրատարակվել են ոչ միայն տեսական
ու դիդակտիկական բնույթի մանկավարժական հոդվածներ,
այլև հայ գործիչների մասնավոր նամակները, խորհրդածու-
թյունները, հայտարարությունները, որոնց մեջ արծարծվում
են մատաղ սերնդի կրթության և դպրոցական ուսուցման
հետ կապված կոնկրետ խնդիրները, նշվում են ազգային
դպրոցների հիմնադրման անհրաժեշտ պայմանները։

Քանի որ ցարական կառավարությունը չէր մտածում ազ-
գային դպրոցներ բանալ կուլկասում և հայաբնակ այլ վայ-
րերում, ապա այդ դպրոցների հիմնադրման հոգան ընկնում
էր ժողովրդի ներկայացուցիչների վրա։ Հայ առաջավոր գոր-
ծիչները մեծ ջանքեր են գործադրում, որպեսզի կարողանան
հնարավորության սահմաններում պատշաճ հիմքերի վրա դնել

¹ «Հյուսիսսփայլ», 1861, № 9, էջ 201։

սզգային դպրոցները և դրանցում տարվող ուսուցումը: Իր դպրոցական հայտարարութեան մեջ Կ. Նդյանն առաջ է քաշում հայկական միջնակարգ դպրոցներ հաստատելու անհրաժեշտութեան հարցը՝ հայ պատանիների համար բարձրագույն դպրոց ընդունվելու գործը հեշտացնելու նպատակով: Գոյութուն ունեցող հայկական դպրոցների բարելավման ծրագիր է մշակում Ն. Քաջբերունին, որը հայ դպրոցների անմխիթար վիճակը բացատրում է ուսուցիչների անգրագիտութեամբ, հոգաբարձուների կամայականութեամբ և ժողովրդի ոչ գիտակից վերաբերմունքով դեպի դպրոցը:

Մանուկների ընտանեկան դաստիարակութեան գործի կարգավորմանն է նվիրված «Հյուսիսսիսիայ»-ի թղթակից Գ. Թովմասյանի «Ընտանեկան դաստիարակութեան կշիռը և խնդիրը» հոդվածը: Հետևելով Նալբանդյանի և Նազարյանի այն դրույթին, թե մանուկ սերնդի կրթութեան գործում մեծ դեր ունի կատարելու ընտանեկան դաստիարակությունը, Թովմասյանը գրում է.

«Գերդաստանի մեջ է արմատն ու ծիրը ամենայն դաստիարակութեան և կրթութեան, ամենայն տեսակ մարդկային կեցութեան: Գերդաստանը է դպրոցի մայրը, հասարակութեան աղբյուրը և պատասպարանը. նա է կյանքի արմատը»¹:

Սակայն Գ. Թովմասյանը, ինչպես և Ս. Ավետիքյանը դաստիարակութեան նպատակն են համարում մարդու հաղորդակցելն աստծո հետ, որպեսզի մարդը դառնա «որդի աստուծո—պատկեր աստուծո—աստվածանման»:

«Հյուսիսսիսիայ»-ում ղետեղվում են նաև դիդակտիկական բնույթի լուրջ հոդվածներ, որոնցից է Հարություն Համասիյուտի «Դաստիարակություն» հոդվածը:

Դպրոցական դաստիարակութեան ասպարեզում Համասիյուտը լուրջ նշանակություն է տալիս վարժութունների մեթոդին, որպես երեխաների ընդունակությունների զարգացմանը նպաստող միջոցի: Մանկավարժական առումով նա անհրաժեշտ է համարում նաև գովեստի, բացատրութեան և պատժի մեթոդների կիրառումը: Համասիյուտն, այնուհետև,

¹ «Հյուսիսսիսիայ», 1864, № 7, էջ 452:

կարևոր է համարում երեխաների հարցասիրութեան խրախուսման, դատողութեան և ինքնուրույնութեան ակտիւլացման մեթոդները: Դպրոցական դաստիարակութեան գործում, նա ընդ սահման կարևոր է համարում մանուկների կրոնասիրական զգացումների ամրացումը: Համասփյուռը, սակայն, սահմանափակում է օրիորդաց դպրոցների դերը: Եթե տղան միշտ պետք է գիտակցի, որ ինքը լինելու է հասարակութեան անդամ, քաղաքացի, և թագավորի ու հայրենիքի պաշտպան, ապա «աղջիկը, — գրում է նա, — բավական է պատրաստել յուր անձը լինելու օգտակար անդամ գերդաստանի, բարի տանտիկին»:

Դպրոցական դաստիարակութեան գործը հանգամանորեն քննարկվում է «Հյուսիսսփայլ»-ի աշխատակից Մ. Միանսարյանի հոդվածներում: Վերջինս մի շարք հետաքրքրական միջոցներ է առաջարկում՝ աղգային դպրոցների ծրագրի մշակման համար: Նա պահանջում է դպրոցի հաստատումից առաջ հոգալ մանկավարժներ պատրաստելու մասին, որոնք ոչ միայն լավագիտակ լինեն իրենց առարկաներին, այլև կարողանան գիտությունը կապել կյանքի հարցերի հետ, նյութը հաղորդել մատչելի ձևով, և այլն: Այս նպատակով Միանսարյանն առաջարկում է շնորհալի պատանիներ ուղարկել եվրոպական մանկավարժական սեմինարիաները, այնտեղ սովորելու համար: Նա միաժամանակ առաջարկում է նյութապես ապահովել ուսուցիչներին, ուսուցումը դարձնել ձրի, դպրոցները հանել առանձին անձանց վերակացությունից և դնել հոգաբարձութեան հսկողութեան տակ, և այլն: Միանսարյանի դպրոցական ծրագրում առանձին տեղ է հատկացվում և օրիորդաց դպրոցներին, սակայն նա ևս պահանջում է աղջիկներին դաստիարակել լոկ այնքան, որ նրանք լինեն կրթված մայրեր:

Հայ իրականութեան համար նորութիւն էր դպրոցական կանոնավոր դասագրքերի պահանջը, որ առաջադրում է Միանսարյանը իր «Վասն աշխատասիրելու և ի լույս ընծայելու հայերեն լեզվով դպրոցական գրքանք» հոդվածում¹: Նա

¹ «Հյուսիսսփայլ», 1861, № 8, էջ 164:

պահանջում է դպրոցական դասագրքերը կազմել խնամքով, կանոնավոր աշխարհաբար լեզվով և գիտական որոշ սկզբբունքներով: Այսպես, Միանսարյանն առաջարկում է հեղինակներին՝ դասագրքերին կցել ամլյալ գիտության մասին եղած գիտական աղբյուրների ցանկը, հեղինակի օգտագործած աղբյուրները և այլն:

Ստ. Նազարյանը ելնելով 60-ական թվականների առաջագրած պահանջներից, ծրագրում էր հիմնադրել մի «գիտական ու գործնական» մասնավոր դպրոց, նոր հիմունքներով կազմակերպելու մանկավարժական աշխատանքը: Նա մշակում է դպրոցական կրթության ու դաստիարակության մի ծրագիր, որի նպատակն էր արմատապես բարեփոխել մանկավարժական աշխատանքի գրվածքը հայ իրականության մեջ: Դաստիարակության և կրթության հարցերին նվիրված իր հոդվածներում, նամակներում և այլ գրություններում, հայ կյանքի վերանորոգությունը նա պայմանավորում է ժողովրդական դպրոցի հիմնադրությամբ: Դպրոցն, ըստ Նազարյանի, պետք է աշխատանքները կազմակերպի այն հաշվով, որպեսզի կարողանա պատասխանել ժամանակի հասունացած խնդիրներին:

Հայ ազգային դպրոցների համար Նազարյանն առաջ էր քաշում բազմակողմանի կրթության անհրաժեշտությունը, որպեսզի դպրոցը կարողանա պատասխանել «ժամանակի պիտույքին»: Նրա կարծիքով հայ ժողովրդին նախ և առաջ անհրաժեշտ էր տալ ընդհանուր, բազմակողմանի կրթություն և ապա՝ «միակողմանի՝ վաճառական, կամ արվեստագիտական կրթություն, որ նույնպես պակաս է հայերին», բայց որի համար դեռ նպաստավոր պայմաններ չկային: Առաջնորդվելով այս լայն ծրագրով, Նազարյանը հայ դպրոցների համար անհրաժեշտ է համարում մաթեմատիկական առարկաների, քերականության ու բնական գիտությունների՝ ֆիզիկայի, քիմիայի, բնագիտության, կենդանաբանության, հոգեբանության, ֆիզիոլոգիայի դասավանդումը: Հայ մանուկների համար նա պարտադիր է համարում ուսանել Ռուսաստանի պատմությունը, աշխարհագրությունը, լեզուն և գրականությունը:

Ռուսաց լեզվի ուսումնասիրությանը Նազարյանը տալիս է առանձնահատուկ նշանակություն. «Հայոց մանուկը պիտի ուսանի ռուսերեն... լցուցանելու յուր սուրբ պարտականու-
թյունքը դեպի մի եվրոպական տերություն, որ նախասահմա-
նության կամքով կարգված է հոգաբարձու և դաստիարակ
այդ ասիական ազգին, որ տվել է դորան մի նոր բարեկարգ
քաղաքական կեցություն, որ և բացել է դորա առաջև ամե-
նայն նյութական և իմացական բարությունների աղբյուրք»¹:

Ստ. Նազարյանը մեծ կարևորություն է տալիս դասագրք-
քերի, քերականական ձեռնարկների և բառարանների հրատա-
րակության գործին, որպես օժանդակ միջոցների ուսաց և
օտար լեզուների ուսումնասիրության համար: Նա կարևոր է
համարում նաև հայոց պատմության և գրականության ուսու-
ցումը ժողովրդին հասկանալի, աշխարհաբար լեզվով: Նա-
զարյանը քննադատում է իր ժամանակի դպրոցները, որոնք
հաստատված էին «մի քանի շրջմոլիկ արեղանների» կող-
մից. ազգային լուսավորությունը նա համարում է ժողովրդի
գործը:

Նա երեխաների մտավոր դաստիարակության հետ հավա-
սարաչափ անհրաժեշտ է համարում և նրանց ֆիզիկական
դաստիարակությունը, ուստի առաջարկում է դպրոցներին կից
ստեղծել մարմնամարզական հրապարակներ: «Առտնին դաս-
տիարակության մասին» հոդվածում նա իսկական մանկա-
վարժի նրբանկատությամբ նշում է խստության և հրամայո-
ղական եղանակի անպտուղ լինելը: Նազարյանն առաջարկում
է ամեն կերպ խուսափել պատժի ու ծեծի մեթոդներից:

Նա պահանջում է ուսման պրոցեսում շատ շժանրաբեռնել
աշակերտին և օգտակարը նրան հաղորդել ախորժելի ձևով:
Նազարյանն աշխարհագրության դասավանդման համար կա-
րևոր է համարում քարտեզների և գլոբուսների դերը, ֆիզի-
կայի և քիմիայի դասավանդման համար՝ համապատասխան
լաբորատորիաների առկայությունը: Նազարյանն առաջար-
կում է դպրոցին կից հիմնել մի կարգին տպարան, պահանջ-
վող դասագրքերը տպագրելու համար, թարգմանություններ

¹ «Հյուսիսափայլ», 1863, № 12, էջ 15:

կատարել ռուսերենից և այլ լեզուներից, պատրաստել մանկավարժական կադրեր, կազմակերպել գրադարաններ և այլն:

Այս ամենի հետ միասին, Ստ. Նազարյանը դպրոցական դաստիարակութեան գործն անկարելի է համարում կազմակերպել առանց կրոնի դասավանդման: Նա առաջնորդվում էր այն սկզբունքով, թե «ոչինչ բան ճշմարիտ, ոչինչ բան զեղեցիկ, ոչինչ բան բարի չէ, որ չունի յուր ծագումը կրոնից և չէ ստանում յուր զորութիւնը և սրբութիւնը նորա մեջ»¹: Ահա թե ինչ՞ ո՛ւ Նազարյանի դպրոցական ծրագրում կրոնի դասավանդումը հանդիսանում է հիմնականը:

«Նա պարտ է լինել կենտրոնը բոլոր դպրոցական կազմվածի և պարտ է այդ կազմվածի մեջ մինչև նորա վերջին ծայրերը և ամենանուրբ թելերը ներս թափանցել և շարժել նորան»²:

Ստ. Նազարյանը ավելի հեռուն գնալով, առաջ է քաշում հոգևոր ակադեմիա ունենալու հարցը, որը պետք է կրոնի արժանավոր դասատուներ պատրաստեր հայկական դպրոցների համար: Քննադատելով հայ հոգևորականութեան տգիտութիւնն ու ընշաքաղցութիւնը, այլև՝ անտարբերութիւնը կրթութեան գործում, նա կոչ է անում ժողովրդի լուսավորութեան գործն սկսել աստվածաշնչի աշխարհաբար հրատարակութեամբ, մի դրքի, որ նրա կարծիքով, կրոնական դաստիարակութեան միակ հիմքն ու աղբյուրն է: Նազարյանի խոր համոզմունքն էր, որ աստվածաշնչի դոգմաների հիման վրա մեծապես կզարգանան հայոց լեզուն ու հայ գրականութիւնը:

Որքան էլ քննադատելի և անզամ մերժելի լինեն Նազարյանի մանկավարժական հայացքներից մի քանիսը, այնուամենայնիվ գնահատելին այն է, որ նա դպրոցական դաստիարակութեան հարցը առաջադրում էր որպէս անհետաձգելի մի խնդիր, բարձրացնում էր մանկավարժական կադրերի պատրաստման, ճշգրիտ դիտութիւնների դասավանդման, դասադրքերի և բառարանների հրատարակութեան, ընտանեկան և ֆիզիկական դաստիարակութեան և բազմաթիվ այլ կարևորագույն հարցեր:

¹ Հայկ. սիստիմա, 1864, № 2, էջ 130:

² Նույն տեղը, էջ 131:

լուսավորութեան հարցը շատ է զբաղեցրել և «Հյուսիսափայլ»-ի գլխավոր աշխատակից Մ. Նալբանդյանին, որն այդ հարցին անդրադարձել է իր գրեթե բոլոր աշխատութիւններում: «Հյուսիսափայլ»-ի լուսավորական ծրագիրը Մ. Նալբանդյանն ընդլայնելով հանդում է շափազանց հետաքրքրական և համարձակ եզրակացութիւնները:

Խոսելով հայ իրականութեան մեջ մոլեգնող խավարի մասին, Նալբանդյանը ժողովրդին ինքնագիտակցութեան բերելու և նրա դրութիւնը բարձրելու ամենամեծ միջոցը համարում է լուսավորութիւնը:

«Լուսավորութիւն, — գրում է նա, — ահա մի մեծ և հոյակապ խնդիր, որ ազգի կարողքը և ուսումնականքը պարտական են լուծանել. չկա աշխարհի երեսին մի այնպիսի բան, որ ահարկու լիներ խավարից. սա մի զարհուրելի վարագույր է, որի տակ իրավունք ունին մարդիկ և մահ ենթադրել»¹:

Սակայն, եթե Նաղարյանի լուսավորութեան կոչը վերաբերում էր ընդհանրապես հայ ազգին, ապա Նալբանդյանի մոտ «ազգի լուսավորութիւն» տերմինը կոնկրետանում է և ստանում հասարակ ժողովրդի լուսավորութեան իմաստ: Նալբանդյանը գրում է.

«Անմխիթար տխրութիւն է ձգել միշտ իմ սրտի վերա մտածութիւնը, թե աշխարհի երեսին գտանված ամենայն ազգի մեջ հասարակ ժողովուրդը ենթարկվում է ավելի ծանր գրկողութեանների և տառապանքի, մինչ խորտակված էր նորա ազգութեան մեքենան, քան թե մասնավոր մարդիկ, այո, մեծատունք և մատնիչք»²:

Նալբանդյանը կրթված անձանց առաջին պարտքն է համարում «ծառայել ոչ ազգի կուռքերին, այլ, հասարակ ժողովրդի օգտին»: Նա ձգտում է գեթ լուսավորութեան ճանապարհով ժողովրդին հասցնել սոցիալական շարիքի ըմբռնման գիտակցութեանը: Հայտնելով, որ «ազգային մեքենան ջարդված է», Նալբանդյանը գրում է. «Ազգութեան մեքենայի—հա-

¹ «Հյուսիսափայլ», 1860, № 5, էջ 379:

² Նույն տեղը, էջ 378:

սարակ ժողովուրդի վերանորոգութիւնը հնարավոր է միայն գիտակցութիւն տնկելով նորա մեջ: Իսկ գիտակցութիւնը բխում է լուսավորութենից»¹:

«Հյուսիսսահայլ»-ի հրատարակութեան հենց առաջին ամիսներից Նալբանդյանն իր «Հիշատակարան»-ում սկսում է արծարծել հայ ժողովրդի լուսավորութեան և կրթութեան հարցերը, այդ խնդրում շատ մեծ նշանակութիւն տալով մանուկների ընտանեկան և դպրոցական դաստիարակութեանը: Առաջնորդելով այն մատերիալիստական դրույթով, թե՛ «Մարդու առաքինի, կամ վատթար լինելը պատահական բան է և կախված նորա դաստիարակութիւնից և կրթութիւնից, նորա ընկերութիւնից և շրջապատից», Նալբանդյանը դպրոցական դաստիարակութեանը հավասարազոր նշանակութիւն է տալիս և ընտանեկան դաստիարակութեան հարցերին. իր «Հիշատակարան»-ում ջերմ խոսքերով դիմելով հայ մայրերին, վերջիններիս ուշադրութիւնը նա հրավիրում է այդ կարևորագույն հարցի վրա:

Ընտանեկան դաստիարակութիւնը Նալբանդյանը համարում է լուսավորութեան սանդուղքի առաջին աստիճանը և սուրբ հանգամանորեն քննարկում է դաստիարակութեան խընդիրները:

Մ. Նալբանդյանը դպրոցական ամբիոնին հսկայական նշանակութիւն է տալիս, գտնելով, որ այնտեղից են քարոզվում ընկերասիրութեան, ազգասիրութեան, մարդասիրութեան, առաքինութեան, աշխատասիրութեան, և այլ բարձր գաղափարները: Մի քանի դժերով տալով հայ իրականութեան մեջ դոյութիւն ունեցող «դպրոց»-ի պատկերը, երբ «մի գյուղում, մի գոմի մեջ, երևում էր մի տիրացու ահագին դավալանը՝ ձեռքին՝ յուր աշակերտների ոսկերքը ջարդելու համար», նա առաջ է քաշում իր դպրոցական ծրագիրը²:

¹ «Հյուսիսսահայլ», 1860, № 5, էջ 370:

² Հակառակ Նազարյանի, Միսնասարյանի և այլոց, Նալբանդյանը գիտակցում էր այդ ծրագրի իրականացման հետ կապված դժվարութիւնները. «Այնպիսի տեղում, — գրում է նա, — ուր ժողովրդի չքավորութիւնը արգելադրի է այս գաղափարի իրագործութեանը»... սակայն դրաբնական նկատառումներով նա միտքը թողնում է անալարտ:

Նալբանդյանը նույնպես երազում է եվրոպական սիստեմով հաստատված մի աշխարհական դպրոցի մասին, սակայն առանց «հոգևոր մարդերի գործակցության»: «Ազգային ուսումնարան» հասկացողությունը նա բացահայտում է որպես բազմակողմանի ու հարուստ ծրագրով և հասարակական հոգաբարձություն մի դպրոց: Նալբանդյանի մշակած դպրոցական ծրագրի մեջ մտնում են հետևյալ առարկաները—հայերեն, հունարեն, լատիներեն, ֆրանսերեն, գերմաներեն և ռուսերեն, ընդհանուր պատմություն, ընդհանուր աշխարհագրություն, հայոց և ռուսաց պատմություն, հնախոսություն, օրենսգիտություն, մաթեմատիկա, ֆիզիկա, քիմիա, ընդհանուր բնական պատմություն, վաճառականական ուսմունք, վաճառականության պատմություն և այլն:

Դպրոցական դաստիարակության գործը լուրջ հիմքերի վրա դնելու նպատակով, Նալբանդյանը պահանջում է պատրաստել մանկավարժական լավորակ կադրեր: Նա միաժամանակ նպատակահարմար է գտնում դպրոցները հիմնադրել հայաշատ կենտրոններում, նախապես ապահովելով նրանց գործունեության հարատևությունը: Այս առումով Նալբանդյանն անողոք էր բոլոր այն հնամուլների դեմ, ովքեր դպրոցն անտեսելով, մտածում էին վանքերի ու եկեղեցիների շինություն մասին:

Քննադատելով ռեակցիոն վարդապետ Ս. Զալալյանի «Ճանապարհորդություն ի Մեծն Հայաստան» աշխատությունը, որտեղ հեղինակը ողբում է հայոց վանքերի կործանումը, Նալբանդյանը հայտարարում է, որ վանքերի շինությունը ներկա ժամանակներում ոչ մի նպատակ չունի մարդկային առաջադիմության գործում, այնինչ «հայերը ունին ավելի հիմնավոր և խորհրդավոր ողբալիք, թո՛ղ դպրոցների շինելը կամ լինելուց շինելու հավասար փիճակը նյութ լինի նոցա ողբերին և լացին, թո՛ղ աշխատին դպրոց շինել, աշակերտ հասուցանել, աղբը լուսավորել: Վանքերի սաղմոսագրությունքը հանդես չունին ազգային լուսավորության մեջ»¹։ Նալբանդյանը պահանջում է ժողովրդական դպրոցի ղեկավարությունը հանձնել միմիայն աշխարհականներին:

¹ «Հյուսիսափայլ», 1839, № 8, էջ 657:

Իբրև պատասխան Նազարյանի այն կարծիքին, թե դրպրոցն ու եկեղեցին համերաշխորեն կարող են համագործակցել, Նալբանդյանը արտահայտում է իր վճիռը.

«Լուսավորության հանդիսում շատ նեղ է հոգևոր մարդերի ասպարեզը. ոչինչ ազգ չէ հասել լուսավորության վերին աստիճանին, հոգևոր դաստիարակների ձեռքով: Թո՛ղ հոգևորքը պարապեն աստվածային բանի ողջամիտ վարդապետությամբ, բայց ազգի լուսավորությունը պիտո է հառաջանա բուն ազգի հողաբարձությունը: Լուսավորությունը այնքան հիմնավոր է, որքան ազատ է և անկախ. ստրկության մեջ չէ կարող լուսավորության ծիրը կանաչիլ»¹:

Նալբանդյանը հայ ժողովրդի վիճակի բարվոքումը պայմանավորելով ազգային կրթության բարելավմամբ, հանդում է հասարակ ժողովրդի դաստիարակության, նրան ժամանակի հուզող հարցերին հաղորդակից դարձնելու և սոցիալական անարդարության դեմ պայքարի գաղափարին:

3. ԿՐԱ-ՔՆՆԱԿԱՏԱԿԱՆ ՄԻՏՔԸ «ՀՅՈՒՄԻՍԱՓԱՅԼ»-Ի ԷՋԵՐՈՒՄ

19-րդ դարի 60-ական թվականների քաղաքական պայքարում առանձնահատուկ նշանակություն են ստանում գեղարվեստական դրականությունը և գրական քննադատությունը, որոնց միջոցով ուսա առաջավոր գրողները պրոպագանդում են գյուղացիական ուսուցիչայի անհրաժեշտության գաղափարը: Ժամանակի առաջավոր պարբերական մամուլը ցարական գրաքննության առկայության պայմաններում հնարավորություն է ընձեռում ուսուցիչին դեմոկրատներին՝ իրենց գեղարվեստական գործերի, հրատարակախոսական հոդվածների և գրաքննադատական տեսությունների միջոցով անց կացնելու ժամանակի հուզող գաղափարները:

Դեռևս 40-ական թվականներին Բելինսկին հսկայական նշանակություն էր տալիս գեղարվեստական գրականությանը, որպես ժողովրդին ինքնաճանաչության բերելու և նրան առաջիկա շարժումներին նախապատրաստելու կարևոր գոր-

¹ «Հյուսիսափայլ», 1858, № 10, էջ 310:

ծոնի: «Ինչ էլ որ ներկայացնելիս լինի մեր գրականությունը, — գրում է նա, — նրա նշանակությունը մեզ համար այնուամենայնիվ շատ ավելի կարևոր է, քան այդ կարող է թվալ. նրա մեջ, միայն նրա մեջ է ամփոփված մեր ամբողջ մտավոր կյանքը և մեր կյանքի ամբողջ սյուզիան»¹: Միայն գրականության մեջ, — գրում է նա Գոգոլին ուղղված հայտնի նամակում, — շնայած թաթարական գրաքննությանը, դեռևս կյանք և առաջընթաց շարժում կա: Իսկ հասարակությունը, — շարունակում է նա այնուհետև, — իրավացի կերպով «ուս գրողների մեջ տեսնում է իր միակ առաջնորդներին, պաշտպաններին ու փրկիչներին՝ ուսական ինքնակալությունից, ուղղափառությունից և ժողովրդայնությունից»²:

Բելլինսկին 40-ական թվականներին մշակում է մի նոր էսթետիկական տեսություն, որն իր հիմքով տարբերվում էր հեգելյան տեսությունից և ամբողջացնում էր իր սոցիալ-քաղաքական հայացքները:

Հակադրվելով ժամանակի գրական ուղղություններին, Բելլինսկին առաջ է քաշում իրականությունը ճշմարտացիորեն պատկերելու անհրաժեշտությունը, ընդ որում, նրան առանձնապես հուզում էր ճորտ գյուղացիության ծանր վիճակի պատկերումը ցարական ինքնակալության պայմաններում: Այս առումով հատկանշական է նրա մղած սլաքարը «մաքուր արվեստի» տեսաբանների դեմ, որոնք ձգտում էին արվեստը հեռացնել օրվա հրատապ հարցերից: «Բնությունն արվեստի հավիտենական նմուշն է, իսկ բնության ամենապլեսմ և ամենաազնիվ առարկան մարդն է, իսկ մուժիկը մի՞թե մարդ չէ»³, — բացականչում է նա և իսկույն ավելացնում, թե այդ կոպիտ և կրթություն չունեցող մարդկանց մեջ ևս մեծ հետաքրքրություն են ներկայացնում նրանց հոգին, խելքը, սիրտը, կրքերը, հակումները: Բելլինսկին մեծ կրքով և հետևողականությամբ պայքարում է գրականության դադափարական բովանդակության, արվեստը ժողովրդի շահերին ծառա-

¹ В. Г. Белинский, Собрание сочинений в 3-х томах, т. 3, էջ 83:

² Նույն տեղը, էջ 712:

³ Նույն տեղը, էջ 787:

յեցնելու համար: «Եւել արվեստից հասարակական շահերին ծառայելու իրավունքը,— գրում է նա,— նշանակում է ոչ թե բարձրացնել, այլ ստորացնել նրան, որովհետև այդ նշանակում է նրան զրկել ամենակենդանի ուժից՝ մտքից և դարձնել ինչ-որ փափկակենցաղ մարդկանց հաճույքների առարկա, անգործ ծուլերի խաղալիք»¹: Սրա հետ միասին Բելինսկին ոչ պակաս կարևոր է համարում գեղարվեստական երկի ձևի կատարելությունը, գտնելով, որ գեղարվեստական առումով թույլ երկերը ոչ մի արժեք չեն կարող ունենալ, որքան էլ հագեցված լինեն առաջավոր գաղափարներով:

Բելինսկու մշակած էսթետիկական սկզբունքները նրա մահվանը հաջորդած «մուսյլ յոթնամյակի» տարիներին գրեթե կիրառում չեն գտնում, իսկ նրա անունն արգելվում է հիշել հրապարակորեն, կամ մամուլի էջերում: Այդ ժամանակամիջոցում Նեկրասովն ստիպված էր «Սովրեմեննիկ»-ի էջերում առժամանակ տեղ տալ նույնիսկ «մաքուր արվեստի» կողմնակիցներին: Սակայն, կարճ ժամանակից հետո, 1855 թվականին տպագրած իր մադիստրական դիսերտացիայում, ինչպես և «Ռուս գրականության գոգոլյան շրջանի ուրվագծեր» հոդվածաշարում, Չերնիշևսկին կրկին վեր է հանում Բելինսկու էսթետիկական տեսությունը, որը և վարդացնելով, հասցրնում մի նոր, բարձր աստիճանի:

Բարձր գնահատելով Բելինսկու պատմական դերը ուս հասարակական մտքի պատմության մեջ ընդհանրապես և ուս գրականության պատմության մեջ՝ մասնավորապես, Չերնիշևսկին ընթերցող լայն հասարակությանը հանգամանորեն ծանոթացնում է նրա ստեղծագործության, նրա հայացքների հետ: Իր ժամանակի լիբերալների հարձակումներին ի պատասխան, թե նա ներկա առաջընթաց շարժման համար առաջարկում է ուժեր քաղել անցյալից, մեռածից, Չերնիշևսկին պատասխանում է. «Դեռ հարկավոր է հետաքրքրվել այն հարցով, թե այդ գաղաղներում պառկածներն իրոք մեռածնե՞ր են: Չլինի՞ թե նրանցում կենդանի մարդիկ են

¹ В. Г. Белинский, Собрание сочинений в 3-х томах, т. 3, էջ 707:

թաղված: Համենայն դեպս, այդ ննջեցյալների մոտ կյանքն արդյոք շատ ավելի ուժեղ չի՞ արտահայտվում, քան շատ մարդկանց մոտ, որոնք կոչվում են կենդանի: Չէ՞ որ եթե գրողի խոսքը ոգեշնչված է ճշմարտության գաղափարով, հասարակության մտավոր կյանքի վրա բարեբար ներգործության ձգտումով, ապա այդ խոսքը պարունակում է իր մեջ կյանքի սերմեր և երբեք չի մեռնի»¹:

Չերնիշևսկու էսթետիկական սկզբունքները ևս սերտորեն կապված են նրա ուսուցչական-դեմոկրատական աշխարհայացքի հետ և ծառայում են աշխատավոր ժողովրդի շահերին: Նա մերժում է հեգելյան այն դրույթը, ըստ որի գեղեցիկը կապվելով բացարձակ իդեալի հետ, վեր է դասվում կյանքից, նյութական աշխարհից: Նա մինչև վերջ մերկացնում է մաքուր արվեստի տեսության ունակցիոն, հակաժողովրդական էությունը, բացահայտում նրա երկակի, խաբեական բնույթը: «Արվեստը կյանքից պետք է անկախ լինի» արտահայտությունը, — գրում է նա, — միշտ էլ դիմակի դեր է կատարել այն պայքարում, որ այդ մարդիկ մղում են գրականության՝ իրենց համար անդուրալի ուղղությունների դեմ, նպատակ ունենալով գրականությունը սպասավորուհի դարձնել մի այլ ուղղության, որ այդ մարդկանց ճաշակին ավելի է համապատասխանում»²: «Արվեստն արվեստի համար» ուղղությանը նա հակադրում է իր «արվեստը կյանքի համար» թեզը, որն ուղղված էր ճորտատիրական կարգերը ուսուցչական ճանապարհով վերացնելու և ժողովրդի համար բարեկեցիկ կյանք ստեղծելու նպատակին:

Վեր հանելով գրականության ակտիվ, ներգործուն դերը հասարակական կյանքում, Չերնիշևսկին առաջ է քաշում գրականության գաղափարայնության հարցը, և ցույց տալիս, որ «գրականությունը չի կարող չլինել իդեաների այս կամ այն ուղղության սպասավորուհի»³: Կարևորն այս դեպքում այն է,

¹ Ն. Գ. Չերնիշևսկի, Ռուս գրականության գոգոլյան շրջանի արվագծեր, էջ 10:

² Նույն տեղը, էջ 517:

³ Նույն տեղը, էջ 516:

իհարկե, թե գրականութիւնը իր դարաշրջանի ո՞ր գաղափարներին պետք է ծառայի. այստեղ Չերնիշևսկին խսկույն ավելացնում է. «Պայծառ զարգացման են հասնում գրականութեան միայն այն ուղղութիւնները, որոնք ծագում են ուժեղ և կենդանի գաղափարի ազդեցութեան տակ, որոնք բազարարում են դարաշրջանի անհետաձգելի պահանջները»¹։

Ինչպես իր տեսական, այնպես էլ գրաքննադատական հոդվածներում Չերնիշևսկին զարգացնում է իր կողմից մշակված ռուսուցիոն-դեմոկրատական քննադատութեան սկզբունքները։

Չերնիշևսկին արվեստագետից պահանջում է պատկերների և գեղարվեստական կերպարների միջոցով ճշմարտացիութեն արտացոլել իրականութիւնը։ Իրականութեան արտացոլման խնդրին նա տալիս է մեծ նշանակութիւն, պահանջելով ոչ միայն վերարտագրել այն, այլև հարկ եղած դեպքում դատավճիռ կարդալ այդ իրականութեան արատավոր երևույթներին։

19-րդ դարի 60-ական թվականներին ռուս իրականութեան մեջ արվեստի տեսութեան հարցերի շուրջը ծայր առած պայքարում մաքուր արվեստի տեսաբանները պարտութեան են մատնվում Չերնիշևսկու, Դոբրոլյուբովի և նրանց բազմաթիվ հետևորդների կողմից։ Ռուս գրականութիւնն ու քննադատութիւնն ստանում են քաղաքական խոր բովանդակութիւն։

Այլ էր գրութիւնը հայ իրականութեան մեջ. այստեղ արդեն գրաքննադատութիւնը մնում էր որպէս մի անծանոթ ու անմշակ բնագավառ, որն առաջին անգամ կենդանութիւն է ստանում «Հյուսիսափայլ»-ի գործիչների ջանքերով։ Մեծ է «Հյուսիսափայլ»-ի դերը հայ գրականութեան մեջ լուրջ գրաքննադատութիւն ստեղծելու գործում։ Նախահյուսիսափայլյան շրջանի հայ պարբերական մամուլը թերթելիս դժվար կլինի հանդիպել մի այլ ամսագրի, որտեղ քննադատական միտքը գտնվեր փոքր ի շատե տանելի աստիճանի վրա։ Այդ ամսագրերում ամենաշատը կարելի է հանդիպել այս կամ այն գրքի հրատարակութեան առիթով գրված փոքր հաղոր-

¹ Ն. Գ. Չերնիշևսկի, Ռուս գրականութեան գոգոյան շրջանի ուրվագծեր, էջ 517։

դումների, կամ հատուկենտ դրախոսականների, որոնք բացառապես պարսավի, կամ ներքողի բնույթ են կրում:

Ս. Մանդինյանի «Մեղու Հայաստանի»-ն, ինչպես նաև Մսերյանների «Ճոռաքաղ»-ը չեն ղետեղել գրեթե ոչ մի քրննադատական հոդված, որն արժանի լիներ ուշադրության: Տպագրված առանձին փոքրիկ հոդվածները նախվ են, գրված առանց կայուն սկզբունքների, առանց տեսական հիմնավորման:

«Հյուսիսափայլ»-ի էջերում տպագրված մի շարք լուրջ գրաքննադատական հոդվածների մեջ գրսեղրվել են հայ դեմոկրատական քննադատական մտքի հիմունքները:

Սյտեղ քննության առարկա են դառնում այն գրքերը, որոնք գրված լինելով աշխարհաբար լեզվով, իրենց բարձրացրած հարցերով կարող էին ծառայել հայ ժողովրդի դաստիարակության գործին:

Նաղարյանի «Հանդես նոր հայաստանի» երկհատոր ժողովածուի, էժեն Սյուի «Թափառական հրեա»-ի և «Ռոբինզոն Կրուզո»-ի հայերեն թարգմանությունների, Ս. Շահաղիզի «Լեռնի վիշտը» պոեմի մասին գրված հոդվածները, ինչպես և «Մեռելահարցուկ» վեպի մեջ տողատակի ծանոթության ձևվով գրված լուրջ նկատողությունը և Սրբովյանի «Վերք Հայաստանի» վեպի մասին, պերճախոս կերպով բացահայտում են «Հյուսիսափայլ»-ի քննադատների համակրանքների շրջանակները:

Հայ իրականության մեջ Նալբանդյանի ջանքերով մշակվում է դեմոկրատական էսթետիկական մի տեսություն, որն իր հիմքով առնչվելով ռուս ուսուցիչին-դեմոկրատների էսթետիկական ուսմունքին, լիովին համապատասխանում էր հայ իրականությանը հուզող հարցերին:

Մ. Նալբանդյանի հյուսիսափայլյան շրջանի գրաքննադատական հոդվածներում որոշակիորեն դրսևորվել է Բելինսկու և Չերնիշևսկու էսթետիկական հայացքների ազդեցությունը:

Հայ գրականության մեջ երևան եկած առաջին լուրջ երկերը գնահատելիս Նալբանդյանը շափանիշ էր ընդունում ազգի հոգու, ներկա վիճակի, հասկացողությունների պատ-

կերման հարազատութեան աստիճանը: Նա մերժում էր գրական այն երկերը, որոնք իրենց լեզվով և դադափարական բովանդակութեամբ անկարող էին ժողովրդին ծառայել «որպես կամուրջ լուսավորութեան»: Այս տեսակետից նա ոչընչացնող քննադատութեան է ենթարկում Մխիթարյանների կլասիցիստական գրականութունը, համարելով այն «դանակով կտրած, բաժանած ժողովրդից»: «Այն մատենագրութունը, — գրում է Նալբանդյանը, — որի մեջ, իբրև հայելու մեջ, չէ երևում ազգի կյանքը, նորա և ամենանուրբ գծագրութունքը, այդպիսի մի մատենագրութուն, թող ներեն մեզ այսպես ասել ճշմարտութունը, նման է ճիզվիթների կրոնավորութեանը... այդպիսի մատենագրութունը այնքան դաստիարակիչ կլինի ազգին, որքան մի խորթ մայր օտարի զավակներին»¹:

Այս կամ այն բանաստեղծի ազգային բնույթը որոշելիս, Նալբանդյանը ղեկավարվում էր այն շարժանիշով, թե նրա ստեղծագործութունն ի՞նչ փոխհարաբերութեան մեջ է գրտնըվում «ազգի հետ, ազգի իմացական և բարոյական կյանքի հետ»: Առաջնորդվելով այս սկզբունքով, նա արժեքավորում է Թաղիադյանի «Տեր, կեցո դու զհայս» բանաստեղծութունը, Գամառ-Քաթիպայի «Ազգային երգարան հայոց» ժողովածուն և այլն:

«Ճշմարիտ և ստույգ մատենագրութունը մի հայելի է, — գրում է Նալբանդյանը, — որի մեջ ցոլանում է ազգի կյանքը: Եվ որպես հարգի է այն հայելին, որ ճիշտ ցոլացնում էր յուր առաջև դրած առարկայի պատկերը, նույն շարժում մի մատենագրութուն, որի մեջ ստուգապես երևում էր ազգի կյանքը և պատկերը»²: Այն գրականութունը, սակայն, որ կեղծում է իրականութունը, Նալբանդյանը համարում է «խարդախ մատենագրութուն»:

Իրականութեան ճշմարտացի արտացոլման պահանջն առաջադրելով գեղարվեստական գրականութեանը, Նալբանդյանը վերջինս համեմատում է պատմութեան հետ: Պատմու-

¹ «Հյուսիսսփայլ», 1858, № 1, էջ 76:

² Նույն տեղը, № 9, էջ 245:

թյան և բանաստեղծության միջև եղած տարբերությունները ընդունելով հանդերձ, Նալբանդյանը ընդգծում է, որ «բանաստեղծությունը կատարելագործում է մեր հասկացողությունը ազգի հոգու կամ հոգեղեն կյանքի մասին, որ պակաս էր թողել պատմությունը»¹:

Արվեստի հիմնական խնդիրը համարելով իրականության հարազատ վերարտադրումը, Նալբանդյանը, սակայն, չի պահանջում կյանքի լուսանկարումը:

Նա գտնում է, որ գեղարվեստական գրականությունը կարող է արտացոլել նաև այն հավանականը, որ կարող էր կատարվել, հարազատ ու բնորոշ է տվյալ ժողովրդին և տրամաբանորեն բխում է կյանքից: «Այս է խնդիրը. կատարվե՞լ են այդ իրողությունքը, կամ, եթե չեն ևս կատարված, ապա կարո՞ղ էին կատարվիլ, թե ո՞չ»²:

Առաջնորդվելով գրականությունը ժողովրդի շահերին ծառայեցնելու սկզբունքներով, Մ. Նալբանդյանը վճռական նշանակություն է տալիս գրական երկի գաղափարական բովանդակությանը: Նա իր ժամանակի գրողների ուշադրությունը հրավիրում է այն բանի վրա, որ նրանք ջանան «ուղև և ծուծ» դնել հայոց ամուլ գրականության մեջ: Հետևողականորեն առաջնորդվելով այդ սկզբունքներով, Նալբանդյանը խիստ ընտրություն է կատարում «Հյուսիսսփայլ»-ում տպագրվելիք ստեղծագործությունների միջև:

«Խնդրում եմ ամեն մի մարդուց, — գրում է նա, — որ խնայեն իմ «Հիշատակարանը» և բան ուղարկելու ժամանակ, աշխատեն այնպիսի բան ուղարկել, որ և յուրյանց, և ինձ, և պատվելի ընթերցողներին ժամանակի զուր կորուստ չլինի»³:

«Հյուսիսսփայլ»-ում նրա հրատարակության առաջին տարիներին տպագրված նյութերը ցույց են տալիս, որ գրանք ընտրված են որոշակի նպատակներով և հետևողականությամբ:

¹ «Հյուսիսսփայլ», 1859, № 9, էջ 697:

² Նույն տեղը, էջ 698:

³ Նույն տեղը, № 1, էջ 79:

Նալբանդյանն առաջին պլանի վրա դնելով գրականության գաղափարական բովանդակության հարցը, միաժամանակ հեղինակների ուշադրությունը հրավիրում է գրականության ձևի խնդիրների վրա: Գեղարվեստական գրականությունը պետք է կարողանա միանգամայն համոզիչ կերպով արտացոլել իրականությունը, ստեղծել գեղարվեստական լիարժեք կերպարներ: Ահա թե ինչու, խոսելով «Արիստակես» ողբերգության բեմադրության մասին, Նալբանդյանը ընդգծում է այն հանգամանքը, որ պիեսում բացակայում է կենդանի գործողությունը, և որ հեղինակին չի հաջողվել ստեղծել լիարյուն մարդկանց կերպարներ, պիեսը լի է արհեստական ու պաթետիկ ճառերով: Հիշյալ ողբերգությունը նա համարում է «թույլ բան» և «զուրկ ամենայն բանաստեղծական ճարտարությունից». «ասես թե դորա հեղինակը հարկադրանքով գրել է այդ գործը», — ավելացնում է Նալբանդյանը վերջում:

Մինչդեռ նա բարձր է գնահատում հայ ուսանողների բեմադրած «Վա՛յ իմ կորած հիսուն ոսկի» կենցաղային կոմեդիան, նշելով այդտեղ ներկայացված հայկական բնավորությունների կենդանությունը:

«Հասարակ ժողովրդի» դաստիարակության գործում կարևոր դեր հատկացնելով գեղարվեստական գրականությանը, Նալբանդյանն առանձնահատուկ ուշադրություն է դարձնում գրական երկի լեզվի վրա:

Այս առումով արժեքավորելով հանդերձ Մ. Թաղիադյանի և Դ. Ալիշանի ստեղծագործությունների ոգին և գաղափարական բովանդակությունը, Նալբանդյանը մերժում է նրանց լեզուն, որը քչերին էր մատչելի:

«Ես մինչև-այժմ չեմ հասկանում, թե Թաղիադյանցը ինչ խորհրդով գործածական լեզու շինեց յուր մատենագրության հանդիսում հին և մեռած լեզուն, — գրում է նա, — ...Դրժվար է հասկանալ այսպիսի անբնական գործը, մանավանդ Թաղիադյանցի կողմից, որ եվրոպական կրթություն ստացած լինելով, ...չէ մտածել, թե խոսելու կամ գրելու խորհուրդը այն է, որ ժողովուրդը կարդա և բան հասկանա»¹:

¹ «Հյուսիսափայլ», 1859, № 9, էջ 691:

Առաջնորդվելով գրականությունն ու գիտությունը ժողովրդին ծառայեցնելու այդ միևնույն սկզբունքով, Մ. Նալբանդյանն առավել անզիջող է դառնում գիտական աշխատությունների և պատմական ուսումնասիրությունների նկատմամբ:

Ոչնչացնող քննադատության ենթարկելով Ա. Խուզարաշևի «Հայոց պատմություն» աշխատությունը¹, Նալբանդյանը պահանջում է խոսել փաստերի լեզվով, առանց կամայական հայտարարությունների. երևակայությունը «ինչքան ևս հանդես թննես բանաստեղծության մեջ, պատմական դորժերում զրկված է ամենայն արժեքից», — գրում է նա:

Խուզարաշևը քննադատվում է նաև իր սխալ դադափարների, բնագրերի աղավաղումների, այլ հեղինակների աշխատություններից կատարած գրագողության համար:

Նալբանդյանը իր «Հիշատակարան»-ում հանդես է գալիս կովկասահայ ռեակցիոններների պարադոքսալ Սարգիս վարդապետ Ջալալյանի «Ճանապարհորդություն ի մեծն Հայաստան» գրքի քննադատությամբ: Նա անողոք կերպով վեր է հանում այդ աշխատության աղաղակող սխալները, դատապարտում միատիպական ոգին, ոչնչության հավասարեցնում դրա «գիտական արժանիքները», ցույց է տալիս Ջալալյան վարդապետի տգիտությունը բնական գիտությունների ասպարեզում:

Հարկավ, Նալբանդյանի հողվածը հասնում է իր նպատակին, հայ հասարակության մեջ ղինաթափ անելով Ջալալյանի նման մի վտանգավոր քաղաքական հակառակորդի:

Եթե 60-ական թվականներին ուռա իրականության մեջ վաղուց արդեն դոյություն ունեւր լրջորեն ձևավորված գրաքննադատական միտք և գրական տարբեր հոսանքները պայքարի մեջ էին գտնվում գրական հարցերում, ապա հայ իրականության մեջ քչերին էր ծանոթ կրիտիկա հասկացողությունը:

Ահա թե ինչն' է և՛ Մ. Նալբանդյանը, և՛ Ստ. Նազարյանը

¹ «Обозрение Армении, в географическом, историческом и литературном отношениях», СПб, 1859.

իրենց առաջին քննադատական հոդվածներում անհրաժեշտ են համարել տալ քննադատի և քննադատության բնորոշումները, բացահայտել դրանց կոչումը:

Նալբանդյանը քննադատությունը համարում է գրականության օրգանական մասը, նրա հոգին և նշում է, թե՛ «Մասենագրությունն առանց կրիտիկայի, միևնույն է, ինչպես մարմինն առանց հոգու», ուստի և «այն ազգը, որ չունի կրիտիկա, չունի և մատենագրություն»¹:

Ավելին, կրիտիկան նա համարում է յուրաքանչյուր մի ազգի լուսավորության աստիճանի չափանիշը:

Նալբանդյանն, անկասկած, նկատի ունենալով ռուսական առաջավոր գրաքննադատական միտքը, գրում է. «Այժմյան լուսավորչալ ազգերի մեջ այնքան ծաղկած է կրիտիկան, որ համարձակ կարելի է ասել, թե այդ բանը դարձած է մի մեծ ճյուղ մատենագրության և այն՝ շատ օգտակար ճյուղը»²:

Հայ իրականության մեջ ևս այդ «օգտակար ճյուղը» զարգացնելու նպատակով Նալբանդյանը հանգամանորեն պարզաբանում է կրիտիկայի խնդիրները:

Ստիպված լինելով հերքելու տարածված այն կարծիքը, թե՛ քննադատությունը պարսավանք է, կամ գովասանք, նա գրում է. «Կրիտիկան մի սուրբ և անկողմնապահ դատաստան է, մի այնպիսի դատաստան, որի առաջև միևնույնն են բարեկամ և թշնամի, որ և մի անաչառ դատավորի նման քննում է մի գործի արժանավորություն և պակասություն»³:

Կրիտիկան վեր հանելով գեղարվեստական գործի արժանիքները՝ ջերմացնում է ժողովրդի սիրտը և օգնում նրա ընդունելության գործին, միաժամանակ քաջալերում է հեղինակին և նրան մղում դեպի ստեղծագործական նորանոր հաջողություններ: Այնուհետև, բացահայտելով գործի թերությունները, կրիտիկան ժողովրդին հեռու է պահում վտանգավոր մտքերից և աղղեցություններից: Վերջապես, հեղինակին օգնում է մշակելու և անթերի դարձնելու իր գործը: Այսպիսով,

¹ «Հյուսիսափայլ», 1858, № 1, էջ 75:

² Նույն տեղը:

³ Նույն տեղը, էջ 73:

«կրիտիկան անտարակույս օգտակար է լինում և հասարակութանը, և հեղինակին»:

Այնուհետև, Նալբանդյանը հերքում է այն կարծիքը, թե իբր կրիտիկան ավելորդ է, որովհետև յուրաքանչյուր ոք կարող է գնահատել այս կամ այն երկը: Նա գրում է. «Ո՛չ ամենայն ընթերցող մարդ ազգի մեջ ունի այնքան գիտություն, հասկացողություն, որ կարողանա դատավոր լինել»¹:

Այնինչ, լուրջ քննադատությունը երբեմն այս կամ այն գրական երկի մեջ գտնում է արժեքներ, որոնք չեն գիտակցվում նույնիսկ իրենց՝ հեղինակների կողմից:

«Հիշատակարան»-ի էջերում Նալբանդյանը բազմիցս անդրադառնում է հայ նոր գրականության զարգացման և նրա հեռանկարների հարցերին: Նա նշում է ժողովրդի ազգային կյանքը հարազատորեն արտացոլող գրականության ստեղծման անհրաժեշտությունը:

Մ. Նալբանդյանն իր հյուսիսսփայլյան շրջանի գործունեության ընթացքում լուրջ ուշադրություն է նվիրել և թարգմանության խնդիրներին:

Հայ աշխարհիկ գրականության զարգացման լուրջ խթաններից մեկը Նալբանդյանը համարում էր թարգմանությունը: Հայտնի է, որ «Հյուսիսսփայլ»-ի հրատարակության առաջին տարիներին նա տպագրեց մի շարք թարգմանական ստեղծագործություններ: Ավելի ուշ, երբ «Հյուսիսսփայլ»-ի հակառակորդները հայտարարում են, թե այդ ամսագրի էջերում տպագրված եվրոպական վեպերը «բնավ մեզ, մեր ազգին վերաբերություն չունին», Նալբանդյանն իր պաշտպանության տակ է առնում «Հյուսիսսփայլ»-ը: «Ամեն մի ընտիր վաստակ, ինչ լեզվով ևս լինի գրված, այնուամենայնիվ միշտ օգտակար է բոլոր մարդկության»², — գրում է նա: Կարևորն այն էր, տվյալ դեպքում, որ թարգմանված երկերը իրենց բովանդակությամբ, արծարծած խնդիրներով և «ազատ հայեցվածներով» համապատասխանեին այն պահանջներին, որ

¹ «Հյուսիսսփայլ», 1858, № 1, էջ 73:

² Մ. Նալբանդյան, ԵԺԺ, հ. 2, էջ 403:

առաջադրում էր հայ իրականությունը: Ահա թե ինչու «Հիշատակարան»-ում Նալբանդյանը խիստ քննադատության է ենթարկում Խորեն վարդապետ Գալֆայանին՝ կամարթինի «Les Harmonies» բանաստեղծությունների ժողովածուի թարգմանության համար: «Կամարթինի գործերը առաջին հարկավոր բաները չեն»,—գրում է Մ. Նալբանդյանը,—նրա «տաղերգությունների յուրաքանչյուր տողերից փչում է միստիկականություն, որ ոչ միայն օգտակար չէ, այլ շատ և շատ վնասակար է, եթե առողջ բանականությամբ աչքի տակ ձգենք մեր ազգի վիճակը: Մեզ հարկավոր է կյանք և շարժողություն...»¹: Մի այլ առիթով խոսելով Բեռնարդեն դը Սան Պիեռի «Պավլոս և Վիրգինե»-ի հայերեն թարգմանության մասին, Նալբանդյանը խոստովանում է, որ ինքը կհամաձայնվեր ներողամտորեն նայել այդ թարգմանության թերությունների և լեզվի տկարության վրա, եթե միայն այն իր գաղափարական բովանդակությամբ բավարարեր ժամանակի առաջադրած պահանջները: Սակայն «այդ գործը (բնագիրը) չունի ոչինչ մատենագրական արժանավորություն»,—հայտարարում է նա, հայ գործիչներից խնդրելով «թարգմանության ժամանակ ուշ դարձուցանել այն բանի վերա, որ բնագիրը ունենա մի հաստահիմն արժանավորություն»²:

Որ «հաստահիմն արժանավորությունը» Նալբանդյանի համար հավասարազոր է առաջադիմական, դեմոկրատական եւղղության նշանակության, այդ ցայտուն կերպով երևում է Կալիկաթայից 1861 թվականին Անանիա Սուլթանշահին ուղղած նրա մի նամակից: «Ամենևին ձեռնհաս չեմ «Հյուսիսափայլ»-ի համար աշխատելու. եղանակը, դատաստանական զբաղմունքը, պանդխտության դժնդակ ծանրությունը խլում են ինձանից իմ վերջին հնարները: Բայց դու աշխատիր գեթ մի հատ ազատամիտ բան թարգմանել»³:

Իր զրական-հրապարակախոսական գործունեության ընթացքում Մ. Նալբանդյանն առաջնորդվում էր այս ծրագրով,

¹ «Հյուսիսափայլ», 1859, № 9, էջ 733:

² Նույն տեղը, էջ 745:

³ Մ. Նալբանդյան, ԵԼԺ, հ. 4, էջ 109 (ընդգծումը մերն է—Մ.Մ.):

իր հետևից տանելով և Անանիա Սուլթանշահին, Գաբրիել Տեր-Հովհաննիսյանին ու այլ առաջավոր գործիչներին:

Նալբանդյանն իր «Հիշատակարան»-ում անդրադարձել է և թատրոնի զարգացման, նրա նշանակության և հեռանկարների հարցերին:

«Հյուսիսափայլ» ամսագրի հրատարակության առաջին տարում հայ իրականության մեջ կատարվում է մի խոշոր իրադարձություն. հիմնադրվում է արևելահայ թատրոնը:

1859 թվականի հունվարի 27-ին Մոսկվայի համալսարանի հայ ուսանողները Միքայել Հարությունյան-Ստեփանյանցի տանը բեմադրում են «Արիստակես» եղբերգությունը և «Վա՛յ իմ կորած հիսուն ոսկին» կատակերգությունը:

Ավելի քան 200 մարդ էր հավաքվել դիտելու այդ նորանշան երևույթը: Եթե հայ հետադիմական մամուլը, հանձին «Ճռաքաղ»-ի, անվերապահորեն մեծարանքի խոսքով դիմավորեց թատերասեր երիտասարդների ձեռնարկությունը, ապա «Հյուսիսափայլ» ամսագիրը ողջունելով հանդերձ, քննադատական կարևոր դիտողություններ արավ:

«Հյուսիսափայլ»-ի այդ դիրքը ժամանակին քննադատվեց հայ հետադիմական մամուլի կողմից: Բանն այն էր, որ Միքայել Նալբանդյանը ողջունելով հայ թատերասեր երիտասարդությունը, լուրջ քննադատության էր ենթարկում «Արիստակես» ողբերգությունը, որը, անշուշտ, շատ մոտ էր ճռաքաղյան լազերի գործիչների սրտին:

Մ. Նալբանդյանը Մոսկվայի հայ ուսանողության նախաձեռնությունը համարում է խրախուսելի երևույթ, որպես հայ ժողովրդի դաստիարակության կարևոր միջոցառումներից մեկը: Այս առումով էլ նա խիստ քննադատության է ենթարկում ուսանողների բեմադրած «Արիստակես» ողբերգության ղեկավարվեստական անկատարությունը և գրաբար լեզուն, որը չէր կարող նպաստել ժողովրդական լեզվի զարգացման գործին:

Մ. Նալբանդյանը հանդիսանում է հիմնադիրը հայ ուսուցիչոն-դեմոկրատական էսթետիկայի:

Հայ մեծ քննադատի գեղագիտական հայացքների բարձ-

րակետն է հանդիսանում «Սոս և Վարդիթերի կրիտիկան»՝ գրված Պետրոսյավլովյան ամբոցում: Նրա էսթետիկան վերջին, հետհյուսիսամիսյայան շրջանում ուղղված էր գոյություն ունեցող անարդար կարգերի ոչնչացման և այդ իրավակարգը փոխելու նպատակին:

«Հյուսիսամիսյա» ամսագրում տպագրվել են և Ս. Նազարյանի գրաքննադատական հոդվածները: Արձագանքելով ժամանակի առաջադիմական շարժմանը և մասամբ ընդունելով Նալբանդյանի էսթետիկական սկզբունքները, Ս. Նազարյանը արվեստի և գրականության խնդիրն է համարում ժողովրդի դաստիարակության գործը: Նրա քննադատական սակավաթիվ հոդվածները լի են հայ ժողովրդի մտավոր առաջընթացին նվիրված խորհրդածություններով: Այսպես, գրախոսելով «Թափառական հրեա»-ի Նալբանդյանի թարգմանությունը, Նազարյանը գրեթե բառացիորեն վերապատմում է Նալբանդյանի առաջաբանը, դրան կցելով իր սեփական ծրագիրը՝ հայերի լուսավորության, ազգային դարոցների հիմնադրման, գրականության զարգացման և այլ հարցերի մասին: Այնուհետև, ինչպես Շիրլերի «Մեսինական հարսի» թարգմանությունը կցած իր առաջաբանում, այնպես էլ Ս. Շահազիզի «Լեոնի վշտի» մասին գրած գրախոսականում Նազարյանը շարունակում է խոսել իրեն հուզող այն հիմնական հարցի մասին, թե հայերը ո՞ր ճանապարհը պետք է ընտրեն. «շարժականություն դեպի առաջ», թե՞ «ասիական անշարժություն»:

Հավանություն տալով Շահազիզի գրքում արծարծված «գեղեցիկ ու առողջամիտ գաղափարներին», Նազարյանը գրում է. «Միակ ճանապարհը փրկության է ուսումն, դըսրոց, բանագետ վարժապետք, խելացի կրոնուսուլյցք, ոչ հնամուլ ուսուցիչք հայոց ճարտասանության, այլ նոր ժամանակի հոգուն և պիտույքին քաջ ուշադիր մարդիկ»¹:

Նազարյանը տեսականորեն ընդունելով գրականությունը ժողովրդին մատեցնելու անհրաժեշտությունը և հայտարարելով, թե «բնության մեջ կարելի է գտնել ճշմարտությունը և

¹ «Հյուսիսամիսյա», 1864, № 11, էջ 779:

ամենավերին զեղեցկությունը»¹, իրականում թարգմանում է այնպիսի ստեղծագործություններ, որոնք իսպառ հեռու էին արդիականության հրատապ հարցերից («Աթալա», «Բենե», «Հաստատամիտ արքայազր»), «Մեսինական հարսը» և այլն):

Իր տպագրած գրաքննադատական հոդվածներում Նազարյանը ևս փորձել է տալ քննադատի բնորոշումը, մեկնաբանել նրա գործունեության նպատակը:

Քննադատից նա պահանջում է բազմակողմանի կրթություն, ճշմարտացիություն և անաշուկություն. «Այն կրթիտիկոսը, — գրում է նա, — որ ստրկանում է յուր անձնական պիղծ ախտերին, որ երկյուղ ունի օտարի արժանավորությունը խոստովանելուց, որովհետև այդ բանը կարող էր վնասել նորան հասարակության աչքումը», և որը քննարկվելիք գործի մեջ նշմարում է միմիայն թերությունները, այդպիսի քննադատն արժանի է արհամարհանքի²: Նա գրողներից ևս պահանջում է նախապես սովորել և ապա ձեռնամուխ լինել ուսուցանելու գործին:

Ուշադրության արժանի են նաև Նազարյանի հոդվածները թատրոնի մասին:

Թատրոնը համարելով հայ ժողովրդի մտավոր վերածնության կարևոր գործոններից մեկը, Նազարյանը գրում է. «Նթի մի ազգ արժանացել էր այն պարծանքին, որ է ունենալ մի ազգային թէատրոնական բեմ, այնուհետև կարող էր նա ասվիլ ստուգապես ազգ»:

Ազգային թատրոնի զարգացումը Նազարյանը խրախուսում է նախ այն պատճառով, որ այն նպաստում է հայոց նոր գրական լեզվի պրոպագանդի գործին, և ապա հանդիսանում է ժողովրդի դաստիարակության զորավոր միջոցներից մեկը³: Թատրոնի հիմնադրությունը Նազարյանը կարևոր գործ է համարում ժողովրդական դպրոցների, գրադարանների և կուլտուրական այլ միջոցառումների հետ միասին:

«Մի հայկական թէատրոնաբեմ շատ ու շատ հարկավոր է մեզ հայերիս, որպես ազգու ներգործող խրատ, որպես պատիժ և քաջալերություն, որպես հայելի պատկեր մեր հայկա-

¹ «Հյուսիսափայլ», 1861, № 1, էջ 9:

² Նույն տեղը, 1858, № 10, էջ 317:

կան կյանքին, որպես մի մեծ դաստիարակիչ գպրոց մեծ ու փոքրի, կնամարդի ու տղամարդի համար»¹։

Նաղարչյանի հայացքների պարզաբանման առումով հետաքրքրական է այն փաստը, որ միանգամայն անտեսելով ժամանակակից թեմատիկայով պիեսներ ստեղծելու անհրաժեշտությունը, նա հայկական թատրոնից պահանջում է վերհանել ազգային պատմության զանազան հիշարժան դրվագները և այդ միջոցով ժողովրդին դաստիարակել հայասիրության և ազգասիրության ոգով։ Այս կապակցությամբ նա առաջ է քաշում և դրամատուրգներ ունենալու անհրաժեշտությունը, որոնք «կարողանային օրինավոր մշակել պատմական նյութը և հարմարավոր կացուցանել նորան ժողովրդի ունկընդրությանը»։

Նաղարչյանը միաժամանակ հայ թատրոնի համար կարելի է համարում եվրոպական լավագույն դրամատիկական ստեղծագործությունների բեմադրությունը։ «Շիլլերը և Գյոթեն, — գրում է նա, — այդ և Շեքսպիրը կարող էին յուրյանց զանազան դրամատիկական գործերով արդյունաբեր լինել հայոց թէատրոնական բանաստեղծին»²։

«Հյուսիսափայլ»-ը, հատկապես Նալբանդյանը, նշանակալից դեր կատարեց հայ իրականության մեջ էսթետիկայի հարցերը արծարծելու և մշակելու ուղղությամբ։ «Հյուսիսափայլ»-ի գրական գպրոցում դաստիարակվեցին ժամանակի առաջավոր գրական գործիչներ Ա. Սուլթանշահը, Գ. Տեր-Հովհաննիսյանը, Մ. Բուդաղյանը, Մ. Սադաթյանը, Ս. Շահազիզը, Գ. Բարխուդարյանը։

4. ԲՆԱԿԱՆ ԳԻՏՈՒԹՅՈՒՆՆԵՐԻ ՊՐՈՊԱԳԱՆԳԸ «ՀՅՈՒՍԻՍԱՓԱՅԼ» ԱՄՍԱԳՐՈՒՄ

60-ական թվականները հայտնի են բնական գիտությունների բնագավառում կատարված խոշոր հեղաշրջումով։ 1859 թվականին տպագրվում է Դարվինի «Տեսակների ծագումը», որը լայն տարածում է գտնում ուսա իրականության մեջ։

¹ «Հյուսիսափայլ», 1859, № 1, էջ 56։

² Նույն տեղը, 1858, № 1, էջ 57։

Դարվինի ուսմունքի ջերմ ընդունելությունը ուսա առաջավոր մտածողների կողմից պատահական երևույթ չէր:

18-րդ դարում և 19-րդ դարի սկզբներին ուսական դիտական միտքը հանձինս Մ. Լոմոնոսովի, Ա. Կավերզևեի, Պ. Գորյանինովի, Ա. Բեկետովի, Կ. Ռուլեի և այլոց, բավական աշխատանք էր կատարել օրգանական աշխարհի զարգացման, տեսակների փոփոխության, օրգանական և անօրգանական աշխարհների միասնության, օրգանիզմի զարգացման հարցում միջավայրի ունեցած նշանակության և այլ օրինաչափությունների բացահայտման գործում:

60-ական թվականներին ուսա ուսուցիտն-դեմոկրատները, զինվելով առաջավոր բնագիտության նվաճումներով, իրենց նախորդների մատերիալիստական դրույթները տարածում են ոչ միայն բնական երևույթների, այլև հասարակական կյանքի վրա:

Նրանք ձգտում էին բնական գիտությունները ծառայեցնել ժողովրդի հասարակական գիտակցության բարձրացմանը, իրականության՝ ուսուցիտն վերափոխման նպատակին:

«Հյուսիսսիբիրյան» ամսագրի հրատարակությունը համընկնում է բնական գիտությունների պրոպագանդի ժամանակաշրջանին ուսա պարբերական մամուլում և հրապարակախոսության մեջ: Ստ. Նազարյանը լրջորեն մտահոգված էր, որ ֆեոդալական փոխհարաբերությունների և միջնադարյան խավարի հետևանքով գիտությունից բոլորովին մեկուսացած հայ ժողովուրդը հարողակից դառնար նոր ժամանակների տեխնիկայի, գիտության, քաղաքակրթության նվաճումների հետ: «Հյուսիսսիբիրյան»-ի հրատարակության հայտարարության մեջ արդեն Նազարյանը գրում էր. «Գյուղական տնտեսը ինչ գիտեր քիմիական գործողությունների մասին, արվեստավորը ներգործող գորությունների, շարժողության և հավասարաչափության օրենքների մասին, վաճառականը ինչ կրթություն ուներ, բացի մի փորձով ստացած հաշվատարութենից և հաշվապահութենից»:

Հայ ժողովրդին «նոր ժամանակի» ոգուն համապատասխան դաստիարակելու համար Նազարյանն իր ամսագրի հիմնադրման առաջին իսկ օրվանից լուսավորության գործն

անբաժան էր համարում գիտութեան նվաճումների յուրացումից:

Այսուհետև ոչինչ եգիպտոսյան խորամանկ քուրմեր, որ կամեին լինել գիտութեան միայնակ պահապանքը,—գրում է Նաղարչանը «Հյուսիսասիայ»-ի առաջին համարի «Ճակատին» որպէս գործողութեան նշանաբան,—այսուհետև ոչինչ Չինեական սլարիսպ, որ սլիտո է փակեր լուսավոր գաղափարների մուտքը ազգերի մեջ: Այսուհետև լույս և ճշմարտութիւն և ազատութիւն խավարի բարելոնչան գերութենից»¹:

Նաղարչանը իր ընթերցողներին կոչ է անում մոտենալ գիտութեան աղբյուրին, ճանաչել բնութիւնը, մարդկային պատմութիւնը, կյանքի զանազան երևույթները:

Այն ժամանակ, երբ հայկական հետադիմական սլարբերականները համառորեն աչք էին փակում բնական գիտութիւնների աննախընթաց զարգացման փաստի առջև, Նաղարչանը և Նալբանդյանը ձեռնամուխ են լինում գիտութեան այդ առաջավոր ճյուղի պրոպագանդին:

Նաղարչանը ելնելով ժողովրդին լուսավորելու նպատակից, «Հյուսիսասիայ»-ի խնդիրն է համարում «անապաշտութեան և կանխակալ մոլորութիւնների կործանութիւն գիտութեան լուսովը, ժողովրդի կյանքը նորա շատ ցած և արհամարհ շրջաններումը ևս բարձրացնելը և ազնւլացնելը»:

Այս նպատակի իրագործման համար Ստ. Նաղարչանը Մ. Նալբանդյանի օգնութեամբ սկսում է հանրամատչելի հոդվածներով ծանոթացնել իր ընթերցողներին բնագիտութեան և աշխարհագրութեան զանազան երևույթների հետ: Ամսագրում զետեղվում են հոդվածներ երկրի, նրա կազմութեան, երկնքի, մոլորակների, աստղերի մասին և այլն:

«Տարեկան շարժողութիւնը երկրի» վերնագրով մի հոդվածում նկարագրվում են մոլորակները, արեգակը, լուսինը և դրանց շարժումն ու շարժման արագութիւնը, ինչպէս և հեռավորութիւնը երկրից: Նաղարչանը միաժամանակ առաջարկում է, որ մարդիկ բանականորեն նայելով բնութեան հրաշքների վրա՝ դրանք քննեն և ուսանեն: «Լուսնի մակերե-

¹ «Հյուսիսասիայ», 1858, № 1, էջ 1:

վույթը» հողվածում Ստ. Նազարյանը նկարագրում է լուսնի կազմութունը, նրա շափն ու դիրքը: «Տիեզերքի շինվածքը» հողվածում նա պատմում է երկրի կառուցվածքի, մոլորակների մեծության, նրանց միմյանցից ունեցած հեռավորության և պտույտների մասին: Նույն հողվածում խոսելով գիտավոր աստղերի մասին, Նազարյանը գիտականորեն հերքում է այն նախապաշարմունքը, թե դրանց երևալը համաժողովրդական աղետ է գուժում:

Ամսագրի խմբագիրն ու նրա աշխատակիցները անպայմանորեն զգում էին գիտա-մասսայական հողվածների հրատարակման անհրաժեշտութունը, և այդ պակասը լրացնելու նպատակով, հասկանալի լեզվով իրենց ընթերցողներին պատմում էին աշխարհի կառուցվածքի, բնության օրենքների և կամ գիտական հայտնագործութունների մասին:

Հիշատակության արժանի է «Հյուսիսսփայլ»-ի թղթակից Ս. Ավետիքյանի «Քնախոսականք» հողվածը, որտեղ մանրամասնորեն նկարագրված են մարդու կազմութունը, մարմնի ներքին օրգանների գործողութունները, զգայարանների գործունեութունը, սննդի և մարսողության, հիվանդութունների և մահվան հետ կապված խնդիրները, և այլն:

Գիտության պրոպագանդին նվիրված «Հյուսիսսփայլ»-ի հողվածների մեծ մասը զերծ չէ և որոշակի հետադիմական կրոնական հայացքներից: Նազարյանը բնագիտական գիտութուններին տալիս է երկու նշանակութուն, որոնցից առաջինը հանգում է այն բանին, թե «քննելով և ճանաչելով արարածքը, կարող է մարդս ճանաչել յուր աստվածեղեն արարելը»: Այնուհետև, նա բնագիտությանը տալիս է միջնորդի դեր աստծու և աշխարհի միջև, ինչպես և փորձում է բնագիտության միջոցով հաշտեցնել կրոնն ու գիտութունը:

Ահա թե ինչո՞ւ Մ. Նալբանդյանի մատերիալիստական բնագիտական հողվածների կողքին, Նազարյանն իր ամսագրում տեղ է տալիս և բազմաթիվ կրոնա-բարոյագիտական հողվածների:

Այսպես, 1860 թ. տպագրվում է Մ. Լաջվարդյանի «Գործական փիլիսոփայութուն» հողվածը, որը կառուցված է այն իդեալիստական մտայնության վրա, թե աշխարհն իբր ստեղ-

ժեղ է աստված, ուստի այն անթերի է և կատարյալ: Հողվածն սկսվում է «Աստուծո գոյությունը» նախաբանով, որտեղ մեկ առ մեկ հիշատակելով բնության հրաշալիքները, հեղինակը ոգևորված բացականչում է.

«Ո՞ր մյուսը, քան թե գերագույն ստեղծողը տիեզերքի կարող էր գոյացրած լինել դորանց: Կլինեին դոքա դիպվածի և ոչեղության միջից գոյացած: Եվ որ ամբարիշտը կարող էր այնքան խելագարվիլ, որ ոչէին ընծայեր մի ամենակարողություն, որ համարձակվեր ուրանալ այդ ամենակարողությունը նորա մեջ, որ է՝ իսկապես և որով ամենայն ինչ եղած է»¹:

Մարկոս Բաղդասարյանն իր «Թե ի՞նչ բան ընդդեմ է մարդու արժանավորությանը» հողվածում անհավասարության պատճառը համարում է մարդկային արժանավորության ճանապարհից շեղվելը:

Իսկ Ս. Ավետիքյանը «Թե ինչպե՛ս և որո՞վ քրիստոնեությունը վերականգնել է մարդու արժանավորությունը» հողվածում այն միտքն է հայտնում, թե մարդիկ հասարակ մահկանացուներ չեն, և աստծո զավակները լինելով, գտնվում են նրա անմիջական հսկողության տակ: Ըստ Ավետիքյանի, մարդիկ ոչ մի հասարակօգուտ գործ չէին կատարի, ոչ մի նախաձեռնություն չէին ցուցաբերի և ոչ մի բանով չէին ոգևորվի, եթե վստահ չլինեին, թե կա հանդերձյալ կյանքը, ուր միայն մարդիկ կատարելագործվում են, բարձրանում, և դժբախտությունը, որն ապրել են այս կյանքում՝ նրանց համար դառնում է ուրախության աղբյուր...

Գրեթե նույն ոգով է գրված և Կաշվարդյանի երկրորդ հողվածը՝ «Մարդկային կյանքի արժանավորությունը»:

Ստ. Նազարյանն իր «Կրոնը և եկեղեցին» հողվածում ըստ էության վերաշարադրում է գերմանացի Շեոնբոռնի մտքերը («Վախճանական նպատակը բնաղննության և նորա նյութապաշտական մոլորությունը»): Շեոնբոռնը մարդկային առողջ բանականության հետ անհամատեղելի է համարում այն ճշմարտությունը, թե աստված սկզբնապատճառը չէ աշխարհի, այլ աշխարհն ի սկզբանե եղել է, կա ու կլինի որպես ան-

¹ «Հյուսիսփայլ», 1860, № 6, էջ 431:

սկիզբ և անվախճան, մշտնջենավորապես շարժվող մի մարմին: Նա վկայակոչելով բոլոր հավատացյալ գիտնականներին, նշում է, թե իսկական գիտնականներն իրենց գործունեությամբ «փոխանակ մարմնավոր աշխարհի գիտությամբ առաջնորդվելու դեպի հոգեւորացութուն և աստվածուրացութուն, օրե օր ավելի խորին սրտով վկայել են հոգին և աստվածը, որչափ ավելի խորամուխ էին եղած բնության զաղտնիքի մեջ»¹:

Նազարյանի կարծիքով, մահը ճանապարհն է դեպի ավելի վերին մի կյանք, դեպի կատարելութուն: Մարդկային կյանքում եղած թշվառութունները, սոցիալական անհավասարութունները, ազգերի ճնշումը, և այլն, Նազարյանը համարում է ժամանակավոր բաներ: «Դոքա ամենքը ղետեղած են յուրյանց գոյության առաջին աստիճանի վերա, և հավիտենականութունը հնարներով ձոխ ու անսպառելի է, լցուցանելու անհավասարութունը», — գրում է նա:

Այս հոգվածը մի անգամ ևս ապացուցում է Նազարյանի հայացքների սահմանափակությունը, նրա անհետեղականութունն ու վճռական հարցերում գրսևորվող պահպանողականությունը:

«Հյուսիսափայլ»-ում տպագրած բնագիտական իր հոգվածներով Մ. Նալբանդյանն ըստ էության հակադրվում էր գիտությունը կրոնի հետ հաշտեցնող Նազարյանի և մյուսների հայացքներին:

Միքայել Նալբանդյանը Մոսկվայի համալսարանում ուսումնասիրելով առաջավոր գիտության նվաճումները, ձրգտում էր դրանց հաղորդակից դարձնել ժողովրդին «Հյուսիսափայլ»-ի միջոցով: Նա համոզված էր, որ անհաշտ պայքարը սնահավատության ու նախապաշարումների դեմ պետք է առաջացնեն ռեակցիոներների կատաղի դիմադրությունը: Սակայն, առանց մաղաչափ անդամ տեղի տալու այդ հարձակումներին, Նալբանդյանը վստահորեն իրագործում է իր ծրագիրը: «Իջանելով հայ դպրության ասպարեզը, — գրում է նա, — մեք գիտեինք, որ դարավոր տգիտությունը պատե-

¹ «Հյուսիսափայլ», 1864, № 7, էջ 509:

քաղմ պիտի հայտնե գիտութեանը, որին լինելով մի լոկ սպա-
սավոր, օրհնեցինք և ընդունեցինք այդ պատերազմը»¹:

Իր բնագիտական հողվածներում արտահայտած հիմնա-
կան հայացքները Մ. Նալբանդյանը զարգացնում է նաև
հրապարակախոսական և զեղարվեստական գործերում: Նա
հերքում է ժողովրդի մեջ տարածված սնահավատութիւնները՝
և՛ հրաշքների գոյութիւնը, և՛ կայծակի ու հեղեղի հետ
կապված հավատալիքները, և՛ «էֆիմերդէի» կարծեցյալ
իմաստութիւնը, և՛ վարսավիրների ու գյուղական պառավ-
ների «բժշկական» միջոցները, և այլն: Նալբանդյանը երա-
զում է այն օրը, երբ իր «սիրական ազգը» կտեսնի «նանրա-
հավատութեան, սնապաշտութեան և անկրթութեան բարբարո-
սական լծի տակից կատարելապես ազատված»:

Նալբանդյանի երազանքը վերացական ցանկութիւն չէր,
այլ գործողութեան ծրագիր:

Ժողովրդին «անկրթութեան բարբարոսական լծի տակից»
ազատելու համար Նալբանդյանը հայ մտավորականներին
կոչ է անում զբաղվել «բնական գիտութեամբ», «որովհետև
ժողովրդի կյանքը միշտ գործ ունի նյութի հետ»։ Նա առա-
ջարկում է ուսանել բնութիւնը, «որով պիտի մեկնվեր նոցա
մի ամբողջ կարգ հրաշքների և պիտի փարատվին այնուհետև
այսպիսի մոլորութեան ամպերը պղտորված հայկական հո-
քիզոնից»²:

Նալբանդյանն առանձնապես անողոք է խավարամոլ
«գիտնականների» նկատմամբ:

Սարգիս վարդապետ Զալալյանի «Ճանապարհորդութիւն
ի մեծն Հայաստան» գրքի ազադակող թերութիւնները Նալ-
բանդյանը բացատրում է հեղինակի տգիտութեամբ՝ հանքա-
բանութեան, քիմիայի, ֆիզիոլոգիայի և այլ գիտութիւնների
ասպարեզում: Իսկական գիտնական պատմաբանից նա պա-
հանջում է զինված լինել ոչ միայն ընդհանուր պատմութեան,
ընդհանուր օրենսգիտութեան, հին և նոր քաղաքական աշ-
խարհագրութեան գիտելիքներով, այլև քաջ կերպով ուսած
լինել «բոլոր բնական գիտութիւնքը, բնական և մաթեմատի-

¹ «Հյուսիսափայլ», 1860, № 6, էջ 466:

² Նույն տեղը, 1859, № 9, էջ 702—703:

կական աշխարհագրութիւն»։ Նալբանդյանը այդպիսի դիտ-
նականից պահանջում է իր դիտողութիւններն արձանագրել
«ծանրաշափը, ջերմաշափը և էլեկտրաշափը ձեռքին, ամե-
նայն բոպե փորձելով և զննելով»։

Ժողովրդի սնահավատութեան դեմ Նալբանդյանը պայքա-
րում է բնութեան երևույթների գիտական մեկնարանութեան
միջոցով։

Ժողովրդին բնութեան երևույթների և տիեզերքի կառուց-
վածքի հետ ծանոթացնելու համար Մ. Նալբանդյանը «Հյու-
սիսափայլ»-ի էջերում ղետեղում է հողվածներ երկրագնդի
կազմութեան, մոլորակների, նախնական աշխարհի և դրա
փոխակերպման, հին աշխարհի կենդանիների և նրանց փո-
փոխութեան մասին։ Մ. Նալբանդյանը զինված առաջավոր
բնագիտութեան տվյալներով, հայացնում է ռուս էվոլյուցիո-
նիստների դրույթները աշխարհի զարգացման մասին. նա
գրում է.

«Առավել հին ժամանակներից մինչև առավել նոր ժամա-
նակները երկրի կերպարանագործութիւնը հետզհետե առաջ
է զնացել, օրըստօրե անընդհատ գոյանալով նորանոր առա-
վել կատարյալ բուսական և կենդանական մարմիններ, թե-
պետ առաջինքը չեն անհետացած իսկույն»¹։

Այնուհետև, կենդանական աշխարհի զարգացման պատ-
մութեան համար նա մեծ տեղ է տալիս պալեոնտոլոգիային,
որի օգնութեամբ հանգում է կարևոր հետեւութիւնների՝ նախ-
նական աշխարհի կենդանիների և նրանց առտիճանական փո-
խակերպման մասին։

Մ. Նալբանդյանը ուսումնասիրելով ռուս առաջավոր
մտածողներ Մենդելեևի, Ռուլյեի և այլ էվոլյուցիոնիստ
գիտնականների աշխատութիւնները, հայ իրականութիւնը
հարստացրել է առաջավոր գիտութեան տվյալներով. Պետրո-
պովլովյան ամրոցում էլ նա շարունակում է հետաքրքրվել
բնական գիտութիւններով։ Իր նամակներով վկայակոչելով
Ռուլյեին, նա արժարժում է բուլյսերի ալլիմատիզացիայի
զաղափարը։

¹ «Հյուսիսափայլ», 1858, № 3, էջ 204։

Միքայել Նալբանդյանը խորապես հավատում էր գիտությանը, նրա մեծ ապագային. խոսելով դեռևս գիտական հիմնավորում չգտած բնության բաղմամբիվ երևույթների մասին, նա այն հաստատ համոզմունքն էր հայտնում, որ դրանք նույնպես բացատրություն կատանան:

«Մենք ապրում ենք հրաշքների դարում,— գրում է նա.— ով կարող էր հավատալ, ներկա 19-րդ դարու սկզբումը, որ մարդիկ մի տեղից դեպի մյուս տեղ պիտի տարվեին զարմանալի արագությամբ կամ պիտի խոսեին միմյանց հետ հազարավոր մղոն միմյանցից հեռի լինելով, փայլակի շուտափութություններ: Այս հրաշագործությունքը կատարեցին շոգին և էլեկտրականությունը:

Դեռ ևս որքան նոր հրաշքներ կտեսանեն մեր զավակները մինչև 20-րդ դարու սկիզբը»¹:

Այս առումով էլ Մ. Նալբանդյանն իր բնագիտական հոգվածներով ոչ միայն ժողովրդին սովորեցնում էր ճանաչել բնությունը և ուսանել այն, այլև իր ժամանակի գործիչներից պահանջում էր պրոպագանդել բնական գիտությունները: Վերջին հաշիվով նա պահանջում էր գիտության տվյալներն օրրստօրե հարստացնելով, դրանք կիրառել կյանքում և «շարժողություն պատճառել» այնտեղ: Նալբանդյանը գիտության նվաճումների և փաստերի պասսիվ ընկալմանը հակադրում է ակտիվ գործունեություն, պահանջում է ոչ միայն ընդունել և դնահատել գիտական հայտնագործությունները, այլև դրանք անցկացնել ստեղծագործ մտքի քուրայով: Հատկանշական է այն հանգամանքը, որ նա դեռևս 1858 թվականին իր «Նկատողությունք» հոդվածում գրում է. «Փոքր է լոկ և միայն ստանալը և սեփականելը զանազան գիտությունք և տեղեկությունք, որ հայտնագործել էին ուրիշները: Հարկավոր է, որ այդ ստանալուց և սեփականելուց նույն իսկ մարդու մեջ կատարվի մի հեղափոխություն—վերածնելություն. նորան անհրաժեշտ հարկավոր է սեփական գործունեություն, ընդունող, զնահատող և իշխող այդ գիտութենների վերա. հարկավոր է մտքի արարչական, ստեղծագործական դորություն.

¹ «Հյուսիսփայլ», 1858, № 9, էջ 241:

հարկավոր է, որ այդ տեղեկությունը դրվեին ոչ որպես սերմեր ավաղի վերա, այլ շարժողություն պատճառեին հողի մեջ և պտուղ տային»¹։

Այսպիսով, «Հյուսիսսփայլ»-ի էջերում տպագրված իր հոդվածներով Նալբանդյանը ոչ միայն Նաղարյանի հետ միասին պրոպագանդում էր բնական գիտությունների բնագավառում եղած նորությունները, այլև արժարժում բնության վերափոխման, բնությունը մարդուն ծառայեցնելու դադարեցրելու փարը։

«Հյուսիսսփայլ»-ի հրատարակության առաջին տարիներին նրա էջերում տպագրված բնագիտական հոդվածները էական դեր են կատարել սնահավատության և նախապաշարումների դեմ պայքարելու գործում։ Հայ ընթերցողները հաղորդակից դարձան ռուսական և եվրոպական առաջավոր գիտության նվաճումներին։ Հիշատակության արժանի է և այն փաստը, որ Մ. Նալբանդյանը ժողովրդին լիովին հասկանալի լինելու և հայկական գիտական տերմինոլոգիա ստեղծելու նպատակով բազմաթիվ ռուսական և եվրոպական տերմիններ թարգմանելով, ստեղծել է դրանց համարժեք բառերը հայերենում։ Այսպես օրինակ, անչափելի (անվերջություն), աշխարհային մարմին (երկնային մարմին), աստեղաբաշխական դիտանոց (աստղագիտարան), հողագունդ (երկրագունդ), հեղանյութ (լավա), շինովի երկրագունդ (գլոբուս), Կաթնեղեն ճանապարհ (Միք Կաթին), հեռացույց փողովակ (հեռագիտակ) և այլն, և այլն²։

5. ԿԱՆԱՆՑ ՀԱՐՑԸ •

19-րդ դարի 60-ական թվականների հրապարակախոսություն հանդուցային հարցերից մեկն էր հանդիսանում կանանց հարցը։ Այդ պայմանավորված էր ռուս իրականության մեջ սկզբնավորված կանանց շարժումով, որը առաջադրում

¹ «Հյուսիսսփայլ», 1858, № 10, էջ 510։

² Բ. Թ ու մ ա ն յ ա ն, Միքայել Նալբանդյանի աստղագիտական հոդվածների մասին (տե՛ս Երևանի Պետական համալսարանի «Գիտական աշխատություններ», հատոր XXXV)։

էր կանանց իրավահավասարութեան, նրանց տնտեսական անկախութեան, բարձրագույն կրթութեան և այլ հարցեր:

Ռեւոլյուցիոն-դեմոկրատներ Ն. Չերնիշևսկին, Վ. Կուրոշկինը, Մ. Միխայլովը և ուրիշներ մեծ ուշադրություն են նվիրում այդ հարցին:

Կանանց աշխատանքի, նրանց անկախութեան և ազատութեան հարցերն աշխույժ բանավեճ են առաջացնում ռուս գրականութեան մեջ և սրբբերական մամուլում: Թերթերում տպագրվող բազմաթիվ հոդվածներում միջոցներ են առաջարկվում բարելավելու կանանց աննախանձելի վիճակը: Այդ միջոցները հիմնականում հանգում են այն բանին, որ կանայք ներգրավվեն աշխատանքի մեջ՝ առանց մասնագիտությունների սահմանափակման և սեփական աշխատանքով հոգան իրենց կարիքները: Ծայր առած բանավեճին մասնակցում են գրեթե բոլոր սրբբերականները: Պահպանողական և լիբերալ օրգանները փորձում են սահմանափակել կանանց իրավունքները և դեմ են արտահայտվում նրանց հասարակական աշխատանքների և արտադրության մեջ ներգրավելու առաջարկներին: Նրանք կանանց կոչումն են համարում լինել միայն մայր և ամուսին:

Կանանց ազատության և նրանց իրավունքների պաշտպանության հարցին լուրջ ուշադրություն են նվիրում նաև ռեւոլյուցիոն-դեմոկրատական օրգանները, որոնցից առանձնապես հիշատակության արժանի է «Սովրեմեննիկ» ամսագիրը: Այդ ամսագրի էջերում կանանց հարցի մասին ծանրակշիռ հոդվածներ է գետնադրում նշանավոր բանաստեղծ և հրապարակախոս, ռեւոլյուցիոններ-դեմոկրատ Մ. Միխայլովը:

Պահանջելով պաշտպանել կանանց իրավունքները, Միխայլովը գրում է. «Միայն կնոջ մարդկային և քաղաքացիական իրավունքների ճանաչումը կպաշտպանի նրան այն սարսափելի անբարոյականացումից, որը մաշում է ժամանակակից հասարակությունն իր ամբողջ հիմքերով»¹: Նա պահանջում է կանանց կրթությունը դնել նույն հիմքերի վրա, ինչ տղամարդուն է: Եթե կանայք չեն ունեցել իրենց գալիլեյ-

¹ «Современник», 1859, № 1—2, էջ 164—165:

ներն ու հումբուղները, այդ պետք է բացատրել միայն նրանով, որ կանանց համար փակ են եղել ուսման և կրթութեան դռները: «Չկա մի այնպիսի մարդկային էակ, — գրում է նա, — որի համար վտանգավոր լինեին մարդկային կյանքի որևէ կողմերը և որի համար օգտակար լիներ որոշ հարցերի նկատմամբ մնալ սիրելի, բարեհոգի անդիտութեան մեջ»: Կանանց անբարոյականացման պատճառների վերլուծութեան հարցում հակադրվելով Պրուդոնին, Միխայլովը նշում է, թե կնոջը փշացնում են տնտեսական և քաղաքական պատճառները, ուստի և նա պահանջում է կանանց կրթել և նրանց հնարավորութեամբ տալ ապրելու տղամարդկանց «հովանավորութեանից» անկախ:

Կանանց հարցի կապակցութեամբ «Սովրեմեննիկ»-ում արժեքավոր հոդվածներ է տպագրում նաև ամսագրի աշխատակից, հրապարակախոս և տնտեսագետ Յուլ. Ժուկովսկին: Վերջինս անդրադառնալով արտադրութեան մեջ ներդրումված կանանց աշխատանքի և նրանց վարձատրման հարցերին, հենց միայն կանանց և տղամարդկանց աշխատավարձի տարբերութեան փաստով բացահայտում է կանանց ազատագրման լողունգի սնանկութեանը բուրժուական իրավակարգում: Նկատի ունենալով կանանց անխուսափելի պրոլետարականացումը, Ժուկովսկին ողջ ուշադրութեանը կենտրոնացնում է գոյութեան ունեցող սոցիալ-տնտեսական պայմանների փոփոխութեան հարցի վրա: «Հարկավոր է փոխել այդ հիմքի տարրական պայմանները, — գրում է նա, ակնարկելով տնտեսական հիմքը, — կնոջը նյութապես ապահովել, և միայն այդ կերպ նրան կարելի է բարձրացնել մինչև ազատ մարդու աստիճանը այն ընկած վիճակից, որին նրան մինչ այժմ դամել է ճակատագրական տնտեսական հիզդան»²:

Այսպիսով, «Սովրեմեննիկ»-ը հանգեցրել այն ճշմարիտ հետևություններ, թե բուրժուական կարգերի առկայութեան պայմաններում անկարելի է հասնել կանանց լիիրավ ազատագրութեան, պահանջում է փոփոխութեան ենթարկել ժամանա-

¹ «Современник», 1860, № 4, էջ 495:

² Նույն տեղը, 1863, № 12, էջ 288:

կի ողջ տնտեսական հիմքը և, ռևոլյուցիոն ճանապարհով՝
այլ հարցերի հետ միասին, լուծել նաև կանանց հարցը:

60-ական թվականների հայ պարբերական մամուլն ընդ-
հանրապես քիչ է զբաղվում կանանց հարցի քննությունով:

Արևելահայ պարբերականներից կարելի է ասել միայն
«Հյուսիսափայլ»-ն է, որ իր դոյուկցյան 6 տարիների ընթաց-
քում զգալի տեղ է հատկացրել կանանց կրթության, դաս-
տիարակության և իրավահավասարության հարցերին:

«Հյուսիսափայլ»-ը բողոքում է հայ կանանց իրավազուրկ
վիճակի դեմ: Նա ցույց է տալիս, որ հայ կանայք «չունին
ոչինչ ընկերական խորհուրդ, այլ մի անկյունում որպես մի
իր ձգած ու փռված են, առանց պատուության, առանց իրա-
վունքի: ... Կանայք հնազանդ աղախինք են յուրյանց տղա-
մարդերի և ոչ թե խորհրդակից բարեկամք»¹: Ստ. Նաղար-
յանն իր ամսագրում ջատագովում է անկաշառ սիրո վրա
հաստատված ամուսնությունը: Նա «խելագար գործ», «անսուրբ
և ամբարիշտ բան» է համարում այն ամուսնությունը, որ տե-
ղի է ունենում ամոթալի հաշիվների հիման վրա: Կանանց
լուրջ և հիմնավոր կրթություն տալու պահանջը կրկին բարձ-
րացվում է «Հյուսիսափայլ»-ի էջերում:

Այդ ամենի հետ միասին «Հյուսիսափայլ»-ը շափազանց
հետ է մնում ժամանակի առաջավոր ռուսական մամուլից:
Բացի Միքայել Նալբանդյանի հոդվածներից, որոնք առնչ-
վում են ռուսական հրապարակախոսական մտքի հետ, ամ-
սագրում տպագրված ինքնուրույն և թարգմանական հոդված-
ները իրենց սահմանափակ պահանջներով հեռու էին հայ
կնոջը հանելու այն ստրկական վիճակից, որին Յուլ. Ժու-
կովսկու արտահայտությունը, նրան գամել էր «ճակատագրա-
կան տնտեսական հիդրան»:

Ամսագրում զետեղված գրեթե բոլոր հոդվածների հեղի-
նակները կնոջ կողումն են համարում լինել միայն սիրող մայր
և հավատարիմ ամուսին: Այս թեզը խորացնում է «Հյուսիսա-
փայլ»-ի թղթակից Հարություն Համասփյուռը իր «Կին մարդու
բարոյական կողմը» հոդվածում:

¹ «Հյուսիսափայլ», 1861, № 7, էջ 73:

Կինն ըստ Համասփյուռեի, պետք է օգնի ամուսնուն, ոգե-
վորի նրան: Կնոջ գերագույն երջանկությունը այն պետք է
լինի, որ նա ամուսնանալով սիրած տղամարդու հետ, դառնա
նրա զավակների մայրը. այնուհետև՝ «նորա բոլոր կյանքը
գոհվում է այլ մարդու զբոսանքի, ուրախության և կյանքի
համար. նա սպառվում է սիրու մեջ»¹:

Իր «Դաստիարակություն» հոդվածում Համասփյուռը նպա-
տակահարմար է գտնում կանանց տալ այնպիսի կրթություն,
որ նրանք դառնային «բարի տանտիկիներ»: Այս դաստիա-
րակությունն, իհարկե, համընկնում է նրա այն պահանջին,
թե կինը պիտի սպառվի սիրո մեջ:

Գրեթե նույն գաղափարներն են արտահայտված Թ. Լալա-
զարյանի «Աղջիկը և երիտասարդը» հոդվածում:

Ռուսերենից թարգմանված «Թե ով է ճշմարտապես բարի
և երջանիկ մարդը»² հոդվածում անց է կացված այն միտքը,
թե «Երջանիկ լինելը՝ է քաղցրություն գտանել ինքը յուր մեջ»:
Ըստ հոդվածագրի, մարդը բախտավորվում է ո՛չ թե հասա-
րակության մեջ, ոչ թե իր հանրօգուտ աշխատանքով, այլ իր
ընտանիքում:

Մի այլ թարգմանության մեջ հայտնվում է այն միտքը,
թե կինն անտրտունջ պետք է տանի ի վերուստ իրեն տրված
ցավերը, քանի որ դրանք տրվում են մարդկանց դաստիարա-
կելու համար: Քրիստոնեական այս մորալը, որ ստեղծված
էր սոցիալական շարիքներից առաջացած խոցերը կոծկելու
նպատակով, զարգացվում է Հուլիանե Բուրովի «Կին մարդու
բախտավորությունը» հոդվածում, որը տպագրված է «Հյուսի-
սամիայլ»-ի 1862 թվականի երկրորդ համարում:

Հանդես գալով կանանց հավասարության քարոզով, շու-
տով Բուրովը մատնում է իր իսկական հայացքները: Ըստ
նրա, տղամարդկանց ճարտարապետական ձիրքերն ավելի
«վսեմական են», քան կանանցը: Ինչ վերաբերում է ընտանի-
քում ունեցած կանանց դերին, ապա նա այստեղ կնոջը տա-
լիս է ձախ ձեռքի պարտականություն, իսկ տղամարդուն՝

¹ «Հյուսիսամիայլ», 1858, № 6, էջ 496:

² Նույն տեղը, № 9, էջ 216—225:

աջ, և հանդում է այն ուսակցիոն հետևութեան, թե՛ «Միամուսնութիւն, որի մեջ կինը աջ ձեռն է, դուրս ամուսնութիւնը է և ձախլիկ»¹: Կնոջ պաշտպանութեան գործը մեծահոգաբար վստահելով ամուսիններին, Հ. Բուրովն առաջարկում է կանանց տալ «կանանցապատշաճ» դաստիարակութիւն, քանի որ «սովորութիւնից դուրս բան է» նրանց մտավոր աշխատանքով զբաղվելը: Կնոջ արժանիքները չափվում են նրանց սիրելու ունակութեամբ: Նա գրում է. «Կանացի արժանավորութեան չափը չէ կնոջ զորութիւնը, չէ նորա իմացականութիւնը, և ոչ նորա գիտութեան քանակութիւնը, այլ կարողութիւնը սիրելու»²:

Կնոջ այս կրավորական դերին ավելանում է և այն, որ նա իր ցավերի արմատները որոնե ոչ թե դրսի աշխարհում, այլ իր սրտում, իր սխալանքների մեջ: Հ. Բուրովի հոգւածն, այսպիսով, ամբողջացնում է «Հյուսիսամիայլ»-ի հոգւածաշարը կանանց հարցի մասին, որոնց հեղինակները միաբերան բուրժուական ընտանիքի բոլոր ձախողումները պայմանավորում էին կանանց «սխալանքներով», առանց հաշիւի առնելու գոյութիւն ունեցող սոցիալական հակասութիւնները: Առանձին նորութիւն չի բերում և «Հյուսիսամիայլ»-ում 1864 թ. տպագրված Ստրասբուրգի համալսարանի պրոֆեսոր Պալլոստանի «Ընտանեկան կյանք» դասախոսութիւնների շարքը, որը 1859 թվականին տպագրվել էր «Ռուսակոյե սլովո» ամսագրում:

Ստ. Նազարյանը «Մեր և ամուսնութիւն» ծավալուն հոգւածում, ելնելով զարգացող բուրժուազիայի շահերից, առաջ է քաշում կանանց ակադեմիական հարցը. նա ընտանիքի երջանկութիւնը պայմանավորում է ամուսինների փոխադարձ սիրով. «Առանց սիրո չկա ոչինչ ճշմարիտ, ոչինչ բախտավոր ամուսնութիւն,— գրում է Ստ. Նազարյանը,— գարշելի են ինձ այն ամուսնութիւնքը, որ լինում են հարմարութեան պայմաններով, երկրորդական դիտավորութեամբ և ոչ սիրո պատ-

¹ «Հյուսիսամիայլ», 1862, № 2, էջ 84:

² Նույն տեղը, էջ 87:

ճառով: Այսպիսի ամուսնութիւնքը են արդարև մի անսուրբ, մի ամբարիշտ բան»¹:

Թվում է, թե Նազարյանը անկեղծ սիրո վրա հիմնված ամուսնութեան հետ միասին կազանջի նաև կնոջ և տղամարդու իրավահավասարութիւնը: Այս հարցում, սակայն, դրսևորվում է նրա հայացքների սահմանափակութիւնը: Նազարյանի կարծիքով կանանց ստացած կրթութիւնը պետք է լինի այնպիսին, որ նրանք, Միխայլովի արտահայտութեամբ, որոշ հարցերում մնան «սիրելի, բարեսիրտ անգիտութեան մեջ»: «Մեք ունենալով մի խելացի, բարի, հեզ և տնարարութեան տեղյակ ամուսին, ավելի երջանիկ կլինեինք, քան մի խորագետ, ուսումնական, բարձր կրթած կնոջ հետ»², — գրում է Նազարյանը:

Նազարյանի հայացքներում վճռական դեր է կատարում կրոնը: Առանց կրոնական հիմնավոր դաստիարակութեան նորնատանեկան երջանկութիւն չի պատկերացնում:

Կանանց հարցում Ստ. Նազարյանի հայացքների մեջ լիբերալ պահանջներն ու պահպանողական մտածողութիւնը երևան են գալիս գիրկընդխառն: Մի կողմից կանանց ազատութեան և կրթութեան պահանջ, իսկ մյուս կողմից՝ խոհանոց, եկեղեցի և սահմանափակ տնտեսական գործունեութեան մի շրջանակ: Նազարյանը հանգում է գերմանական ռեակցիան այն մտայնութեանը, թե կնոջ տեղը մանկանոցն է, խոհանոցը և եկեղեցին:

Չնայած դրան, Միքայել Նալբանդյանի հողավածներում զգացվում է «Սովրեմեննիկ» ամսագրի առաջավոր գաղափարների թարմ շունչը: Նալբանդյանը «Հյուսիսափայլ»-ի էջերում առանձին հողված չի հրապարակել՝ նվիրված կանանց հարցին. այդ խնդրին նա անդրադարձել է միայն իր «Հիշատակարան»-ում և գեղարվեստական գործերում:

«Հայ կանայք, — գրում է նա իր «Հիշատակարան»-ում, — անցան այն ժամանակները, երբ մարդիկ նայում էին կանանց վերա, որպես ստրուկների վերա: Անցան այն ժամա-

¹ «Հյուսիսափայլ», 1861, № 7, էջ 74:

² Նույն տեղը, № 8, էջ 142:

նակները, երբ կանայք համարվում էին որպես մի ապրանք, ինչ, կահ, կարասիք, գնելու կամ վաճառելու բան. անցան և հետ գալու շեն մյուս անգամ այն ժամանակները... երբ կանայք համարվում էին երբեմն սատանա և երբեմն հրեշտակ. այժմ, այս մարդասեր դարում, լուսավորչալ աշխարհը նայում է կանանց վերա, որպես մարդու վերա»¹:

Մ. Նալբանդյանը կանանց շատ մեծ դեր է տալիս մանուկ սերնդի կրթության գործում և առաջ է քաշում կանանց դաստիարակության հարցը: «Ազգի վերանորոգությունը և փրկությունը լսկ երազ է, եթե փոած էր այդ ազգի ընտանեկան կյանքը»,— գրում է նա: Սակայն, հայ կանայք միանգամայն հեռու էին ոչ միայն կրթությունից, այլ և մարդկային տարրական իրավունքներից:

«Յավելի է մեր ազգի գրությունը ընդհանրապես,— շարունակում է Նալբանդյանը,—բայց մասնավոր արտասուրբի արժանի են հայ կանայքը: Խեղճերը բոլորովին անկիրթ և անդաստիարակ, համարյա թե ապրում են միմիայն բուսական և շնչական կյանքով, իմացականի մասին գաղափար ևս չունեն: Կարդալ, գրել, ընդհանրապես չգիտեն, շատ չնչին բացառությամբ»²:

Նալբանդյանն այդ երևույթը չի բացատրում կանացի սեռի բնածին հատկություններով: Ընդհակառակն. «Նոքա ինչո՞վ մեղավոր են,— գրում է նա,— ո՞վ կրթեց ու դաստիարակեց նորանց, և նոքա յուրյանց անընդունակությամբ չլուսավորվեցան, կամ մնացին վայրենի հասկացողության վիճակի մեջ»³:

Մ. Նալբանդյանի սակավաթիվ ասույթները ցույց են տալիս, որ նա կանանց իրավահավասարության և կրթության հարցերին մոտենում էր առանց վերապահումների, բնավ չնսեմացնելով նրանց ընդունակությունները:

Հետամնաց հայ իրականության պայմաններում «Հյուսիսափայլ»-ը, հատկապես Նալբանդյանի շնորհիվ, վճռական բեկում է մտցնում կանանց հարցի նկատմամբ իշխող մտայնության մեջ:

¹ «Հյուսիսափայլ», 1860, № 5, էջ 383:

² Նույն տեղը, 1859, № 9, էջ 691:

³ Նույն տեղը:

«Հյուսիսափայլ»-ի միջոցով հայ ընթերցողներն արդեն սկսում են այլ հայացքով նայել կանանց կրթության, ընտանիքի, սիրո և ամուսնության, ամուսինների փոխհարաբերությունների, կանանց մարդկային իրավունքներ տալու հարցերին:

6. «ՀՅՈՒՍԻՍՍՒՓԱՅԼ»-Ի ՊՈՆԶԻԱՆ

Ստեփանոս Նազարյանը և Միքայել Նալբանդյանը հայ ժողովրդի լուսավորության և դաստիարակության գործում հսկայական նշանակություն տալով գեղարվեստական գրականությանը, վերջինիս զգալի տեղ են տալիս «Հյուսիսափայլ»-ի էջերում: Ամսագրում տպագրվում են ինքնուրույն և թարգմանական բանաստեղծություններ և արձակ գործեր:

«Հյուսիսափայլ»-ը թարմություն է մտցնում հայ պոեզիայի մեջ: Այնտեղ տպագրված բանաստեղծությունները նախ և առաջ աչքի են ընկնում իրենց գաղափարական հագեցվածությամբ: Դրանց մի զգալի մասը քաղաքացիական պոեզիայի լավագույն նմուշներից են, որոնք մեծապես նպաստում են հայ ժողովրդին ազատասիրության, հայրենասիրության և լուսավորության գաղափարներով դաստիարակելու գործին: «Հյուսիսափայլ»-ի բանաստեղծների շարքում ակնառու տեղ է գրավում Միքայել Նալբանդյանը: Հայ առաջավոր ամսագրի էջերում աճում է երիտասարդ բանաստեղծների մի ամբողջ սերունդ՝ Սմբատ Շահազիզը, Գևորգ Բարխուդարյանը, Հովհաննես Քուչուբեկյանը, Մովսես Բուդաղյանը, Ստեփանոս Տեր-Հովհաննիսյանը, Մանուկ Սաղաթյանը և ուրիշներ, որոնց վրա զգալի է Նալբանդյանի բարերար ազդեցությունը:

«Հյուսիսափայլ»-ի բանաստեղծությունը գերազանցապես արտացոլում է 60-ական թվականների հայ իրականությունը, կապված է այդ կյանքի հետ, ծառայում է ժողովրդի դաստիարակության և նրա հասարակական գիտակցության բարձրացման, նրա վերածնության, նրան ազատասիրության ոգով դաստիարակելու գործին:

«Հյուսիսափայլ»-ի 1858 թվականի համարներում տպագրվում են Մ. Նալբանդյանի մի քանի թարգմանությունները:

Բերանժեից և Հայնեից, որոնք 60-ական թվականներին ուս-
իրականության մեջ մեծ ժողովրդականություն էին վայելում:
Հայանի է, որ «Սովրեմեննիկ» ամսագիրը մեծ տեղ էր հատ-
կացնում այդ բանաստեղծներին և վ. Կուրոշկինի ու Մ. Մի-
խայլովի թարգմանություններով ժողովրդականացնում էր
նրանց ազատասիրական երգերը:

Առաջնորդվելով հայ իրականության առաջադրած կոնկ-
րետ խնդիրներով, նա իր կատարած փոխադրությունները
մեջ երբեմն շեղվում է բնագրից: Այսպես, Հայնեի «Երազ»
բանաստեղծությանը նա կցում է ինքնուրույն 5 քառատող,
որով հայացնում է այդ գործը և նոր ոգի ու ուղղություն հա-
ղորդում դրան: Հայնեի բանաստեղծությունը Մ. Նալբանդ-
յանը դարձնում է հայերին ուղղված միաբանության կոչ:

Բերանժեից փոխադրած «Մեծ մայր» բանաստեղծությունը
հետապնդում է դաստիարակչական նպատակներ: Իր այդ
փոխադրությամբ Նալբանդյանն առաջ է քաշում ընտանեկան
դաստիարակության կարևորությունը, առանց որի դպրոցա-
կան դաստիարակությունն ու համալսարանական կրթությունը
թերի է համարում:

Մ. Նալբանդյանը մատաղ սերնդի սպառա առաքինության
կամ դժբախտության արմատները նույնպես պայմանավորե-
լով նրանց ստացած ընտանեկան դաստիարակությամբ, կոչ
է անում նախ պատրաստել լավ մայրեր: Սակայն Նալբան-
դյանը կանանց կոչումը միայն մայր լինելու մեջ չէր տես-
նում. այդ բանի ամենափայլուն ասպացույցն այն է, որ նա
մի երկրի բախտավորությունը պայմանավորում է կանանց
բարոյական կրթության աստիճանով:

«Հյուսիսափայլ»-ում տպագրվել են նաև Նալբանդյանի
ինքնուրույն բանաստեղծությունները: 1858 թվականին տպա-
գրված «Հայ մարդու հայրենիքը» և «Առօրյա աշխարհ» բա-
նաստեղծություններն անմիջականորեն կապվում էին օրվա
առաջադրած հարցերի հետ: Այդ բանաստեղծությունների մեջ
Նալբանդյանը ոչնչացնող քննադատության է ենթարկում ժա-
մանակի հայ առևտրա-վաճառական բուրժուազիայի ներ-
կայացուցիչների և պահպանողական մտավորականության
հայացքները կյանքի, հայրենիքի, հայրենասիրության և գրա-

կանութեան մասին: Հայ հարուստի կյանքի նպատակն է հարստութիւնն կուտակել և կյանքը վայելել, փութ չէ, թե այդ բանի համար անհրաժեշտ է լինում «երբեմն մի փոքր զրկել... երբեմն մի փոքր գողանալ...»

Հայրենիք հասկացողութիւննը խորթ է նրանց, իսկ հայրենասիրութիւնն ասելով հասկանում են ծածկել ազգի արատները: Նրանք ցանկանում են լսել այնպիսի երգեր, որոնք ցավ չեն պատճառում իրենց, չեն վրդովում իրենց հանգիստը, այլ զվարճացնում են:

Դժվար չէ նկատել, որ այս բանաստեղծութիւնները իրենց արծարծած հարցերով կապվում են Նալբանդյանի հրատարակախոսութեան հետ: Ավելի որոշակի՝ վերոհիշյալ բանաստեղծութիւններն ուղղակիորեն աննշվում են «Մեռելահարցուկ» վեպի հետ: «Հայ մարդու հայրենիքը» ուղղված է Հովնաթանյանցի նախատիպը հանդիսացող մոսկվաբնակ վաճառական Հովնանյանի դեմ:

...Այստեղ եկած եմ Քիֆլիսից.
Ես տուն ունիմ և այն քարյա
Երկու հարկով շենք փառավոր¹:

Հայտնի է, որ Հովնանյանը Նախիջևանից էր փոխադրվել Մոսկվա. «Մեռելահարցուկ» վեպում Հովնաթանյանցի մասին ասվում է, թե «Նա ստացել էր քարյա, երկու հարկով բավական ընդարձակ տուն»:

«Մեռելահարցուկ» վեպի հերոսներից Շաքարյանը հայտնում է այն միտքը, թե դպրոցները չեն օգնում մարդկանց հոգիների փրկութեան գործին, ուստի հարկավոր չէ դպրոցներ կառուցել, այլ պետք է մտածել հոգու փրկութեան մասին. «Ի՞նչ գործնական օգուտ ունի հոգին ուսումից. ո՞ր սուրբերը ուսյալ էին», — ասում է նա: «Հայ մարդու հայրենիքը» բանաստեղծութեան մեջ զրված է.

Հոգու համար ուսում պետք չէ,
Ո՞ր սուրբերը ուսյալ էին.
Կրոնի ծեսերը պահելով,
Անշուշտ կերթամ արքայութիւն:

¹ «Հյուսիսափայլ», 1858, № 3, էջ 189:

«Մեռելահարցուկ» վեպում Կոմս էմմանուելին իր հակա-
ռակորդներն անվանում են «հասարակաց խաղաղության վըր-
դովիչ»։ հետաքրքրական է, որ «Առօրյա աշխարհ» բանաս-
տեղծության լիրիկական հերոսը ստանում է «անհանգիստ
հեղինակ» անունը, որը ձգտում է

Խաղաղութուն վրդովել,
Ելել մեր հանգիստ քունը,
Սրտերիս մեջ դող ձգել¹։

Ի վերջո, որ Հովնաթանյանցի կերպարն է արտացոլված
«Հայ մարդու հայրենիքը» բանաստեղծության մեջ, մի թա-
փանցիկ ակնարկով հաստատում է և ինքը՝ Նալբանդյանը։
Հովնաթանյանցին ուղղված նամակում Կոմս էմմանուելը
գրում է. «Մի անգամ ձեր անզգուշության և դատարկաբանու-
թյան փոխարեն ընթերցաք «Հայի հայրենիքը»։ Բայց երևում
է, որ փոքր էր ձեզ այդքանը»²։

Այսպիսով, Նալբանդյանը մեծ հմտությամբ կարողացել է
և՛ հրապարակաստությունը, և՛ բանաստեղծությունը, և՛ գե-
ղարվեստական արձակը ծառայեցնել մի հիմնական նպատա-
կի՝ հայ իրականության մեջ ռեակցիոն տարրերի դեմ պայքա-
րելու գործին։ Ընդ որում, եթե բանաստեղծության միջոցով
նա հնարավորություն չի ունեցել մինչև վերջ ոչնչացնելու իր
գաղափարական հակառակորդներին, ապա հետևողականու-
թյամբ այդ նպատակի համար ընտրել է առավել հարմար
գրական ժանր՝ գեղարվեստական արձակը։

«Մանկության օրեր» բանաստեղծության մեջ արտահայտ-
ված գաղափարները միանգամայն նորություն էին հայ իրա-
կանության համար։

Զեռնոց նետելով «մաքուր արվեստի» շատագովներին,
Նալբանդյանը բանաստեղծի կոչումն է համարում նետվել
հասարակական-քաղաքական կյանքի ասպարեզը և պայքա-
րել ժողովրդի դրություն բարվոքման, նրա ազատագրության
մեծ գաղափարի համար։ Այս բանաստեղծության մեջ միա-
ժամանակ Նալբանդյանը շարունակում է պայքարը հայ հե-

¹ «Հյուսիսափայլ», 1858, № 5, էջ 374։

² Նույն տեղը, 1859, № 10, էջ 768։

տադրմականների ներկայացուցիչ և ցարական կառավարութ-
յան հավատարիմ լրտես Գ. Այվազովսկու դեմ:

1861 թվականին «Հյուսիսասիայ»-ում տպագրվում է Նալ-
բանդյանի «Խտալացի աղջկա երգը» բանաստեղծությունը, որը
նրա ազատասիրական պոեզիայի լավագույն նմուշներից
մեկն է հանդիսանում:

Իր արտասահմանյան երրորդ ճանապարհորդության ժա-
մանակ, 1861 թվականի սկզբին, Նալբանդյանը ոտք է դնում
Իտալիա և ակնատես լինում Գարիբալդու ազատագրական
շարժումների շրջանում իտալական ժողովրդին համակած
բուռն ոգևորությանը:

Նեապոլից Հ. Սվաճյանին գրած նամակում նկարագրելով
Իտալիայում տեղի ունեցող իրադարձությունները, նա իր դի-
նակցի ուշադրություն է հրավիրում եվրոպական այլ ժողո-
վուրդների ազատագրական շարժումների փաստի վրա (Լե-
հաստան, Հունգարիա): Այդ կապակցությամբ նա գրում է.

«Այստեղ կան շատ լեհացիք և դեռ ևս օրե-օր հավելանում
են՝ լավում է մի խուլ ձայն, որպես թե նոքա կամին կազմել
այստեղ մի զինվորյալ լեհական լեգեոն և պատրաստ և կազմ
սպասել մի կրակոտ նշանի...»¹:

Ջերմությամբ և խոր հավատով տոգորված այս սուղերը
գրելիս Նալբանդյանին մտահոգում էր իր հայրենիքի վիճակը,
Արևմտահայաստանի ազատագրության հարցը թուրքական
բռնապետության լծից. «էտնան և Վեզովին ծխվում են,—
գրում է նա Սվաճյանին ուղղած վերոհիշյալ նամակում,—
Արարատի հին վուլկանի մեջ մի՞թե կրակ կմնա իսպառ...
մահարեք մտածություն»²:

Նալբանդյանն այդ ժամանակ արդեն մշակում էր հայ ժո-
ղովրդի ազգային-ազատագրական պայքարի իր ծրագիրը,
այն կապելով ոտա ուսուցիչին-դեմոկրատների կողմից նա-
խապատրաստվող համառուսական ժողովրդական ուսուցի-
ցիայի հետ:

«Խտալացի աղջկա երգը» բանաստեղծությունը գրված է

¹ Մ. Նալբանդյան, ԵԼԺ, հ. 4, էջ 86:

² Նույն տեղը:

խտալական ազդային-ազատագրական շարժման ներշնչմամբ: Այստեղ ևս հայ բանաստեղծին զբաղեցնում է այն հարցը, թե երբ են հայերն էլ հետևելու իտալացիների օրինակին: Բուռն ոգևորությամբ երգելով իտալական ժողովրդի ազատագրական պայքարը, Նալբանդյանը հայ ժողովրդին կոչ է անում թո՛թափել բռնության լուծը:

Միքայել Նալբանդյանի ազատասիրական ոգին իր փայլուն արտահայտությունն է գտել նրա «Ազատութիւն» բանաստեղծության մեջ:

Ազատության այս խանդավառ ներբողը, որ եղել է անցյալ դարի հայ առաջավոր մտավորականության ամենասիրելի երգերից մեկը, ժամանակի սոցիալ-քաղաքական պայմանների արգասիքն է: Մենք արդեն ասացինք, որ Մ. Նալբանդյանը սերտորեն կապված էր ռուսական առաջավոր մտքի և ռուս ռեոլյուցիոն-դեմոկրատական հրապարակախոսության հետ: Այս բանաստեղծության ռուսամասիրությունը ևս այդ է ապացուցում:

1860-ական թվականների ազատագրական գաղափարներով տոգորված երիտասարդներից եղբայրներ Ս. և Պ. Կրոպոտկինների նամակագրությունը բացում է այդ ժամանակաշրջանի երիտասարդության ռեոլյուցիոն դործունեության մի հետաքրքիր էջը: Ռեոլյուցիոն իրադրության շրջանում նրանք արտակարգ հետաքրքրությամբ էին հետևում Գերցենի «Կոլոկոլի» հերթական համարներին: Պ. Կրոպոտկինը գրում էր, թե «Կոլոկոլի» միջոցով կարելի է ստանալ ամենաճշգրիտ տեղեկություններ այն ամենի մասին, ինչ կատարվում է Ռուսիայում:

Եղբայրների ուղարկությունից չի վրիպում ռուս ռեոլյուցիոն-դեմոկրատ Օգարևի «Свобода» բանաստեղծությունը՝ նվիրված Իսկյանդեր—Գերցենին: «Полярная Звезда»-ում տպագրված այս բանաստեղծությունը Ս. Կրոպոտկինն արտագրելով ուղարկում է իր եղբորը:

Օգարևի բանաստեղծությունը, որ գրվել է մոտավորապես 1857—58-ական թթ., արգելված էր ցարական կառավարության կողմից. այն դարձել էր ռուս ռեոլյուցիոն երիտա-

սարդության սիրելի երգերից մեկը և լայն տարածում գտել դադարների կերպով, ձեռագիր օրինակներով:

Մ. Նալբանդյանի «Ազատության» գրություն ժամանակը համընկնում է Օգարևի բանաստեղծության մասսայականացման օրերին: Հավանորեն Նալբանդյանը ծանոթ էր այդ բանաստեղծությանը. կարելի է ենթադրել, որ նա դադարների ճանապարհով ձեռք էր բերել Օգարևի «СВОБОДА»-ն և վերջինիցս դրդում ստանալով, հորինել իր հուշակալոր բանաստեղծությունը: Չի կարելի, սակայն, ասել, թե «Ազատությունը» փոխառություն է ուս նշանալոր բանաստեղծի ստեղծագործությունից, բայց նրա մտահղացումն անկասկած կապվում է Օգարևի բանաստեղծության հետ: Որպես օրինակ բերում ենք այդ բանաստեղծության առաջին և վեցերորդ տները, որոնք ավելի շատ են առնչվում Նալբանդյանի «Ազատության» հետ:

Когда я был отроком тихим и нежным,
Когда я был юношей страстно мятежным,
И в возрасте зрелом со страстью смежном,
Всю жизнь мне все снова, и снова, и снова
Звучало одно неизменное слово:
Свобода! Свобода!

Но если б грозили беда и невзгоды
И рук для борьбы захотела свободы,
Сейчас полечу на защиту народа,
И, если паду я средь битвы суровой,
Скажу умирая, могучее слово:
Свобода! Свобода!¹

Միքայել Նալբանդյանը ներշնչվելով ուս ռևոլյուցիոն-դեմոկրատական մտքից և պոեզիայից, իր բանաստեղծությունը տողորում է հայկական միջավայրին հարազատ շընչով և երանդով:

Մ. Նալբանդյանի ազատասիրական բանաստեղծությունները մեծ ազդեցություն են գործել «Հյուսիսափայլ»-ի մյուս

¹ Н. П. Огарев, Стихотворения и поэмы, 1937, т. 1, էջ 206—207:

պոետները վրա, որոնց երգերում այս կամ այն շափով արտահայտություն են դառնում հայրենիքին օգնելու, ժողովուրդը շուտավորելու, ազգի խավարը փարատելու, ազատության համար մարտնչելու դադափարները:

Նալբանդյանի պոեզիայի ազդեցությունը մեծ շափով արտահայտվել է Սմբատ Շահազիզի քտեղծագործությունների մեջ: Սմբատ Շահազիզն իր բանաստեղծությունները սկսում է տպագրել նախ «Ճուաքաղ»-ի էջերում, բայց շատ շուտով համոզվելով, որ այդ պարբերականի ուղղությունն անհարիր է իր ստեղծագործությանն ոգուն և իր հայացքներին, երես է դարձնում նրանից և սկսում է աշխատակցել «Հյուսիսափայլ»-ին:

Այստեղ Մ. Նալբանդյանի հայացքների անմիջական անդրեցության տակ ձևավորվում է բանաստեղծ Շահազիզի աշխարհայացքը: Նրա բանաստեղծություններն իրենց թե՛ ձևով, թե՛ բովանդակությամբ թարմություն են մտցնում հայ բանաստեղծական աշխարհը: «Հյուսիսափայլ»-ում տպագրած իր առաջին բանաստեղծություններում Շահազիզն արտահայտել է սիրո խոր և անկեղծ ապրումներն ու տվյալանքը («Առաջին սեր», «Առաջին տեսակցություն», «Սևորակ աշեր»): Հետագայում, սակայն, նրա պոեզիան առնականանում է, և սիրո զգացման հետ միասին նա սկսում է երգել հայրենիքի սերը: Հայրենիքի ազատության և ժողովրդի լուսավորության դադափարները, գրականության առաջատար գերի բարձրացումը դառնում են Շահազիզի պոեզիայի սիրված մոտիվները: Նրա «Ազգային վիճակ» բանաստեղծությունն ազատության շնչով տոգորված քաղաքացիական պոեզիայի լավագույն արտահայտություններից է հանդիսանում: Շահազիզը մի հայացք է նետում իր ազգի ներկա վիճակի վրա, որն առավել ևս ծանրացնում են շահամոլ և նյութալուշտ խավարասերներն իրենց հակաժողովրդական գործունեությամբ: Նրանք ծծում են ազգի արյունը և ամբացնում նրա շղթաները: Բանաստեղծը կոչ է անում դեսլի ինքնաճանաչություն, տոգորվել լուսավոր դարի առաջավոր դադափարներով: Նա ջատագովում է զիտության սերը, կամքը, աշխատությունը, ամենազոր բանականությունը և հրավեր է կարդում զինվո-



Սմբատ Շահազիզ



քաղաքի ազատութեան մեծ գաղափարին: Ուշագրավ է, որ Շահազիզի այդ բանաստեղծութիւնը կրում է Նալբանդյանի «Ազատութեան» ակնհայտ ազդեցութիւնը.

Ո՛վ ազատութիւն, սուրբ արտօրական,
Զոհելու եմ քեզ իմ անձս հավիտյան.
Թող ստրկացած դարերով մարդիկ
Գնեն իմ վերս նզովքի կնիք:
Թող սրե շար լեզուն անզոր թշնամին,
Թափելով վերաս թունավոր սլաքներ.
Ես պիտի խնդրեմ, ա՛ղբ իմ, լալագին,
Ոսնակոխ եղած քո իրավունքներ¹:

Ազատութիւնը Շահազիզը ներբողել է և մի այլ՝ «Ազատ մարդ» բանաստեղծութեան մեջ: Բանաստեղծը ազատ չի համարում այն անձանց, որոնք անձնական շահի հետեւից ընկած դավաճանում են իրենց ազգի շահերին: Գյոթեի ազատութեան ներբողի նմանութեամբ Շահազիզը գրում է.

Այն մարդն է ազատ, որ անձնանվեր
Զոհել է յոր կյանքն ազգին, անխռով,
Որ հարուստներին չէ ծխել խոնկեր,
Մարդահաճութեան տաղեր երգելով²:

Տաղաչափութեան բոլորոսնած բանտում մեկուսացած «մաքուր արվեստի» ջատագովներին ծաղրելով, Շահազիզը պարզաբանում է իսկական բանաստեղծի կոչումը: Պոետը, — գրում է նա, — պետք է լինի իր դարի «մեծակշիռ գաղափարների» թարգմանը³:

Շահազիզը մտահոգված է իր ազգի գերութեան կապանքները փշրելու հարցերով: Բայց հետաքրքրականն այն է, որ

¹ «Հյուսիսայայ», 1862, № 3, էջ 141:

² Նույն տեղը, № 4, էջ 192:

³ Շահազիզի 60-ական թվականների պոեզիայի մեջ արտահայտվել է և սուս սեռայտցիոն-դեմոկրատական աշխարհայացքի ազդեցութիւնը: Այդ կապակցութեամբ նա խոստովանում է, որ ժամանակին եռանդուն կերպով հետևել է «Սովրեմեննիկ»-ին, կրել այդ ամսագրի և Գորբոլյուբովի ազդեցութիւնը (ան՝ս Ю. Веселовский, Русское влияние в современной армянской литературе, էջ 14—15):

եթե մի կողմից նա դիմում է հայ կղերին, որ վերջինս արիության գործեր տա և ուշագիւր լինի ժողովրդի նկատմամբ, մյուս կողմից ստիպւած է խոստովանել, որ

Ձայն չկա, ափաղ, եղբարք, ի՞նչ անենք,
Ինչպես դարմանենք այս մեր վտանգիս,
Եվ հոգևորի սիրտը զլրդենք,
Եվ հասարակին կարգանք ավետիս¹։

Իր արտահայտած առաջադիմական գաղափարներից բացի, Շահադիզը մի շարք բանաստեղծութիւններում շնչավորել, կենդանի գույներով պատկերել է բնութիւնը։ Նրա լիրիկական երգերը նուրբ են, երաժշտական, գրված բանաստեղծական ջերմ շնչով ու զգացմունքով։ Դրանք իրենց անմիջականութեամբ և անկեղծութեամբ վարակում են ընթերցողին։

Անշուշտ, Մ. Բուդաղյանի կողմից առանձնահատուկ ուշադրութեամբ էին ընտրված և թարգմանված 60-ական թվականների ժամանակաշրջանին հնչակից՝ հունգարական բանաստեղծ Շանդոր Պետեֆիի երկու բանաստեղծութիւնները²։

Խելքս ու միտքս արյունաշաղախ
Օրեր կը սպասեն, որ գան անհապաղ.
Այս օրերն են, որ աշխարհ կը բանդեն,
Այս օրերն են, որ աշխարհ կը փրկեն³։

Պետեֆիից թարգմանված երկրորդ բանաստեղծութիւնը կրում է «Դեպի դարունը» վերնագիրը։ Ալեգորիկ այս բանաստեղծութեան լիրիկական հերոսը տենչում է զարնան գալուատը և մեծ ջերմութեամբ նրան հրավիրում բազմելու յուր գահին, մերկացած բնութիւնը զուգելու համար։

Չմեռը որպես բռնութեան և ստրկութեան սիմվոլ արդեն օգտագործել էր Մ. Նալբանդյանը։ 1859 թ. նա իր «Հիշատակարան»-ում միանգամայն թափանցիկ ակնարկներով խոսելով ազատութեան շունչը խեղդող ցարական ռեժիմի մասին, այդ «ողբալի աշխարհի» վիճակը չի համարում հավերժական։

¹ «Հյուսիսափայլ», 1864, № 7, էջ 495։

² Տե՛ս «Գրական թերթ», 1954, № 14, Ս. Սարինյանի հոդվածը։

³ «Երգ մի զորականի», տե՛ս «Հյուսիսափայլ», 1861, № 11, էջ 403։

Հավատացած լինելով, որ ազատութիւնը կհաղթանակի, Նալբանդյանը հայտարարում է, թե երկիրը ենթակա է փոփոխութիւնների.

«Ասես թե այս փոփոխութիւնքը սկսված են արդեն,— գրում է նա այնուհետև,— ասես թե մեզ էր պահված վկայտանվիլ դորա սկզբին, ասես թե արևը մի փոքր փոքրացել է այս աշխարհի վերա, մի փոքր մեղմացած են երևում չորժանական փոթորիկների գնացքը և հարձակմունքը»¹:

Միանգամայն պարզ է, որ Նալբանդյանին և նրա համախոհներին խորապես հետաքրքրում էին ժամանակի քաղաքական անցքերը, որոնց և նրանք ըստ հնարավորին արձագանքում էին:

Մովսես Բուդաղյանը բաժանում էր Մ. Նալբանդյանի քաղաքական հայացքները և թերևս նրա խորհրդով էլ պատրաստվում էր հայերեն լեզվով մի պարբերական հրատարակել: Հավանաբար Նալբանդյանի հետ ունեցած մտերմութիւնըն է պատճառը, որ կառավարութիւնը նրան մերժում է հիշյալ պարբերականի հրատարակութիւն իրավունքը: Մ. Բուդաղյանը 1860 թվականի մարտին մի հայտարարութիւնով դիմելով իր բաժանորդներին, հայտնում է, որ գրաքննութիւնը փետրվարի 11-ին «թղթով հայտնեց ինձ, թե առանձին պատճառներե հորդորված լինելով, չկարե բավականութիւն տալ իմ խնդրույս»²:

«Հյուսիսափայլ»-ում տպագրված մի շարք բանաստեղծութիւններ գրված էին ամսագրի լուսավորական-դաստիարակչական գաղափարների ազդեցութիւնով: Այսպես, հաշտարխանցի երիտասարդ Աբրահամ Գալուստյան-Նազարյանցը Ստեփանոս Նազարյանին նվիրված իր «Արշալույս Հայոց» բանաստեղծութիւն մեջ ողջունում է հայոց մտավոր կյանքի արշալույսը, քաջալերելով այդ բնագավառում աշխատող մտավորականներին: Նա հայրենիքին կոչ է անում նորոգվել «ներկա օրերի պահանջման հարմար» և «գիտութիւն փրկավետ լուսով հասնել եվրոպական լուսավորութիւն»:

¹ «Հյուսիսափայլ», 1859, № 2, էջ 149:

² Նույն տեղը, 1860, № 3, էջ 244:

Այդ նույն միտքն է արտահայտված Վ. Մահաեսյանցի «Քաջալերություն և ղգաստություն» բանաստեղծության մեջ: Ազգասիրության և հանրագուտ աշխատանքի ներքուր կազմում է նրեմիա Սահակյանի «Արձագանք Մասիսու» բանաստեղծության բովանդակությունը:

Հ. Քուչուրեկյանն իր «Հանգուցյալ տղան» երգիծական բանաստեղծության մեջ անարգանքի սյունին է գամում ազգի լուսավորության և կրթության գործերից խուսափող անձնապաշտ հարուստներին, որոնք մտահոգված էին միայն ոսկիներ դիզելու գործով: Բանաստեղծը մերկացնում է այն կեղտոտ ճանապարհները, որոնց միջոցով հայ առևտրական բուրժուազիայի ներկայացուցիչները փող էին կուտակում:

...Անօրեն գործքով դարշելի
Խարում էր մարդիկ վասն յուր օգտի.
Նա մշակների վարձը կըտրում էր,
Զբավորների ցավին անփութ էր.
Նա խարդախությամբ հաշիվների մեջ,
Ծածկում էր արծաթ, բանալով սուտ վեճ.
Կամ հողաբարձու անտեր որբերի
Յուցանում էր նա բառորդ գույքերի,
Կամ բռնութենով, արծաթի ուժով
Խլում էր կալվածք խեղճ այրիների¹:

Դժվար չէ տեսնել քննադատական ունալիզմի ոգով զբրված այս բանաստեղծության և Մ. Նալբանդյանի ստեղծագործության միջև եղած ընդհանուր զծերը:

1859 թվականից սկսած «Հյուսիսափայլ»-ում տպագրվել են բանաստեղծ և թարգմանիչ Գևորգ Բարխուդարյանի ստեղծագործությունները («Պատանին աղբյուրի մոտ», «Հովհաննայի հրաժարվիլը», «Կորած սերը» և այլն): Նա իր առաջին բանաստեղծություններն սկսել էր տպագրել «Մեղու Հայաստանի» թերթում, բայց կարճ ժամանակից զիտակցելով այդ «թշվառ» թերթի «ոչնչությունը», անցել էր «Հյուսիսափայլ»-ի կողմը:

Գ. Բարխուդարյանն իր հաջող թարգմանություններով հայ

¹ «Հյուսիսափայլ», 1864, № 8, էջ 556:

ընթերցող հասարակութեանը ծանոթացրել է Շիլլերի և Հայ-
նեի լիրիկական երգերի հետ: Թարգմանութեաններից բացի,
նա «Հյուսիսամերիկայ»-ում հրատարակել է և մի շարք ինքնու-
րույն բանաստեղծութուններ՝ «Խոսակցութեանը լուսնակի-
հետ», «Առ իմ սիրելին», «Խոսք դեպի մի սիրուն» և լիրիկա-
կան շնչով գրված այլ երգեր:

Բարխուդարյանին նույնպես հուզել է իր ժողովրդի դառն
վիճակը և փորձել է ուղիներ նշել հայ ժողովրդի կյանքի վե-
րածնութեան համար:

1861 թվականին տպագրված «Չորս հսկա» բանաստեղծու-
թեան մեջ խոսելով հայ ազգի թշվառ դրության և նրա կորստ-
ված թագավորության ու փառքի մասին, Բարխուդարյանը
գրում է:

Ով դուք, որդիք իմ սիրելիք,
Այդ ի՞նչ վիճակում եք դուք,
Կավ էր ազատ մեռանիք,
Քան ապրեիք այգախ ստրուկ¹:

Միանգամայն սլարդ է, որ ռեֆորմին հաջորդած ժամա-
նակաշրջանը չէր կարող մխիթարական լինել ո՛չ ռուս, և ո՛չ
էլ հայ ժողովուրդների համար: Բարխուդարյանը, սակայն,
չկարողանալով այդ վիճակից դուրս գալու ուղիներ նշել՝
հայերին միաբանության կոչ է անում:

Ժանրային տեսակետից հաճելի նորութուն էր Բարխու-
դարյանի «Առակ»-ը, տպագրված 1861 թվականին, որը ժո-
ղովրդական հեքիաթի գրական մշակման մի փորձ է:

Երեմիա Սահակյանը իր մի բանաստեղծութեան մեջ նույն-
պես Հայաստանի վաղեմի փառքը և ներկա անմխիթար վի-
ճակը հակադրելով, կոչ է անում ազգասիրական գործու-
նեություն:

Կովկասյան ժողովուրդների դարավոր բարեկամության
դադափարն է արտահայտված Ռուբեն Հասան Ջալալյանի
«Արաքս և Կուր գետերի գանգատը» բանաստեղծութեան մեջ:
Արաքսը և Կուրը արտասուքներն իրար խառնելով, դիմում են

¹ «Հյուսիսամերիկայ», 1861, № 9, էջ 227:

դեպի Կասպից ծովը, իրենց անօգնական վիճակի համար օգնություն խնդրելու նրանից: Վերջինս հյուրընկալում է նրանց, հորդորում հաշտ լինել, քանի որ ծնվել են մի արգանգից և նրանց է հաղորդում Վուզայի ողջույնը:

«Հյուսիսափայլ»-ի բանաստեղծներն արձագանքում էին նաև հայ իրականության մեջ գոյություն ունեցող տարբեր հասարակական հոսանքների պայքարի հարցերին: Այսպես, միանալով հայ հետադիմական հոսանքի դեմ ծավալած «Հյուսիսափայլ»-ի բանավեճին, Վահունին իր «Տեսիլ» այլաբանական բանաստեղծության մեջ մերկացնում է սեպուխտներ Ս. Ջալալյանին, նրան մեղադրելով ներսես Աշտարակեցուն թունավորելու մեջ: Կամ թե, նույն հեղինակը «Աղբ» բանաստեղծությամբ, Նալբանդյանի «Հիշատակարան»-ի ոգով, բանավեճի մեջ է մտնում «Մեղու Հայաստանի» թերթի աշխատակից Սեյադի դեմ:

Այս նպատակասլաց, գողափարապես հագեցված և ժամանակի հրատապ հարցերին պատասխանող բանաստեղծությունների հետ միասին «Հյուսիսափայլ»-ում զետեղված են և մի շարք թույլ բանաստեղծություններ, որոնք, սակայն, որակ չեն կազմել: Որքան էլ արվեստով թույլ լինեն այդ բանաստեղծությունները, այնուամենայնիվ, կապված են կյանքի հետ և հետապնդում են հասարակական կյանքի արատավոր երևույթները վերացնելու նպատակ:

Իր գոյության կարճ ժամանակամիջոցում «Հյուսիսափայլ»-ը մեծապես նպաստեց հայ պոեզիայի զարգացմանը: Նալբանդյանն ու Շահազիզը հայ բանաստեղծական խոսքը հասցրին պատշաճ բարձրության, կրթեցին ընթերցողների բանաստեղծական ճաշակը և, Ռ. Պատկանյանի հետ միասին, նախապատրաստեցին հայ պոեզիայի զարգացման հետագա էտապը:

1864 թվականին «Հյուսիսափայլ»-ում տպագրվում է ձերմոնտովի «Դեք» պոեմը Մ. Սադաթյանի տաղանդավոր թարգմանությամբ: Բանաստեղծական ազնիվ ներշնչանքով կատարված մի գործ է դա, ուր թարգմանիչը ի հայտ է բերել հայոց լեզվի սքանչելի իմացություն, հմտությամբ օգտագործել է մանուկ գրական աշխարհաբարի բոլոր հնարավորու-

Յյունները, արտահայտելու կերմոնտովի հանճարեղ գործի հմայքն ու գեղեցիկությունը:

Մ. Սաղաթյանի թարգմանությունը հայ նորաստեղծ գրական լեզվի փայլուն քննությունն էր հանդիսանում, դա միաժամանակ 60-ական թվականների հայ առաջավոր մտածողների սիրո և ակնածանքի արտահայտությունն էր մեծատաղանդ ուսուցիչի հոգևոր կուլտուրայի հանդեպ:

7. «ՀՅՈՒՍԻՍԱՓՈՅՅՈՒՄ»-Ի ԳԵՂԱՐՎԵՍՏԱԿԱՆ ԱՐՁԱԿԸ

19-րդ դարի 50-ական թվականների վերջին, Նաչատուր Աբովյանի «Կերթ Հայաստանի» վեպի հրատարակությամբ սկզբիւ էր դրվում հայ աշխարհիկ գրականությանը:

Հայ գեղարվեստական արձակն իր հետագա զարգացումն է ստանում «Հյուսիսափայլ»-ի էջերում: Այդ ամսագրի 1858—60 թվականների համարներում տպագրվում են Մ. Նալբանդյանի «Հիշատակարան»-ը և «Մեռելահարցով» վեպը, իսկ 1861 թվականին՝ Գ. Տեր-Հովհաննիսյանի «Տեր Սարգիսը»:

Ժամանակի և հետագա շրջանի գրեթե բոլոր հայ առաջավոր գործիչները և հեղինակները բարձր են գնահատել Նալբանդյանի «Հիշատակարան»-ը: Հովհ. Թումանյանը խոսելով «Հյուսիսափայլ»-ի՝ իր վրա թողած ազդեցության մասին, դրոմ է, թե իրեն առանձնապես դուր էր գալիս Կոմս Էմմանուելի «Հիշատակարան»-ը: Պ. Պոռչյանն իր «Հուշեր»-ում վկայում է, որ ընթերցողները «Հյուսիսափայլ»-ի նյութերից միայն «Հիշատակարան»-ն էին միմյանցից խլելով կարդում:

Նալբանդյանի առաջին կենսագիր Մ. Տեր-Գրիգորյանը գրում է, թե «Ամսի սկզբին ամեն բաժանորդ անհամբերությամբ սպասում էր «Հյուսիսափայլ»-ի նոր համարը դուրս գալուն, որ կարդա Կոմս Էմմանուելի (Նալբ.) «Հիշատակարան»-ը կամ մյուս հոդվածները»¹:

Ինչո՞վ պետք է բացատրել այն հետաքրքրությունն ու սերը, որ ընթերցող հասարակությունը ցուցաբերել է այդ գործի նկատմամբ, «Հիշատակարան»-ն ինչո՞վ էր հմայում ընթերցողին: Ողջ գաղտնիքն այն բանում էր, որ Մ. Նալ-

¹ «Ղազար Փարպեցու գրած թուղթը», էջ XII:

բանդանը գեղարվեստական խոսքի ամենակարող ղեկնքի միջոցով բարձրացնում էր հայ իրականության առաջադրած հրատապ հարցերը: Ժամանակի հայ հասարակական կյանքի և հոսանքների պայքարի գեղարվեստական արտացոլումն էր «Հիշատակարան»-ը: Վերջինիս էջերից Նալբանդյանը սլաքար էր մղում կղերա-ֆեոդալական հոսանքի ներկայացուցիչների դեմ:

Մ. Նալբանդյանը «Հյուսիսափայլ»-ի ընձեռած հնազալութուններն օգտագործելով, գեղարվեստական խոսքի միջոցով արժարժում էր ժողովրդի իրավունքների պաշտպանության, նրա լուսավորության և կրթության, հայ թատրոնի զարգացման, կանանց դաստիարակության և նրանց հրավունքների պաշտպանության, և բաղձաթիվ ալլ կաքեսոր հարցեր:

Նա ներբողում է ազատության վսեմությունը և այն անձնավիրաբար նվաճելու դադափարը:

Նալբանդյանը «Հյուսիսափայլ» ամսագիրը ղինում է կենդանի հրապարակախոսություն, ձգտելով ժողովրդին բարձրացնել դեպի հասարակական հարցերի գիտակցման մակարդակը: Այս իմաստով մեծ է «Հիշատակարան»-ի կատարած դերը: Իր հրապարակախոսական հոդվածներով նա ժողովրդին օգնում էր ճիշտ կողմնորոշվելու դեպի առաջավոր միտքը, ճանաչելու իր թշնամիներին, երիտասարդությանը ղինում էր իր դարն ապրած հին հարաբերությունների ու հասկացողությունների դեմ պայքարելու ոգով:

«Հիշատակարան»-ում մենք հանդիպում ենք դրական տարբեր ժանրերի՝ պատմվածք, բանաստեղծություն, հրապարակախոսություն, դրախոսություն, պամֆլետ, քննադատություն, ակնարկ, ֆելիետոն, և այլն:

Իր այդ երկում Նալբանդյանը հաճախ է դիմել եղոպոսյան լիզվին, որին այնքան մեծ արվեստով տիրապետում էին ուսուսուցիչները-դեմոկրատները: Նկատի ունենալով ազատ մտքի համար ստեղծված արգելակները և հավատացած լինելով բռնության կործանման անխուսափելիության մեջ, նա գրում է.

«Իու առաջ գնա: Կգա օր, կծագե և քո համար այն ար-

շալույսը, երբ քո ընթերցողքը կարող կլինին նայել եզրագտական աստվածուհու երեսը, առանց քողով ծածկելու նորան»¹։

Սակայն մինչ այդ արշալույսի ծագումը, անհրաժեշտ էր ընթերցողների հետ խոսել ժամանակի կարևոր սոցիալական հարցերի մասին։ Տիրապետելով արեգորիկ խոսքի արվեստին, Նալբանդյանը «Հիշատակարան»-ում թափանցիկ ակնարկներ էր անում Ռուսաստանում տեղի ունեցող քաղաքական իրադարձությունների մասին.

«Հյուսիս... մի ցուրտ և անհամբույր աշխարհ... Հյուսիսում, դաշտերը ծածկված են հավիտենական ձյուներով, ծովերը գտանվում են սառցապատ բանտերի մեջ։ Հյուսիսում, արջային շրջանակի տակ, բնակվում է ցրտաշունչ և դաժան Բորեսաը, որ խլում է ազքատ շինականների տան ծածկը, որի զորությունը շեն կարող դիմանալ շատ անգամ հարյուրամյա կաղնիքը։

Հյուսիսում, եթե հունիսի և հուլիսի մեջ, երկրի մակերեվույթը թեթևանալով չուր սառն ծանրութենից, բուսուցանում է մի պարզ ծաղիկ, մյուս օր ահա Բորեսաը չուր մահաշունչ բեռնային սառնությունը կփրում է այդ ողորմելի բուսականի կյանքը»²։

Նկատի առնելով 50-ական թվականների վերջին ստեղծված ռևոլյուցիոն իրադրությունը Ռուսաստանում, Նալբանդյանը հաստատորեն նշում է, որ ամեն ինչ ենթակա է փոփոխության, և հանդիսավորապես ազդարարում է այդ փոփոխության սկիզբը։

Արտասահմանյան ճանապարհորդության ընթացքում էլ, Նալբանդյանը, թեև ընդհատումներով, շարունակում էր տպագրել «Հիշատակարան»-ը։ Հետագայում անդրադառնալով Զ. Մսերյանի տարածած այն լուրերին, թե իբր Կոմս էմմանուելը խզել է հարաբերությունները «Հյուսիսափայլ»-ից, նա գրում է, որ եթե որոշ պատճառներից ստիպված երբեմն ինքը լուռ մնա, այնուամենայնիվ կապված կլինի այդ ամսագրի հետ և «Հիշատակարան»-ը կերևա նրա էջերում։

¹ «Հյուսիսափայլ», 1859, № 8, էջ 648։

² Նույն տեղը, № 2, էջ 149։

Չնայած դրաքննութեան արդեւրքների պատճառով Նալբանդյանն իր քսկ խոստովանութեամբ հնարավորութիւն չուներ ամբողջ խորութեամբ վեր հանելու «Նասարակ ժողովրդի» իրավունքների պաշտպանութեան հարցերը, սակայն «Հիշատակարան»-ի արդեն հրատարակված համարներում ըստ հնարավորին, նա այդ հարցերն արծարծել է:

Նալբանդյանի «Հիշատակարան»-ի բազմաթիվ էջեր իրենցից ներկայացնում են հայ դեմոկրատական հրատարակատեսութեան սքանչելի օրինակները:

«Հիշատակարան»-ի հմայքը նաև նրա անմիջականութեան մեջ է. Նալբանդյանի խոսքն անկեղծ է, տողորված լիրիկական շնչով, պատկերավոր և հարուստ՝ արտահայտչական միջոցներով: Սակայն, եթե ժողովրդին նվիրված տողերը հարեցված են սիրով ու գորովով, ապա դադափարական հակառակորդներին ուղղված խոսքն անխնա է, երգիծանք՝ սուր և ոչնչացնող:

Առանձնապես «Հիշատակարան»-ում է, որ դրսևորվել է Միքայել Նալբանդյանի պոլեմիկական փայլուն տաղանդը:

«Մեռելահարցուկ» վեպում Նալբանդյանը շարունակում է այն պայքարը, որ սկսել էր դեռևս Նախիջևանում, հայ ժողովրդի զարգացումն արդեւրակող կղերա-ֆեոդալական հոսանքի ներկայացուցիչների, առևարա-վաշխառուական բուրժուազիայի դեմ:

Իր այդ երկում նա մեկ առ մեկ դիմակազերծ է անում սեռական հոսանքի ներկայացուցիչներին, ցույց տալիս նրանց գործունեութեան հակաժողովրդական էությունը: Ինչ դադափարներով էին անում ժամանակի ազգային այդ «Ներսէսները», որոնք հավակնութիւն ունեին իրենց ազգասեր անվանելու: Ահա դրանցից մեկը, սրբուն Մարկոսը. նա գրասեր է, իրեն համարում է ազգասեր, սակայն երկու կողմով պատրաստ է վաճառելու ոչ միայն ազգասեր պատվանունը, այլև ամեն մի սրբութիւն կյանքում: Շաքարյանցն դրադիւմ է դուրսական գրքերով և կախարդանքով, լսել անգամ չի ցանկանում ազգի լուսավորութեան և ուսման մասին և առանձին զանազանութիւն չի տեսնում մարդկանց և անասունների միջև: Նրա փիլիսոփայութիւնը հանգում է այն բանին, որ

«Մարդու փորը կուշտ լինի, ըմպելիքը առատ, օրը ուրախ, սիրական կինը կողքումը»: Այդ «հերոս»-ներից է նաև արքիմիայով դբադլուդ Մանթովայանցը, որը փորձում է վանական թիմիական միջոցներով մետաղներից ոսկի ստանալ: Նա այն «տեսակետին» է, թե դպրոցները ազգը կործանության կհասցնեն:

Քննադատական ռեալիզմի մեթոդով Նալբանդյանը պատկերում է և առևտրա-վաշխատուական բուրժուազիայի ներկայացուցիչ Հովնաթանյանցի կերպարը, որը «քնած ժամանակ ևս մտածում էր շահաստացության վերա»: Անթիվ, անհամար խարդախությունների միջոցով և խաբեությամբ Հովնաթանյանցը հսկայական կապիտալ է կուտակել՝ ստանալով ազգասերի համբավ: Իր ծառայողներին աշխատավարձից զրկող, պետական գործարքներում խարդախող, հանուն շահի հարազատ դատերը դժբախտացնող այդ գիշատիչ անձնավորությունն առաջնորդվում էր լուկ հարստանալու մոլուցքով: «Նա աչնալիսի մարդերից էր, որոնք դեռևս զարմանում են, թե ինչպես աստված ստեղծել է աշխարհը առանց մի օգտի ակնկալության, և թե ինչպես ամենայն օր երկնքի լուսավորքը լուսավորում են երկիրը առանց մի բան ստանալու»: Նալբանդյանը միաժամանակ պատկերում է առևտրա-վաշխատուական բուրժուազիայի այլասերումն ու բարոյական անկումը:

Միջնադարյան խավարի և ռեակցիայի դադափարախոսների դեմ հանդես է գալիս Կոմս Էմմանուելը, որին նրա հակառակորդները համարում էին «հասարակաց խաղաղության վրդովիչ»:

Կոմս Էմմանուելն իր ողջ կենսափորձն ու գիտելիքներն ի սպաս է դնում իր ժողովրդի կրթության ու լուսավորության գործին: Նա դատապարտում է «գնայուն մեռյալների» թաղավորությունը: Նա ցավով է տեսնում, որ հասարակ ժողովուրդը մեկուսացված է հասարակական գործերից, և անմոռնչ կերպով համակերպվում է իր վիճակին:

Գիտակցելով իր գործի արդարացիությունը, Կոմս Էմմանուելը նետվում է անողոք պայքարի ասպարեզը, հակառակորդներին զգուշացնելով հետո մնալ իրենից, այլապես

սպառնում է փշրել նրանց ժանգոտ ատամները: Հովնաթան-
յանցին ուղղված Կոմսի նամակից երևում է, որ ռեակցիայի
ներկայացուցիչներն ստիպված էին հաշվի նստել նրա հեղի-
նակության հետ:

Որպես վիսպական ժանրի ստեղծագործություն, «Մեռելա-
հարցուկ»-ը որոշ թերություններ ունի, որոնք արտահայտվում
են բազմաթիվ լիրիկական զեղումների, հրապարակախոսա-
կան շեղումների մեջ և այլն: Այդ շեղումները, սակայն,
միանգամայն հասկանալի կդառնան, եթե նկատի ունենանք
այն ժամանակաշրջանը, երբ ստեղծագործել է Նալբանդյա-
նը: Իր երկը նա գրել է պաշքարի թեժ մթնոլորտում. իր
գաղափարական հակառակորդների դեմ մղած բանակովում,
բնականաբար, նա պիտի օգտագործեր և օգտագործել է
գրական բոլոր ժանրերը:

Հաշվի չառնելով այս հանգամանքը, կեոն Նալբանդյանին
հանդիմանում է «յուրաքանչյուր քայլափոխում՝ ազգային
պակասությունների վրա երկար ու բարակ ճառեր» կարդալու
համար: Ըստ կեոյի Նալբանդյանը «վեպի մասին ունի վերին
աստիճանի միամիտ-երեխայական հասկացողություն: Նա
կարծում է թե այդպեղ կարելի է խոսել և երգի մասին և
Աբովյանի ու նրա վեպի մասին, ինչպես նաև դնել Մեսրոպ
Թաղիադյանի կենսագրությունը, չնայելով որ ոչինչ կապ չկար
այդ առարկաների և վեպի մեջ»¹:

Կեոն, այնուհետև, «Մեռելահարցուկ»-ը պասկվիլ է հա-
մարում, գտնելով, թե «Նալբանդյանը չէ կարողացել զսպել իր
կրքերը և նկարել է իր վեպի մեջ կենդանի զեմքեր»: Նալ-
բանդյանի դեմ հարուցած այս մեղադրանքը ևս անհիմն է:
Մեծ հրապարակախոսն իր գեղարվեստական արձակը ևս
ժառայեցնում էր պաշքարի նպատակներին. նա ձգտում էր,
որ իր հարվածները լինեն դիպուկ և խոցող, ուստի և նա
չէր խուսափում թափանցիկ ակնարկներից. առևտրա-վաշ-
խառուական բուրժուազիայի ընդհանուր, տիպական գծերը,
կոնկրետացնելով Հովնաթանյանցի կերպարի մեջ, նա նկատի
է ունեցել ռեալ անձնավորություն՝ մոսկվաբնակ վաճառական
Հովնանյանին:

¹ Կեո, Ստեփանոս Նազարյանց, հ. 2, էջ 259:

«Մեռելահարցուկ»-ի տպագրութեան առթիվ «Մեղու Հայաստանի» լրագիրը մեղադրում է Նաղարյանին, թե իբր նա իր նախկին բաժանորդ Հովնանյանից վրեժ լուծելու նպատակով «սկսել է խորհուրդ անել յուր շարաքարո օգնականի հետ, և վերջինս, թեպետ աննշան, բայց ինքնահավան ոմն լինելով, առել է զրիչը և սկսել է լիրբ ու հանդուգն բառերով վաճառականին՝ ոչ միայն յուրյան, այլև բոլոր ընտանյացը դեմ գրգռել և շարախոսել ի տարապարտուց»¹։

«Մեռելահարցուկ»-ից հետո «Հյուսիսափայլ»-ում տպագրվում է Միքայել Նալբանդյանի մոտ բարեկամ և ընկեր, բժիշկ Անանիա Սուլթանշահի «Հայոց ազգի լուսավորիչը» գրամատիկական երկը, որը հեղինակի «սիրող և մեծարող սրբի կողմից» նվիրված է «նորա պատվելի եղբոր Միքայել Ղազարյան Նալբանդյանցին»։

Անանիա Սուլթանշահի գործը մի հաջող փոխադրություն է «Սովրեմեննիկ»-ում լույս տեսած Ֆեոդորովի «Воспитатель» ստեղծագործությունից²։

Սուլթանշահը Նաղարյանին ուղղված նամակում բացատրում է իր այդ նախաձեռնության շարժառիթները.

«Վաղուց արդեն ձեր միտք բացող գաղափարքը ազգի լուսավորության և դաստիարակության մասին զարթեցրել էին իմ մեջ մի ձգտողություն ձեռքիցս եկածի շափ օգտակար լինել այն շինվածքին, որի հիմքը գրվեցավ ձեր ձեռքով»³։

«Հյուսիսափայլ»-ի ուղղությունը, այդ ամսագրի ծավալած առաջադիմական գործունեությունը և, հատկապես, Մ. Նալբանդյանի գրվածքների խիզախ ու մտրակող ոգին ոգեփորում են Անանիա Սուլթանշահին։

Հարազատ մնալով Նալբանդյանի քննադատական ռեալիզմի ուղղությանը, Սուլթանշահը «մաքուր խղճմտանքով», ինչպես մի հայելու մեջ, ցուցադրում է այն անձանց, որոնց ձեռքին էր հայ մանուկների դաստիարակության գործը։ Հետադիմական մամուլը նկատելով այդ գործի և Ֆեոդորովի

¹ «Մեղու Հայաստանի», 1860, № 19։

² «Современник», 1858, № 5։

³ «Հյուսիսափայլ», 1859, № 10, էջ 772։


ստեղծագործութեան միջև եղած կապը, փորձեց արժեքա-
զրկել առաջինը:

Յեռոգորովի «Воспитатели»-ի մեջ ամենասուր կերպով
քննադատված են ոռու պարբերական մամուլի ռեակցիոն թևի
պարագլուխներ և ցարական լրտեսներ Բուլգարինն ու Գրեչը,
«Սեվերնայա պշելա»-ն, նրանց դաստիարակութեան հետադի-
մական բնույթը, նրանց զպրոցներում դաստիարակված սե-
րընդի տգիտությունը:

Փոխադրելով Յեռոգորովի երկը, Անանիա Սուլթանշահը
երգիծանքի զենքն ուղղում է հայ իրականության բուլգարին-
ների՝ Հարություն աղա Խալիբյանի և Այվազովսկու դեմ.
ծաղրվում է առաջինի կեղծ բարերարությունը և երկրորդի
դաստիարակութեան կործանարար բնույթը: Եթե Յեռոգորովի
երկում զպրոցի դիրեկտորի առանձնասենյակի պատերին
փակցված են Բուլգարինի և Գրեչի նկարները, ապա Խալիբ-
յան զպրոցի տնօրեն Այվազովսկու առանձնասենյակի պա-
տերը զարգարում են Լոյոլայի և Քուշար Մագիստրոսի, Բե-
նեդիկտոսի և Տեր-Մանտալի պատկերները: Դժվար չէ ալդ
նկարների տակ ճանաչել ժամանակի հայ հետադիմական
պարբերականների խմբագիրներ Մսեր Մագիստրոսին և Ման-
դինյան քահանային¹:

«Հայոց ազգի լուսավորիչը»-ը դրամատիկական գործի հե-
ղինակը միանգամայն իրավացի կերպով «Ճոռքաղ»-ն ու
«Մեղո»-ն համադրում է Բուլգարինի «Սեվերնայա պշելա»
թերթի հետ: Այնուհետև Ա. Սուլթանշահը Միքայել Նալբանդ-
յանին համեմատում է Ն. Վ. Գոգոլի հետ, նրան համարելով
ոռու մեծ ռեալիստի զուգահեռը՝ հայ գրականության մեջ:
Ինչպես Գոգոլի «Մեռած հոգիներ»-ի ընթերցանությունն էր
արգելված ոռու պահպանողականների զպրոցում, այնպես էլ
Մ. Նալբանդյանի ստեղծագործությունը հալածվում է Խա-
լիբյան ուսումնարանում: Մ. Նալբանդյանի թարգմանած
«Թափառական հրեա»-ի անունը միայն մոլուցքի մեջ է գցում

¹ Հետաքրքրական է, որ «Մեռելահարցուկ» վեպում ևս Մ. Նալբանդ-
յանը Մսեր Մագիստրոսին կոչում էր Մահոտի Քուշար («Հյուսիսփայլ»,
1859, № 10, էջ 770):



Անանիա Սուրանյան



դպրոցի տնօրեն Դիմաչլահյանց-Այվազովսկուն. «Եթե ուրիշ անգամ թե դպրոցին մեջ, և թե ձեր ձեռքը տեսնալու ըլլամ սա փոռթեխթանթություն քարոզող հերձվածող և ապստամբ մարդոց գրվածքը, որպես են «Հյուսիսափայլ» օրագիրը, «Հանդես նոր հայախոսութեանը», «Վարդապետարան կրօնին», «Թափառական հրեան» և այլն, անմիջապես կզրկեմ զձեզ ձեր պաշտոնեն»¹:

Հետաքրքրական է հատկապես գրվածքի ախարսը, որն ամբողջովին ինքնուրույն է: Ֆետդորովի գրվածքի վերջում քրննադատվում են ուսուցիտն դպրոցի սաները, որոնք արդեն կյանք են մտել, դպրոցից իրենց հետ տանելով միմիայն ստորաբարձութեան և հիվանդոտ կարիերիզմի հակումներ:

Պաշտոնի և աստիճանի հասնելու տենդը հայ իրականութեան մեջ չէր կարող այնքան բնորոշ լինել, որքան ուսա իրականութեան մեջ էր, ուստի Ա. Սուլթանշահը դրա փոխարեն ընտրում է հայ բարբերին հարազատ մի պատկեր: Այստեղ նկարագրվում է Թեոդոսիայի իտալիական ուսումնարանի բարերար Հարություն Պապակյանի այցն իր ուսումնարանը: Պապակյան աղայի անվան տակ հեղինակը նկատի է ունեցել «ազգային բարերար» Հարություն աղա իտալիականին, նրա հայացքները կրթութեան և լուսավորութեան մասին, նրա անսահման ատելութունը «Հյուսիսափայլ»-ի աշխատակիցների նկատմամբ: Պատկերված է նաև իտալիականի համերաշխ գործակցութունը Այվազովսկու հետ՝ Նալբանդյանի օրագիրը խափանել տալու գործում: Սուլթանշահը վարպետորեն մերկացրել է իտալիական ուսումնարանի դատարարակութեան հոռի կողմերը, ուսուցիչների տգիտութունը և Այվազովսկու ուսուցիտն գործունեությունը:

Այսպիսով, Ա. Սուլթանշահը «Հայոց ազգի լուսավորիչը» դրամատիկական երկով իր մասնակցութունն է ունենում «Հյուսիսափայլ»-ի մղած պայքարում՝ հայ ուսուցիտներնե-րի դեմ:

«Հյուսիսափայլ»-ի 1861 թվականի համարներում տպագրվում է Գաբրիել Տեր-Հովհաննիսյանի, «Տեր Սարգիս» վե-

¹ «Հյուսիսափայլ», 1859, № 10, էջ 792:

պը: Հետագայում արժեքավորելով այդ երկի ռեալիստական մերկացնող ուղղութիւնը, Նալբանդյանը «Տեր Սարգիսը» համեմատում է «Մեռած հոգիներ»-ի հետ, իսկ հեղինակին անվանում «հայ Գոգոլ»: Այն հանգամանքը, որ Նալբանդյանն առանձնահատուկ ուշադրութիւն է դարձնում Տեր-Հովհաննիսյանի վեպի վրա, ինքնին խոսում է այդ գործի կարեւորութեան մասին հայ նոր գրականութեան զարգացման սկզբնական այս էտապում:

«Տեր Սարգիս» վեպում հեղինակը գեղարվեստորեն արտացոլել է 60-ական թվականների հայ գյուղի ռեալիստական պատկերը:

Տասնյակ տարիներ հետո անդրադառնալով իր վեպի տպագրութեան պատմութեանը, Գարբիել Տեր-Հովհաննիսյանը նշում է, որ ինքը ծրագրել էր գրքի երկրորդ մասում մերկացնել կրօնական-սխալաստիկ կրթութիւնը Ներսիսյան դպրոցում: Սակայն այդ դպրոցի կրօնի դասատու, ավագ քահանա Սահակ Սահառունու միջամտութեամբ վեպի շարունակութեան հրատարակումն արգելւում է: Հեղինակը դիմում է Կ. Նոյանի միջնորդութեանը, բայց վերջինս գրում է, թէ «Քերտկին հրամայված է ցնեզուրական կոմիտեի կողմից, որ հայոց հոգեւորականութեան մասին ոչ մի հոգված թույլ չտա տպագրութեան»¹:

Գ. Տեր-Հովհաննիսյանը ստիպված էր հրաժարվել իր վեպի ամբողջական հրատարակութեան մտքից:

Պետք է ենթադրել, որ «Տեր Սարգիս» վեպի մտահղացումը կապված է եղել «Հյուսիսսփայլ»-ի ուղղութեան և Ստեփանոս Նազարյանի հետ:

1858 թվականին ավարտելով Ներսիսյան դպրոցը, Գ. Տեր-Հովհաննիսյանը մեկնում է Մոսկվա և ընդունւում Մոսկվայի համալսարանի բժշկական ֆակուլտետը: Այդ ժամանակ Մոսկվայում կաղմակերպված ուսանողական ժողովներում հայ երիտասարդները կարգում էին իրենց գրական գործերը և միաժամանակ ուսումնասիրում հայ գրականութիւնը: Այս վերջինի մասին 1860 թ. Ստ. Նազարյանն էր դասախոսու-

¹ Ք ա ջ ր ե ր ու ն ի, Ստեփանոս Նազարյանցի շուրջը, էջ 14:



Գարիբեկ Տեր-Հովհաննեսյան



Յյուններ կարդում: Ժողովներին հաճախում էր նաև Գ. Տեր-
Հովհաննիսյանը: Հավանորեն այդ ժամանակ էլ նա ժանոթա-
նում է Ստ. Նազարյանի հետ:

«Տեր Սարգիս» վեպը կուռ սյուժե շունի և գործողություն-
ները զարգանում են լոկ Տեր Սարգսի անձնավորության շուր-
ջը: Ծիշտ է, գյուղական կյանքի մնացած բնագավառներն
ստվերի մեջ են մնում, սակայն տրվում է գյուղական քահա-
նայի և ողջ հոգևորական դասի հիերարխիայի նկարագիրը:

Հեղինակը ցույց է տալիս, որ անգրագետ յուրաքանչյուր
որ, եթե կարողացել է մի փոքր գումար ձեռք բերել կաշա-
ռելու համապատասխան հոգևոր պաշտոնյաներին, իրեն հա-
մար ապահովում է քահանայի պաշտոնը: Տեր Սարգիսը կի-
սազրագետ մի անձնավորություն է, որ նույնիսկ մի այլ քա-
հանայի օգնությամբ չի կարողանում «վերծանել» գործակա-
լից ստացված հայերեն նամակը: Մուսես Խորենացին նրա
մոտ դառնում է Աստվածաշնչի հեղինակ և Ներսես Խորենա-
ցի: Սակայն այդ չի խանգարում, որ նրան վստահվի նաև
գյուղական «գայրոցը»: Տեր Սարգսի մտահոգության միակ
տոարկան իր շահն է. օրեր անընդհատ նա մտածում է այն
մասին, թե ե՞րբ պետք է նոր ծնունդ լինի, ո՞վ պետք է
պսակվի, դառնությամբ խորհրդածում է այն մասին, որ
մարդկանց ձևկատը պինդ է և մահը չի մոտենում նրանց, և
այլն: Կյանքի գերագույն խորհուրդը նա գտնում է ուտելու
մեջ: Հեղինակը ծաղրում է նրա աղաղակող տգիտությունը:
Տեր Սարգիսն ահա կանգնած է գործակալի առջև և պատաս-
խանում է վերջինիս հարցերին:

«Քանի՞ տարի է, որ ձեռնադրվել ես,— շարունակեց Տեր
Առաքել գործակալը:

— Երբ որ հայրս մեռավ, այն ժամանակ և ես ձեռնա-
դրվեցա:

«Ուրեմն Քրիստոսի ո՞ր թվականին»:

— Քրիստոսի գատկի օրից երկու շաբաթ առաջ:

«Ուրեմն մարտ ամսումը ձեռնադրվեցար»:

— Այո, երբ որ իմ միջնակ որդիս ծնել էր:

«Օրհնյալ քահանա, ուրեմն պարզացրու, տեսանեմ, որ
թվին ձեռնադրվեցար, երևի մոռացել ես»:

— Այո, ծառայդ եմ, մոռացել եմ, բայց մաշտոցիս մի կողքումը գրած է թիվը»¹:

Իրենց կամայականութուններով ու դաժանությամբ աչքի են ընկնում գործակալները, որոնց գալստյան լուրը ահաբեկում է մարդկանց: Տեր Սարգսին հայտնելով գործակալի ժամանակը, Տեր Գրիգորն ասում է. «Ձիրումդ ուաշա՞ր ունի՞ս, թե չէ, նոր գործակալ Տեր Առաքելը գալիս է, ղզուշ կացիր, կաշիդ քերթելու է»: Որ Տեր Առաքելը եղակի չէր և նրա վարքագիծը բնորոշ է և մնացած գործակալների համար, ընթերցողը համոզվում է դրանում. նրա նախորդի մասին ասվում է, թե «մի թոկից փախած մարդ էր», որին բավական է կաշառք տալիս, լուռությամբ կրնդուներ, եթե նույնիսկ վանքական ողջ ցորենը կերած լինիր: Գործակալների կաշառակերության և անբարոյականության պատկերը հասնում է ահավոր չափերի: Գրությունը ոչնչով լավ չէ քաղաքում. կամ նույնիսկ էջմիածնում: Քաղաքի քահանաների արժանիքները չափվում են նրանց բարձր հասակով, փառահեղ մտքերով և հաստ փորով: Գնալով աճում է էջմիածնի միաբանների քանակը. «Ո՞վ չէ կամենալու ձրի հանդերձ հագնել, ամեն օր պատրաստի հաց ուտել, առանձին օթևանում բնակել, ոչինչ բանի վերա շմտածել և ոչինչ բանով չպարսպել»²: Նրանք ոչ միայն գիտությամբ չեն դբաղվում, այլև չեն կարգում հին մատենագիրների աշխատությունները:

Այս ամենից հետո պետահական չէ, որ Միքայել Նալբանդյանը «Տեր Սարգիս» վեպն անվանում է «Քաղցկեղ Հայաստանի»: Մահացու այս քաղցկեղը մաշում էր ժողովրդի կյանքը: Հետաքրքրական է, որ ժողովուրդը, եթե սկզբում հալած յուրի տեղ էր ընդունում Տեր Սարգսի չուրաքանչյուր խոսքը, ապա հետագայում արդեն հանդում է վճռական եզրակացութունների: «Աստված ազատե աշխմյան քահանաների ձեռքից, — ասում է Ծնորենց Պետրոսի հյուրերից մեկը, — թե չէ, գալի պես հում-հում կուտեն: Ասես մի խղճմտանքի նշույլ լինի դոցա մեջ, քավ լիցի: Ես կարծում էի, թե աշխար-

¹ «Հյուսիսափայլ», 1861, № 8, էջ 86:

² Նույն տեղը, № 9, էջ 181:

հիւս վերա վատ քահանա միայն տեր Բարսեղն է, բայց նորանից վատթարն ևս եղել է: Թե դոցա դատաստանը ինձ տալին, բոլորին միմյանցից կկապելի և ծովի տակ կխեղդելի»¹:

Չնայած հեղինակի ոչազդուությունը կենտրոնացած է Տեր Սարգսի կերպարի վրա, գյուղացիութեան վիճակը ևս որոշ չափով լուսարանվել է վեպում: Պերճախոս է այն փաստը, որ հենց առաջին իսկ պատարագին, եկեղեցում հավաքված գյուղացիները խոսում են հարկահանութեան մասին: Իսկապես, կարճ ժամանակից հետո լուր է տարածվում, թե հարկահանը եկել է, ծեծում է գոլիը Վանեսին և տանուտերին պահանջում: Մի այլ տեղ, քահանայի և գործակալի դրուցից պարզվում է, որ գյուղացիները ծանր վիճակի մեջ են, կարկուտը վնասել է ցորենը, մեծ սով է և գյուղացիները շեն կարող վանքի հարկը տալ. «Նոքա ինքյանք կամենում էին դալ, ընկնել ձեր ոտերը, աղաչել, որ մինչև կալերի կասելը ապասեք»²:

Տիրացու Միտուլի կերպարը բավական է գաղափար կազմելու համար այն միջավայրի և ժողովրդի մասին, որի ծնունդն էր նա: Միտուլն ընդունակութուն չունի մտածելունա միայն ժամերը հաշվում է, թե ե՞րբ պետք է ցերեկը մթնի, կամ մուկը լուսանա, որ ժողովրդին եկեղեցի հրավիրի: Նա ոչ մի գաղափար չունի դրսի աշխարհի, հեռու հորիզոնների, մարդկանց լավ կյանքի, կամ կյանքի նպատակի մասին: Նա կարծում էր, թե աշխարհս բազկանում է միայն այն երկրներից, որ միայն տեսել է նա: Ասում էր՝ «Աստված այն խորհրդով է միայն ստեղծել մարդիկը, որ ուտեն, խմեն, քնեն, եկեղեցի գնան և վերջապես մեռանին»³:

Ստրկութեան և խավարի մեջ հեծող հայ գյուղացիների այս նկարագրութեանն ակամայից հիշեցնում է Ռուսաստանի հյուսիսային գյուղերի ժողովրդի կյանքի ցնցող նկարագրութեանը Ռեշետնիկովի «Подлиповцы» վեպում: «Սովրեմենիկ»-ի էջերում 1864 թվականին տպագրված այս վեպում նկարագրված է քահանաների ու շինովնիկների կողմից թա-

¹ «Հյուսիսափայլ», 1861, № 12, էջ 430:

² Նույն տեղը, № 8, էջ 87:

³ Նույն տեղը, № 5, էջ 354—355:

վանված գյուղացիութիւնը, որը տառապում է քաղցի ու տգիտութեան ճիրաններում: Մարդիկ Պողիպնայա գյուղում երբեք կուշտ փորով հաց չեն ուտում, նույնիսկ իրենց անունները չգիտեն և միմյանց կոչում են մականուններով, 5-ից ավելի հաշվել չգիտեն և ընդհանրապես ոչ մի գաղափար չունեն այն մասին, թե ինչ հորիզոններ են բացվում իրենց գլուխից անդին:

Գաբրիել Տեր-Հովհաննիսյանի «Տեր Սարգիս» վեպի հրատարակութիւնը աչքի ընկնող երևույթ էր 60-ական թվականների հայ գրականութեան համար: Այդ վեպն անմիջականորեն արձագանքում էր ժամանակի հասարակական կյանքի իրադարձութիւններին: Հենց միայն այն փաստը, որ հեղինակը հանդգնում էր քննադատական հայացքով մերձենալ ժամանակի կղերա-ֆեոդալական հոսանքին, մերկացնել հոգևորականութեան դասը, խոստում է նրա գաղափարական ուղղութեան մասին: Ծատ բնորոշ է հետևյալ փաստը.

Նախընթաց գլխում ասացինք, որ Նալբանդյան-Վարշամյանի հոգևածը «Ճոռաքող»-ի դեմ առաջացնում է Մսերյանների դայրույթը, որոնք իրենց ամսագրի էջերում տպագրում են մի քառատող պարսալազիր՝ ուղղված Նաղարշանի և Նալբանդյանի դեմ: Թվում էր, թե հյուսիսափայլականներն արհամարհելով «Ճոռաքող»-ի ելույթը, նրան չեն պատասխանել: Սակայն «Տեր Սարգիս» վեպի հրատարակութեան առիթն օգտագործելով՝ Գ. Տեր-Հովհաննիսյանն անուղղակիորեն պատասխանում է Մսերյաններին, կաշառակեր գործակալի բերանում դնելով Մսերյանների վերոհիշյալ քառատողը: «Այստեղ մի ոտանավոր էս ասաց վարդապետը, — գրում է նա.

Տիրացոյի շիւա-փլավ,
Վարդապետի բալա-փաշե,
Այս երկուսից թե որն է լավ,
Ճաշակաուն բաջ ճանաչէ¹:

Այս պրիոմը հիշեցնում է ռուս ուսուցչիսն-դեմոկրատ Ա. Ի. Գերցենի հրապարակախոսական գործունեութեան մի

¹ «Հյուսիսափայլ», 1861, № 8, էջ 93:

զրվադը: 19-րդ դարի 50-ական թվականների վերջին Ռուսաստանում տարածում գտած փողոցային թերթիկներից մեկում տպագրվում է մի ակրոստիքոս՝ ուղղված Գերցենի դեմ: Վերջինս իր հակառակորդներին ծաղրելու համար այդ ակրոստիքոսը տպագրում է «Կոլոկոլ»-ում:

Գարրիել Տեր-Հովհաննիսյանի վեպի լեզուն կենդանի է, հյուսիսը և պատկերավոր: Հեղինակին հաջողվել է առանձին կերպարների համար ստեղծել ուրույն ոճ, որը նպաստում է նրանց տիպականացմանը: Այդ իմաստով ուշագրավ է Տեր Սարգսի լեզուն, որը համեմված է գրաբարյան աղճատ բառերով և արտահայտություններով: Վեպին առանձին հմայք է տալիս երգիծանքը: Հեղինակը հոգևոր դասի տգիտությունն ու պարզպիտային էությունը մերկացնում է երգիծանքի միջոցով: «Տեր Սարգիս»-ը հագեցված է հասարակական բովանդակությամբ, իրականության այլանդակ երևույթների բացասման պաթոսով, ուստի պատահական չէ, որ վեպի շարունակության տպագրությունն արգելվեց գրաքննության կողմից:

«Տեր Սարգիս» վեպը «Հայոց ազգի լուսավորիչք» դրամատիկական երկի հետ միասին օգնել է «Հյուսիսափայլ»-ի վարած գաղափարական պայքարին: Ահա թե ինչու, և եոն «Տեր Սարգիս» վեպը համարում է «Հյուսիսափայլ»-ի ողով տոգորված մի գործ, որտեղ «խիստ աչք ծակող, խիստ խայտառակ գույներով են մերկացված հոգևորականության պակասությունները»¹:

«Հյուսիսափայլ»-ի էջերում, նրա հրատարակության առաջին տարիներին, նադարյանն ղգալի տեղ է հատկացնում ժողովրդական զրույցներին, առասպելներին և առակներին: Բարձր գնահատելով ժողովրդական ստեղծագործությունը, նատպագրում է ասիական առասպելների մի շարք՝ շինական մի զրույց հյուրասիրության մասին, հին հնդկական լեզվից փոխադրված մի ավանդություն՝ խայտառակված քուրմի մասին, և այլն: Այդ զրույցների մեջ արտահայտված է ժողովրդական իմաստությունը, զրվատվում են երախտագիտությունը, մար-

¹ Լեո, Ստեփանոս Նազարյանց, հ. 2, էջ 263:

դասիրութիւնը, անշահախնդրութիւնն ու առաքինութիւնը, ծաղրված է ազահութիւնը, անբարոյականութիւնը, ապերախտութիւնը:

Նազարյանը մշակում և տպագրում է անկաշառ սիրող գացմունքը ջատագովող ժողովրդական զրույցը՝ Ասլիի և Քյարամի մասին: Սակայն, ձեռքի տակ չունենալով այդ զրույցի օրգանական մասը կազմող երգերը, Նազարյանը «Հյուսիսափայլ»-ի միջոցով գրամական վարձատրութիւնն է սահմանում «Ասլի և Քյարամ»-ի լրիվ վարիանտի համար:

1859 թվականի առաջին համարում տպագրվում է Գ. Պախալյանի «Անթար» զրույցը, որը նվիրված է սիրո հավերժութեան թեմային: Արևելյան զրույցներին հատուկ գունագեղութիւնը հարազատորեն է տրված հիշյալ զրույցի հայերեն փոխադրութեան մեջ¹:

Ամսագրում զետեղված այս զրույցներն, անշուշտ, թարմութիւն էին մտցնում հայ գեղարվեստական արձակի/բնագավառում, որի աղքատութիւնը սաստիկ մտահոգում էր և՛ Նազարյանին, և՛ Նալբանդյանին: Սակայն 1862—64 թվականներին Մ. Նալբանդյանի ձերբակալութեան և գրական աշխատակիցների պակասի հետևանքով այդ կարգի գործերն ավելի սակավ են երևում ամսագրի էջերում: Ինքնուրույն գեղարվեստական արձակի թերին խմբագիրը գերադանցապես լրացնում էր թարգմանութիւններով:

8. ԹԱՐԳՄԱՆՈՒԹՅՈՒՆՆԵՐԻ ԲԱԺԻՆՆԸ

«Հյուսիսափայլ»-ի հրատարակութեան վեց տարիների ընթացքում ամսագրում զետեղվել են քառասունից ավելի թարգմանական գեղարվեստական գործեր՝ վեպ, պատմվածք, ող-

¹ Հայ մեծանուն բանաստեղծ Ավ. Իսահայանի «Հավերժական սերը» լեզենդը շատ է հիշեցնում վերոհիշյալ ստեղծագործութիւնը: Չհաշված սյուժետային փոքրիկ տարբերութիւնները, այդ երկու գործերի ոգին գրեթե նույնն է: Վարպետի հետ ունեցած մեր զրույցից պարզվեց, որ նա այդ լեզենդի գրութեան համար իբրև հիմք ընդունել է «Անթարի երգեր» վերնագրով տարածված հնդկական զրույցը և ժամանակին ծանոթ չի եղել Պախալյանի փոխադրութեանը:

քերզություն, հեքիաթ և բազմաթիւ գիտական, բանասիրական, պատմական և այլ բնույթի հոգւածներ ու ճառեր:

Թարգմանությունների միջոցով «Հյուսիսափայլ»-ը հետապնդելով լուսավորական նպատակներ, միաժամանակ պայքարել է իր գաղափարական հակառակորդների դեմ:

Միբայել Նալբանդյանը դեռևս «Հյուսիսափայլ»-ի հրատարակութունից առաջ թարգմանելով էժեն Սյուրի «Թափառական հրեան», նպատակ է ունեցել նախ մերկացնել կաթոլիկ հոգևորականութեան, մասնավորապես միխիթարյանների գործունեության սեակցիոն կողմերը և ապա ժողովրդին ընթերցանութեան նյութ տալ նրան հասկանալի լեզվով: Իր հետագա գործունեության ընթացքում նա միշտ առաջնորդվել է այս սկզբունքով: Թարգմանվելիք երկն ընտրելիս նա կարեւոր նշանակություն է տվել գործի գաղափարական բովանդակությանը: Նալբանդյանը գտնում էր, որ թարգմանվելիք գործն իր «ազատ հայեցվածքներով», ընտիր ճաշակով, գեղեցիկ բարոյականութեամբ պետք է «կարողանա սնունդ մատուցել միջնադարյան մշուշով պատած» հայ ազգին, որը կամ ոչինչ չի կարողում, և կամ էլ կարողում է միայն «Պղնձե քաղաքի պատմությունը»:

«Ամեն մի ընտիր վաստակ, — գրում է Նալբանդյանը իր «Երկու խոսք»-ում, — ինչ լեզվով ևս լինի գրված, այնուամենայնիվ միշտ օգտակար է բոլոր մարդկության, մանավանդ եթե նկատի ազգական հասկացողութունքը հանդես չունենան այդպիսիների մեջ, մանավանդ եթե աշխատութեան խորհուրդը է գեղեցիկ մի պատմություն կարդացողների ճաշակը և հասկացողութունքը ազնվացնել»¹:

Այս սկզբունքով է նա առաջնորդվում, երբ քննադատում է Խորեն Գալֆայանին, կամարթինի գրքի թարգմանության համար:

Սա. Նազարյանը ևս իր կատարած թարգմանութուններով սրտշակիտորեն հետապնդում էր ժողովրդի լուսավորության գործին օգնելու նպատակը:

Նազարյանը նշում է, թե «մի ժողովրդի սիրտը և հոգին,

¹ Մ. Նալբանդյան, ԵԺ, հ. 2, էջ 403:

նորա բարքը և վարքը և ճաշակը» դաստիարակելու և կրթելու համար անհրաժեշտ է դիմել արվեստի և գրականության դոկտոր միջոցին:

Ելնելով այս գրույթից, Ստեփանոս Նազարյանը նույնպես նախ զնահատում էր թարգմանվելիք գործի զազափարական բովանդակությունը: Սակայն «Հյուսիսափայլ»-ի էջերում գետեղված թարգմանությունների քննությունը ցույց է տալիս ամսագրի խմբագրի և նրա գլխավոր աշխատակցի միջև եղած տարբերությունը թարգմանական գրականության հարցում:

Միքայել Նալբանդյանի թարգմանությամբ՝ «Հյուսիսափայլ»-ում տպագրվել են Կլեմանս Ռոբերտի «Դքսուհի դը Շելվրեոզ», Ֆարբ դ'Օլիվիեի «Թալիսմաններ» վեպերը և Լյուդովիկոս Գելատրի «Պրոպերցիա Ռոսսի» պատմվածքը:

«Դքսուհի դը Շելվրեոզ» վեպն ուշագրավ է իր արծարծած հարցերի կարևորությամբ: Այստեղ պատկերված են Լյուդովիկոս 13-ի ժամանակաշրջանի պալատական անցուղաբձև ու ինտրիգները, Ռիշելիո կարդինալի անսահմանափակ իշխանությունը, նրա դեմ մղվող սուր պայքարը և ի վերջո՝ նրա հաղթանակը դաւադիրների նկատմամբ: Կարդինալի, ժողովրդին ատելի այդ կերպարի, միջոցով Նալբանդյանը մինոր ուժով մերկացրել է հոգևորականությանը: «Թալիսմաններ» վեպում նկարագրված են ազնվականության հոռի բարքերն ու անդրկուլիսյան կյանքի, այլանդակ կողմերը, պալատական դավադրությունները:

«Պրոպերցիա Ռոսսի»՝ սիրո, գեղեցկության, տաղանդի մի ջերմ ներբող է, որն ամբողջ խորությամբ ցույց է տալիս մարդու հոգու ազնվացումը՝ սիրո ներգործությամբ: Այսպիսով, Նալբանդյանն իր կատարած թարգմանություններով ընթերցողներին դաստիարակում է հայրենասիրության, ընկերասիրության, արդարամտության ու անձնազոհության գաղափարներով:

«Հյուսիսափայլ»-ի թարգմանությունների բաժնում հապապես մեծ վաստակ ունի Ստ. Նազարյանը, որի գրչին են պատկանում ամսագրում տպագրված թարգմանությունների երեք քառորդից ավելին՝ «Շեյխը և նորա դուստրը», «Օտարոտի հարսնախոսություն», «Թուրանդոթ», «Փիլիպպոս 2-րդ»:

«Ռենես», «Աթալա», «Անհարժելի պատահմունք վերջին Իբն Սերրաջի» և այլն:

Նրա կատարած թարգմանություններից ուշադրության արժանի է իտալացի բանաստեղծ Քաստիի «Անասունները թագավոր են ընտրում յուրյանց վերա» դրամատիկական երկը, որի մեջ հեղինակն անխնայորեն քննադատում է միապետական կարգերը, միապետների վարքն ու բարքը, նրանց և ստորադրյալների փոխհարաբերությունները, վերջիններիս ստորաքարշությունը, և այլն:

Յրանսուա Պոնսարի «Լուկրեցիա» դրամատիկական ստեղծագործության մեջ պատկերվում են միապետական կարգերի և ժողովրդի միջև մղվող պայքարի դրվագները՝ հանուն ռեսպուբլիկական կարգերի հաստատման: Ուշագրավ են նաև գերմանացի գրող Յրանց Հոֆմանի «Երկու եղբայր», «Ժամանակը արծաթ է», «Երաստիարակություն ձախորդությունը» և «Ինչ որ կսերմանես, այն ևս կհնձես» վեպերի թարգմանությունները՝ կատարված դարձյալ Նազարյանի կողմից: Այս վեպերի մեջ շատագու՛վում է ազնիվ աշխատանքը, աշխատասիրությունը, ուսման սերը, անշահախնդրությունը և ընդհակառակն՝ նշավակվում է շահամոլությունը, ազահությունը, անազնվությունն ու խարդախությունը: Պետք է նշել նաև, որ ժամանակի ռեակցիոներների դեմ «Հյուսիսափայլ»-ի վարած պայքարին նպաստում էր Հոֆմանի «Երկու եղբայր» վեպը, որի մեջ ամենամռայլ դույներով է պատկերված իսպանական ինկվիզիցիայի ահավոր գործունեությունը:

Ստ. Նազարյանը միաժամանակ մեծ նշանակություն վերագրելով կրոնին, թարգմանում էր կրոնական ոգով ներթափանցված այնպիսի ստեղծագործություններ, ինչպիսիք էին Շատորբիանի «Ռենես» և «Աթալա» վեպերը և նմանները:

Նազարյանի գրչին է պատկանում նաև Շիլլերի «Մեսինական հարսը» դրամատիկական երկի թարգմանությունը, մի երկ, որի հանդուցարժեռումը կայանում է ճակատագրի հաղթանակի մեջ:

Խոսելով «Մեսինական հարսի» գաղափարական բովանդակության խոցելի կողմերի մասին, նա հետևյալ կերպ է հիմնավորում այդ գործը թարգմանելու շարժառիթները.

«Գործի ներքին նյութը լինելով դատարկ, Շիլլերի բոլոր կերպաձևական և կրակոտ զորությունը թափվել է մանրամասնութենների ճարտարապետարար մշակութային վերա, և նորան, եթե անտես առնենք մյուս խնդիրը, որ, իսկական բովանդակությունը լինելով աննյութ և երկպառակ, բոլոր լրացուցիչ մասները ևս զորանով ստացել են մի երկդիմի դրություն, հաջողվել է զարգարել սորանց մի այնպիսի ճոխությամբ, որ խոսքի հանդիսալիրության և փառահեղության, հյութալից երանգների, գեղեցիկ և ներդաշնակ տաղաչափության, թեատրոնական զգեստի և երևակայական պերճության, այլև մյուս բաների մասին, որ պատկանում են այն սարսափելի հարսանիքի արքայական տոնախմբությանը, ոչ մի գործը Շիլլերի կարող չէ համեմատվիլ սորա հետ»¹:

Այդ նույն սկզբունքով էր առաջնորդվում Նաղարչյանը, Կալդերոնի «Հաստատամիտ արքայազն»-ի թարգմանությամբ, որը ևս արժեքավորվում է «բանաստեղծական ճարտարության» համար:

Թարգմանությունների մեջ Նաղարչյանն իրեն չի կաշկանդել, ստրկորեն չի հետևել բնագրին: Թարգմանելով Շիլլերի «Մեսինական հարսը», նա ասում է, թե ինքը ձգտել է «կենդանություն տալ լեզվին, ազատ դարձվածներով և վերաթռիչ ոճով, առանց կաշկանդելու խոսակցությունը շափի ու կշռի սահմանի մեջ»:

Ստ. Նաղարչյանն իր բազմաթիվ թարգմանություններով օգնել է հայ գրականության զարգացման և ժողովրդի լուսավորության գործին: Հայ ընթերցողներին նա ծանոթացրել է Շիլլերի, Կալդերոնի, Ալֆիերիի, Ֆրանց Հոֆմանի և այլ հեղինակների ստեղծագործությունների հետ:

Վերջապես, թարգմանությունների միջոցով Ստեփանոս Նաղարչյանն օգնել է աշխարհարար գրական հայերենի զարգացման գործին:

«Հյուսիսափայլ»-ում տպագրվել են Ռ. Պատկանյանի կատարած թարգմանությունները «Մ. Վալեիլյան» ստորագրությամբ, ինչպիսիք են «Նապոլեոն մեծի պատմությունը» և,

¹ «Հյուսիսափայլ», 1861, № 1, էջ 14—15:



Մանուկ Սաղարյան



հատկապես, գերմանական գրող Հաուֆի ժամանակին մեծ ժողովրդականություն ձեռք բերած «Ուխտավորը» պատմվածաշարը: Վերջինս մեծ հետաքրքրություն է ներկայացնում որպես արկածախնդրական ժանրի առաջին արտահայտություններից մեկը հայ գրականության մեջ:

Ռուս գրականությունից «Հյուսիսափայլ»-ում տպագրվել են բանաստեղծ Կարամզինի «Թշվառ Նդիսաբեթը», Հ. Բերբերյանի թարգմանությամբ, ինչպես և «Նոր Անտիգոնա» և «Պատահումն հանքային ջրերի ելերքում» վեպերը (առաջինը Հար. Համասփյուռի և երկրորդը՝ Հ. Մաղումյանի թարգմանությամբ):

«Սուրեմենիկ»-ից թարգմանվել են Հայնեի և Բերանժեի բանաստեղծությունները, Նապոլեոն Բոնապարտի կենսագրությունը, Գարիբալդու կյանքին և գործունեությանը նվիրված մի հոդված, փոխադրվել է Ֆեոդորովի «Դաստիարակները» դրամատիկական ստեղծագործությունը:

«Հյուսիսափայլ»-ի էջերում իրենց կատարած թարգմանություններով հանդես են եկել նաև Գ. Բարխուդարյանը («Կախարդած աղջիկը և գանձը»), Ստ. Ստեփանյանը («Հալ Մեհի Կանտիմիր»), Գ. Պախալյանը («Անթար», «Մունեջիմ բաշի», «Կարոլոս 11-րդի երազը») և ուրիշներ:

1864 թվականը «Հյուսիսափայլ»-ի համար նշանավորվում է Լերմոնտովի «Դեր» պոեմի թարգմանության տպագրությամբ, որին խմբագիրը կցում է մի առաջաբան: «Շատ ուշատ ցավում ենք, — գրում է Նազարյանը, — որ մինչև այժմ «Հյուսիսափայլ»-ի թերթերի մեջ ոչինչ ճառախոսությունք եղած չլինելով ուսաց թե բանաստեղծական և թե ուսումնական մատենագրության վերա, մեր ծանոթությունը Լերմոնտով բանաստեղծի մասին լինելու էր փոքր ինչ կցկտուր, որովհետև շուներ ներքին կապակցություն ուսաց լիտերատուրայի բովանդակ ընթացքի հետ: Այս և սորա նման պակասորդը հուսով ենք լցուցանել ժամանակով, որքան հնարավոր էր «Հյուսիսափայլ»-ի կարողությամբ»¹: Այնուհետև, ընթերցողներին ծանոթացնում է Մ. Լերմոնտովի կյանքի և գործունեու-

¹ «Հյուսիսափայլ», 1863, № 12, էջ 51:

Յիան հետ՝ նրան անվանելով «Պուշկինի հավասարակշիռ հա-
ջորդ», կամ թե «մանավանդ իբրև նորա վաստակակից»: Նա-
զարչանը Լերմոնտովին համեմատելով Բայրոնի հետ, առա-
ջինի «ազատազգաց» ոգին դերագասում է երկրորդի հուսա-
հատութունից:

«Լերմոնտովի բանաստեղծական պաշտոնը էր մի ազատ,
առանձնավոր, բարձրագուհ հոգու պատերազմ ընդդեմ մի
անողորձելի ինքնակալության, որ կամեր մեծ ու փոքր հավա-
ւարել միմյանց, և անտարակույս, որ ազատազգաց Ռուսի
հուսահատութունը դեմ հանդիման ցարի բռնակալությանը,
էր ավելի արդարացի և հիմնավոր, քան թե անդլիական լորդի
հուսահատութունը դեմ հանդիման իր աշխարհի որպիսու-
թյանը»¹:

Նազարչանն իր ծանոթագրութունը սլակում է Լերմոն-
տովի «Մարգարե» բանաստեղծության թարգմանությամբ:

Այն շերմութունը, որով առգորված է Լերմոնտովի կյան-
քին ու գործունեությանը նվիրված՝ Նազարչանի հոդվածը,
ինքնին խոսում է հայ նշանավոր հրատարակատեսի հայացք-
ների և գրական նախասիրութունների մեջ կատարված բեկ-
ման մասին: Նազարչանն արդեն, հավանաբար, լրջորեն հե-
տևում էր ուս գրականությանը և մտածում էր փոխել ամ-
սագրի թարգմանութունների բնույթը: «Հյուսիսափայլ»-ին,
սակայն, վիճակված չէր ավելի երկար կյանք և այդ գեղեցիկ
սկիզբն իր զարգացումը չապրեց:

Բայց ինչ էլ որ լինի, «Հյուսիսափայլ»-ում ղեկողված
բազմաթիվ թարգմանական գործերն այս կամ այն չափով
ժառանգել են հայ ժողովրդի լուսավորության գործին, նրան
ծանոթացնելով ժամանակի եվրոպական և ուս գրականու-
թյան աչքի ընկնող նմուշների հետ:



Իր հրատարակության վեց տարիների ընթացքում միշտ
չէ, որ «Հյուսիսափայլ»-ը դառնվել է միևնույն մակարդակի
վրա: Ամսագրի նյութերի ուսումնասիրութունը ցույց է տա-

¹ «Հյուսիսափայլ», 1863, № 12, էջ 53:

լիս, որ այն ունեցել է և իր վայրէջքի ժամանակաշրջանը՝ հատկապես վերջին տարիներին: Եթե 1858—1860 թվականներին ամսագիրն աչքի էր ընկնում Նալբանդյանի մարտական հրապարակախոսություններ, համարձակ մերկացումներով, ապա 1861—1864 թվականներին ամսագիրը կորցնում է իր նախկին հմայքը, հրապարակախոսական կիրքն ու նպատակաւարցութունը: Եվ այդ հասկանալի է: Այն բանից հետո, երբ Նաղարջանը զրկվում է Նալբանդյանի աշխատակցութունից, ամսագիրը որոշակի նահանջ է ապրում դեպի բուրժուական լիբերալիզմը:

Դեռևս 1860 թվականի վերջին, երբ Մ. Նալբանդյանը գտնվում էր արտասահմանում և հնարավորություն չուներ հետևելու ամսագրի ուղղությունն ու ոգուն, Նաղարջանը դրսևւորում է իր լիբերալ հայացքները: Այդ թվականին տպագրված կաշվարդյանի «Գործական փիլիսոփայություն» և անգլերենից թարգմանված «Ամենապատվականը օրերի մեջ» հոդվածները խոսում են ամսագրի բացահայտ զաղափարական նահանջի մասին: Այդ շրջադարձն առանձնապես ցայտուն կերպով է դրսևորվում 1861 թվականից հետո:

Երկրորդ շրջանի «Հյուսիսափայլ»-ի զաղափարախոսական ուղղությունը բնութագրվում է Միք. Միանսարյանի «Մտածութունք հրապարակախոսության վերա» հոդվածով, ուր զարգացվում էր այն միտքը, թե ազատ հրապարակախոսության միջոցով կարելի կլիներ պայքարել հասարակաց խոցերի դեմ և ժողովրդի համար ստեղծել բարեկեցիկ վիճակ:

Ստ. Նաղարջանն այս շրջանում արտահայտում է ցարական կառավարության նկատմամբ ունեցած իր համակրանքը, և քննադատում է բոլոր նրանց, ովքեր դժգոհ էին «ազատախորհուրդ» և «բարեմիտ» թագավորից: Ցարական ռեֆորմի գաղափարով ոգևորված, Նաղարջանը մերժում է ազգային-ազատագրական շարժման մասին եղած ամեն մի միտք: Ե. Սահակյանի «Մի քանի խոսք» հոդվածում հեղինակն այն միտքն է արծարծում, թե ուսուց տիրապետության շնորհիվ բարոր կյանքի հնարավորություն ստացած հայերը ոչ մի կերպ չէին կարող այդ թագավորության մեջ ռևոլյուցիայ կատարել և ռեսպուբլիկական կարգեր հաստատել:

«Երեկեան ասիացի ստրուկըրը,— գրում է նա,— արանց կրթութեան, առանց լուսավորութեան, առանց ինդուստրիայի, առանց գիտութեան և ճարտարութեան, մարդիկ, որ յուրյանց ստվերից վախենում էին, մարդիկ որ մտքով ըմբռնել անզամ կարող չեն մարդկային իրավունք ասած բանը և ամենայն բոլոր մի փոքր նյութական օգտի համար պատրաստ էին տասն անգամ ուրանալ յուրյանց մարդկային պատիվը,— դոքա՞ են կամենում ռեոլյուցիա առնել Ռուսաստանի մեջ և ազգութեան դրոշ բարձրացնել: Խելագարութեան, խելագարութեան, դարձյալ խելագարութեան»¹:

Հետագայում, Նալբանդյանին գրած մի նամակում, Նազարյանը ևս որոշակիորեն իր բացասական վերաբերմունքն է հայտնում կողակասյան ժողովուրդների ազատագրական ձգտումների նկատմամբ:

«Եթե այդ տգետ և թույլ ազգերին թագավորութեան ևս բաշխեիր,— գրում է Նազարյանը,— ինքյանք պիտի իսկույն հրաժարվեին դոցանից, կամ, եթե հիմարութեամբ հանձն առնուին, ինքյանք պիտի միմյանց միս ուտեին, ինքյանք յուրյանց դազանական զենքով և անմիաբանութեամբ կործանեին յուրյանց անձը»²:

Այն ժամանակ, երբ Մ. Նալբանդյանը Չերնիշևսկու և Գորոլյուբովի հետ միասին հրճվում էր Գարիբալդու հաղթանակներով, գծում հայ ժողովրդի ազատագրութեան ուղիները, Նազարյանը մնում էր այն համոզմունքին, թե «ճանապարհից դուրս եկած» ամեն մի ժողովուրդ «կարոտ է մի տիրոջ սանձի ու սաստի»: Նա ողջունում էր Վիկտոր Էմմանուելի հաղթանակը, և դրվատում էր ռուս ռեոլյուցիոն-դեմոկրատների կողմից բազմիցս անարգանքի սյունին դամած Պյեմոնտի միլիտար Կամիլլո Բենզո Կավուրի հակաժողովրդական գործունեությունը»³:

1861 թվականից հետո «Հյուսիսսիայը»-ի էջերից դուրս են մղվում օրվա հրատապ հարցերի հետ կապված հրապա-

¹ «Հյուսիսսիայը», 1861, № 12, էջ 488:

² «Լուսմա», 1904, № 6, էջ 168—169:

³ «Կոմս Կամիլլո Կավուր», «Հյուսիսսիայը», 1861, № 6, էջ 503:

րակախոսական և պոլեմիկական հոդվածները և Նազարյանը, ասեք, հոգնած հասարակական հարցերից ու պայքարից, նվիրվում է միայն հայ ազգի կրթության և դատարակության հարցերի քննարկմանը:

Իր գործունեության այս երկրորդ էտապում ավելի զարգացնելով իր հայացքները հայ ժողովրդի միատարրության մասին, Նազարյանը երազում է բոլոր խավերի համերաշխ գործունեությունը, «իբրև մի երկնավոր հոր որդիներին»:

1861 թվականից հետո հրաժարվելով իր ամսագրի մարտական ուղղությունից, Նազարյանը նույնիսկ վարանում է իր նախկին հակառակորդներին կոչելու նրանց իսկական անուններով:

Ծանուցանելով «Հյուսիսափայլ»-ի դադարեցման լուրը, նա քրիստոնեական բարեպաշտությանը խաղաղություն է մաղթում «յուր թշնամիներին, ոհ, յուր մոլորված սիրելիներին», որովհետև, ինչպես ինքն է հայտարարում, «թշնամիք չունի «Հյուսիսափայլ»-ի հրատարակողը»¹:

1864 թվականին կրկին իջնելով հրապարակախոսության ասպարեզը, Նազարյանը հավասարապես ողջունում է բոլոր հայտատու հրատարակությունները, դրանց հետ համագործակցելու հաստատ դիտավորությամբ: «Հյուսիսափայլ»-ը, — գրում է նա, — խաղաղության շյուղը ձեռքին կամեր մուտենալ նոցա և համբուրել նորանց»: Այնուհետև, նույնացնելով բոլոր հայտատու պարբերականների նպատակը, որը հանգում էր միևնույն «հայկական սուրբ դրոշի տակ նիզակակից» լինելուն, Նազարյանը բարեմաղթում է.

«Թող մեզանից հեռի մնա ամենայն անաղնիվ կիրք, ամենայն հակառակություն, նպատակը մի է, հայրենիքը մի. ով ինչ շարիով և ինչ ճանապարհով կարող է, թող ծառայե նորան»²:

Այսպիսով, եթե «Հյուսիսափայլ»-ի հրատարակության առաջին տարիներին Նալբանդյանի հետ միասին Նազարյանը պայքարում էր հայ կղերա-ֆեոդալական մամուլի դեմ, հա-

¹ «Ծանուցումն», «Հյուսիսափայլ», 1862, № 10, էջ 199:

² «Հյուսիսափայլ», 1863, № 12, էջ 6:

նուն հայ ժողովրդի վերածնություն, ասլա ալժմ, Նալբանդ-
յանի ձերբակալությունից հետո, նա հեշտությունը ձեռք է
մեկնում պահպանողական մամուլին, զբաղվելով բուրժուա-
կան լիբերալիզմի անհետևողականությունն ու հաշտվողական
էությունը:

Եթե 1861 թվականին Նալբանդյանն իր «Երկու տող»-ում
գրում էր, թե պատրաստ է իր անձը զոհաբերել հասարակ
ժողովրդի իրավունքների պաշտպանության համար, ասլա
Նազարյանը նույն թվականին դիմելով հայերին, հայտարար-
ում է, թե պատրաստ է իր մահով սրբազոբծելու այն նվի-
թական գաղափարները, որոնց համար պաշտաբերել է նա եր-
կար տաճիներ (նվիրական գաղափարներ ասելով նա նկատի
ունի ժողովրդի լուսավորությունը, նրա վերանորոգությունը
ավետարանի ոգով):

1861—64 թվականներին հայ իրականության մեջ գործող
հետադիմական հոսանքի ներկայացուցիչների հետ հաշտ-
ված՝ Նազարյանն արդեն իր ամսագրի էջերը տրամադրում է
մեծ մասամբ թարգմանական գրականությանը: Քննադատա-
կան հոդվածներ այլևս չեն տպագրվում. Նազարյանի իսկ
խոստովանությամբ, այդ բաժնի սնանկացումը պայմանա-
վորված էր աշխատակիցների անձեռնհասությամբ:

Աղքատանում է և ամսագրի բնական գիտությունների բա-
ժինը: Բավական է հիշել, որ «Հյուսիսափայլ»-ում հրատա-
րակված բնագիտական հոդվածների երեք քառորդից ավելին
տպագրվել են միայն 1858—60 թվականներին: 1861 թվակա-
նին տպագրված Նազարյանի «Տիեզերքի շինվածքը» դիպակ-
տիկական բնույթի հոդվածն ամբողջությամբ շղարշված է
կրոնական մտայնությամբ: Նսեմացնելով մարդկանց դերը
բնության ճանաչման հարցում, Նազարյանը գրում է. «Տկար
մահկանացուն երբեք կարող չէ աստուծո ամենակարողու-
թյան ծայրին հասանել»:

Նա այս շրջանում ևս մեծ տեղ է հատկացնում նշանավոր
անձանց կենսագրություններին: Սակայն բնորոշ է այդ կեն-
սագրությունների («վարքագրություն») ընտրության սկզբ-
բունքը:

Եթե ամսագրի հրատարակության առաջին շրջանում նա

հրատարակում է գերազանցապես նշանավոր գիտնականների
կյանքն ու գործը (Գալիլեյ, Ջեմս Ուատ, Ջեմս Կոուկ և ուրիշ-
ներ), ապա երկրորդ շրջանում նրա հետաքրքրությունն առար-
կան են դառնում հոգևոր և պետական գործիչները (Հովհան-
նես Հուա, Անդրեա Գոռիա Գենուացի, Վիկտորիա Թագուհու
ամուսին իշխան Ալբերտոսը և ուրիշներ): Այս բնագավառում
ևս Նազարյանի համակրանքները միանգամայն ներդաշնա-
կում են նրա քաղաքական համոզմունքներին:

Այս շրջանում տպագրված գեղարվեստական գործերը մեծ
մասամբ Թարգմանություններ են, կատարված Շատսբրիանի
ոտմանտիկական գործերից («Ռենե», «Աթալա», «Անկարծելի
պատահմունք վերջին Իրն Սերրաջի»), Շիլլերի և այլ հեղի-
նակների միստիկական ստեղծագործություններից («Մեսի-
նական հարսը», «Զարմանալի մարգարեություն»), «Մարգարե
կնոջ անեծքը» և այլն):

Սակայն, որքան էլ «Հյուսիսափայլ»-ի հրատարակության
երկրորդ շրջանի նահանջն ակնառու լինի նրա առաջին շրջ-
անի համեմատությամբ, այնուամենայնիվ այն, ամբողջու-
թյամբ վերցրած, մնաց որպես 60-ական թվականների հայ
իրականության ամենաառաջադիմական օրգանը, որի էջերում
հիմնականում արծարծվել են ժամանակի հայ իրականու-
թյանը հուզող հարցերն ու խնդիրները:

ՆԱԼԻՔԱՆԻՅԱՆԸ ԵՎ «ՀՅՈՒՍԻՍԱՓԱՅԿ»-Ը

Նախընթաց գլուխներում արդեն տեսանք, որ Նազարյանի հետ մեկտեղ Նալբանդյանը ոչ մի ջանք չի խնայել իրականացնելու հայ ժողովրդի համար խիստ անհրաժեշտ մի առաջավոր պարբերական հիմնադրելու ծրագիրը: Որ Նալբանդյանը գործուն մասնակցություն է ունեցել «Հյուսիսափայլ»-ի կազմակերպչական աշխատանքներին, այդ է հաստատում և այն փաստը, որ «Հյուսիսափայլ»-ի հրատարակության համար անհրաժեշտ տառեր ձեռք բերելու նպատակով Նալբանդյանը դեռևս 1857 թվականի ամռանը կատարել է իր առաջին արտասահմանյան ճանապարհորդությունը¹:

Ամսագրի հիմնադրությունից հետո նա գլխավորն ընկնելով է «Հյուսիսափայլ»-ի հրատարակության գործին, իր ողջ ժամանակը տրամադրելով խմբագրական աշխատանքներին:

Այնուհետև «Հյուսիսափայլ»-ի էջերում մեկը մյուսի հետևից տպագրվում են նրա բանաստեղծությունները, արձակ էջերը, բազմաթիվ նամակներ, հոդվածներ ու թարգմանություններ, որոնք իրենց վրա են կենտրոնացնում ժամանակի ընթերցող հասարակության ուշադրությունը:

Մեծ էր Նալբանդյան-հրատարակախոսի հմայքը: Նա մեկն էր այն հազվագյուտ գործիչներից, որոնց գրավոր խոսքի մեջ

¹ Ա. Հովհաննիսյան, Նալբանդյանը և նրա ժամանակը, գիրք առաջին, էջ 149—153:

մի գեղեցիկ ներդաշնակութունն էին կազմում առաջավոր-
միտքն ու հրապարակախոսական խոսքի վարպետութունը:
Ահա թե ինչու նրա հոգվածները վարակում էին ընթերցողին
և նրան բարձրացնում մինչև ժամանակի ամենահրատապ
հարցերն ընկալելու և դրանք վերլուծելու մակարդակը:

Հանդես գալով որպես աշխատավոր ժողովրդի շահերի-
ջերմ պաշտպան, Նալբանդյանը հայտարարում է. «Մեք այս-
տեղ շենք ծառայում մեր ախտերին, ինչպես մի քանի գիշե-
րադեմ մարդիկ հայհոյեցին մեզ, այլ սպասավորում ենք ազ-
գի օգտին. գուցե մեղավոր ենք նորանով, որ մեր աչքի առաջե-
կն հայոց ազգի համար, սորանից հարյուր տարի հետո գա-
լոց օրերը»¹:

Իր ուրախութունն ու տխրութունը պայմանավորելով
միայն «հասարակ» ժողովրդի վիճակով, Նալբանդյանը ձեռ-
նոց է նետում «հարստահարող բռնակալներին»: Ամենամեծ
դժբախտութունն աշխարհում համարելով ստրկութունն ու
անազատութունը, նա «Հյուսիսափայլ»-ի էջերում հայտարա-
րում է, թե «լավ է ազատության մեջ մեռնել, քան թե բան-
տում ապրել»:

Նալբանդյանն իր հիմնական խնդիրն է համարում ժողո-
վրդական լայն մասսաներին արթնացնել նրանց պաշարած
թմրութունից և կոշիլ ղեպի կյանք ու գործունեություն, ծա-
ռայել ճշմարտության ու ազատության հաղթանակի գործին:
Նա կորած է համարում այն բույները, որոնք չեն ծառայել
ազգին և ճշմարտության իրավունքները պաշտպանելու
նպատակին:

Այսպիսով, Նալբանդյանը «Հյուսիսափայլ»-ի ամբողջն-
օգտագործում է ծառայելու համար հայ ժողովրդի «ներկայի-
բարվոքման և ապագայի լավության» գործին, և այս տե-
սանկյունից էլ անհաշտ պայքար է ծավալում բոլոր նրանց
դեմ, ովքեր խանգարում են այդ ծրագրի իրականացմանը:

Նալբանդյանի պոլեմիկական ելույթները մեծ մասամբ
հրատարակվել են նրա «Հիշատակարան»-ում:

Գիտակցելով իր «Հիշատակարան»-ի դերն այս պայքա-

¹ «Հյուսիսափայլ», 1859, № 11, էջ 909:

բում, Նալբանդյանն ըստ արժանվույն է ղնահատում այն.
«Ով հիշատակարան,— գրում է նա,— դու, իմ առաջին և վեր-
ջին մխիթարություն, արդարամիտ և բարեգործ մարդերի սի-
րելի, իսկ հիվանդամիտների և շարագործների մահու շափ
ատելի... դու բովանդակում ես քո մեջ, ամեն մի հայ մար-
դու սրտի և հոգու մոտ բաներ, խնդիրներ, որ հարակցություն
և ազդեցություն ունեին մեր ազգի կյանքի վերա»¹:

Ժամանակին գործող դրաքննական խստությունների պատ-
ճառով հնարավորություն չունենալով իրերն ու մարդկանց
կոչելու իրենց անուններով, Նալբանդյանն իր «Հիշատակա-
րան»-ում հաճախ ստիպված է եղել դիմելու այլարանության
օգնությանը, մտադրածին անուններ ընտրելու իր և իր հերոս-
ների համար, կամ օգտագործելու անոգրամների միջոցը: Այս
ամենը նկատի ունի նա, երբ մեջ է բերում ոմանց սասածներն
իր մասին, «Քե շատ բաներ ունիմ առակի ձևերով, և թե իմ
բովանդակած բաների մասին նախընթաց տեղեկություն չու-
նեցողը, կը դժվարանա շատ անգամ հասկանալ բանի գո-
րությունը»: Եվ կամ, գրում է իր ներկարարի կարասի մասին,
որի մեջ ընկնող կենդանիները հասարակությանը երևում են
ներկված և դժվար ճանաչելի բբգով:

Հակադրվելով ժամանակի հետադիմական գործիչների
կեղծ հայրենասիրական քարոզներին, Նալբանդյանը շատ մեծ
նշանակություն է տալիս իրականության ճշմարտացի արտա-
ցումանը:

«Հայերի միջից շատ մարդիկ անպատճառ կամենում են,
որ թագավորն սուտը և թաքնությունը,— գրում է Մ. Նալ-
բանդյանը,— բայց ամենայն բանիմաց և ճշմարտասեր հայի
վերա պարտականություն կա պատժել և պատուհասել բերա-
նով և գրչով ազգի պակասությունքը, հրապարակել նորանց
այնքան, մինչև որ ազգը տեսանելով յուր վերայի կեղտը,
զզվի, գարշի և խնամ տանե լվանալու և մաքրելու յուր անձը,
որպեսզի արժանի լինի լուսափայլ դեմքով մասնակից լինել
եվրոպական մարդկության բարիքին»²:

¹ «Հյուսիսափայլ», 1859, № 8, էջ 647—648:

² Նույն տեղը, 1858, № 5, էջ 381:

Հետաքրքրական է նշել, որ դեռևս «Հյուսիսսփայլ»-ի հրատարակությունն առաջին տարիներին Մ. Նալբանդյանը հրատարակախոսությունն առջև դնում էր նույն խնդիրները, ինչ որևէ ուսուցիչները-գեմոկրատները:

Ալավուտինսկուն դրած իր հոշակավոր նամակում Գորբուլյուբովը պահանջում էր «Սովրեմեննիկ»-ի համար գրելիք հոդվածներում իրականությունը պատկերել առանց գունազարդելու, այնպես, որ ուսուցիչները հոգվածը կարգալուց հետո որոշակիորեն տեսնեն այն իրականությունը, որտեղ նրանք ապրում են, զվլեն նրանից և գարշանքով երեսները շրջելով միապետական կարգերից, բացականչեն՝ էհ, ավելի լավ է, թող կորչի իմ հողին, բայց ապրել այս փոսում՝ չեմ ցանկանում այլևս¹:

Նալբանդյան-հրատարակախոսի համար հատկանշական է այն, որ նա հանձինս սեփական գործիչների չէր տեսնում իր, կամ նազարյանի անձնական թշնամիներին: «Մեղու Հայաստանի»-ն նա համարում էր կովկասում կազմված սեփական գործիչների «Ճախնային ու խավարասեր ընկերության» բերանն ու գործիքը, որը զուրկ էր կայուն սկզբունքից, «ուխտյալ» խորհրդից և նպատակից: Այնուհետև միայն, երբ թերթը բնութագրված է, Նալբանդյանը չի վարանում տալ և խրմբագրի բնորոշումը: Պուլեմիկայում շինայելով հակառակորդի անունը, պաշտոնն ու տիտղոսը, նա Մանդինյանին անվանում է «անկիրթ և բյուր տեսակ նախապաշարմունքով լցված մարդ», որն ազգային դիմակի տակ տարածում է իր «անճոռնի լրագրի» համարները՝ առաջնորդվելով լոկ նյութական շարժառիթներով: Մանդինյանին ոչնչի հավասարեցնելով որպես լրագրողի, Նալբանդյանը ցույց է տալիս, որ այդ ասպարեզում նրան չի փրկի քահանայի կոչումը: «Աշխարհական լրագիր հրատարակելը քահանայագործություն չէ»,— հայտարարում է Նալբանդյանը, նշելով, թե որքան է հեռու Մանդինյանի թերթը ժողովրդի լուսավորությանը ծառայելուց:

Մ. Նալբանդյանը նույնպիսի անողորմությամբ քննադա-

¹ «Сборник материалов к изучению истории русской журналистики», выпуск 2, Москва, 1952, էջ 80—81:

առօթյան է ենթարկում Մանդինյանի համախոհներին, և, առաջին հերթին, նրա աշխատակիցներ Մովսես Իսահակյանին և Հովսեփ Չերքեզյանին:

Մ. Նալբանդյանն իր գործունեության հյուսիսափայլյան տարիներին քանիցս անդրադառնում է «Մասյաց աղավնու» խմբագիր և Բեսարաբիայի ու Նախիջևանի թեմի առաջնորդ Գարրիել Այվազովսկու հակաժողովրդական գործունեությանը:

Այվազովսկու՝ ազգի միասնության կոչին ի պատասխան, Նալբանդյանը բացականչում է. «Լույսը չէ կարող հաշտվիլ խավարի հետ, ճշմարտությունը ստույգան հետ. այդ վեճը և պատերազմը հարկավոր էր որ մի օր հառաջանային մեր ազգի մեջ, հարկավոր էր, որ լույսը և ճշմարտությունը ոտաբորիկ քշեին Հայաստանի ծխյալ ավերակներից խավարի և ստույգան շար դեք: Մեք բուն այդ վեճի մեջ տեսանում ենք լուսավորության և խիստ բարոյականության պիղքը»¹:

Իր «Հիշատակարան»-ում նա կերտում է Այվազովսկի—Շամիլ գեղաբովեստական կերպարը և ապա այդ կերպարն ամբողջացնում է «Սատանայի պաշտոնական մեծ հանդեսը» քաղաքական պամֆլետում: Այվազովսկին այստեղ պատկերված է որպես օրագրության ուստիկան և «Ստախոսից ստախոս» թերթի խմբագիր, ըստ որում, նրա սխոլաստիկական գրվածքները տպագրվում են «կամ հեղինակի անուն ժառանգելու, կամ մարդ էշացնելու և կամ արժաթ հավաքելու խորհրդով»²:

Մանդինյան քահանային շանջատելով նրա գրական ընկերակից Այվազովսկուց, Նալբանդյանն իր պոլեմիկական հոդվածներում հաճախ կենտրոնացնում է հարվածը՝ միաժամանակ ոչնչացնելով և՛ մեկին, և՛ մյուսին: Այս տեսակետից հիշատակության արժանի են նրա «Հիշատակարան»-ի է գլխի երկու ֆելիետոնները, որոնք, մեր կարծիքով, միմյանց շարունակություն են կազմում:

Առաջին ֆելիետոնի մասին, որի մեջ նա ծագրում է Լինդման-Մանդինյանի և Այվազովսկու բարեկամությունը, մենք

¹ «Հյուսիսափայլ», 1859, № 2, էջ 165:

² Մ. Նալբանդյան, ԵԼԺ, հ. 1, էջ 199:

առիթ ունեցանք խոսելու: Երկրորդ ֆելիետոնը, մեր կարծի-
քով, վերաբերում է Այվազովսկի—հրապարակախոսին: Ահա
այն.

«Այս երկու ամսուսը պատահելով մի քանի վաճառահան-
դեանների մեջ, տեսա մի թափառական զաղանանոց, որի մուտ-
քը արժեր կես մանեթ: Շուտով հատուցի և մտա, բայց ի՛նչ-
պես դարմացա վերահասու լինելով նորա տիրոջ խաբեբա-
յությանը, դորա զաղանանոցի կենդանիքը շինովի էին, որ
շատ թե փոքր հայտնի երևում են առաջին անգամ աչք ձգե-
լու ժամանակ:

Սաստիկ խայտառակութեններից մինը այն էր, որ ցույց
տվեց մի թռչուն Կազվարի անունով, բայց ի՛նչ կազվար, մի
մեծ թռչունի վերա, որ ես որոշ չնկատեցի, որի մասին ոմանք
արագիլ և ոմանք մսրահավ ասացին, դրել է թաղիքից (քե-
շայից) շինած վահանի նման բան, այլև շրջապատելով փե-
տուրներով և ներկելով ոտքերը, հավատացնում է, թե մանուկ
կազվար է: Ինչպես կարելի է, որ արագիլը կամ մսրահավը
թեև ծածկված էին վահանի տակ, չհայտնեին յուրյանց ինչ
լինելը: Կառավարությունը իմանալով այս խարդախությունը,
դուրս վանեց վաճառահանդեսից: Լսած էի, թե Կեսարիայում
էշ ներկում են, բայց արագիլից և մսրահավից կազվար շի-
նել, ծածկելով մի կոսլիտ վահանի տակ, ճշմարիտ լսած
չէի»¹:

Նալբանդյանն այս ֆելիետոնի միջոցով ծաղրում է Գ. Այ-
վազովսկու «Մասյաց աղավնի» ամսագիրը: Թափառական
զաղանանոց անվանելով այն, Նալբանդյանը, հավանաբար,
նկատի ուներ Այվազովսկու ստացած թուլտվությունը՝ հա-
ջորդ տարվանից «Մասյաց աղավնի»-ն Փարիզից Թեոդոսիա
փոխադրելու և այնտեղ հրատարակելու համար: Գաղանանո-
ցի մուտքի վճարը (կես մանեթ) հավասար է «Մասյաց աղավ-
նու» բաժանորդագնին, որը Ռուսաստանում կազմում էր 24
ֆրանկ, կամ 6 ռուբլի: Շեշտելով այն հանգամանքը, թե դա-
ղանանոցի կենդանիներն արհեստական էին, Նալբանդյանը
ծաղրում է ամսագրի անունը: Այդ միտքը նա ավելի է ընդ-

¹ «Հյուսիսափայլ», 1858, № 10, էջ 351—352:

գծում, խոսելով հասարակ արագիլի, կամ մարահավի մասին, որը դազանանոցում շարավելով, ներկայացված էր իբրև մանուկ կազվար: Նկատի ունենալով Այվազովսկու նենգությունն ու նրա ամսագրի աղավնի անունը, Նալբանդյանը բացականչում է. «Ինչպես կարելի է, որ արագիլը, կամ մարահավը թեև ծածկված էին վահանի տակ, չհայտնեին յուրյանց ինչ լինելը»: Ի վերջո, մեզ թվում է անմիջական կապ պետք է տեսնել հիշյալ ֆելիետոնի և Կ. Նվյանի այն հոդվածների միջև, որոնք հրատարակվելով ուսանական պարբերական մամուլի էջերում՝ գունազարդում էին Այվազովսկու գիտական և հրատարակախոսական գործունեությունը¹:

Մ. Նալբանդյանն այդ շրջանում անուշադրություն չի մատնում և հայր ու որդի Մսերյանների սեակցիոն գործունեությունը: «Սատանայի պաշտոնական մեծ հանդես»-ում հակայական տեղ է նվիրված դրականության դիվանիտի գործունեությունն սլատկերմանը, հանձին որի ներկայացված էր «վերին աստիճանի» պատմաբան Մսեր Մսերյանը. «Հասակի բարձրությունը հինգ ոտնաչափ, բավականին հաստ, երկայն ճանկերով, սև երեսով և ճաղատ ճակատով» այդ թիրթիված և ուսումնական դեր» մի անգամ ևս քննադատվում է այն բանի համար, որ «անխորհուրդ կամակորությունը» շարունակում է խոսել արդեն մեռած դրարար լեզվով:

Նալբանդյանը մերկացնում է այս հակառակորդի խալաբամուլությունը, նրա գործունեության բուն նպատակը, որ «ոչ ոք չհամարձակվի տպել մի խելացի, հասկանալի և իմաստուն գործ» և որ գրքերը և գիտությունը մնան որպես մի քանի ընտրյալների մենաշնորհը:

Նալբանդյանը մեծ տաղանդով պատկերել է Ներսես Աշտարակեցու (հնդկական ծայրագույն—բրամին), Հարություն Խալիբյանի (Խալիլ Նայիր), Սարգիս Զալալյանի (Գիրտաս)

¹ Թվում է, չի կարելի պատահականություն համարել և այն զուգահեյությունը, որ նկատվում է տվյալ ֆելիետոնի վերջին տողերի և «Սատանայի պաշտոնական մեծ հանդեսը» ստեղծագործության այն հատվածի միջև, որտեղ նշված է, թե Այվազովսկու գործերը տպվում են «կամ հեղինակի անուն ժառանգելու, կամ մարդ էլացնելու և կամ արժաթ հավաքելու խորհրդով (տե՛ս Մ. Նալբանդյան, ԵՎՓ, հ. 1, էջ 199):

երգիծական կերպարները, խարանել է Հովսեփ Զերքեղյանին,՝
ռեակցիոն պատմաբան հուղարաշյանին և այլն: Գեռեա 1859
թվականի սկզբին հսկայական նշանակութուն տալով ռեակ-
ցիոններների դեմ սկսած իր այդ պայքարին, Նալբանդյանը
Գր. Սալթիկյանին ուղղված նամակում գրում է. «Համար Ձ
Հիշատակարանն իհարկե կարդացիր, թող պ. Շամիրը յուր
հալիլ Նայիրին մին հոգոց ասե»¹:

Մ. Նալբանդյանը «Հյուսիսափայլ»-ում հայկական ռեակ-
ցիայի դեմ ունեցած իր ելույթներն ամբողջացնում է «Մխի-
թար Սերաստացի և Մխիթարյանք» ծավալուն հոդվածով, որը
նրա մարտական ելույթներից մեկն է:

Յուրաքանչյուր երևույթ դնահատելով միայն նրա քաղա-
քական բովանդակությամբ, Մխիթարյանների գործունեությու-
նը նա հիմնականում համարում է ռեակցիոն: Չէ՞ որ «պա-
պականությունը երբևք չէ եղել ազատության պաշտպան»,—
գրում է Նալբանդյանը: Գնահատելով Մխիթարյանների վաս-
տակը գրաբար լեզվի մշակման, հին գրավոր հիշատակարան-
ների, քերականությունների և բառարանների հրատարակու-
թյան բնագավառում, Նալբանդյանը ցույց է տալիս նրանց
լուսավորության սխոլաստիկ էությունը: Նա հատկապես
խիստ քննադատության է ենթարկում Մխիթարյանների հրա-
տարակած պատմությունները, որոնք գրված էին առանց
քննական մոտեցման և դիտական սկզբունքների:

Նալբանդյանի պոլեմիկական հոդվածները գաղափարա-
կան հագեցվածության հետ մեկտեղ աչքի են ընկնում անմի-
ջականությամբ, կուռ տրամաբանությամբ և սուր երգիծան-
քով: Ցանկանալով ցույց տալ «Մեղու Հայաստանի» թերթի և
մեղվականների անկարողությունը՝ որևէ առաջադիմական
գործ կատարելու, Նալբանդյանը գրում է, թե ազգն անար-
գողները նրանք չեն, որոնք հրապարակում են ազգի ցավերը,
այլ «այն սուտ ազգասերքը, որ խեղճ ողորմելի մեղվին չծել
են մի սալլի և ինքյանք լցվելով մեջը, հարկադրում են նորան
ավելի մեծ ասպարեկ կատարել աշխարհի երեսին, հայկական

¹ Մ. Նալբանդյան, նվժ, հ. 4, էջ 61:

լուսավորութեան մեջ, քան թե բնութիւնը կարողութիւն էր տվել «Մեղվին»¹:

Իր պոլեմիկական հոգիլածներում Նալբանդյանը հաճախ է դիմում պատկերավոր խոսքի օգնութեանը, որի միջոցով նրա մտքերն առավել նպատակասլաց էին դառնում: Այսպես, քրն-նադատելով «Մեղու Հայաստանի»-ի թղթակից Իսահակյանի մանկավարժական հայացքները, Նալբանդյանը գրում է. «Պեղադոզիան շատ կարծր բան է նորա դյուրափխրելի ատամների համար»²:

Նուդաբաշյանի «Հայոց պատմութեան» թողած ողբալի տպավորութիւնը Նալբանդյանը հետեւյալ կերպ է հաղորդում իր ընթերցողներին.

«Երբ սկսեցի կարդալ, արդեն հառաջարանը, ասես թե ապտակ իջեցուց երեսիս. հարկ չկա ասել, որ բոլոր գիրքը կարդալը հավասար էր կից ընդունելու»³:

Մի այլ տեղ խոսելով «Մեղու Հայաստանի» թերթում տպագրված անվայել հոգիլածների մասին, նշում է, թե Գուտտենբերգի գյուտը պղծվում է:

Երբեմն Նալբանդյանի խոսքն իր դիպուկութեամբ ստանում է լայն ընդհանրացման նշանակութիւն և մի դարձվածքով հնարավորութիւն է տալիս հայտնելու մի շատ ընդարձակ միտք: Այսպես, նա գրում է. «Մեղուն» ցած է ամենայն կրիտիկայից». կամ՝ «մեր մեծատունների տտիպ համը առել են մեր ատամները». Նուդաբաշյանի «Հայոց պատմութեան» մասին գրում է. «Ըս այս օրից մոռանում եմ հավիտյան որպես գիրքը, նույնպես և նորա հեղինակը»: «Մեղու Հայաստանի»-ի թղթակից Իսահակյանի հոգիլածների առթիվ գրում է. «Մի մարդ ձեր կերպով դաստիարակութիւն ստանալով կդառնա շատ անբարոյական մարդ»:

Նալբանդյանը չի վարանում հարկ եղած դեպքում անխնայորեն ծաղրելու իր հակառակորդներին. Մսերյան-քննադատին ծաղրելով այն բանի համար, որ ստեղծագործութեան

¹ «Հյուսիսայիայ», 1858, № 5, էջ 408:

² Նույն տեղը, № 10, էջ 345:

³ Նույն տեղը, 1860, № 6, էջ 470:

արժանիքների մասին խոսելու փոխարեն խոսում է լոկ գրքի տառասխալների մասին, գրում է. «Հավատում ենք, որ նորա ջանքը կը պսակվի, կատարելագործելով, եթե ոչ հայ հեղինակների աշխատությունքը, գոնե հայատիպ մամուլների գրաշարությունը»¹: Հայ ռեակցիոն մամուլի անանկությունը նախանդյանը ծաղրում է մի արտահայտություն: Շահբեգը որոշում է գնալ Կովկասյան լեռները՝ իր պարտապանից մի անհույս պարտք ստանալու մտադրությամբ. «Ճշմարիտն ասեմ,— խորհրդածում է նա, կշռադատելով վիճակը,— եթե հասնեի նպատակիս, так и быть, была ни была, ինչպես ասում է ռուսը, այդ կորած ու գոռանված արժաթի հաշվից պիտի բաժանորդ գրվեի «Մասյաց աղավնուն», «Մեղվին» և «Ճոռաքաղին»²:

Այնուհետև, Նախանդյանը մեծ հաջողությամբ օգտագործում է կրկնությունները, մի բան, որ հաղորդելիք միտքը ճշմարտապատում է դարձնում, ուժեղացնելով ձևական լրջության տակ աճող հեգնանքն ու զավեշտը: Այդ տեսակետից իր ծաղրի ուժով անկրկնելի է Իսահակյանին Շահբեգի որդու կնքահայրը դարձնելու շուրջը ծավալվող զրույցը:

Նախանդյանն իր պոլեմիկական հողվածներում գործածում է հետաքրքրական համեմատություններ, դիպուկ կերպով հարվածելով հակառակորդին: Այսպես, Խուդաբաշյանի՝ գիրքն անվանում է «սլակաս և անկազմ ծնունդ», հեղինակի տարիքը՝ «երեկոյացյալ հասակ» և այլն:

Երբեմն Նախանդյանն ստեղծում է և սրամիտ բառախաղ. այսպես, քննադատելով Գրիգոր վարդապետ Կապարճի Կարապետյանի «Ընծա» գիրքը, նա գրում է. «Շնորհակալ ենք պատվելի ծերունուց, որ պատվասիրեց մեզ ընծաներով, բայց ճշմարտության հարգը չենք կարող ուրանալ, մեզ ոչինչ ընծաներով չէ կարելի կաշառել»³:

Մի այլ տեղ քննադատելով մոսկովաբնակ վաճառական ձալաթյանին, Նախանդյանը գրում է. «Այսօրյան օրագրու-

¹ «Հյուսիսափայլ», 1860, № 6, էջ 484:

² Նույն տեղը, 1859, № 2, էջ 151:

³ Նույն տեղը, № 9, էջ 736:

Յլունս հարուստ է այն խոսակցութեամբը, որ պատահեցավ իմ
և պ. Խ... մեջ, որ ընդդեմ ամենայն քաղաքավարութեան,
եկեղ էր իմ մոտ գիշերազգեստով (խալաթով) ¹:

Նալբանդյանը պոլեմիկայում հակառակորդին հաղթում էր
և նրա իսկ ղենքով: Այսպես, հետաքրքրական է հետևյալ
փաստը: 1860 թվականին «Մեղու Հայաստանի» թերթի սեպ-
տեմբերի 3-ի 36-րդ համարում տպագրվում է Կռիլովի «Ազ-
րավ և աղվես» առակը՝ ոմն Սարգիս Տեր Միքայելյան Վար-
շապիտանցի թարգմանությամբ (ի Բզովնա) ²: Այդ նույն թվա-
կանին «Հյուսիսփայլ»-ի 11-րդ համարում տպագրվում է
Նալբանդյանի նամակը խմբագրին՝ դարձյալ Սարգիս Տեր
Միքայելյան Վարշապիտանց ստորագրությամբ (նամակ Բաք-
վից): Նամակը, որ ուղղված էր «Ճոռաքաղի» դեմ և տեղիք է
տալիս լուրջ հարձակումների, անկասկած իր ստորագրու-
թյամբ մոլորութեան մեջ էր գցում հետադիմական օրգան-
ների պարագլուխներին:

Նալբանդյանի հեղվածների մեջ շատ հարգի է և անո-
գրամների օգտագործումը (Սարգիս—Գիրսաս, Լինդման—
Մանդինյան), Խալիբյան—Խալիլ Նայիր և այլն):

Նալբանդյանն իբրև պոլեմիկական ղենք օգտվել է ուս
ուսուցիչի ու դեմոկրատների պայքարի միջոցներից: Հայտնի
է, որ անցյալ դարի 40—50-ական թվականներին ուս իրա-
կանության մեջ «Զինաստան» տերմինը՝ շինական մեծ պատի
կասակցությամբ հավասարազուգ, էր գիտական մտքից ան-
ջրպետվելու գաղափարին: Ռուս ուսուցիչի ու դեմոկրատները
և պրոգրեսիվ հրապարակախոսները բաղմիցս դիմում են այդ

¹ Մ. Մսերյանը կաթողիկոսին ուղղած իր նամակներից մեկում (տն'ս
հավելված № 2) բողոքելով Նաղարյանի և Նալբանդյանի գործողու-
թյուններից, զայրույթով ընդգծում է, որ Նալբանդյանը պարսավում է հաչ
երեկի անձանց: Ի թիվս հանրածանոթ անձանց, նա հիշում է և Խալաթյան
ազգանունը: Նալբանդյանի կողմից խալաթ բառի հիշատակությունը, այլև
պարոն Խ.-ի հետ ունեցած զրույցի բովանդակությունը ոչ մի կասկած չեն
թողնում, որ «Հիշատակարանի» առաջին գլուխն ուղղված է եղել մինչ
այժմ սովերի մեջ մնացած վաճառական Խալաթյանի դեմ:

² Բզզովնա կոչվում է Բարսիլից 37 կիլոմետր տարածության վրա
գտնվող քաղաքատիպ ավաններից մեկը:

տերմինի օգնութեանը, քննադատելու համար ցարական բրնայակտական կարգերը և ռեակցիոն հրապարակախոսներին: Մ. Նալբանդյանը Մխիթարյանների գործունեութիւնն անվանում է մի «հոգեւոր Չինաստան, ուր ոչ ոք և ոչինչ օտարական չէր կարող ներս մտնել»: Այնուհետև, Նալբանդյանը հաճախ է օգտագործում դորրոյութեան «խաւարի թագաւորութիւն» և մի-երկու այլ տերմիններ:

Որ Մ. Նալբանդյանը լրջորեն հետևում էր ռուս ղեկավարներին-դեմոկրատների գործունեութեանը և Գերցենի ու Օգարյովի ազատ տալարանի հրատարակութեաններին, այդ ցույց է տալիս նաև հետևյալ փոքրիկ, բայց ըստ էութեան ուշագրավ փաստը: 1861 թվականին գրած իր «Երկու տող» պամֆլետում սպանիչ ծաղրով պատասխանելով արևմտահայ ռեակցիոններ Չամուռճյանի հայհոյանքներին, Նալբանդյանը գրում է. «Ինչ որ մեզ է վերաբերվում, այդ հայհոյութեանների ընդդեմ ուրիշ բան չունինք ասելու, բացի այն խոսքերից, որ հռչակավոր Ֆոքսը գրեց մի անգլիական լորդի, որ գրել էր նորան հայհոյութեամբ լցված մի նամակ. «Sir, ձեր նամակը, այսինչ թվականից, ստացա: Այդ նամակը առաջևս է այժմ, բառորդ ժամից հետո կլինի քամակումս, որի մասին շնորհունիմ տեղեկութիւն տալ Ձեզ. անձնանվեր Չ. Ֆոքս»:

Պուլեմիկական այս սուր պրիոմը Նալբանդյանի կողմից բառացիորեն վերցված է Գերցենի «Կոլտիդը»-ից: Ա. Ի. Գերցենն իր դեմ լույս տեսած ոմն գրչակ Ելագինի հայհոյանքներով լցված «Իսկանդեր-Գերցեն» գրքին ի պատասխան, «Կոլտիդը»-ի 1859 թվականի № 57—58-ում գրում է.

„Что, в самом деле, сказать на сквернословие каких-нибудь синодальных писарей и семинарских риторов старого порядка, кроме того что отвечал знаменитый Фокс одному лорду, написавшему к нему письмо, исполненное брани и дерзости: “Sir, письмо Ваше от такого-то числа я получил. Оно теперь *передо мной*, через четверть часа оно будет *за мной*, о чем честь имею Вас уведомить. Преданный Вам Ч. Фокс“¹.

¹ «Колокол», 1859, № 57—58, էջ 482:

Նալբանդյանի պոլեմիկական հոդվածների ուսումնասիրությունը ակնառու է դարձնում այն կապը, որ առկա է նաև նրա և Չերնիշևսկու պոլեմիկական հոդվածների միջև:

Մտքի պարզությունը, սկզբունքների հստակութունն ու շիտակությունը, անողորմությունը՝ ռեակցիոն մտքի արտահայտության դեմ, միացնում են Չերնիշևսկուն և Նալբանդյանին: Գիտակցելով իրենց մտավոր գերազանցությունը, նրանք անխնայորեն ծաղրում են սնապարծ ու ժամանակավրեպ գիտնականներին և նրանց մուծած կեղծիքը գիտության մեջ:

Նալբանդյանի համախոհները օգտվելով նրա հրապարակախոսական փորձից ընդօրինակում էին պոլեմիկայի միջոցները և ուժեղացնում «Հյուսիսամերիկյան»-ի թևը: Հետաքրքրական է, սակայն, որ նրա հակառակորդները ևս դիմել են պայքարի այդ նույն մեթոդներին: Այսպես, Մսերյանները սկսած 1859 թվականից «Ճուաքաղ»-ում բացում են «Հայկազնյան տարեգիր» նոր բաժինը, որտեղ տպագրվում են կուլտուրական կյանքի նորութունները: Այդ բաժնի 6-րդ համարում Չ. Մսերյանը Նալբանդյանի ոճով խոսելով «Հյուսիսամերիկյան»-ի ուղղության դեմ, մեջ է բերում Սուխում-Գալեում բնակվող իր բարեկամ Քերովբե Աստվածատրյան Ասլանբեգի նամակը, ուղղակի ակնարկով հիշեցնելով Նալբանդյան—Սերովբե ետաշատուրյան Շահբեգին, որը բնակվում էր Րեդուտ-Կալեում: Այս երևույթն, ինքնին խոսում է այն հսկայական ազդեցության մասին, որ ժամանակին ունեւր Մ. Նալբանդյանի հրապարակախոսական գործունեությունը հայ իրականության մեջ:

60-ական թվականներին հայ հետադիմական մաճուլի դեմ վարած իր սկզբունքային պայքարում Մ. Նալբանդյանը կոփվում է, առավել հասունանում: Դեպի արտասահման կատարած իր վերջին ճանապարհորդության ժամանակ բախվելով և արևմտահայ ռեակցիոններներին, նա Փարիզում հրապարակում է հայ իրականության մեջ ազատ տպագրական խոսքի լավագույն արտահայտությունը հանդիսացող «Երկու տող» պամֆլետը, որտեղ արդեն Նալբանդյանի հյուսիսամերիկյան շրջանի լուսավորական-դեմոկրատական աշխարհայացքը վերաճել էր և հասել ռևոլյուցիոն-դեմոկրատականի: Մ. Նալբանդյանի դադարափարական այդ էվոլյուցիայի գործում

ուսա ուսուցիչին-գեմոկրատական աշխարհայացքի հետ միասին քիչ դեր չէ կատարել և նրա հրապարակախոսական գործունեությունը «Հյուսիսափայլ» և «Մեղո» ամսագրերի էջերում:

Նալբանդյանի և Նաղարյանի փոխհարաբերությունների հարցը շատ է զբաղեցրել մեր գրականագետներին, որոնք սովորաբար Նալբանդյանին անվերապահորեն հակադրել են Նաղարյանին՝ 1860 թվականը համարելով նրանց վերջնական խզման տարի: Այսպես, այդ կապակցությամբ քնկ. Ն. Մուրադյանը գրում է.

«Այստեղ էլ կատարվում էր նույնը, ինչ նույն տարիներում կատարվեց «Սովրեմեննիկ»-ի հետ: Նաղարյանը «Հյուսիսափայլ»-ի Տուրգենևն էր, Նալբանդյանը՝ Չերնիշևսկին: Հայտնի է, որ լիբերալների և գեմոկրատների տարածայնությունները ուսուսական ժուռնալում վերջացան գեմոկրատների փայլուն հաղթանակով: Տուրգենևնը հեռացավ «Սովրեմեննիկ»-ից և ամսագիրը մնաց Նեկրասովին, Չերնիշևսկուն և Դոբրոլյուբովին: Դեմոկրատ Նալբանդյանի և լիբերալ Նաղարյանի պայքարը խմբագրության ներսում վերջացավ նրանով, որ հեռացավ Նալբանդյանը, բայց հենց դրանից հետո էլ, քստ էության դադարեց «Հյուսիսափայլ»-ը¹:

Մեր կարծիքով ճշմարտությունից հեռու է նման համեմատությունը:

Ռուսական ուսուցիչին-գեմոկրատական օրգան «Սովրեմեննիկ»-ի խմբագրության կազմում տեղի ունեցած խոր հակասություններն իսկապես հանգեցրին լիակատար խզման՝ ամսագրի ուսուցիչին-գեմոկրատական և լիբերալ թևերի միջև: Նեկրասովը, գիտակցելով Չերնիշևսկու ուղղության խոշոր պատմական նշանակությունը, հնարավոր գտավ, առանց փոխոսանքի, հարաբերությունները խզել ո՛չ միայն Դրուժինինից, Գրիգորովիչից, այլև իր վաղեմի բարեկամ լիբերալ Տուրգենևից և «Սովրեմեննիկ»-ն ամբողջովին տրամադրեց Չերնիշևսկուն և Դոբրոլյուբովին: Տուրգենևն այդ խզումից հետո սկսեց աշխատակցել «Սովրեմեննիկ»-ին խորթ ուղղու-

¹ «Գրական թերթ», 1938, № 35:

Քյան պատկանող լիբերալ և պահպանողական ամսագրերին: Այդ նույնը, սակայն, տեղի չի ունենում «Հյուսիսափայլ»-ի խմբագրական կազմում:

Նալբանդյանը բախվում է Ստ. Նազարյանի հետ, հեռանում խմբագրական աշխատանքներից, սակայն երբեք նա իր կապերը չի խզում «Հյուսիսափայլ»-ից: Եթե Նալբանդյանն ունենար իր սեփական օրգանը, որի միջոցով իր մտքերն առանց արտաքին և «նեքսին» գրաքննության աղճատման հասնեին ժողովրդին, ապա անվարան կերպով այդպիսի օրգանը կդերագասեր «Հյուսիսափայլ»-ից: Սակայն հայ իրականության մեջ դոյուսթյուն ունեցող հրատարակչություններից «Հյուսիսափայլ»-ը միակ առաջադիմական ամսագիրն էր, որի էջերում նա կարող էր տպագրել իր հոդվածները:

Հասկանալի է, որ Նալբանդյանը չէր ցանկանա գրկվել այդ եզակի ամբիոնից, որը նա համարում էր «մեր թախմի օրգանը», ընդհուպ մինչև «Հյուսիսափայլ»-ի դադարելը:

Այդ է ապացուցում Միքայել Նալբանդյանի հրատարակախոսական գործունեության պատմությունը «Հյուսիսափայլ»-ում և հետագա տարիներին:

1858 թվականի մարտին Նալբանդյանի գրած մի նամակից երևում է, որ Նազարյանի հետ միասին նրանք վաղուց մտադրված են եղել հիմնել մի «հայկական օրագիր, աշխարհաբար լեզվով հասարակին հասկանալի»¹: Եթե ուշադրություն դարձնելու լինենք այն արտահայտությունը վրա, թե «երկար ժամանակ այս խորհուրդը մնացել էր մեր սրտում բոլորովին անգործ», որովհետև «ղանաղան հանգամանք առգեիք էին լինում այս ազգասիրական գործին», ապա պարզ կդառնա, որ Նալբանդյանը ևս անմիջական մասնակցություն է ունեցել 1854 թվականին Նազարյանի կողմից մտադրված «Ռուսիա» ամսագրի հրատարակչության նախապատրաստման աշխատանքներին: Հավանաբար Նիկողայ առաջինի մահը ակնարկելով, նա գրում է, որ «արդելառիթ հանգամանքները» փոխվել են և հետևապես իրենք հույս ունեն իրագործելու այդ ծրագիրը:

¹ Մ. Նալբանդյան, ԵԼԺ, հ. 4, էջ 38:

Մ. Նալբանդյանը «Հյուսիսափայլ»-ի հրատարակութեան գաղափարն անբաժանելի համարելով հայ ռեակցիոներների դեմ մղվելիք պայքարի գաղափարից, իր անձնական նամակներով բարեկամներին՝ հորդորում էր տարածել «Հյուսիսափայլ»-ը, որպեսզի «այդ գործը գլուխ գալով, վեներտիկոց աղբաթը խառնվի»¹:

Թե ինչպիսի եռանդով ու ոգևորությամբ էր Նալբանդյանն աշխատում «Հյուսիսափայլ»-ի համար, վկայում են նրա հետևյալ տողերը. «Ձեզ հայտնի կլինի, թե ինչ անձնագործությամբ գիշեր ցերեկ կուրծք կոտրելով և աչք խավարեցնելով աշխատում ենք գրելով ու սրբագրելով, տպելով ու շարչարվելով»²:

Խմբագրական և հրատարակատեսակական աշխատանքներին զուգընթաց Մ. Նալբանդյանը ձգտում էր ամսագրում արծարծված հասարակական նշանակություն ունեցող խնդիրների վրա հրավիրել ընթերցողների ուշադրությունը: Բարեկամներին ուղղած նամակներում նա բացատրում էր ամսագրում տպագրված այլաբանական հոդվածների և «Հիշատակարան»-ի նյութերի իմաստը և խնդրում էր, որ նրանք էլ, իրենց հերթին բացատրեն «չհասկացողներին»:

«Հյուսիսափայլ»-ը դառնում է Նալբանդյանի մտահոգության առարկան: Երբ Գ. Ալվազովսկին իր դանոսների միջոցով կառավարության ուշադրությունը հրավիրում է Նաղարյանի ամսագրի վրա և խորհուրդ տալիս այն փակել, Նալբանդյանը հավանաբար Նաղարյանի համաձայնությամբ, ծրագրում է «Հյուսիսափայլ»-ը արտասահման փոխադրել:

Ոգևորված Գերցենի «Կոլոկոլ»-ի հաջողությունից և ռուս հասարակության վրա նրա ունեցած մեծ ազդեցությունից, Նալբանդյանը երազում էր արտասահմանում հայերեն ազատ մամուլ ստեղծելու մասին: 1859 թվականի ապրիլին նա ֆարզից գրում է.

«Ես հույս ունիմ, որ դուք բոլոր մեր ճշմարտասեր և ազնվամիտ հայրենակիցք և բարեկամք ինձ օգնական և ձեռն-

¹ Մ. Նալբանդյան, ԵԼԺ, հ. 4, էջ 45:

² Նույն տեղը, էջ 49:

տու կլինեք, եթե Մոսկվա փակվի «Հյուսիսսփայլ»-ը, նորից ուրիշ տեղ... վերանորոգելու և բոլոր մեր գլխից և ձեր գրլխից, այլև ազգի և եկեղեցու գլխից անցածները ճշմարտությամբ հրատարակելու համար»¹:

Հայտնի է, որ այդ նպատակով նա Փարիզում բանակցություններ է վարում Ճանիկ Արամյանի հետ, որի տպարանում էր տպագրվում և Ստ. Ոսկանի «Արևմուտք»-ը:

1859 թվականին Մ. Նալբանդյանը գժտվում է Նազարյանի հետ և վճռում թողնել «Հյուսիսսփայլ»-ը: Սալթիկյանին ուղղած իր նամակում նա գրում է.

«Հյուսիսսփայլ»-ից ձեռք վեր առի, ըստ որում մի ժանգոտ կոպեկ չեմ ստանում: Ի՞նչ հարկավորություն ունիմ էշխ նահատակ լինելու: Այդ ի՞նչ խելագարություն է, որ ես ուրիշից պարտք առնեմ ասրեմ, «Հյուսիսսփայլ»-ի վերա տիվ և գիշեր աշխատեմ, բայց «Հյուսիսսփայլ»-ից մի կոպեկ չըստանամ, այդ ո՞ր գրքի մեջ գրված է: Եվ ո՞ր մարդը, որ շուներ բնակություն, կերակուր և զգեստ, կարող է գործ կատարել և այն ձրի: Մինչև այժմ ես զոհ եղա, թող աստված ընդունե այդ զոհը, բայց տեսանում եմ, որ այսուհետև անկարելի է: Քեզ քաջ հայտնի է, որ ես բարոյապես թուլացած չեմ, կարող եմ շատ աշխատել, բայց աշխատելու համար հարկավոր են պայմանք, որ ես չունիմ և որի մասին չկամիմ ոչ ոքի բերան բանալ և բան խնդրել»²:

Այս գժտության հիմքում միայն նյութական հարցերը չէին, այլև կային գաղափարական տարածայնություններ, որոնց մասին Նալբանդյանը որոշ նկատառումներով լռում է:

Բանն այն էր, որ Նազարյանը գործադրելով խմբագրի իրավունքը, հաճախ «խմբագրում էր» Նալբանդյանի հոդվածները, առաջացնելով նրա անբավականությունը: Այսպես, Ե. Շահազիզը գրում է, թե ժամանակակիցների վկայությամբ նրանց վեճերը մեծ մասամբ տեղի էին ունենում տպագրվելիք հոդվածների նյութի և լեզվի կապակցությամբ: Նազարյանը «փոխանակ քերականական ձևերի և ոճերի, շատ անգամ

¹ Մ. Նալբանդյան, ԵՎԺ, հ. 4, էջ 62:

² Նույն տեղը, էջ 64:

ձեռնամուխ էր լինում և ամբողջ պարբերություններին, որով հաճախ հողվածագրների էական միտքն ու իմաստն էր փոխվում, խանգարվում: Նալբանդյանը, գոնե, յուր հողվածների վերաբերությամբ միշտ ընդդիմանում էր, ասելով՝ «Ստեփան Իսայիչ, թույլ տվեք, խնդրեմ, որ իմ մտքերը տպագրվեն այնպես, ինչպես որ նոքա ինքնաբերաբար բխում են»¹: Չնայած Շահազիզը շեշտը դնում է գլխավորապես լեզվական խմբագրումների վրա, բայց, հավանաբար, Նազարյանը դրանով չի բավականացել:

Նալբանդյանի հողվածների ուսումնասիրությունը ցույց է տալիս, որ դրանք հաճախ «խմբագրվել են» երկրորդ ձեռքի կողմից:

Այսպես, մեր կարծիքով, Նազարյանի գրչին է պատկանում Նալբանդյանի «Հիշատակարանների» «Ե» գլխի հետևյալ հատվածը.

«Չկա մարդկության պատմության մեջ ժամանակ, որ ճշմարտության պաշտոնյայքը հանդիպած չլինելին բազմադիմի տհաճութենների և անախորժութենների. այս հիման վերա, չէ պիտո ամենեին զարմանալ, որ միևնույն բանը կրկնվում է և այսօր, բայց այն մարդը, որ անվանում էր յուրյան քրիստոնյա, պարտական է հետևել Քրիստոսի ճշմարտությանը, և նա է մարդը, որ արհամարհելով ամենայն ունայնություն, կտրիճի պես կանցանե այն նեղ և փշոտ ճանապարհից, դիմելու համար դեպի ճշմարտության կենդանաբար աղբյուրը—Հիսուսի Քրիստոսի գոգը»²:

Վերը բերված հատվածի ուշադիր քննությունը բացահայտում է և ոճական զգալի տարբերություններ. Նազարյանի տարտամ, կրոնա-բարոյագիտական խրատին նախորդում, և ապա հաջորդում են Նալբանդյանի պատկերավոր, կենդանի և, ասեք, մարտակոչի հրավիրող տողերը:

Ամենայն հավանականությամբ, վախենալով Նալբանդյանի կողմից ճշմարտության գաղափարին տված լուրջ նշանակությունից, մանավանդ, երբ խոսքը վերաբերում էր Նա-

¹ Ե. Շահազիզ, Միքայիլ Ղազարյան Նալբանդյանց, էջ 88:

² «Հյուսիսափայլ», 1858, № 8, էջ 160—161:

խիշկանի անցուդարձին, Նազարյանը ցանկացել է մեղմել Նալբանդյանի հողվածի հարցադրման սրությունը: Այդ բանի հետևանքով էլ գործողության ծրագիր հանդիսացող Նալբանդյանի ճշմարտության գաղափարը, որն ընթերցողներին կոչ էր անում հակադրվել իշխող շարիքի դեմ, Նազարյանի խմբագրութեամբ դարձել է հալեցական և կյանքից կտրված մի գաղափար:

Սակայն, եթե հնարավորություն կա պարզելու Ձ-րդ ձևերի առկայությունը Նալբանդյանի հողվածներում, ապա արխիվի բացակայությունն անկարելի է դարձնում պարզելու Նալբանդյանի հողվածների այն հատվածների վիճակը, որոնք դեռևս ընթերցողին չհասած հավանաբար ընկել են խմբագրի մկրատի տակ և ընդմիջտ անհետացել: Նազարյանը դրսևորելով իր լիբերալ սահմանափակությունները, անկասկած, փորձել է Նալբանդյանին հեռացնել այն «լստանգավոր» ուղղությունից, որը «ոչ մի վերաբերություն» չուներ դեպի հայոց ազգը:

Այս կարգի «խմբագրությունները» նկատի ուներ Նալբանդյանը, երբ «Հիշատակարանում» հաճախ գրում էր, թե իր հորեղբայրն իր պլսին «ցենզորի նման մի բան է»:

Չնայած Նազարյանի հետ ունեցած գաղափարական տարածայնություններին, Նալբանդյանը 1860 թվականից հետո էլ շարունակում է աշխատակցել «Հյուսիսսփայլ»-ին:

1860 թվականի աշնանը Նալբանդյանն ուղևորվում է արտասահման: 1861 թ. «Հյուսիսսփայլ»-ում տողադրվում են նրա՝ «Հոռմեական նամակ» հողվածը և «Բտալացի աղջկա երգ» բանաստեղծությունը:

Նույն թվականին Անանիա Սուլթանշահին գրած իր նամակում Նալբանդյանը խնդրում է թարգմանություններ կատարել «Հյուսիսսփայլ»-ի համար: «Նազարյանցը կարբագրի այն շնչին թերությունքը, որ պիտի լինին քո գրվածքում», — գրում է Նալբանդյանը, մի անգամ ևս հաստատելով այն փաստը, որ հաշվի էր նստում Նազարյան-խմբագրի հեղինակություն հետ:

Ինչպես վերը նշվեց, հենց այս նամակում է նա «Հյուսիսսփայլ»-ը հայտարարում «մեր թախրմի օրգանը»:

Ահա թե ինչո՛ւ, Նալբանդյանը խոր վշտով է ընդունում «Հյուսիսսփայլ»-ի դադարեցման լուրը. «Շատ ցավում եմ, որ մեր «Հյուսիսսփայլ»-ը արդեն գոյություն չունի և ասպարեզը մնացել է գրական գաճաճների», — գրում է նա բանտից եղբորը ¹:

Երբ 1864 թվականին «Հյուսիսսփայլ»-ն սկսում է նորից հրատարակվել, Նալբանդյանը բերդի պարետին ուղղված մի դիմումով թուլտվություն է խնդրում նրան աշխատակցելու թարգմանություններով և գրական-գիտական հոդվածներով²։ Չնայած ստացված ձևական թուլտվության, Նալբանդյանի հոդվածներից ոչ մեկը հետագայում չի հասնում «Հյուսիսսփայլ»-ի խմբագրություն։ Հայտնի է, որ այդ ամսագրի համար գրված «Սոս և վարդիթերի կրիտիկան» երկար տառնամշակներ մնում է 3-րդ բաժանմունքի արխիվում ³։

Հայտնի չէ ինչ ճանապարհով Ստ. Նալբանդյանը այդ ժամանակ բանտից ստանում է Նալբանդյանի «Ազգային թշվառություն» հոդվածը, որը և իր ստորագրությամբ տպագրում է «Հյուսիսսփայլ»-ի 1864 թվականի երկրորդ համարում։ Նույն թվականի մարտի համարում տպագրվում է Նալբանդյանի «Ուղերձ առ Մեղուխեչյան ի Կոստանդնուպոլիս»⁴ բանաստեղծությունը՝ «Փառախոտ Յուլիականց» ստորագրությամբ։ Ի՞նչ հոդվածում, և՛ բանաստեղծության մեջ Նալբանդյանը արձագանքում է արևմտահայ իրականության մեջ տեղի ունեցող

¹ Մ. Նալբանդյան, ԵԼԺ, հ. 4, էջ 151։

² Նալբանդյանի դիմումի կապակցությամբ Պետրոպոլիսյան բերդի պարետ Սորոկինը ապստի է ներկայացնում 3-րդ բաժանմունքի գլխավոր պետ Դոլգորուկովին, նրանից կարգադրություն խնդրելով՝ վերջինիս ձեռքով ապստի վրա մակագրված է. «Թուլտվություն ստանալու համար՝ ներկայացնել սույն գրությունը բարձրագույնս հաստատված գլխավոր քննիչ հանձնաժողովին»։ ապա ավելացված է. «Ինպե՞ս են վարվում Չերնիշևսկու գրվածքների հետ»։ Այնուհետև արձանագրված է. «Հանձնաժողովն ավարտել է նրա գործը. հանձնված է Սենատի գատաստանին» (տե՛ս Մ. Նալբանդյան, Անտիպ երկեր, էջ 636)։

³ Այդ աշխատության վերաբերյալ 3-րդ բաժանմունքը կարգադրել է. «Պետք է թողնել այս հոդվածը 3-րդ բաժանմունքի գործերի մեջ, մինչև Նալբանդյանի դատական գործի ավարտը» (նույն տեղը, էջ 638)։

⁴ Հարություն Սվաճյանի կեղծանունը։

իրագարծություններին, վեր հանում գավառի աշխատավոր ժողովրդի իսկական վիճակը, նրա տառապանքները և բողոքը «նեքքին հալածողների և հարստահարողների ընդդեմ»: Սվաճյանին Նալբանդյանը մեծարում է հայ ժողովրդի թշվառությունները ճշմարտացիորեն պատկերելու, որբերի հացը խողոնների դեմ բողոքելու, «նեղվածի աչքերից» արտասուքը սրբելու համար¹:

Գժբախտաբար, Նալբանդյանի հողվածներն այլևս չեն երևում «Հյուսիսափայլ»-ում, սակայն Պետրոպավլովյան ամբողջում գրած իր նամակներում և հողվածներում, յուրաքանչյուր պատեհ առիթով, նա իր համակրանքի խոսքն է ասում և՛ «Հյուսիսափայլ»-ի, և՛ Նազարյանի մասին: «Երկու խոսք» հողվածում² Նալբանդյանն իր պաշտպանության տակ առնելով «Հյուսիսափայլ»-ը, հերքում է այդ ամսագրի լեզվի, ոճի, նյութերի ընտրության մասին տարածված թշնամական կարծիքները:

«Ասվում է լավելու համար» հողվածում Նալբանդյանը խոսելով աշխարհաբար լեզվի զարգացման ուղիների մասին և գիտականորեն ապացուցելով իր դրույթները, իր պաշտպանության տակ է առնում Ստ. Նազարյանին մի շարք հարձակումներից: Հայոց նոր լեզվի զարգացման ասպարեկում նա բարձր գնահատելով Նազարյանի վաստակը, եզրափակում է.

«Աղղը երբեք չի կարող ուրանա գերապատիվ Նազարյանցի աշխատությունը և անխարդախ դեպի ինքը սերը. նա

¹ «Ազգային թշվառություն» հողվածի տպագրությունը «Հյուսիսափայլ»-ի էջերում լուրջ անհանգստություն է առաջացնում արևմտահայ բնակիցիսն մամուլում: «Արշալույս Արարատյան» թերթում տպագրվում է մի հողված՝ ուղղված «Հյուսիսափայլ»-ի դեմ: «Ազգային թշվառության» «Տեղիմակ» Ստ. Նազարյանի դատողությունները Պալղազարյանի կողմից ստանում են «սխալ և ազգավնաս» որակումը, «վասնզի Քուրբաստանի ազգային գործոցը վրայոք փորձառություն և ճիշտ տեղեկություններ չունենալով, սեղձ հրմակ, լույսը՝ խավար, իրավը՝ սուտ և բարին՝ շարնկարագրած է... կերևի թե դադարյալ «Մեղու» լրագրին ներշնչությամբ գրված է»: Պալղազարյանն «Ազգային թշվառություն» հողվածը տպագրում է իր թերթում՝ ընթերցողների ուշադրությունը հրավիրելով դրա վրա (տե՛ս «Արշալույս Արարատյան», 1865, №№ 767—769):

² Մ. Նալբանդյան, ԵԼՓ, հ. 2, էջ 395—403:

ուղիղ և պարզ մտքով կտեսնես այս շնաշխարհիկ և իմաստուն հեղինակի քնքուշ սիրտը»¹։

Ինչ վերաբերում է «Մեղու Հայաստանի»-ում Զ. Մսերյանի տպագրած այն թղթակցությանը, թե Կոմս էմմանուելն այլևս չի աշխատակցելու «Հյուսիսափայլ»-ին², ապա Նալբանդյանը, արդեն 1860 թվականին, հայտարարում է. «Մենք միշտ «Հյուսիսափայլ»-ի հետ ենք եղել և կըմնանք. «Հյուսիսափայլ»-ի դավանությունը է՛ և մեր սրտի խոստովանությունը: Եվ եթե պատահի մեզ, ով գիտե, ճանապարհորդությունք, կամ ալլ զանազան մեղանից չկախված պատճառներով ավելի երկար լուռ մնալ, այնուամենայնիվ անբաժան ենք «Հյուսիսափայլ»-ից, և «Հիշատակարանը» պիտի երևի նորա մեջ»³։

Ստեփանոս Նազարյանն իր հերթին միշտ բարձր է գնահատել Նալբանդյանին և հաշվի նստել նրա հետ: Նալբանդյանին դատապարտելով ռևոլյուցիոն գործունեությունքը դբազվելու համար, չի խղել իր հարաբերությունները, նույնիսկ այցելել է նրան Պետրոպոլսից ամրոցում: Նազարյանի նամակը, որտեղ նա պատմում է Նալբանդյանի հանդիպումից ատացած իր տպավորությունները, ուշադրավ է երկու առումով: Այդ նամակից նախ երևում է, որ Նազարյանը ժամանակին զգալով Նալբանդյանի ռևոլյուցիոն շրջանների հետ կապված լինելու հանգամանքը՝ նախատեսել էր նրան սպառնացող վտանգը. և ապա այն, որ նույնիսկ այդ պայմաններում, երբ Նալբանդյանը Պետրոպոլսից ամրոցում պահվում էր որպես քաղաքական հանցավոր, Նազարյանը շարունակում է նրան համարել իր բարեկամը⁴: Մենք ավելորդ չենք համարում այդ նամակից մեջ բերել մեկ հատված. «Միքայելի ճակատագիրը, որ ողորմելին ինքն յուր համար պատրաստեց յուր

¹ Մ. Նալբանդյան, ԵԼԺ, հ. 2, էջ 411:

² «Մեղու Հայաստանի», 1860, № 12, էջ 93:

³ «Հյուսիսափայլ», 1860, № 6, էջ 484:

⁴ Նազարյանի հետ ունեցած տեսակցությունը մեծ ուրախություն է պատճառում և Նալբանդյանին. «Ասացեք Անանիային, որ ես մեծ բավականություն տեսնվեցի մեր հարգելի «հավետ ազնիվ» բարեկամ պարոն Նազարյանցի հետ, — գրում է նա իր եղբորը (տե՛ս Մ. Նալբանդյան, ԵԼԺ, հ. 4, էջ 209):

երիտասարդական շափից դուրս համարձակությամբ, ցամաքացրել է արդեն ցավով ու վշտով իմ սիրտը:

...Ինչ ասեմ, սրբազան հայր, դուք և ես մարդարենում էինք նորա վտանգավոր և տարապայման բնավորությունը, և այդ իսկ տվեց նորան դերի և որս յուր թշնամիների և վերջապես օրենքի ձեռք, ուստի ազատվիլ այնքան հեշտ չէ:

...Անցյալ տարին ես Պետերբուրգում լինելով, երես առ երես հանդիպեցանք միմյանց. քաղցր տեսություն արդարեւ բայց ի՛նչ օգուտ նորան, և ի՛նչ մխիթարություն ինձ: Նա չկարողացա տալ նորան բաժին իմ ազատությունից, բացի մի քանի շոր ու ցամաք բարեկամական և ցավակցական խոսքից. հարյուրակնյա պահապանը ներկա էր, խոսվածքն ևս ուռեերեն: Ո՛հ, անտանելի ցավ, անբժշկելի վերք, մեր հայկական ցավերը մեզ բավական չէին, և այսպիսի ցավեր ավելացրեց մեր վրա մեր անխոհեմ սիրելին, դեռին զարկելով յուր անձը և մեզ խոնարհեցնելով մեր թշնամիների առջև¹:

Այսպես ուրեմն, Մ. Նալբանդյանը և Ստ. Նազարյանը «Հյուսիսամիայլ»-ի հրատարակության գործն սկսելով համատեղ ջանքերով, գործունեության ընթացքում ունենում են գաղափարական բախումներ: Նրանց միմյանց հետ կապում էր հայ ժողովրդի առաջընթացին ծառայելու և հայ իրականության մեջ գոյություն ունեցող սեփական գաղափարախոսությունը ջախջախելու խնդիրը:

Չնայած գաղափարական տարակարծություններին, նրանք գնահատել են միմյանց, և հաշվի առնելով հայ ժողովրդի մտավոր վերածնության շահը, «Հյուսիսամիայլ»-ի էջերից պայքարել են ընդհանուր հակառակորդների դեմ:

¹ «Հորիզոն», 1916, № 72:

Գ Լ ՈՒ Խ Ն Ի Ն Գ Ե Ր ՈՐ Գ

ՆԱԶԱՐՅԱՆԸ ԽՄԲԱԳԻՐ

Ստեփանոս Նազարյանի հրապարակախոսական գործունեությունը մեր գրականության պատմության մեջ չի ստացել իր արժանի գնահատականը: Այս կամ այն առիթով խոսելով նրա խմբագրական գործունեության մասին, մեր բանասերները անդրադարձել են նրա հայացքներին, կամ նրա ամսագրում արժարժված հարցերին, մոռացության տալով այնպիսի մի կարևորագույն գործ, ինչպիսին է խմբագրի ծանր ու դժվարին աշխատանքը: Այնինչ, հայտնի է, որ հասարակական մտքի պատմության տարբեր էտապներում իսկական խմբագիրները հոսանքներ են ղեկավարել, գլխավորել են ժողովրդի առաջընթացը և հետևողականորեն մաքառել հետադիմական մտքի ամեն մի արտահայտության դեմ:

Իբրև այդպիսի մի խմբագիր, Ստ. Նազարյանն իր վաստակով ուրույն և պատվավոր տեղ է գրավում մեր հրապարակախոսության պատմության մեջ:

Նրա նվիրվածությունը, հաստատակամությունն ու աշխատասիրությունը, անաշատությունը՝ պատիվ կարող էին բերել ամեն մի խմբագրի:

Իրեն նպատակ գնելով ծառայել ժողովրդի լուսավորության և դաստիարակության գործին, Նազարյանը օգտագործում է դաստիարակին հարմար ուսուցողական ոճ, որը մատչելի է դարձնում նրա հաղորդած նյութը: Նա կարողանում է լեզու գտնել հասարակ ժողովրդի համար, «սրտից ղեպի սիրտ»: Ստ. Նազարյանն իր հրապարակախոսական գործունեության ընթացքում առաջնորդվել է ազգի լուսավորության

գործին ծառայելու նպատակով, իր հայրենակիցների ուշադրութլունն և ուղղելով այդ նպատակին: Ամեն մի նոր տարու նախօրյակին նա հաշվի է նստում իր ընթերցողների հետ, իմանալու, թե որքանով է արդյունավետ եղել անցած տարվա գործունեութլունը, ի՞նչ ազդասիրական գործ է կատարվել, ո՞ր մոլորութլունն է վերացվել և ի վերջո ազգի բարոյական և մտավոր գրութլունը որքանով է բարվոքվել:

Նաղարչանի ամսագիրը ծառայում էր այդ նպատակներին: Նրա և Նալբանդյանի ջանքերի շնորհիվ ամսագիրն իր հրատարակութլան տարիներին զգալի շափով կապվում է ժողովրդի հետ և արձագանքում նրա պահանջներին: Իր ամսագրում տարագրվող նյութերի նկատմամբ նա պասսիվ վերաբերմունք չուներ, և թեկուզ տողատակի ծանոթութլան կարգով անպայմանորեն իր վերաբերմունքն է ցուցաբերում դրանց նկատմամբ:

Նաղարչան-խմբագիրը ձգտում էր հասնել այն բանին, որ հայերը ծանոթանան ոչ միայն իրենց անցյալի հետ, «այլև ներկայի մեծ խորհուրդներին» և իբրև քաղաքացի հասկանան ժամանակի պահանջները և ճանաչեն «այն մարդկութլունը և ժամանակը, որին անգամ ու կցորդ» են իրենք: Նաղարչանն առաջնորդվում էր այն գիտակցութլամբ, թե իր ամսագիրը ճշանդես է գալիս իբրև բերան ազգային հասարակութլան Ռուսաստանի մեջ»:

«Հյուսիսափայլ»-ի նպատակը նա համարում էր աշխարհաշինութլան և առաջադեմ ժամանակների ոգով հայկական կյանքի բարենորոգութլունը:

Ահա թե ինչու, նա լուրջ ընարութլուն էր կատարում ամսագրում տպագրվելիք նյութերի միջև: Անգամ այնպիսի մի գրական տեսակ, ինչպիսին էին մահագրերը, նա ծառայցնում էր դաստիարակչական նպատակների: Պատմելով այս կամ այն նշանավոր անհատի գործունեութլունը, խմբագիրն իր ընթերցողներին կոչ էր անում հետևել նրա օրինակին: Երիտամարդ բժիշկ Գևորգ Գեղամյանի շիրիմի առաջ նրա արտասանած դամբանական ճառը հայ երիտասարդութլանն ուղղված մի կրակոտ կոչ է:

«Ձեր հետ է իմ խոսքը, հայազնյա պատանիք,— ասում է



Մտեփանոս Նազարյանի գերեզմանը Մոսկվայում

նա, — ոչինչ բանով կարող չեք դուք ավելի արժանապես մեծարել ձեր եղբոր հիշատակը, եթե ոչ աշխատելով ամեն մի՛նը ձեզանից ձեր ուսումնական սուպարեզի մեջ խմաստութեամբ գործ դնել ձեր կյանքի պատվական օրերը, և պատաստել ձեր անձը, պիտանի մարդիկ լինելու ձեր ազգի մեջ, որ մեծ ակնկալութեանը ունի ձեզանից. որ ամենայն օր աղոթում է ձեր վերա, որ դուք աճելով ու զորանալով մտավորապես և բարոյապես, պարծանք լինեիք հայկական անվանը Ռուսաստանի մեջ: Դուք պարտական եք մի օր լինել ձեր ազգի շինողքը և բարձրացնողքը — ձեր վերա է ազգի հույսը: ... Գրեցե՛ք այդ բառերը հրեղեն տառերով ձեր սրտի մեջ»¹:

Ստեփանոս Նազարյանն աչքի է ընկնում անաշուտությամբ և անկողմնակալութեամբ: Իր հրապարակախոսական գործունեության ընթացքում նա ստաշնորգվում է գիտություն խոսքով և այդ գիրքերից էլ հերքում հակառակորդների դրույթները: Սուր բանավեճի ժամանակ էլ նա պահպանելով շափիզ գագսումը, երբեք չէր հեռանում սկզբունքային գիրքերից, հանդես էր բերում առողջ արամարանություն, կտրուկ և հատու ոճ, որը երբեմն զուգակցվում է երգիծանքի երանգով:

Ստեփանոս Նազարյանը սրպես խմբագիր մեծ նշանակություն էր տալիս տպագրվելիք նյութերի ճշմարտացիությանը: Յուրաքանչյուր նոր լուր նախ ստուգում էր անձնապես և ապա միայն հրապարակում: Այսպես, լսելով Ներսիսյան զոլբոցի հոգաբարձության կողմից ավագ դասարանի աշակերտներին ծեծելու լուրը, Ստ. Նազարյանն այդ փաստը ճշտելու նպատակով դիմում է իր Թիֆլիսի բարեկամներին, խնդրելով, ստույգ և ճշմարիտ տեղեկություններ ուղարկել ղեկավարի մասին: Նրա հարցմանը մի նամակով պատասխանում է Գարեգին Մուրադյանը՝ Գարեգին Ստեփաննոսյան Փարսազանյանց ստորագրությամբ:

«Հյուսիսափայլ»-ի խմբագրի՝ գավառների հետ ունեցած կապի մասին է վկայում այն փաստը, որ դրաքննության կողմից արգելված վերոհիշյալ նամակը Նազարյանը իր հոգվածի հետ միասին վերադարձնում է իր Թիֆլիսի բարեկամներին:

¹ «Հյուսիսափայլ», 1858, № 2, էջ 155:

որպեսզի գոնե ձեռագիր վիճակում նրանք այդ նյութերը «բարոյապես գործ դնենին»՝ «Կարդալով բարեմիտ բարեկամների հասարակութեան մեջ, և խմանալով իմ կարծիքը ևս այն անցքի մասին»¹: Այսպիսով, Նազարյանն իր անձնական նամակներով ևս փորձում էր ուղղութիւն տալ հասարակական կյանքի կարեոր երևույթներին: Ուշագրավ են նրա թղթակցի նամակի հետևյալ տողերը. «Ստիպված եմ, — գրում է Փարսաղանյանը, — «Հյուսիսափայլ»-ի լուստի տակ մերկացնել խավարապաշտների խարդախութիւնը. բացի ձեզանից չունինք մենք հասարակաց բերան և մասնավորներին ցավակից»²:

Որպես խմբագիր՝ Նազարյանն աչքի է ընկել և մի շարք այլ առանձնահատկութիւններով, որոնցից է և խմբագրական էտիկայի պահպանումը: Խոսելով նրա այդ հատկութեան մասին, Մսեր Մսերյանն իր նամակներից մեկում գրում է. «Այրն այն այնչափ զգուշ է ի պահել զիր գաղտնիս, զի զտպելի թերթսն անգամ զձեռագրին շտայ ի ձեռս հայ գրաշարի, զի մի ընթերցցի և պատմեսցի այլոց»³:

Ստ. Նազարյանի խմբագրական գործունեութեան բնորոշ կողմերից մեկը նրա կապն է ընթերցող հասարակութեան հետ: 1860 թվականի խմբագրական ծանուցման մեջ Նազարյանը նախորդ տարիների օրինակով, հայ երիտասարդութեանը կոչ է անում մոտ կանգնել իր ամսագրին և գործակցել նրան: Նազարյանն իր ամսագրի հետ կապելով ծայրամասերի թղթակիցներին, նրանց հետ քննարկում էր ազգային լուսավորութեան հարցերը: Այս տեսակետից կարևորութիւն է ներկայացնում «Հայ ոմն» ստորագրութիւնը կրող մի նամակը.

«Արի տես մեծ ուսուցիչ, — գրում է նամակագիրը, — քանի սիրով կարդում են քաղաքիս երիտասարդները ձեր «Հյուսիսափայլ»-ը. որքան սիրեցին, պատվեցին դորան, զարմացան և վառվեցան ի սեր հայրենյաց, մինչև քահանայք անգամ սկսեցին այստեղ ու այնտեղ հետաքրքրութեամբ կարդալ և

¹ Տե՛ս Հավելված N 3:

² Նույն տեղը:

³ ՀՄՍՌ Պետ. Մատենադարան, Պատկանյանների արխիվ, Բղթ. 141,

դատել: Քարոզի՛ր դու մեզ: Ճշմարտությունդ մեզ վախեցնում է, բայց կամաց-կամաց սովորում ենք դորան, զմայլվում ենք և աստուծուն փառք ենք տալիս, որ այսպիսի դասատու ուղարկեց մեզ. 18 տետրակ ամսագիրդ քանի՛ քանի՛ նոր մտքեր բերեց հանձնեց մեզ և սրտերումս թաղեց ... ո՛վ կարող է ասել»¹:

Մեր գրականության մեջ վաղուց ի վեր իշխել է այն կարծիքը, թե «Հյուսիսափայլ» ամսագիրը հեռու է եղել ժողովրդի կյանքը պատկերելուց, չի ճանաչել այն, իսկ Նազարյանը եղել է սոսկ կարփնետային գործիչ:

Ամսագրի նամակների բաժինը գալիս է մասամբ հերքելու այդ կարծիքը, որը դժբախտաբար հարատևել է մինչև մեր օրերը:

«Հյուսիսափայլ»-ը իր էջերում լայն տեղ է հատկացնում նամակներին: Իրենք, Նազարյանն ու Նալբանդյանն էլ իրենց ստեղծագործության մի զգալի մասը գրում էին նամակների ժանրով, կամ մտացածին անուններով նամակներ գետեղում ամսագրում: Դրանով նրանք քաջալերում և ուսուցանում էին թղթակիցներին՝ հետևելու իրենց օրինակին:

Նամակներում քննարկվում և պարզաբանվում էին ժամանակին կենսական նշանակություն ունեցող բազմաթիվ հարցեր: Այդ բաժինը հնարավորություն էր տալիս «Հյուսիսափայլ»-ի թղթակիցներին ազատ կերպով բանակոխվ վարելու հետադիմական թերթերի դեմ:

Հոգևորականությունն առանձնապես քննադատվում է «Հյուսիսափայլ»-ի նամակների բաժնում: Չնայած Նազարյանը հեռու էր եկեղեցու և հոգևորականության դերի ժխտման մտքից, այնուամենայնիվ «Հյուսիսափայլ»-ի էջերում նա լուրջ պայքար է ծավալում հայ հոգևորականության նյութապաշտության, անգրագիտության և հակաժողովրդական էության դեմ: Այդ բանում նրան օգնում էին թղթակիցները, զանազան դավառներից արձագանքելով «Հյուսիսափայլ»-ին: Ուշագրավ է ոմն Կամսար Խաչատրյանի նամակը, որի հեղինակը սուր քննադատության է ենթարկում հոգևորականու-

¹ «Հյուսիսափայլ», 1859, № 7, էջ 578:

Թյան հոռի բարքերը: Հոգևորականությունը, ինչպես վկայում է Նաչատրյանը, ժողովրդին նորանոր աղետներ է պատճառում իր «անխոհեմությունը, տմարդությունը, անհոգությունը և մանավանդ յուր վատաբարոյությունը»: Նամակագիրը հոգևորականությանն է վերագրում հայերի անմիաբանությունը, հայ երիտասարդների մայրենի խոսքին և կուլտուրային օտարանալը, հայ օրիորդների ստացած օտար դաստիարակությունը, եկեղեցու հարդից ընկնելը և այլն: Ի վերջո, հողվածագիրը համարձակորեն հանգում է հոգևոր դասի ժխտմանը, նշելով, որ եթե կարողանար, ապա իսկույն, առանց մի րոպե հապաղելու, կչորացնեք, որպես անապատի խոտ, այդ անբնական, եղբայրատյաց զավակը՝ Եվհոգակորան¹: (Հավանաբար գրաքննական արգելակները հաշվի առնելով, նամակի հեղինակը դիմում է «Հյուսիսսփայլ»-ի աշխատակիցների կողմից կիրառվող անոգրամների օգնությունը, հոգևորականներին կոչելով «Եվհոգակորան», իսկ աշխարհականներին՝ «կարախանշահ»):

Այս բողոքն արձագանք է գտնում «Հյուսիսսփայլ»-ի աշխատակիցներ Սմբատ Շահազիզի և Բաֆֆու ստեղծագործության մեջ, ընդ որում՝ Բաֆֆու «Աղթամարա վանքը» հողվածք զետեղվում է ամսագրի նամակների բաժնում²: Բաֆֆին համարձակորեն քննադատում է հայ ազգի այդ դարավոր խոցը և Նազարյանն ամենայն պատրաստակամությամբ հրապարակ է տալիս երիտասարդ Բաֆֆու մտրակող հողվածին:

Բաֆֆու հողվածում ամենախիստ կերպով քննադատված են վանքն ու վանականները, որոնք ոչ մի օգուտ չեն տալիս ժողովրդի լուսավորության գործին. «Վանքը և վանականքը և բոլոր կրոնական կարգերը սահմանված են մարդու համար և պիտո է ծառայեն մարդկության օգտին: Իսկ երբ որ նոքա անպիտանացան և համեմատ չեն ազգի և ժամանակի պիտույքին, ապա պետք է ի բաց մերժվին»³:

Ստ. Նազարյանը իր թղթակիցների հետ համերաշխելով,

¹ «Հյուսիսսփայլ», 1860, № 1, էջ 77:

² Նույն տեղը, № 11, էջ 398—424:

³ Նույն տեղը, էջ 402:

նշում է, որ իսկապես «հայոց վանքերը դարձել են միայն խավարի օթևանք, և վանականքը որբացել են ամենայն ուսումնասիրությունից»:

Գ. Ստեփաննոսյան Փարսազանյանցի (Գ. Մուրադյան) նամակից երևում է, որ նա պատրաստվում էր «Հյուսիսափայլ»-ն մի հոգված ուղարկել, նվիրված Թիֆլիսի հոգևորականության բարքերի նկարագրությանը: Նամակագիրը խոսելով Վրաստանի առաջնորդի կաշառակերություն մասին, գրում է.

«Այս հոգևորների ուտել-խմելը այգիների մեջ Կոծանիս, Թելեթ, Ծիրանավոր, Շահնարաթ և Խաչի վանքումը, շուտով կգրեմ ձեզ լիովին, որ պետք է Թիֆլիսի պարծանքի համար»:

Այս հոգվածը, սակայն, չի տպագրվում «Հյուսիսափայլ»-ում: Ավելին, ինչպես արդեն ասացինք, Փարսազանյանի առաջին նամակը ևս հետ է ուղարկվում ձեռագիր վիճակում:

1860 թ. էջմիածնի Սինոդի միջամտության հետևանքով զրաքննական կոմիտեն «Հյուսիսափայլ»-ին գրկում է հոգևորականության մասին քննադատական հոգված տպագրելու հնարավորությունից, ուստի այդ կարգի հոգվածներն սկսում են սակավ երևալ ամսագրում:

Հայ հոգևորականության տղիտության և ընչաքաղցության ամենասուր քննադատությունը «Հյուսիսափայլ»-ի էջերում արված է Գաբրիել Տեր-Հովհաննիսյանի «Տեր Սարգիս» վեպում, որի տպագրությունը նույնպես կիսատ է մնում «հեղինակից անկախ պատճառներով»: Ստ. Նազարյանն անձամբ հոգևորականության մասին ունեցած իր բացասական կարծիքները բազմիցս հայտնել էր «Տեր Սարգիս» վեպի հեղինակին, ինչպես պատմում է վերջինս իր հիշողություններում:

«Հյուսիսափայլ»-ի թղթակիցներից մեկը խմբագրի ուղարկությունը հրավիրում է հատկապես «ամենայն հեռավոր տեղերի» ժողովրդական մասսաների գրության վրա, քանզի «անդ չկա նշույլ լուսավորության. ամենուրեք դանդաղ ի վերա պաշտոններից եկեղեցվո և նոցա շարագործությանց»¹:

¹ «Հյուսիսափայլ», 1859, № 8, էջ 579:

Նամակագիրը խմբագրին խորհուրդ է տալիս առավել արուվյամբ քննադատել հոգևորականների այլանդակ բարքերը: Նա գրում է. «Քահանայք անբարոյական լինելով, չեն գնում, չեն լսում ազգատների ձայնը և չկա հրամայող, չկա և չէ հասանում նորանց աղաղակի ձայնը, և եթե հասանում է, բրամիրնապետը փող է պահանջում»¹:

Այստեղից կարելի է եզրակացնել, որ «Հյուսիսսփայլ»-ի աշխատակիցներից ոմանք ծանոթ էին Նալբանդյանի «Սատանայի պաշտոնական մեծ հանդեսը» պամֆլետին:

Ստեփանոս Նազարյանը վկայում է, որ «Հյուսիսսփայլ»-ն այսօրինակ թղթակցություններ շատ էր ստանում: Սակայն, նա այդ նամակները միշտ չէր կարող հրատարակել՝ հասկանալի պատճառներով: Խոսելով իր ստացած նամակների մասին, նա գրում է.

«Առհասարակ ոչ մինը դոցանից չկարողացանք տպել «Հյուսիսսփայլի» մեջ ոչ թե անհավան գտանվելով նոցա, այլ որովհետև շատերի մեջ բանախոսությունը ցուցանում էր ամենևին մերկանդամ ճշմարտություն, այլև վերաբերվում էր այնպիսի բարոյական ցավերի և ամոթալից հանգամանքների ազդի մեջ, որ անպատշաճ էր դորանց հրատարակել գրով, մանավանդ որ դոքա մի բարեկարգ տերության ցենզուրայի մեջ քննության անկ ընկնիլ ևս կարող չէին»²:

Չնայած Նազարյանի «Հյուսիսսփայլ»-ը բազմակողմանիորեն չի լուսաբանել հայ իրականության հուզող բոլոր հարցերը, բայց խմբագրի այս խոստովանությունը գալիս է մեկ անգամ ևս հաստատելու այն ճշմարտությունը, որ նա բնավ էլ կտրված չէր հայկական կենտրոններից և քաջածանոթ էր հայ իրականությանն ու ժողովրդի վիճակին. նրա առջև, սակայն, բարձրանում էր գրաքննությունը որպես մի լուրջ խոչընդոտ ազատ խոսքի համար:

Ընդգծելով Նազարյանի խոստովանության այն մասը, որ միանդամայն բնորոշ է նրա լիբերալլիզմի համար, հայ բանասերները շարունակ մոռացություն են տվել նրա խոստու-

¹ «Հյուսիսսփայլ», 1859, № 7, էջ 579:

² Նույն տեղը, № 7, էջ 568:

վանության երկրորդ և ծանրակշիռ մասը, հայտարարելով, թե Նազարյանը օրվա հարցերի արծարծումից խուսափել է՝ հայ իրականության ճշմարտացի պատկերը, ազդի բարոյական խոցերը չհրապարակելու նկատառումով միայն:

Ինչպես արդեն ասացինք, այս հարցերի մասին խոսելիս չի կարելի մոռացության տալ այնպիսի մի կարևոր գործոն, ինչպիսին էր ցարական դրաքննությունը 60-ական թվականներին: Այդ ժամանակաշրջանի առաջավոր մամուլի պատմությունը միաժամանակ դրաքննության դեմ մղվող ամենօրյա մաքառումների պատմություն է:

Պահպանված փաստաթղթերը մեզ հնարավորություն են տալիս պարզելու «Հյուսիսափայլ»-ի հրատարակության հետ կապված դժվարությունները:

Այսպես, դեռևս 1857 թվականին իր բարեկամներից մեկին հայտնելով, որ «Հյուսիսափայլ»-ի հայտարարության թույլտվությունն ուշացվում է գրաքննական կոմիտեում, Նազարյանը նշում է. «Հայք կամին, որ ես գործը շուտացնեմ, բայց և իմ թևերը կտրում է ցենզուրան»¹:

Նազարյանն իր նամակներում հաճախ է բողոքում, որ «Հյուսիսափայլ»-ի հերթական համարների թույլտվությունն ուշացվում է գրաքննության կողմից: Այս կապակցությամբ նա 1859 թվականին լուսավորության մինիստրին մի դիմում է ուղարկում, որով խնդրում է թույլատրել, իր սպասախանատվությամբ, ամսագրի համարները նախ տպագրել, ապա միայն դրանց ձեռագրերն ուղարկել գրաքննչին՝ համապատասխան ձևակերպումների համար: Այս առաջարկը, սակայն, մերժվում է:

Արխիվային փաստաթղթերից և Նազարյանի նամակներից երևում է նաև, որ Նազարյանը բազմիցս դիմել է գրաքննական կոմիտե՝ տպագրելու համար իր և իր աշխատակիցների պատասխան նամակները «Մեղու Հայաստանի» թերթին, որն անպատշաճ հոգվածներ էր ղեկավարում «Հյուսիսափայլ»-ի և

¹ ՀՄՍՌ Պետ. Մատենագարան, Երիցյանի արխիվ, թղթ. 147, վավ. 104:

Նալբանդյանի դեմ: Սակայն նրան ոչ միայն չի թուլատրվում այդ անել, այլև նորանոր խստություններ են կիրառվում «Հյուսիսափայլ»-ի նկատմամբ: Այսպես, լուսավորության մինիստրությունից դրոժմ են Ս. Պետերբուրգի ուսումնական օկրուգի հոգաբարձությանը, թե Բերոյանը պահանջվող խստությամբ չի քննում ամսագրում հրատարակվելիք հոդվածները: Որպես օրինակ հիշվում է Նալբանդյանի նամակը խմբագրին, որի մեջ շոշափված էին Նախիջևանի եկեղեցական գումարների հետ կապված խնդիրները¹: Միաժամանակ խնդրում են զգուշացնել Բերոյանին, որպեսզի վերջինս «Հյուսիսափայլ»-ի նյութերը քննի առանձնահատուկ ուշադրությամբ: Այս գրությունից հետո գրաքննական կոմիտեն Բերոյանից պահանջում է խստորեն քննության ենթարկել «Հյուսիսափայլ»-ում գետեզվելիք բոլոր նյութերը:

«Հյուսիսափայլ» ամսագրի պատմության մեջ մեծ հետաքրքրություն է ներկայացնում այդ ամսագրի 1860 թ. 10-րդ համարի շուրջը ծավալված պայքարը:

Ինչպես տեսանք, կղերա-ֆեոդալական լազերի ներկայացուցիչները սրբերով են դիմավորում Նազարյանի «Մենդեսոն, Լեսսինգ և Լավտեր» հոդվածը: Նազարյանի երգվյալ հակա-ուսկորդ սեպուղիները Չերքեզյանը մի դիմում է ուղարկում կաթողիկոսին, որով ոչ միայն մեղադրում է Նազարյանին լյութերականություն քարոզելու մեջ, այլև առաջարկում է «Հյուսիսափայլ»-ի 10-րդ համարը Նազարյանի «Վարդապետարան կրոնի» գրքի հետ միասին հավաքել տալ և այրել: Այս առիթով կաթողիկոսը մի կոնդակով հանդիմանում է Նազարյանին: Վերջինս իր հերթին շտապում է բացատրություն տալ կաթողիկոսին և նրան է ուղարկում իր դիմումը: Նախոսում է այն մասին, որ միայն առանձին անհատներ են թշնամաբար տրամադրված «Հյուսիսափայլ»-ի նկատմամբ, այնինչ ողջ ազգը «հաճ և հաւան է ընդ գնացս «Հիւսիսփայլ»-ի և, ազգի գրագետները «աղաչեն զմեզ յառաջ տանել զայն և այսուհետև»²: Եթե, իհարկե, իր օրերի լուսավորու-

¹ ЦГИАЛ, фонд 777, опись 2, ед. хр. 31, стр. 8.

² «Կումա», 1896, գիրք Ա, էջ 329:

Յյան և ազգի օգտի դեմ վնաս նկատված լինելը, այդպիսի բարոյացահամություն չէր լինի իր ամսագրի նկատմամբ: Այնուհետև նա զարգացնում է այն միտքը, թե գիտությունն առաջնորդվում է միմիայն ճշմարտասիրությամբ և մարդասիրությամբ: Նա քննում և բացահայտում է մարդկային կյանքի թերությունները, դրանք բուժելու նպատակով. «Թաքցնել այդ վերքերը; նշանակում է օգնել օրգանիզմի խորտակմանը: Այս կապակցությամբ նա ուշադրով մտքեր է հայտնում իր ժամանակի ուսական առաջավոր մամուլի և «Հյուսիսփայլ»-ի մասին:

«Եթէ կամիք փոքր 'ի շատէ յառաջ խաղացուցանել զհայս (և ամենայն ոք որ շիցէ թշնամի ազգի, պարտական և կամել և ցանկանալ այդմ) կարևոր է յոյժ մատենագրական հրատարակախօսութեամբ 'ի լոյս և 'ի յայտնութիւն ածել զամենայն խոյլս և կեղս ազգային մարմնոյ, զամենայն բարոյական ցաւս և զվիշտս նորա, զի ազգ մեր նախ և յառաջ ծանիցէ՞ զանձն իւր, ինքն վկայեսցէ իւրոցն պակասաւորութեանց և ապա միաբան զօրութեամբ ձեռն 'ի դործ արկեալ խնդրեսցէ զհնարս բարեկարգելոյ զգրութիւն իւր: Զայս ճանապարհ, վեհափա՛ռ Տէր, զնացեալ է և համօրէն երևելի լուսաւոր ազգաց երոպիոյ, զայս ճանապարհ ընթանայ այժմոյս Ռուսաստան մեր՝ հարիւրաւոր տեսակ տեսակ օրագիրք ամենայն համարձակախօսութեամբ քննելով և 'ի լուր ժողովրդեան քարոզելով ոչ թէ միայն զազգային պակասաւորութիւնս, այլ և զթերութիւնս նոյն իսկ քաղաքական կարգաց և օրինաց, զայս ճանապարհ պարտ է զնալ և սիրելի հայրենակցաց մերոց, եթէ չկամիմք դատապարտել զնոսա 'ի մշտնջենաւորն յետնութիւն 'ի միջի ազգաց: Վեհափա՛ռ Տէր, իմ չի՛ք ոչ մի պատճառ թշնամանելոյ զազգ իմ, այլ իբրև հայ գիտնականի են ամենայն պատճառք սիրելոյ զնոսա և ամենայն ուխտիւք սրտի ցանկանալոյ տեսանել զնա օր մի յառաջ բախտաւորեալ ամենայն բարեմասնութեամբք: Եթէ չսիրէի զազգն իմ, Վեհափառ Տէր, առ ի՞նչ այսքանեաց ամաց ո՛չ տալով քուն աչաց և նինչ արտեանաց, ջանք և վաստակք յօգուտ ազգին, 'ի դատախարակութիւն և 'ի կրթութիւն նորուն զաւակաց: Թշնամի և ատեցող ազգի են նոքա, որ ոչ գան առ լոյսն, զի մի՛ խայ-

տառակեցին, դոքա և ամբաստանեն զինէն և զիմոյս «Հիւսիսափայլ»-է, վասն զի երկնչին 'ի լուսոյն հրապարակէ»¹:

Էջմիածնի Սինոդը քննելով Չերքեզյանի և Նազարյանի գիմնումները, վճռում է.

1. Խնդրել Կովկասի փոխարքային՝ ներքին գործոց մինիստրի միջոցով արգելել տալ «Հյուսիսափայլ»-ի հրատարակութունը և առանց կաթողիկոսի գիտութեան տպագրութեան շթույատրել որևէ զիրք, որն առնչութուն ունենա կրոնի և եկեղեցու հետ:

2. Պատվիրել հայ վիճակավորներին՝ տեղական քաղաքական իշխանութունների ձեռքով ժողովել «Հյուսիսափայլ»-ի 1860 թվականի 10-րդ համարի բոլոր տետրակները և Նազարյանի «Վարդապետարան կրոնի» գրքի օրինակները և դրանք ուղարկել Սինոդի անօրինութեանը:

3. Խիստ նկատողութուն անել Նախիջևանի և Բեսարաբիայի նախկին առաջնորդ Մատթեոս արքեպիսկոպոսին «Վարդապետարան կրոնի» գրքի տպագրութեան թույլտվութեան համար²:

Սակայն, երբ տեղական իշխանութունները Նազարյանից պահանջում են «Հյուսիսափայլ»-ի բաժանորդների ցուցակները, նա մերժում է դրանք ներկայացնել, պատճառաբանելով, թե իր ամսագիրը ենթարկվում է միայն Պետերբուրգի գրաքննական կոմիտեին:

1861 թվականի օգոստոսի 18-ի թվակիր իր գիմումի մեջ Նազարյանն այս ամենը պատմում է գրաքննական կոմիտեին: Նա միաժամանակ նշում է, որ ասիական լճացման համախոհների այսօրինակ ուսակցիան բացատրվում է առավելապես նրանով, որ «Հյուսիսափայլ»-ը, որպես նոր օրերի բարեկամ, բազմիցս ստիպված էր շոշափել հասարակական հնացած խոցերը, հակադրվել ժողովրդի նախապաշարումներին և պատժիչ մտրակով խարազանել ու ակամայից վիրավորել հայերից ոմանց և հատկապես հոգևորականութեան ինքնասիրութունը: Որքան էլ բնական է լույսի ու խավարի պայքա-

¹ «Լուսն», 1896, գիրք Ա, էջ 331:

² Լ և ո, Ստեփանոս Նազարյանց, հ. 2, էջ 131—134:

ըր, — շարունակում է Նազարյանը, — այդուհանդերձ ցավալի է նշել, որ բարձր հոգևորականությունը, որին «Հյուսիսափայլ»-ը բազմիցս կոչ է արել միանալ իր հետ և ծառայել նոր լուսավորության գործին, մնում է խուլ և համբ և ընդհակառակն՝ զենք է ծառայում առանձին անհատների, տվյալ գեպքում իր անձնական իշնամի Չերքեղյանի ձեռքին, որ գազանի ու բացահայտ հայածում էր «Հյուսիսափայլ»-ը: Նազարյանը հույս է հայտնում, որ գրաքննական կոմիտեն կաշառպանի «Հյուսիսափայլ»-ի և նրա խմբագրի իրավունքները: Դիմումը նա ավարտում է «Կեցցե ճշմարտությունը, կորչի կեղծիքը» խոսքերով:

Գրաքննական կոմիտեն 1861 թվականի օգոստոսի 28-ին Նազարյանից պահանջում է թարգմանել և կոմիտեին ներկայացնել վեճի և քննության առիթ դարձած հոդվածը: Նազարյանն շտապում է կատարել պահանջվող թարգմանությունը, որի մասին Բերոյանը գրական կարծիք է հայտնում՝ Հետաքրքրական է նշել նաև, որ Նազարյանի դիմումի կապակցությամբ Բերոյանը ևս անհրաժեշտ է համարում իր բացատրությունը տալ գրաքննական կոմիտեին: Նա գրում է. «Ես զրմանում եմ, թե էջմիածնի Սինոդն ինչպես կարող էր [ցենզուրային] գլխավոր վարչության առկայության պայմաններում ինքնիշխան կերպով գործել, և որ մի այնպիսի աննշան, մասնավոր մարդ, ինչպիսին է Չերքեղյանը, կարող էր հարկադրել սույն այս սինոդին՝ դուրս գալու հայ ժողովրդի մեջ ներկայումս գործող այս տաղանդավոր դիտնականի դեմ: Շատ ափսոս, եթե փակվի նրա գերազանց ժուռնալը և առավել ցավալի կլինի, եթե անմեղությունը ճնշվի՝ առանց բարձր իշխանության պաշտպանության»¹:

Այս գրադրություններից հետո գրաքննության գլխավոր վարչությունը կարգադրում է Պետերբուրգի գրաքննական կոմիտեին՝ զգուշացնել Բերոյանին, որպեսզի հետագայում «Հյուսիսափայլ»-ի հոդվածների քննության ժամանակ այլևս նման շեղումներ չթույլատրվեն: Միաժամանակ պահանջվում է հիշեցում անել և Ստ. Նազարյանին:

¹ ЦГИАЛ, фонд № 777, опись 2, ед. хр. № 71.

Ուշագրութեան արժանի է այն փաստը, որ Սինոդի վճռի նախակցութեամբ Պետերբուրգի մի խումբ հայ գործիչներ բողոքի նամակ են ուղարկում կաթողիկոսին: Նրանք իրենց զարմանքն են հայտնում եկեղեցական գործիչների կողմից «Հյուսիսսփայլ»-ն արգելել տալու վճռի համար, քանի որ, նրանց համոզմունքով, հայ եկեղեցին պետք է ընթանա լուսավորութեան և գիտութեան հետ: «Հայր սուրբ, — շարունակում են նամակագիրները, — այդ ուղին ահավոր և վտանգավոր է, նա տանում է դեպի կորուստ, որպէս ազգը, նույնպես եկեղեցին, նա տանում է դեպի գժտութեան ազգի և հոգևորականութեան մեջ: Այսու աղագավ մենք աղաչում ենք ձեզ, հանուն եկեղեցւոյն, որ կամփք պաշտպանել, դարձ առնել այդ առաջին քայլին, որ գործել եք»¹:

Դիմումի տակ ստորագրել էին Ն. Շանշյանը, Պ. Շանշյանը, Մ. Բուրաղյանը, Մ. Սանասարյանը, Ռ. Պատկանյանը, Ղ. Խաֆաֆյանը, Հ. Պատկանյանը և ուրիշներ, թվով 17 հոգի: Նամակին որևէ ընթացք չտալով, կաթողիկոսը 1861 թվականի հոկտեմբերի 21-ին Այվազովսկուն ուղղված մի գրութեամբ պահանջում է տեղեկացնել, թե ստորագրողները «ո՞րպիսի բնավորութեանց տեր են և ո՞րպիսի համարումն ունին ի ժողովրդականս», այլև հանձնարարում է հայտնել խնդրատուններին, թե քանի որ սինոդը արդեն վճիռ է տվել արգելել Նազարյանի հիշյալ հրատարակութունները, թող նրանք այլևս վեհին շճանձրացնեն նման խնդիրներով: Կաթողիկոսը միաժամանակ Այվազովսկուց պահանջում է ուշ դարձնել, որ նրա թեմում արմատախիլ արվի այդ մոլար աղանդավորութեանը²: Գրաքննութեան և հայ ռեակցիոներների հարուցած այս արգելքներն էին պատճառը, որ Նազարյանն իր ամսագրում տպագրվելու ներկայացվող նյութերը քննում էր մեծ զգուշութեամբ, երբեմն փոփոխութուններ մտցնելով դրանց մեջ: Հիշատակութեան արժանի է, որ ժամանակին Մ. Նալբանդյանը պատասխանելով այն գործիչներին, որոնք դատապարտում

¹ ՀՈՍԻ Պետ. Մատենագարան, Դյուռ եպիսկոպոսի արխիվ, թղթ. 3, վավ 1, էջ 88:

² Նույն տեղը, էջ 94:

էին «Հյուսիսափայլ»-ի խմբագրին «բուն ազգային խնդիրները» անուշադրութեան մատնելու համար, գրում է. «Հյուսիսափայլ»-ը, կամ «Հիշատակարանս», կարելի եղածի շափ պարսպում են ազգային բաներով և միշտ պիտի պարսպեն»: Ինչ վերաբերում է խմբագրութեան կարծեցյալ թերութիւններին, որ նշում են գործին «թեթև աչքով» նայող անձինք, ապա Նալբանդյանը նկատում է՝ «Պահանջել շատ հեշտ է. բայց ամենայն պահանջողութեան պիտի լինի բանական դատողութեամբ»¹: Ի վերջո ակնարկելով գրաքննութեան հետ կապված դժվարութիւնները, նա գրում է.

«Ճշմարիտ է և այն, որ շատ բան ևս չէ կախվում օրագրի հրատարակողից կամ նորա գործակիցներից. երկիրը շատ անգամ բուսուցանում է դալար ծիւեր, բայց և շատ անգամ հյուսիսի ցուրտը պաղեցնում է նորանց արևադարից առաջ»²:

Ստեփանոս Նազարյանի մի շարք նամակները վկայում են այն ծանր պայմանների մասին, որոնց մեջ գործում էր նա, աշխատելով երբեմն շրջանցել գրաքննական օրենքները: Ստ. Նազարյանը ձգտում էր, որ ժամանակի կենսական պահանջներն արտացոլող հոդվածները հրատարակվին առանց գրաքննական ազավազումների, և կամ էլ՝ մերժվելու դեպքում՝ հրատարակվին գոնե արևմտահայ մամուլում: Այսպես, երբ գրաքննութեանը արգելում է իր բարեկամ Սայաթնովյանցի «Խորհրդածութեանք ազգի ճշմարիտ ազգասերների առջև» հոդվածի տպագրութեանը, Նազարյանը հեղինակին խորհուրդ է տալիս այդ հոդվածն անհասպաղ ուղարկել Հ. Սվաճյանի «Մեղվին»: Կարևոր է և այն, որ Նազարյանն այդ հոդվածին կցում է իր ծանոթութիւնները:

1862 թ. դեկտեմբերի 20-ին Սայաթնովյանցին ուղղած նամակում նա գրում է. «Չէ, իմ կարծիքն այն է, որ ձեր գրածը անպատճառ տպվի «Մեղվի» մեջ Կ. Պոլսում, իմ ծանոթութեամբ հանդերձ, եթե հաճո էր հրատարակողին սեփականել նորանց և քերել իմ անունը, ինչպես պիտո էր խնդրել նորանից: Հայաստանի «Կռունկը» (տխմար Աղաբեկյանի) և «Մե-

¹ «Հյուսիսափայլ», 1860, № 6, էջ 484:

² Նույն տեղը, էջ 485:

դուն» (թույլ Միմոնյանի հոգատարութեան տակ գրած) երբեք համարձակութիւն չեն ունենալու այդպիսի բան տպել»¹։

Հետագայում համոզվելով, որ Սվաճյանի «Մեղուն» մեծ դժվարութեամբ է հասնում Թիֆլիս, նա իր բարեկամին խորհուրդ է տալիս հիշյալ հոդվածն այնուամենայնիվ տպագրել տալ Միմոնյանցի «Մեղվում»։

Կաթողիկոսի գործ գրած ջանքերի շնորհիվ «Հյուսիսափայլ»-ը զրկված էր իր հակառակորդներին պատասխանելու հնարավորութիւնից։ Պալասանյանի դեմ գրած Աբել Մխիթարյանի հոդվածը գրաքննիչը մերժում է։ Նազարյանի նամակից տեղեկանում ենք, որ Միքայել Նալբանդյանը նույնպէս մեծ հոդված է գրած եղել Պալասանյանի դեմ, սակայն երբ գրաքննիչը պահանջում է ուսերեն թարգմանել այդ հոդվածը, նազարյանը շտապում է այն ուղարկել հեղինակին՝ արտասահման (որտեղ գտնվում էր վերջինս), որպեսզի նա տպագրել տա «Արեւոտք»-ում։

«Տեսանենք ինչով կվերջանա գործը, — գրում է Նազարյանը Աբել Մխիթարյանին, — արդյոք դուք ավելի բախտավոր կլինիք, թե մեր Մ. Նալբանդյանցը։ Սրա ուր լինելը գրած եմ Ձեզ արդեն, այսինքն Անգլիայում։ Հույս ունեմ, որ նա իր գեղեցիկ և զորավոր ձառը շուտով կտպե մի այլ տեղ և մենք կկարգանք գորան ուրեիցե տպագրած։ Այս բանը դրեցի Միքայելի հոգու վերա»²։

Այդ արգելքներն էին պատճառը, որ Ստեփանոս Նազարյանը և Միքայել Նալբանդյանը հաճախ ստիպված էին դիմելու եզոպոսյան լեզվի օգնութեանը, կամ մտացածին անուններ էին հորինում իրենց հոդվածների տակ ստորագրելու համար։

Այսպես, հանդես գալով Ծատուր Զելեպի անվան տակ Ստ. Նազարյանը 1862 թ. մեկ անգամ ևս հրապարակում է իր մտքերը հայ ժողովրդի լուսավորութեան, դաստիարակութեան և առաջընթացի կապակցութեամբ։ Ստ. Նազարյանի հայացքները, լեզուն, ոճն այնքան ակնառու են, որ կասկած չի մնում նրան համարելու այդ հոդվածի հեղինակը։

¹ «Հանդես գրականական և պատմական», 1895, գիրք 6, էջ 142։

² «Մուրճ», 1902, № 5, էջ 135։

Նազարյան-խմբագրի համար բնորոշ է և այն, որ նա խմբագրում էր ամսագրին ուղարկված համարյա բոլոր հոդվածներն ու նամակները:

Հետ ուղարկելով իր թղթակիցներից մեկի հոդվածը, նա գրում է.

«Դուք այժմ հետ եք ստանում ձեր հոդվածը ավելի կատարյալ կերպարանքով և բովանդակությամբ՝ ըստ էության և ոչ ըստ ձևույն: Դուք համեմատելով իմ ձևապիրը ձերի հետ կգտնեք մի քանի բան դուրս ձգած, այլ բաներ այլապես կարգած և բոլորը ձեր հոդվածի կատարելության դիտարկությամբ: (Սյսինքն ձեր կողքերը պնդելու համար, որ թշնամին բաց տեղ չգտնե զարկելու համար), որովհետև ես իմ «Հյուսիսափայլ»-ի մեջ միշտ պաշտպանել եմ մի այդպիսի կանոն գեպի իմ բարեկամքը»¹:

Անշուշտ խմբագրական այդ աշխատանքները երկու նպատակ էին հետապնդում: Որպես հմուտ խմբագիր՝ Ստեփանոս Նազարյանը ժամանակի ակտուալ հարցերն արծարծող թույլ հոդվածները վերափոխում էր՝ ձգտելով դարձնել ավելի «կատարյալ» գրական իմաստով, իսկ զաղափարական բովանդակությամբ՝ «Հյուսիսափայլ»-ի ոգուն համապատասխան: մյուս կողմից առավել սուր բնույթ կրող հոդվածները նա խմբագրում էր՝ աշխատելով դրանք ընդունելի դարձնել գրաքննության համար:

Ստ. Նազարյանը երազում էր իր ամսագրի հիմքերն ամբարցնել բոլոր կողմերով: «Հյուսիսափայլ»-ի հիմնադրման օրից նա ձգտում էր ունենալ սեփական թղթակիցներ և դրական աշխատակիցներ, որոնց կարողանար վարձատրել: Նրա այդ ցանկությունը, սակայն, անկատար մնաց:

Հայտնի է, որ Նազարյանը նյութական ահագին զրկանքների զնով էր ապահովում ամսագրի հրատարակության նորմալ ընթացքը: Չունենալով խմբագրական աշխատակիցների անհրաժեշտ կազմ, նա ստիպված էր փոխարինել նրանց, կատարելով և՛ խմբագրի, և՛ սրբագրիչի, և՛ թարգմանիչի աշխատանքները: «Իր ժամանակի հայերիս մեջ չկար նրա չափ

¹ «Հանդես գրականական և պատմական», 6-րդ գիրք, էջ 146—147:

«և նրա նման աշխատասեր մի մատենագիր», — գրում է Ղազարոս Աղայանը¹: — «Աշխատակից շուներ, — շարունակում է նա, — ամեն ինչ ինքն էր գրում; ինքն էր թարգմանում, շատ անգամ ոչինչ բաներ և զանազան կեղծ անուններով»²: Ամսագրի հրատարակության գործը կապված էր նյութական և բարոյական հսկայական զոհաբերությունների հետ, որոնց առջև կանգ չէր առնում Ստ. Նազարյանը: Իր բարեկամներից մեկին գրած նամակում հայտնում է, որ տպագրական ծախքերի և աշխատակիցներին վարձատրելու համար իրեն անհրաժեշտ է 4000 ուրբլի, այնինչ ինքը բաժանորդագրությունից և նվերներից ստացել է միմիայն 1411 ուրբլի:

«Եվ այդպես, — շարունակում է նա, — այս շորս տարին իմ կյանքս եղավ մի կատարյալ նահատակություն, անհնարավորը հնարավոր կացուցանելով, ինչ որ հինգ մարդու գործ էր, գրեթե միայն լցուցանելով, թող տպագրության, և սրբագրության և այլ մյուս տեսակ տառասյանք և խաչեր շատ»³:

Նույն թվականին հաղորդելով «Հյուսիսափայլ»-ի դադարեցման լուրը, Նազարյանը կրկին նշում է տարիներ անընդհատ խմբագրական աշխատանքի ծանրությունը միայնակ կրելու, հրատարակության հետ կապված դժվարությունների, գրաքննական արգելքների մասին.

«Զուր և անօգուտ եղան մեր բոլոր բանական խոսք ու գրույցը հայերի հետ, — դառնորեն հայտարարում է նա, — մեր բարեմիտ հայրենասիրական աշխատավորությունը շինեցին մեզ համար մի հանցանք և ձգեցին մեզ մի կատարյալ տանջարանի մեջ. փոխանակ թևեր տալու մեզ, օրե օր ավելի աղատությունը դեպի վեր թռչելու, ամենայն կերպով կտրատեցին մեր թևերը, ջարդեցին մեր զորությունը, անտաք և անձեռք անդամալույծ շինեցին մեզ, սողալով դետնի վերա»⁴:

Խմբագիրը ստիպված էր ճակատամարտ տալ նաև կղերաֆեոդալական ռեակցիայի և նրա ամենախոշոր ներկայացուցիչ՝ կաթողիկոսի դեմ: Իր նամակներից մեկում Ստ. Նազար-

¹ Ղ. Աղայան, Երկեր, հ. 3, էջ 61:

² Նույն տեղը, էջ 66:

³ «Հանդես գրականական և պատմական», 6-րդ գիրք, էջ 131:

⁴ «Հյուսիսափայլ», 1862, № 11, էջ 198:

յանը բողոքում է կաթողիկոսի և էջմիածնի Սինոդի դեմ՝ որոնք իրենց հրամաններով և բռնակալ կոնդակներով վնասում էին նրա «համարձակախոս, ճշմարիտ օրագրութեանը»:

Նազարյանը հոգևորականութեանն անվանում է «մեռյալ հոգիներ», որոնք ոչինչ չեն ուսանում, ոչինչ չգիտեն, և վառված դիվալիին նախանձով, խանգարում են ազգի լուսավորութեանը ծառայող անձանց, այդ «տգետ, հոգեմեռ ու հոգեմեռուց արեղաները», ջալալյաններն ու ալվազյանները «խաշակիր պատերազմավառութեամբ» դիմադրում են իրեն¹:

Ուշագրավ է, որ այս պայմաններում լինելով հանգերձ, երբ ստիպված էր հայտարարել, թե «այն հողը, որի վերապիտո էր մեզ ոտք ամրացնել և գործ գործել, շկա դեռևս», նա չի հուսահատվում: Ընդհակառակն, իր աշխատակիցներին ևս հորդորում է ամուր լինել. «Ես իմ գործս կկատարեմ ինչքան կարող եմ, — գրում է նա, — հետ մի՛ մնաք և դուր: Ձեր կյանքի ամեն մի օրը վաստակեցեք արժանապես և այրաբար. մի՛ մոռացեք, որ կա մի գալոց ժամանակ, և անաչառ դատավորներ արդար կշռով հատուցանելու են ձեզ և մեզ. միտ դնելով մեր գործերին»²:

Եվ իսկապես, «Հյուսիսամիայլ»-ի դեմ հայ ռեակցիոնիստների կողմից տարիներ անընդհատ ծավալված պայքարում շքնկծվելով, Նազարյանը նշում է, թե ինքը և իր բարեկամները նախատեսել են այդ փոթորիկը, և զենքը ձեռքներին պատրաստ են դիմադրել այդ հարձակումներին: Լուսավորութեան, ճշմարտութեան, ազգի առաջադիմութեան համար կյանքը պայքար է, — հայտարարում է նա, և կոչ անում հանուն հայրենիքի պայքարել. «Հայրենասիրական եղբայրասիրություն հիմնյալ առաքինութեան և ճշմարտութեան գաղափար-

¹ Հետագայում ևս, 1863 թվականին, Հ. Քուլտրեկյանին գրած նամակում Նազարյանը գրում է. «Ես վաղուց և շատ վաղուց ասած եմ Ձեզ իմ վերջին վճռական կարծիքը, թե վա՛յ այն ժողովրդին, որո կրթութեան և լուսավորութեան հույսը գրած է յուր հոգևոր դասու և եկեղեցական իշխանների վերա. նույն կարծիքի վերա կամ և մնամ այսօր իսկ հաստատ» (տե՛ս Լ և Ռ, Ստեփանոս Նազարյանց, հ. 2, էջ 306):

² ՀՄՍՌ Պետ. Մատենագարան, Պատկանյանների արխիվ, թղթ. 144 Վավ. 300:

ների վերա՝ ահա մեր դրոշակը, որի հովանավորութեան ներքո պարտական ենք մեք ամենեքայն պատերազմել և հաղթել, կամ եթե անկարելի է հաղթութիւնը, քաջութեամբ, սուրբ ձեռքին, արժանապես դուրս փչել մեր հոգին»¹:

Ստ. Նազարեանը վայելում էր հասարակայնութեան առաջավոր մասի, երիտասարդութեան սերն ու համակրանքը: Նա բազմաթիվ նամակներ էր ստանում գավառներից, որոնցում արտահայտված էին ընթերցողների ջերմ վերաբերմունքը «Հյուսիսափայլ» ամսագրի և նրա խմբագրի նկատմամբ: Այդ վերաբերմունքի ցայտուն արտահայտութիւնը կարելի է համարել հետևյալ բնորոշ փաստը: «Հյուսիսափայլ»-ի դադարեցումից տարիներ հետո, 70-ական թվականներին, Նազարեանը նամակ է ստանում «Հյուսիսափայլ»-ի նախկին բաժանորդ, Եվպատորիայի բնակիչ Հովսեփյանից, որը խնդրում էր «Հյուսիսափայլ»-ի խմբագրի լուսանկարը:

Շրջապատված լինելով հակառակորդների հոծ բազմութեամբ, նա հնարավորութիւն չունէր իր ընթերցողների մտերիմ սիրո մասին վկայող նամակները հրապարակելու, որովհետև առանց այդ էլ թշնամիները նրան հայհոյում էին նրա կարծեցյալ մեծամտութեան և փառասիրութեան համար: Նազարեանը նամակներից մեկում խոստովանում է, որ իր թղթակցի նամակը «Հյուսիսափայլ»-ում չէր կարող տպագրել ամսագրի մասին եղած դովեստների պատճառով:

Նազարեանի թղթակիցները զնահատելով «Հյուսիսափայլ»-ի դերը, մեծ նշանակութիւն էին տալիս խմբագրի հրապարակախոսութեանը այդ ամսագրի էջերում: «Հյուսիսափայլ»-ի Թիֆլիսի թղթակից Գ. Փարսադանյանը գրում է. «Միթե ձեր գրիչը չէ բերելու ձեզ այն պարծանքը, որով պետք է խորտակվի մեր արեղանների բռնակալութիւնը և դավաճանութիւնը»: «Հյուսիսափայլ»-ի թղթակիցները համոզված էին, որ «եթե ոչ այժմ, գոնե գալոց օրերում կզարթնի հայը յուր մահաբուն թմրութիւնից և նոցա նանիկները մի կողմ ձգելով, կազազակե. «Նազարեանը քո հողացած ոսկորներին օ,

¹ ՀՄՍԻ Պետ. Մատենադարան, Պատկանյանների արխիվ, թղթ. 144, վավ. 299:

«Հյուսիսսփայլ»: Փարսադանյանը իր նամակը վերջացնում է հետևյալ բառերով. «Մնացեք բարով, ազգաշեն մարդ, մնացեք բարով Հ... Հ...»: Ստեփանոս Նազարյանն այս առիթով գրում է. «Այստեղ երկու բառ է դրել մեր նամակագիրը, որ շատ շատ կարող էր լինել մեր գերեզմանի վերա տապանանդիր, բայց մեր կենդանության մեջ այդպիսի բառեր հանձն առնուկ կարող չենք, ուր մնաց թույլ տալ տպել մեր օրագրի մեջ»¹:

Այս առումով հետաքրքրական է հայ նշանավոր ֆուլյուրիստ Տիգրան Նավասարդյանի հետ կատարված հետևյալ դեպքը: Երբ Միքայել Նալբանդյանի լուսանկարը բազմացնելու համար Նավասարդյանը ձերբակալվում է Թիֆլիսի ժամդարմերիայի կողմից, խուզարկության ժամանակ նրա և նրա ընկերների գրքերի մեջ Նալբանդյանի «Երկրագործության» ձեռագիր օրինակի հետ միասին գտնվում է և մի տետր՝ «Ստեփանոս Նազարյանց — անձնագրո՞հ հայոց ազգի» մակագրությամբ:

Ուշագրավ է և այն փաստը, որ այդ ժամանակ Թիֆլիսի Ներսիսյան դպրոցի առաջադեմ աշակերտները ծեծի և նույնիսկ դպրոցից հեռացվելու վտանգին ենթարկվելով, մեծ ուշադրությամբ հետևում էին «Հյուսիսսփայլ»-ի հերթական համարներին: Հետադաշում նրանք իրենց ազատամտության համար ենթարկվելով դպրոցի սեակցիոն հոգաբարձության հալածանքներին, ստանում են «Նազարյանք» անունը:

1868 թվականին Նազարյանը ծրագրում է հրատարակել «Լապտեր Հայաստանի» անունով ամսագիրը: Այդ պարբերականի հրատարակված հայտարարության մեջ նա իր խընդիրն է համարում կրկին անգամ արթնացնել հայերին նրանց պաշարած քնից և մշակել հայոց լեզվի ու գրականության սնդաստանը, որը հայազգի վանդալների կողմից կատարյալ ավերածության է մատնվել:

Իր ամսագրի համար որպես աշխատակիցներ նա մտադիր էր հրավիրել Կ. Եղյանին, Գ. Քանանյանին, Մ. Մսերյանին և Ս. Շահազիզին: «Թող մի անգամ ևս փորձենք բախտը, — գրում է նա, — թող հուսանք, որ մեր սիրելի ազգը ժամանա-

¹ ՀՍՍՌ Պետ. Մատենադարան, Երիցյանի արխիվ, թղթ. 150, վավ. 49:

կի հետ մի փոքր հառաջադիմած է, և այսուհետև մի արժանավոր հայկազյան օրագիր գտանելու էր մեր ժողովրդի մեջ ավելի պատրաստական ընդունելություն և մասնակցություն, քան թե անցած գնացած օրերում»։ Սակայն «Վապտեր Հայաստանի»-ի հրատարակությունն արգելվում է գրաքննության կողմից, մեծ վիշտ պատճառելով Նազարյանին. «Թե ինչ պատճառներ կային ցենզուրական իշխանության կողմից արգելու զդա, որ անձինք շարյացակամությամբ և որ բարեկամք աններելի անհոգությամբ և անտեսությամբ վնասեցին ինձ և մեր հասարակաց գործին մանավանդ, ես այս բուպելիս ոչինչ որոշել կարող չեմ: Թող այդպես լինի. դորա վերա ես խոսք չունիմ. ահավոր իրողությունը բարբառում է ինքը և բողոքում է դեպի երկինք — իհարկե մտածող հայերի համար»¹:

Իր հրապարակախոսական գործունեության ընթացքում Ստ. Նազարյանը հետևելով 19-րդ դարի 40—60-ական թվականների ռուս լուսավորիչների օրինակին, առաջ է քաշել եվրոպական կուլտուրային հարողակցվելու պահանջը:

Վ. Ի. Լենինը խոսելով 40—60-ական թվականների ռուս լուսավորիչների մասին, նրանց բնորոշ գծերից մեկն է համարում կյանքի եվրոպական ձևերի և առհասարակ Ռուսաստանի բազմակողմանի եվրոպականացման եռանդագին պաշտպանությունը:

Բնականաբար, որպես զարգացող բուրժուազիայի գաղափարախոս, Ստ. Նազարյանը յուրացնում է իր ժամանակի առաջավոր ռուս մտածողների այդ ձգտումը: Բայց, եթե ռուս մտավորականների համար եվրոպական կուլտուրային հարողակցվելն ու այդ կուլտուրայի հաստատությունները ռուսական հողի վրա փոխադրելը կատարվում էր ուղղակի ձևով, ապա հայ դործիչների մոտ այդ պահանջն ստանում է մի փոքր այլ բովանդակություն:

Եվրոպական լուսավորություն տերմինը Միքայել Նալբանդյանի և Ստեփանոս Նազարյանի մոտ հնչում է որպես ժամանակի առաջավոր գիտության ու գրականության յուրաց-

¹ «Բանբեր գրականության և արվեստի», 1903, գիրք Ա, էջ 235:

ման պահանջ: Նազարյանն այդ տերմինի տակ միաժամանակ հասկանում է ժամանակի ուստական կուլտուրան, դրականությունն ու գիտությունը: 1856 թվականին լուսավորության մինիստրին գրած նամակում Նազարյանն իր ամսագրի նպատակն է համարում հայերին հաղորդակից դարձնելը ժամանակակից ուստական մտքի, քաղաքականության և կրթության հետ: Հայտնելով այն միտքը, թե տնտեսական և կուլտուրական զարգացման հնարավորությունն ստացած հայերը Ռուսաստանին երախտահատույց լինելու նպատակով պետք է ուստական առաջավոր մտքի և լուսավորության պտուղները տարածեն հայ ժողովրդի մեջ, Ստ. Նազարյանն իր ամսագրի հրատարակությունն անհրաժեշտ էր համարում որպես հոգեպես և բարոյապես միացնող միջնորդ Ռուսաստանի և նրան հպատակ հայերի միջև:

Հետագայում աշխատելով Ներսիսյան դպրոցում, Նազարյանն այն միտքն է հայտնում, թե հայ մանուկներին հարկավոր է մատուցել «նույն եվրոպական լուսավորությունը, որ շատ թե քիչ մեր անբույսերը տալիս է յուր բնիկ ցեղերին»:

Եվրոպական քաղաքակրթությանը հաղորդակից լինելու Նազարյանի պահանջը համապատասխանում էր ժամանակի ոգուն ¹:

Ստեփանոս Նազարյանի հրապարակախոսական գործունեությունը պատմականորեն ունեցել է առաջադիմական նշանակություն: Նրա խմբագրած «Հյուսիսափայլ»-ը նոր երևույթ էր իր ժամանակի հայ իրականության մեջ և կատարել է առաջադիմական դեր:

«Հյուսիսափայլ»-ը, մանավանդ իր հրատարակության առաջին տարիներին, աչքի է ընկնում թեմատիկ հարստու-

¹ Ժամանակի ուստական ամենաառաջավոր օրգան «Սովրեմեննիկ»-ը 1857 թվականին խմբագրական հայտարարության մեջ խոսելով ամսագրի ծրագրի մասին՝ ուստական կյանքի ուսումնասիրությանը զուգընթաց կարևոր է համարում «ամենամոտ ծանոթությունը եվրոպական կյանքի արդյունքներին, որն արտահայտվում է հասարակական գիտությունների և արևմտյան եվրոպայի գլխավոր ժողովուրդների ժամանակակից վիճակի մեջ (տե՛ս «Современник», 1857, № 11, էջ 3)»:

թշամբ, տպագրւած նյութերի թարմությամբ և հարուստ բա-
ժիններով:

Զբաժանելով Նալբանդյանի արմատական հայացքները, սակայն բարձր դնահատելով նրա հրապարակախոսական ազդանդն ու խոսքի հմայքը, Նազարյանը լայն հնարավորու-
թյուններ է ընձեռում Նալբանդյանին՝ «Հյուսիսափայլ»-ում տպագրելով նրա բանաստեղծությունները, արձակ երկերն ու հրապարակախոսական հոդվածները: Նազարյանն, իհարկե խնամքով «խմբադրում էր» Նալբանդյանի հոդվածները՝ մեղ-
մացնելով դրանց մարտական կիրքը: Նա անկեղծորեն ցան-
կանում էր Նալբանդյանին կապել միմիայն հայ ազգի ներքին խնդիրների հետ: Հայտնի է, սակայն, որ նա չհասավ իր նպատակին:

«Հյուսիսափայլ»-ի միջոցով Ստ. Նազարյանը հսկայական գործ է կատարել ոչ միայն գիտության նվաճումները մասսա-
յականացնելու, լուսավորություն տարածելու, այլև ժողովրդի հասարակական գիտակցությունը բարձրացնելու ուղղությամբ:

«Հյուսիսափայլ»-ի միջոցով նա ժողովրդի մեջ գեղարվես-
տական գրականության ճաշակ էր պատվաստում, գիրքը մո-
տեցնում էր ժողովրդին, դարձնում նրա առօրյա պահանջնե-
րից մեկը:

Իր ամսագրի էջերում Նազարյանը հանդես էր գալիս որ-
պես հրապարակախոս, քննադատ, պատմաբան, բնագիտա-
կան և տնտեսագիտական հոդվածների հեղինակ, և այլն: Մանկավարժական և հրապարակախոսական աշխատանքնե-
րին զուգընթաց նա կատարել է նաև մեծ թվով թարգմանու-
թյուններ:

Կոչումով լինելով իսկական հրապարակախոս, նա սիրում էր իր գործը, ապրում նրանով և այդ սիրով ու նվիրվածու-
թյամբ վարակում իր աշխատակիցներին:

«Հյուսիսափայլ»-ի միջոցով Նազարյանը համարձակ բարձ-
րացրեց պայքարի դրոշը միջնադարյան խավարի և անշարժու-
թյան դեմ, հանուն ժողովրդի լուսավորության, նրա ազատա-
գրման՝ «խավարի բարելոնյան գերությունից»:

Ստ. Նազարյանի ամսագրի լավագույն տրագիցիաները հե-
տագայում յուրացրին հայ առաջավոր գործիչները:

Գիտակցելով իր լուսավորական գործունեության մեծ նպատակը, Նազարյանն իր ամբողջ կյանքում հավատարիմ մնաց այդ նպատակին:

Դեռևս 1836 թվականին քաջալերելով Աբովյանին, նա վկայակոչում է անցյալի առաջավոր այն գործիչներին, որոնք ասիպլած են եղել կովի շատ դժվարությունների դեմ:


Իր հետագա գործունեության ընթացքում Ստ. Նազարյանին հաջողվում է, համառորեն դիմադրելով հայ ուսակցիոն «կարճատեսների կատաղությանը», ժողովրդի առաջընթացի իր պահանջները դարձնել բոլորին ընդունելի ճշմարտություն: Նա ինչ էր խոր հավատով, և համոզված էր, որ կգան ավելի լավ ժամանակներ, երբ «աչքն ավելի լավ կտեսնե ճշմարտությունը, և սիրտն ավելի ուժգին կզգա բարին և գեղեցիկը»:

«Նա կարծում էմ,— գրում է Նազարյանը Աբովյանին,— որ երախտագետ հետնորդները մեզ կգնահատեն և մեզ վրա կնայեն զարմացած հայացքով, որպես հայրենյաց մաքուր և իրոք գովելի օրինակների վրա»¹:

Սովետական ժողովուրդը ըստ արժանյունյն գնահատելով անցյալի կուլտուրական ժառանգությունը, բարձր է գնահատում Ստ. Նազարյանի լուսավորական գործունեությունը, որ նա ծավալել է անցյալ դարի 60-ական թվականներին հայ իրականության մեջ՝ իր «Հյուսիսափայլ» ամսագրով:

¹ «Գիտան և. Աբովյանի», էջ 255:

ՀԱՎԵԼՎԱԾ



Մ. ՄՍԵՐՅԱՆԻ ՀՈԴՎԱՍԻ ՍԵՎԱԳՐՈՒԹՅՈՒՆԸ

Մասնավոր դիտողությունք
ի վերա ընթացից և նպատակի «Հյուսիսափայլ»
օրագրի¹

Հողված Ա.

Անցյալ տարի՝ հունվար ամսին սկսյալ՝ Ռուսաստանի մեջ (ինչպես հայտնի է ամենեցուն) հրատարակվում է մի օրագիր «Հյուսիսափայլ» անվամբ Մոսկվայումը, և մի լրագիր «Մեղու Հայաստանի» անվամբ Տփլիսսումը: Այս երկու գրվածոց հրատարակությունքն պատճառ եղած են (որպես երևում է հայտնապես) մեր ռուսիաբնակ ժողովրդյան նորօրինակ քննասիրության, ևս և ա՛յն մեծ և խորին ուշադրության՝ որով նորա նայում էին այս երկու գրական աշխատությանց վերա:

Առաջինն՝ ի սոցանէ, այն է՝ Հյուսիսափայլն, յուր առաջին երևմամբն ո՛չ փոքր տարածայնությանց առիթ տվալ թե՛ հոգևորականաց թե՛ աշխարհականաց թե՛ ռուսմնականաց և թե՛ այլավիճակ մարդոց մեջ: Այս օրագիրս առաջին ամսաաւետրակեն սկսյալ՝ յուր ընթացքի հանգամանքը և նպատակը հայտնապես ցույց տվալ, որ ըստ կարծյաց հրատարակողին՝ այս է. Ազգի պակասությունքը և անկրթությունը, և սորա

¹ ՀՍՍԹ Պետ. Մատենադարան, Մսերյանների արխիվ, թղթ. 192, վավ. 123:

Կամ նորա տգետ և հիմար՝ կամ մոլի և ամբարիշտ լինելը հրապարակելով, լուսավորութեան դուռն բանալ: Թեպետև այս դիտումն այսպիսի ընթացքով (որ հայտնի նշմարվում է մինչ ցարդ տպված 12 ամսատետրակների մեջ) անհաճո և միանգամայն անարդար և արտաքո խոհականութեան թուեցավ քաղմաց՝ և կարելի է ասել՝ բոլոր ազգայնոց (ի հարկե բաց ոմանց), բայց առ ժամանակ մի լռեցին ամենեքան, և ո՛չ մի հակառակ բան չտպվեցավ, որովհետև հիշյալ օրագրի հրատարակիչն (պ. Ստեփան Նազարյանց) համբավյալ ոմն գոլով իբրև լուսավորյալ եվրոպեակիր ժարդ՝ շատ լեզուների տեղյակ, հույս կար փոքր ՚ի շատն՝ թե կփոխե նա որպես յուր կարծիքը նույնպես և օրագրի ընթացքը դո՛ւն հետ փոքր ժամանակի: Կա՛յր արդարև այս հույսս, բայց չարդիանացավ: Պ. Նազարյանցն ո՛չ միայն չփոխեց յուր օրագրի այնօրինակ ընթացքը, այլև ավելի ևս խթան տալով հնուա՛ջ վարեց. ժողովրդականաց շատերն (մանավանդ պարզասիրտքն, այնպիսիքն ասեմ՝ որոնց ծանր էր լսել կամ տեսանել որպիսի և իցե ազգային անպատվություն կամ նախատինք) սկսան դայթակղիլ և տրտնջալ: Այս իսկ էր պատճառն, որ աստվածասեր և ազգասեր տ. Ստեփանոս քահանայն Մանդինյանց հանձնառու եղև առաջին անգամ՝ յուր «Մեղու Հայաստանի» անվանյալ լրագրի 16-երորդ համարումը քանի մի համառոտ խոսքեր տպել պ. Նազարյանցի գրվածոց վերա՝ այսպիսի վերնագրով. «Մի քանի խոսք գերապատվելի Ստեփանոս Տեր Եւսայան Նազարյանցի գրված մատչանների վերա»: Գրեց նա և տպեց այն խոսքերը՝ ոչ թե ոգվով թշնամութեան կամ առատելութեան՝ այլ միայն ՚ի սիրո ազգին շարժյալ՝ և գայթակղելոց միտքը բժշկելու համար ըստ պահանջելոյ յուր սրբազան պարտավորութեան, ինչպես ինքն ևս ծանուցած է հիշատակյալ հոգվածին մեջ:

Սակայն այնուհետև ևս չդադարեց Հյուսիսամիայլն յուր կիզիչ քան թե լուսավորիչ ճառագայթները սփռել յուրաքանչյուր ամսատետրակների էջերումը. բաց հայսմանն՝ սկսավ նաև զազգային պատմութեան հիմունքը խախտել, այսինքն սուտ և առասպելական ցուցանել, որով և արժանահավատ Քանաչված և հարգված մեծանուն պատմագիրները (որոնց

դիւստրապոլսն է երանելի բազմահմուտ ծերունին՝ Մովսես
հորենացին) ստախոս և առասպելապատում համարել, հիմն
վնեւով միայն ոմանց օտարազգի մատենագրաց մասնավոր
և ՚ի վաղուց հերքյալ կարծյաց վերա, և մերժելով բոլորովին
տղգային ամենահին և հասարակյալ ավանդությունքը և ա՛յն
ամենայն գրվածքը մեր նախնի հեղինակաց, որոնց ճշմար-
տախոսությունն աներկբայելի ճանաչված է բոլոր ազգին,
չսսեմ և օտարներից: Այսօրինակ օտարոտի կարծյաց հրա-
տարակուսյունքն, որք շատ և շատ ցավեցուցիչ էին ամենայն
աղգայնոց սրտերին, այլոց ևս առիթ տվին զանազան ընդդի-
մարնություններ գրելու հետզհետե: Ահա՛ Մեղուի Հայաս-
տանի 24 և 25 համարներումը տեսանում եմք երկու նամակքը
Վահանա Արամյան, որ արդարև իբրև վահան լինելով՝ սկսած
է պաշտպանել ո՛չ յուր անձը, այլ յուր ազգի փառքը, պատի-
վը՝ պարծանքը, նորա նվիրական պատմությունը և սուրբ
եկեղեցին, և կարծես թե՛ ամենայն ջանյութ աշխատում է յուր
դատափետ ծնողը թափել հայրատանջ զավակների ձեռքից:
(Անհամբերությամբ սպասում էին ամենեքայն տաված տե-
ւանել նորա մյուս նամակները ևս, բայց մինչև ցայսօր չերե-
վեցան):

Վահան Արամյանի երեք նամակներից հետո տավեցավ
Նախահիշյալ լրագրի 29 և 30-րդ համարներումը և մի ա՛յլ
քննություն՝ այսպիսի վերնագրով. «Պարոն Ստեփանոս Նա-
գարյանցը և նորա գրավոր վաստակքը»: Այս հոդվածույս հե-
ղինակն է պարոն Մ. Վ.: Նորա նպատակն (ինչպես երևում է
յուր խոսքերից) է քննել պ. Նագարյանցի ՚ի լույս ընծայեալ
գրվածքը, որոց մինչև ցայժմ քննած է նա միայն հոգեբանու-
թյան հառաչարանությունը և հոգեղեն կերակուրը մասնավո-
րապես:

Այս վերջին գրվածքս մինչև ցայժմ պատասխան չեն ստա-
ցած Հյուսիսափայլեն կարելի է թե ստանան (թեպետ ար-
ղեն ուշ է). բայց աստված չտա ա՛յնպիսի պատասխան
ստանալ, որպիսի ստացան հ. Մանդինյանցն և պ. Իսահակ-
յանցն, որոց միջում բաց յանվայելուչ խոսքերից և ՚ի տգեղ
բառերից (որք ավելի խոսողին անպատմություն կրերեն քան
թե այն անձանց որոց վերա է խոսքն), ուրիշ բան չկա: Պիտո՛

է ճշմարիտը ասել. ո՛չ ոք չէ՛ր կարծում, թե պ. Նազարյանցն հոժարի այնպիսի հոգւածներ խռկել յուր օրագրի թերթերումը, վասնզի ամենքն լսած լինելով շատերից, թե եվրոպական ուսմամբք վարժված մարդ է Նազարյանցն, ինքնին մականբերում էին, թե ուրեմն և եվրոպական քննաբանության (կրիտիկայի) ծանոթ է նա. դիտե ուրեմն (ասում էին) թե քննությունն՝ գրված բաների վերա պիտո է լինի, և ո՛չ թե գրող անձին վերա. դիտե, թե պիտո՛յ է քննել ո՛րպիսի բան է գրվածն, և ո՛չ թե ո՛րպիսի մարդ է գրողն, ուսումնակա՞ն թե անուսումն. Համալսարանո՞ւմը վարժված, թե ներսիսյան զպրոցումը կամ թե ուրիշ տեղ, և այլն²:

Բայց հետո սորա տեսանելով պ. Նազարյանցի ընթացքը՝ յուրյանց հուսո և կարծյացը հակառակ՝, ոմանք զարմացան, կեսք հուսահատեցան, այլք զայրացան, շատերն՝ տրտունջ բարձրացուցին յուրյանց մեջ, ոմանք ևս հարկ համարեցան (ինչպես պատմեցի առաջ) գրչի դեմ գրիչ շարժել: Սակայն ՚ի վերա այսր ամենայնի կարելի է դարձյալ դոնե ըստ ոմանց կարծյաց հուսալ, թե պ. Նազարյանցն հօգուտ յուր և հօգուտ ազգին խոհեմաբար փոխե այսուհետև յուր Հյուսիսամերիկայի այսօրինակ խրտուցիչ և բազմաց գայթակղեցուցիչ և վշտացուցիչ ընթացքը, որ (ճշմարիտը ասեմ) գովության արժանի բան չէ՛:

Գարծուցանենք այժմ մեր հայեցողությունը Հյուսիսամերիկայի մյուս հոգւածոց վերա: Հյուսիսամերիկայն՝ բաց ՚ի վերո ասածներիցս՝ սիրում է ևս յուրաքանչյուր ամաստետրակի էջերումը հաղորդել յուր ընթերցողաց զանազան թարգմանված օտար-օտար վիպասանություններ (ուսմաններ), որպիսի են՝ Շեյխի աղջիկը, Գբսուհին դե Շելլերոզ, և այլն: Հայսմ մա-

* Յայս բանիցս երևում է՝ թե Հյուսիսամերիկայի օրինավոր շարագրված համարում է զա՛յն, զոր գրած է համալսարանից մեջ ուսումը ավարտած մարդն: Այս հիման վերա, իմ բարեկամաց մինն խոստանում է ա՛յն համալսարանումը ուսումը ավարտած մարդույն տալ վարձ քանի հազար մանկս կամենա, եթե միայն կարողանա ուսեբեն թարգմանել զնարեկ անվանյալ հրաշալի աղթագիրքը՝ երանելվոյն Գրիգորի Նարեկացվո, որ բաց ՚ի յուր արեղայական փոքրիկ և անշուք խցեն, այլ ուսումնարան չէր տեսած, ո՛չ Համալսարան և ո՛չ Ակադեմիա:

սին իմ կարծիքս ա՛յս է, թե այսպիսի բաներ տպելը ժամանակն ուստիարնակ հայերի համար՝ զեռ հասած չէ՛, վասն զի շատերի մտտ, Հյուսիսամերիկայի այն թերթերն՝ յորս պարունակում են այնպիսի վիպասանությունքն մնում են ամբողջ չբարկած. ուստի կարելի է հավաստյալ հետևեցուցանել, թե ստացողքն կարդացած չեն զանոնք և կարդալու ևս կամք չունին՝ն ամենևին: Եթե այսպես, ի՞նչ օգուտ ուրեմն կարեն տալ այնպիսի գրվածքն՝ ՚ի զուր տավելով, ի զո՛ւր թերթերի էջերը լցնելով, երբ՝ որ ոչ մի մարդ կարդալու չէ զանոնք, և եթե կարդա ևս համ չպիտի առնու, բաց ՚ի քանի մի երիտասարդներից (ճահիլ ու ճիհուլներից): Դարձյալ փորձն գուշակել է ասլիս արգեն, թե աստղաբաշխական՝ բնագիտական. կամ բնախոսական կոչված ճառերն՝ որ տպվում են Հյուսիսամերիկայի թերթերումը, կարողանալու չեն՝ մեծ օգուտ տալ ազգին, որովհետև ընթերցողաց շատերին (չեմ ասում ուսումնականներին)՝ բաց ՚ի լեզուի այլատարազութենեն՝ նյութքն ևս անհասկանալի են զլխովին: Նախ և առաջ հա՛րկ է պատրաստել ընթերցողներ, հասուցանել զնոսա ա՛յն աստիճանին, որ կարողանան հասկանալ, և ապա գրել, տպել և հրատարակել: Պ. Նազարյանցն այս կանոնը, որ ամենահայտնի և բնական բան է, չէ՛ պահում, այլ ուղղակի՝ մտրակը (խամչին) ձեռին բռնած՝ յուր ձին է քշում, այսինքն՝ յուր միանգամ բացած ճանապարհովն է գնում, չմտածելով, թե ո՛ւմ հետ է խոսում կամ որո՞ համար է գրում: Բայց այսպիսի նկատողությունք շա՛տ հարկավոր են նմա: Եթե սլ. Նազարյանցն չկամենա իսկույն այո՞ ասել այս իմ ասածիս, թո՛ղ ակնարկե գոնե մի անգամ վենետիկյան Բազմավեպին, Վիեննայի Եվրոպային (որ այս տարի իբրև օրագիր է հրատարակվում և շատ ընտիր բան է) և Փարիզի Մասյաց ազավնվույն վերա, թո՛ղ ակնարկե, ասում եմ, այդ պատվական օրագրաց վերա. և կարե տեսանել այն ժամանակ, թե ինչպես անոնց խմբագրիչքն զվարճալի՝ և ազգի օգտակար՝ նյութեր են ընտրում միշտ՝ ընթերցողաց հաղորդելու համար: Այս ևս անհայտ բան չէ՛, որ նոքա եթե մի ուսումնական առարկայի վերա կամենում են խոսել, խոսում են այնպիսի եզանակավ և այնպիսի գաղափարներով՝ որք ամեն ընթերցողների մտաց դյուրընկալ են, նոքա գրում

են այնպիսի բաները ժողովրդի մտաց հասկացողության շար-
փով՝ առանց խորախոր քննութեանց անդունդներէ մեջ իջանե-
լո և իջուցանելու. իսկ պ. Նազարեանցն խոսում է և գրում է
որպէս թէ միայն ուսումնականաց համար: Եւ մի՞թէ ավելորդ
չէ՞ այդ՝ երբ որ ըստ յուր ասածին կա՛մ ո՛չ մի ուսումնական
անձն չկա մեր ազգումը, կամ եթէ կայ՝ կիսատ, թերատ, վայր
'ի վերո է: Նա կամենում է յուր օրագիրը ուսումնական օրա-
գիր շինել. բայց 'ի միտ չէ բերում թէ խոստացած է ազգը
լուսավորել: Ուսումնական օրագիրը պիտո՞ է ուսելոց համար
հրատարակել, և ո՛չ թէ այնպիսյաց համար՝ որք հազիվ թէ
կարող են կարգալ, և որք կարոտ են դեռ ուսանելու:

Հյուսիսամիայլի յուրաքանչյուր ամսատետրակի վերջե-
րումը տեղ են բռնում մի կոմսի (չգիտեմ՝ ո՞ր տերութեան
կոմսի) օրագրութիւններ: Այս օրագրութիւններից ի՞նչ նյութ,
ի՞նչ իմաստութիւն կամ ի՞նչ լուսավորութիւն պիտի ստանան
ընթերցողք: Այս հարցվածույս պատասխանը ցանկալի է ինձ
լսել, թե՛ կգիտեմ արդեն՝ ի՞նչ պիտի լսեմ:

Այս օրագրութեանց մեջ բաց 'ի դիմակավոր կամ 'ի քո-
լարկյալ երգիծաբանութիւններից՝ որք ակնարկում են առ
այս և առ այն ոք, բաց 'ի շեշտ ու մեշտ խոսքերից, և բաց 'ի
մտացածին մանրալուրերից, այլ ինչ չէ՞ գտանվում: Այս ամե-
նայն գրվածքն՝ բոլորն 'ի միասին առյալ՝ կարծեմ թէ մի
դանդի ևս արժեք չեն ունենալ բանագետ անձանց առաջ: Նկարագրում է կոմսն յուր օրագրութիւններումը, թէ ի՞նչպէս
մի կին յուր ամուսնո գլուխը լուացեր է. թէ ի՞նչպէս մի այլ կին
եկեղեցումը մոմ է վառեր. թէ ի՞նչպէս մի պարոն խալաթով
նստել է յուր մոտ, թէ ինչպէս մի այլ պարոն՝ գործովքն գող
և ավազակ պարտական գողով չգիտեմ ո՞ր կառավարութեան,
մի արծաթի մեծ գումար, հնա՛ր է գործ՝ դրած՝ պարտավճար
լինելու՝ ծոցեն կամ քսակեն արծաթ դուրս շտալով. և այլ
սուչնպիսի հատուկոտոր առանցիկ պատմութիւններ, որք
լիակատար իրավունք են տալիս ընթերցողաց՝ մեղադիր լի-
նելու ո՛չ այնքան գրողին՝ որքան հրատարակողին. վասն զի
սա եվրոպեալույս կատարյալ գիտնականներից մինն գողով՝
հոժարում է տեղ տալ յուր օրագրի էջերումը այսպիսի խամ
ու տտիպ գրվածքների: Չգիտեմ, մի հատուկ նպատակո՞վ է

Ի՞նչ է դարձյալ պատճառն (կրկնում եմ և ես) որ այդ հոգ-
վածներն շարադրողն, Մաղխատրոս՝ Մաղխատրոսություն՝ Մա-
ղխատրոսանալ բառերը ՚ի բերան անյալ ծամում է ծամծամում
է՞ և չէ՞ կարողանում կուլ տալ. և կարծես թե՛ եթե կուլ տա՝
պիտի խեղդվի: Եթե մասանաց և տախտիկյան պտուղ չէ այդ,
ի՞նչ է ուրեմն: Ճշմարտախոսություն. բարվո՞ք է. բայց միթե
մեծ ես է անհակառակելի ճշմարտախոսություն չպիտի՞ հա-
մարվի ասել՝ թե մի քաջ հայկաբան մատենագրի և աստվա-
ծաբանական գիտության հմուտ անձնի այնքան հեռի չէ՞ Մա-
ղխատրոսական արժանավորությունն, որքան մի սոսկ դարը-
նական անձնի հեռի է Կոմսականն:

Զոհրայ Մարուգյանց:
այսինքն՝ Զարմայր Մանրյանց:

Այնուհետև տեքստին հաջորդում է Զարմայր Մանրյանի
անվերնագիր և անստորագիր վերջաբանը:

«Ուրեմն այս ամենայն ասացելոյս ի՞նչ պիտի դուշակել,
ի՞նչ արգասիք պիտի սպասել մեր ազգի համար, բաց ՚ի տա-
բաձայնությանց և խռովությանց, որք ծագած են ՚ի զանազան
տեղիս ՚ի պատճառս այսպիսի սուտումուտ հողուածոց: Եվ
եթե ճշմարիտն պիտո է ասել, հիշված հողվածոց մեջ սուտն
խառնած շիններ, գոնն մի արժանավորություն պիտի ունենա-
լին, իսկ այժմ այս և կորուցին: Ծանր խնդրոց մեջ մտած
սուտն ամենայն մարդ կարող է տեսանել եթե կարգա «Մեղու
Հայաստանի» լրագրի մեջ տպված պ. Ս. Պալասանյանցի հոգ-
վածն, իսկ մյուս մանր մուր հողվածոց մեջ մտցուցած սուտն
ես՝ այստեղ բացահայտեմ ձեզ, պատմելով վերևում հիշված
կնոջ եկեղեցումը մոմ դնելն՝ թե ինչպե՞ս եղեր է և ինչպե՞ս
Հյուսիսամիայլի մեջ տպած է, և ի՞նչ նպատակավ»:

Թերցողաց կարծել՝ թե նույն պատվանունը ըստացողն անարժան ոմն է և
տվողն թեև բարձրաստիճան անձն, բայց անիրավ, փոքրամիտ տգետ
թանգի ասում է և հիմար և չունող կարողության ճանաչել՝ ո՞վ է զար-
ժանավորը և զանարժանը ով անարժան այնպիսի պատվո: Թեև բարձրաս-
տիճան անձն մեղանշած է կա՞մ գիտությամբ՝ ընդդեմ արդարության
անիրավելով և կա՞մ անգիտությամբ՝ զանարժանը արժանավոր համա-
բելով:

Մ. ՄՍԵՐՅԱՆԻ ՆԱՄԱԿԻ ՍԵՎԱԳՐՈՒԹՅՈՒՆԸ:

«1. Ո՛չ միայն բանիւ բերանոյ հրատարակին ամենայն ուրեք ի քաղաքիս, այլև անհամեստաբար և տարապայման հանդգնությամբ համարձակին (այլանդակամիտք ոմանք) ՚ի քերթս «Հիւսիսափայլ» օրագրին ևս մուծանելով՝ ընդ ամենայն տեղիս տարածել ՚ի գայթակղութիւն պարզամիտ անձանց: Զճշմարտութիւն ասացելոցս Գուր ինքնին կարեք իմանալ լըն-թեռնույն Ձեր դոնէ զիններորդ ամաստետրակին յիշեալ օրագրին, ուր (յէջ 242—247) սատանան Կոմսն էմմանուէլ տողէ գհետեալ բանսդ...

2. Բաց յայսմանէ՛ և զԱռաջնորդս ազգիս կծանել կամե-լով՝ ասէ...

3. Եւ ապա յաւելու կոչել զնոսա «Սուտ ազգասերներ, օրս-կուրանտներ, եզուիտներ, և այլն տե՛ս

4. Թողում յիշել և զգրեալսն ի շորորդ ամաստետրակի (յէջ 341) և ի վեցերորդ ամաստետրակի (յէջ 465-466) ընդ-դէմ պատուոյ Մսերայ Մագիստրոսի:

5. Նազարեանցի անհամութիւնքն այնչափ առաւելուն և անցին ըստ շափ. մինչ զի հարկաւորեցաւ Գաբրիէլ վարդապետն Այվազեան առաջնորդն մեր բողոքել գրով առ Հոգաբարձուն ճեմարանի Խ. Հ. Կաղարեանց և թեպէտ նորին գերազանցութիւնն գրեաց քանիցս անգամ առ յիշեալ մոլորամիտ ազգատեացն բանս զգուշացուցիչս, բայց զի՞նչ օգուտ. անըզ-գամն այն առավել ևս կատաղեալ շկամի ամենեկին ունկնդիր լինել և անսալ այնպիսի բարեյորդոր բանից և խրատուց, և օր ընդ օրէ յաւելու զլրբութիւն և զհանդգնութիւն իւր ՚ի մեծագոյն և յանբուժելի գայթակղութիւն ժողովրդոց: Զայս տեսանելով և լսելով օտարազգիքն նոքա ևս զարմանան և ասեն. «Տ՛րպի-սի մարդիկ են Հայք՝ զի զազգ իւրեանց և զկրօն և զեկեղեցի և զլեզու իւրեանց ինքեանք նախատեն յօրագիրս իւրեանց և այլն:

1 ՀՄՍՈ Պետ. Մատենադարան, Մսերյանների արխիվ, թղթ. 207, գալ. 2129:

6. Յամենայն դարս երևեցոյց աշխարհս զնմանողսն այնոցիկ՝ որք խորհէին յանձինս իւրեանց անուղղայս, և ասէին՝ «Մի խորշեացուք՝ ի բազմաժամանակեա ալեաց ծերոյն, դարանակալ լիցուք արդարոյն, զի դժպհի եղև մեզ և հակառակ կայ դործոց մերոց, և նախատինս զնէ մեզ զյանցանս օրինացն»:

7. Մեզ իսկ ՚ի դէ՛պ է այժմ զՊաւլոսին ասել համարձակ-
«Առակ նշաւակի եղեաք ամենայն աշխարհի»:

8. Այլ առաւել քան զսոյն ցաւ մեծ ա՛յն է, զի օրէ յօր և ժամէ ՚ի ժամ առաւելուն և զայրանան վէրք սրբոյ եկեղեցւոյս մերոց անզգամութեան օտարախորթ զաւակաց նորին, յորոց միջի (այս ինչ ոք) սարսափելի իմն ապերախտութեամբ և դժոխային ատելութեամբ ընդդէմ զինեալ օծելոյն տեսնն (Ներււիսի) չդողարին զտիւ և զգիշեր յորսալոյ յուկան իւրեանց զպարզամիտս ՚ի ժողովրդականաց մերոց, և յամենայնի գործակից անհելով զնալբանդեանցն և զնազարեանցն և զայս ՚ի չարին արբանեկաց՝ ակն ունին յաղթանակ մեծ կանգնել և փառաւորել զանձինս իւրեանց՝ ազգին մերոյ կործանմամբ:

Սոքա են արդարև փտեալ և նեխեալ անդամք եկեղեցւոյն մերոյ, զորս պարտ է՝ որչափ հնար իցէ՝ փութով ՚ի բաց հասանել, զի մի՛ զայրացումն խտին ընդ բովանդակ մարմինն սարածանիցի:

9. Եթև չաշողիցի վերհափառ Տեառնդ... այնուհետև (ցաւելով ասեմ) մարթ է համարել՝ թէ եկեղեցի մեր ՚ի վերջնումն կայ ՚ի վտանգի գործման: Աստուած ինքն այց արասցէ բաբեխօսութեամբ սրբոյ լուսաւորիչին:

10. Ի վարդապետարանի ունիք տեսանել ո՛չ միայն զազգի ազգի սխալանս, այլ և զանհարազատութիւն նորա ի դաւանութեան ս. եկեղեցւոյ Հայաստանեայց:

11. Խորթացեալն այն ստահակ զաւակ Հայաստանի ո՛չ միայն զազգ և զեկեղեցի մեր նախատէ ընդհանրապէս ի զբրուածս իւր, այլ և թափէ անխնայ զմաղձ դառնութեան սրտի իւրոյ ՚ի վերայ այնց անձանց՝ զորս համարի իւր հակառակորդս: Եվ այսպէս համարձակեցաւ նա պէս պէս այլարանական գրուածովք յէջս Հիւսիսափայլին իւրոյ երգիծանել զարժամեծար անձինս եկեղեցականաց մերոց և յաշխարհականաց, որ է զՅ. Ս. Հոնանեանց, զՅ. Պ. Խալիպեանց, զՊ. Կ. Խալա-

Յեանց, զԱ. Արարատեանց, զՍարգիս եպիսկոպոս Զալա-
լեանց, զորոյ և զանունն կամելով յայտնել (ի վեցերորդ
տետր, էջ 84) անդրադարձությամբ տառից 'ի մէջ բերէ, փո-
խանակ անունս Սարգիս՝ գրելով Գիրսաս և այլն:

12. Զայս ամենայն յայտնելով տեառնդ, աղաչեմ զի գրես-
ջիք առ և... զի սաստեցէ վայրախօսին այնմիկ... զի օր ըստ
օրէ յավելանայ զլրբութիւնն իւր և ո՛չ դադարի ի հրատարակե-
լոյ 'ի մէջ ազգիս զայնպիսի նախատալից յօդուածս ընդդէմ
անձանց արժանաւորաց...

13. Գրեսջիք և խորհուրդ տաջիք նմա՝ որո՛վ և իցէ հը-
նարիւք կարճել զգազանական կատաղութիւնն խելացնոր փի-
լիստփոսին: Եվ առ 'ի զայս առնել՝ հարկաւոր է անպատճառ
հեռացուցանել 'ի քաղաքէ սստի (զայս ոք և զայն)»:

Հ Ս Վ Ե Լ Վ Ա Մ № 3

ՍՏ. ՆԱԶԱՐՅԱՆԻ ՆԱՄԱԿԸ 1

Նոյեմբերի 30 ր. 1859 Մոսկվա

Ազգասեր խոհական եղբարք

Իժշկապետ պարոն Հովհաննիսյանց և Նաղիրյանց²

Ձեր շատ հարգելի նամակը ամսուա 9-ին արձակած,
ստացա անկորուտ և շտապում եմ հատուցանել Ձեզ իմ ան-
կեղծ շնորհակալությունը այն հոգաբարձության մասին, որ
կամեցած եք դուք հանձն առնուլ ընդհանուր ազգային օգտի
համար. և իմ օգուտը, եթե պիտո է լինի որով և իցե շափով,
դորա մեջ է, դորանից անբաժան և անմեկնելի: Ամենեկին
հավան եմ ձեր անօրինությանը և բոլոր հոգալիքը թողում եմ
ձեր խոհականության կամքին, որովհետեւ դուք ձեր դրու-
թյամբ ավելի լավ ծանոթ եք տեղական հանգամանքին և քաջ

¹ Այս նամակի մի մասը առաջին անգամ հրատարակել է Ալ. Երից-
յանը «Արձագանք»-ում, 1896, № 135:

² ՀՄՍԻ Պետ. Մատենադարան, Երիցյանի արխիվ, թղթ. 150, վավ. 49:

դիտեք թե ինչպէս ավելի հարմար կլինի գործ կատարել: Բժիշկ մարդիկը ունենով առավել արդուություն ժողովրդի վերա, որ անդադար կարոտ էր նոցա օգնականութեանը, իհարկե պիտո է լինին և հաջող գործակատարքը այդպիսի դիպվածներում: Այդ միշտ այդպէս է երևել ինձ. ժողովուրդը ավելի կարոտ լինելով առողջատու բժշկին, պիտո է և ավելի հավատ ընծայե նորա խոսքին, շատ անգամ կամա և ակամա հնազանդի նորա խրատին: Վնաս չունի, թող բժիշկները բանան յուրյանց բերանը և քարոզեն արդին լուսավորութեան հարկավորութեանը և առաջնորդեն նորան դեպի Աթենասի տաճարը: Գորան կարող եմ ես միայն հավան գտանվիլ: Եվ անցյալ տարի Կ. բժշկապետ Ռոստոմյանցը համարյա թե պատերազմելով Շամախու մեջ մեծ գործ կատարեց, ինչպէս ասած կա Հյուսիսափայլի 8 հ. մեջ: Հյուսիսափայլի 10, 11 և 12 ամսատետրակքը միմյանց քամակից շուտով ճանապարհ կձգվին, որովհետև 10-երորդը պատրաստ է արդեն, և 11 և 12 միասին տպվում են և դալոց ամսու 10-ին պատրաստ կը լինին: Շատ դժվարութենի հետ պիտո է պատերազմե բեդակցիան, ամիսը մի հինգ թերթ օրինավոր տպելու համար, և գործ ունի սովորաբար անկիրթ ուս մարդերի հետ տպարանի մեջ: Գուցե դալոց տարումը բեդակցիան գործ ունենա կազարյանց վերանորոգած տպարանի հետ, ուր պատրաստվում են բավական շատ և գեղեցիկ տառեր հայկական տպգրութեան համար: Թեպէտ այստեղ լինելու է տպագրութեանը մի փոքր թանկ, քան թե Գրաչուլի տպարանումը:

Ես կամեի հազորդ կացուցանել ձեզ մի գրվածի, որ Ս. Պետերբուրգյան ցենզուրան թույլ չէ տվել ինձ տպելու. այդ գրվածի առիթը եղավ մի նամակ Թիֆլիզից, որ ուղարկել էր ինձ Գարեգին Ստեփանոսյան Փարսաղանյանց: Գուցե կարելի էր ձեզ բարոյապէս գործ դնել այդ նամակը Թիֆլիզի մեջ, կարդալով բարեմիտ բարեկամների հասարակութեան մեջ, և իմանալով իմ կարծիքը ևս այն անցքի մասին, որ պատահել է մեր Թիֆլիզում անցյալ տարու նոյեմբերի 2-ին:

Այսպիսի ձևով կամեի հանդես տալ Փարսաղանյանցի նամակին, բայց չեղավ.

Վաղուց արդեն հասած է մեզ թե բերանացի և թե դրավոր չուր այն անարժան և խռովեցուցիչ անցքի մասին, որ անցյալ 1858 թվակ. նոյեմբերի 2-ին պատահեց Թիֆլիզի հոգևոր ուսումնարանի մեջ, ապականելով միանգամայն ազգի պատիվը Ռուսաստանի մեջ, և մասնավորապես մեր երկրացիների պատիվը Թիֆլիզում: Հրատարակողը Հյուսիսամայլի իսկույն կամեցած է այդ անկարգությունը և դորա հետևանքը հրապարակական դատողության տակ ձգել յուր թերթերի մեջ և այս պատճառով շատ անգամ խնդրել է յուր թիֆլիզեցի բարեկամներից ստույգ և հիմնավոր ծանոթություն հասուցանել նորան այդ անցքի մասին և նամակագրի երաշխավորող ստորագրությամբ. բայց հրատարակողի խնդիրը և աղաչանքը մինչև այժմ անպտուղ մնացին: Վերջապես, ներկա տարուս նոյեմբերի 6-ից հասանում է մեզ Թիֆլիզից մի նամակ այսպիսի ստորագրությամբ. Գարեգին Ստեփաննոսյան Փարսադանյանց: Մի դրավոր ծանոթություն առանց ստորագրության, որ ստացել էինք այս տարու սկզբումը Պետերբուրգից, տալիս էր մեզ ամենևին նույն տեղեկությունքը ավելի մանրամասնաբար և մի քանի այլ իրողությունք, որ չկան ներկա նամակիս մեջ: Ես Մոսկվայումը հարց ու խնդիր առնելով այնպիսի եկավոր թիֆլիզեցիներից, որ ականատես էին եղած նույն անցքին, նույն ուսումնարանի մեջ, ուր պատահել է անցքը, պաշտոնակատար լինելով, ստուգեցի, որ վերջին նամակը պ. Գարեգին Փարսադանյանցի ստորագրությամբ ավելի համեմատ է անցքի ստուգությունը և այսպես այժմ արժան եմ համարում հրատարակել դորան ազգի ընդհանուր գիտության, և որպես հիշատակարան զալոց օրերի համար: Թո՛ղ ինչ անցքի մեր օրերումը ականատես է եղել հայը, նույն անցքը իբրև փրկավետ զգուշացուցիչ խրատ և ուսումն անկորուստ մնա ապագա սերունդի աչքի առաջև. թո՛ղ մեր ցավերը բժըշկության հնար դառնան մեր զավակների համար: Այո, մի փոքր հետացել է այս հրատարակությունը, բայց ինչ պիտո է առնել: Հրատարակողը չկարողացավ խախտել յուր մի անգամ դրած կանոնը — այսինքն արդարակշիռ լինել դեպի յուր

Թշնամիքը և շարժացակամքը ևս, լուռ մնալ քան թի խոսել և դատել մի գործ, որի մասին շուներ ինքը մի ստույգ և աներկմիտ տեղեկություն: Գիտեմ, որ մի այսպիսի շրջանկատ հայացք, մի այսպիսի խղճամտություն անսովոր բան է մեր ստիացի մարդուն. դոցա անամոթ և լիրբ ստախոսությանը չափ ու սահման չկա, մանավանդ եթե անձնական ախտերով վառված կամեր մինը վնասել մյուսին հասարակության աչքումը. բայց մեզ աններելի կլինեն մեր ընթացքի մեջ օրինակ առնուլ այն անբարոյական մարդիկը, որոնց համար ոչինչ սուրբ բան չկա աշխարհիս վերա, որ և անխտիր սովոր են գործ դնել ամենայն հնար, յուրյանց դադանական սրտի ցանկությունքը լցուցանելու:

Թող այժմ ավանդենք ազգին մեր նամակագրի խոսքերը, և հետո, երբ որ դրած էին ազգի առաջև նորա կյանքի իրողությունքը, դոցա հիման վերա իմաստաւիրություն և եզրակացություն գործենք, մերկացնելով ամենայն մտածողի համար այդ իրողությունների խորհուրդը:

1859-ին նոյեմբերի 6-ին, Յիֆլիզումը.

Ճշմարտասեր Հրատարակիչ

Հյուսիսափայլ օրագրի.

Նազովրեցին Հիսուս յուր անձը ճշմարտություն անվանեց և հալածվեցավ. յուր հետևողներին ևս ցույց տվեց տանել այն կապանքներին, որ հասանում են ճշմարտությանը: Այս բանի ստուգությունը ապացուցանվում է ամենօրյա փորձով: Ճշմարտասիրության պատճառով հալածանքի ասպարեզի մեջ ներկայումս, միայն Հյուսիսափայլը արժանի է դափնյա պսակի, ասում եմ անկեղծ. միայն նա կարող է յուր օրինակով խրախուսել հալածվածքը և սուրբ Իգնատիոսի պես պետք է ասե յուր ընկերներին. «Հալածանք, հալածանք» այս ևս հավելացնելով: «Հալածողներին և օբսկուրանտներին վերջ»: Ես ևս, ով պայծառ փայլ Հյուսիսի, վստահանում եմ այս բուպիս մի ցավալի ճշմարտությամբ ճոխացնել քո թերթերը, պատկերացնելով նոցա մեջ մի ազգային անցք, որով մի ամենամեծ անիրավություն հանդիպել է անմեղությանը. մի անիրավություն, որի հիշատակը պետք է ցավ պատճառե ամեն մի ձեզապես ազգասեր սրտի, և անշուշտ պետք է բորբոքե մի ար-

դար բարեկութեամբ և բարձրաձայն հատուցումն պահանջելով։ Թեպետ մինչև այժմ կամք չունի ցավ պատրաստել իմ չղիտացող հայրենակիցներին, բայց այս բուպեիս ստիպված եմ Հյուսիսամիայլի լույսի տակ մերկացնել խավարապաշտների խարդախութիւնքը. բացի ձեզանից չունինք մեր հասարակաց բերան և մասնավորներին ցավակից։

1859 թվին, նոյեմբ. 2-ին մեր Թիֆլիզի Ներսիսյան դպրոցը ցույց տվեց մի խայտառակ իրողութիւն։ Պիտո է ասել այստեղ, որ այս անցքից քանի մի ամիսներով առաջ արձակվեցավ դպրոցի տեսուչ Պետրոս Շանշանցը, որ Ներսես կաթողիկոսի հատուկ կոնդակով կարգված էր, և նորա փոխանակ հացուցվեցավ Գ. Արզանյանցը այն խորհրդով, որ բռնավորական վարեցողութեամբ և ճնշողութեամբ դաստիարակե դպրոցի որդեգիրքը. նույն խորհրդով դրվեցավ վերակացու Հ. Քաթանյանցը. սա բավական մարդասեր հոգու տեր լինելով, պաշտպանում էր անմեղութեամբ հալածված որդեգիրներին։ Դպրոցի հոգաբարձուքը և քաղաքիս առաջնորդը կամեցան հեռացնել Հ. Քաթանյանցին, որովհետև յուրյանց հոգով և կամեցողութեամբ չէր շարժվում։ Հալածվածքը տեսանելով թե կամեին արտաքսել յուրյանց միակ պաշտպանին, դիմեցին ազաշանքով դեպի Արզանյանցը, հոգաբարձու Քայիրյանցը, նաև դեպի առաջնորդը, որ դոքա շղրկեն յուրյանցից սիրելի վերակացուն։ Բայց նոքա անտես առնելով աղաչավորների խնդիրքը, արտաքսեցին Քաթանյանցը։ Հրաժարման գիշերը շատ աղետալի է եղել. որդեգիրքը և վերակացուն հրաժարական համբույր տալով միմյանց, հեծեծանքով լցուցել են դահլիճը. բոլոր որդեգիրքը շտապել են Արզանյանցի մոտ կրկին աղերսելու, որ եթե կար մի հնար, աշխատեք հետ պահել ուսումնարանի մեջ Հ. Քաթանյանցին. բայց նա ներպահել սենյակի դուռը փակելով, սպառնացել է խնդրողների վերա. հետ վազել են որդեգիրքը երեկոյի 9 ժամին դեպի առաջնորդը, խնդիրք առնելու։ Առաջնորդը պատգամ է դուրս ուղարկում «Ձեր հիմարութիւնը վաղը կը տեսանեմ»։ Ինչպէս որդեգիրքը մեծ և փոքր միասին հետ են դառնում դեպի նեղձ որդեգիրքը մեծ և փոքր միասին հետ են դառնում դեպի յուրյանց տխրագին բնակարանը. բայց ինչ... դուռները փակած ներսից, պոլիցիայի սպասավորքը (կվարտալները), նո-

Յա հետ դեսյատնիկներ, ծեծում են, կապում են խեղճ երեխայքը, ոմանք փախչում են, ոմանք թաքչում են, ոմանք գալիս են հանդատանալու յուրյանց տեղերում: Գղբղյունը դադարում է, ապա գալիս են հոգաբարձուքը, և Կ. Թայիրյանցը որոտալով որդեգիրների վերայ, նոցանից 5 մեծերին ուղարկում է դեպի պոլիցիա, իսկ մնացյալներին բրածեծ է առնում: Ի՛նչ դպրոց... հիմնադիրը գերեզմանի մեջ պիտո է շարժ դա, յուր կարգած հոգաբարձուների և առաջնորդի հոգատարությունը լսելով:

Առավոտյան պահուն առաջնորդը տեղեկանում է յուր սիրելի հոգաբարձուների մեծագործությանը, մարդ է ուղարկում, հանել է տալիս պոլիցիայից այն խեղճ էակները և իբր թե շատ մեղավորին ներում է. արի՛ տես Թայիրյանցը՝ որոտալով և փքանալով գալիս է պիղատոսի ատյանը, որ արձակել տա որդեգիրքը և սկսանի դատել. իսկույն բարկանում է նա, տեսանելով, թե արձակել են նորա կապածքը, զայրանում է, շունչը կտրվում է. անհապաղ գրում է առաջնորդին կամ հեռացնել դպրոցից այն տասն և չորս աշակերտքը, որ փաստորականք են, Շանշյանցի և Նազարյանցի հոգի ունին, կամ թե արձակեն նորան հոգաբարձական պաշտոնից: Առաջնորդը իսկույն գալարվում է և ոլորվում է օձի պես, որովհետև այդ երկուքը ծածկում են միմյանց գաղտնիք, և այս բնատուր է մեր ասիական հոգևորներին, որ մինչև յուրյանց կեղտը մի մարդ չգիտենա, նորան ոչ կալատվին, և ոչ կզուվին. այսպես ևս մոտերումս դպրոցի արծաթով մի նոր կառք և այլ շատ բաներ ընծայել էին առաջնորդին. հայտնի բան է, որ այդպիսիքը ընդունելի են նորան: Թիֆլիզի բոլոր իշխանները և ուսումնականքը գնում են առաջնորդի մոտ և խնդրում են արձակել հոգաբարձուքը: Բայց նա խարդախությամբ պատճառ է բերում, թե նոցա հաստատությունը այդ պաշտոնի մեջ, հանդուցյալ Ներսես կաթողիկոսի կոնդակով է եղած, ուրեմն յուր կողմից համարձակություն չկար, խախտել այդ կոնդակի գորությունը: Առաջնորդին պատասխանում են, մի՞թե Շան-

¹ Սա այն մարդն է, որ յուր մարդությամբ երգվում էր ջնջել հիշատակը Հյուսիսափայլի և դորա հետ միասին այն որդեգիրքը, որոնց անուն էր տալիս նոր Նազարյանք:

շյանցի կոնդակը շէ գրած Ներսեսի ձեռքով, ապա որպես վատահացար դու արձակել Շանշյանցին: Այսպես նախատարար և զզվանքով դուրս է գնում հասարակությունը առաջնորդի մտտից: Այս բանը հասավ մեր սրբազնակատար մեծ քահանա Տեառն Մատթեոսի ականջին. բայց նորին սրբությունը դալով Թիֆլիզ, կրկին հաստատեց նույն մարդիկը հոգաբարձու, և գնալով էջմիածին, այնտեղից գրեց և մարդիկ որոշեց, որ քննության ատյան բանան հոգաբարձուների վերա. քննության գործը մնում է տակավին անկատար: Ոհ, մեծ է շատ մեր հուշար նորընտիր կաթողիկոսի վերա, ո՛ր Հյուսիսափայլազգասերների ականջին քաղցրանուն և ախորժեկ:

Ահա իրողության իսկությունը այստեղ. թող այլապես գիտացողքը այս և այն բանը ավելի մանրամասնաբար պատմեն, քան թե պատմեցի ես: Բայց այժմ տեսանենք, թե ինչ պատահեցավ այն խեղճ որդեգիրներին որ արձակվեցան: Ժամանակը նույնմբերի ամիսն էր, ինչպես ասվեցավ վերևումը, ուրեմն ցուրտ ձմեռնային: Այդ արտաքսածքը անտուն, անօթեան, բարեկամք ու կարեկիցք ևս շատ սակավ, այն ողորմելիքը երկար միջոց Թիֆլիզի փողոցները շափելուց հետո, հաղիվ հազ կարողացան յուրյանց համար օրական հաց ճարել — վա՛յ անօգնականին — և ճանապարհներ պատրաստել դեպի լուսը առաջ խաղալու: Բայց սոցա վերա կրկին անգամ հալածանք բարձրացավ, և այժմ բռնությամբ ստիպում են նորանց տիրացուական փարաջա հագցնել, որ, ստիպողների պատճառանքով, պիտանի լինին ազգին, բայց ճշմարտությամբ, որ նոցա իշխանության տակ ընկնին, ըստ որում անում են, թե օձը փոքրուց պիտո է սպանած: Այս աշակերտներից երեքը որ են Գ.Գ. Գ.Յ. և Մ.Ն. վառվռուն աշխույժ հոգով երիտասարդներ են, որոնց օբսկուրանտները անուն են դրել Նազարյանք: Իսկ Գրիգոր Տեր Հարությունյանց և Հարություն Տեր Գրիգորյանց, սոքա հանդիսացան, ինչպես Հուդան յուր ընկերների մեջ. թո՛ղ մրոտվի սոցա երեսը, որ մյուս անգամ չլինին շարության գործիք. բայց մնացյալների վերա անօգուտ է խոսել: Սոցանից մի քանիսը բարերարներ գտաննելով, ցանկանում են գնալ Եվրոպա ուսանելու, բայց հոգևոր կառավարությունը արգելում է և ստիպում է նորանց կամ

հատուցանել նոցա դաստիարակութեան վերա գործ դրած ար-
ծաթը, կամ թե տիրացուի փարաջա հագնել. ի՛նչ դատաս-
տան... բռնութիւնն ասես, սոցա վերա են առնում, սորանց
են պոլիցիա տանում, սորանց են փաստորական անվանում,
սորանց են դուրս քշում որպէս ավազակներ: Թեպետ այս
խղճալիքը ձեռացապիր են տալիս, թե հետո կամեին լինել
կեկեղեցական պաշտոնյայք, բայց այժմ ցանկանում են ուսումն
առնուլ, բայց ոչ. կառավարութիւնը անհավան է դորան,
ասելով. աջդ ևս շատ է, որքան գիտութիւնն ունեք: Հայտնի
բան է, որքան տղետ լինին սոքա, այնքան ևս ավելի կաշառք
կտան քահանայանալու ժամանակին և կուրորեն կհնա-
զանդին ¹:

Ո՛վ հրատարակող ազգաշահ օրագրի, գրեցի Ձեզ այս պա-
տահարը (որ կարելի է լսած լինեք) և խնդրում եմ արձա-
նացնել նորան Ձեր թերթերի մեջ ազգի առաջև, մանավանդ
այն անմեղների այսքան անարժան շարշարանքը, որ բարե-
միտ քրիստոնյա ընթերցողքը կարեկցեն և օգնեն անիրավա-
բար հալածվածներին: Հույս ունինք մեր մարդասեր կաթողի-
կոսից, որ նա եթե դրամով ձեռնհաս չլինի այս անբաղդ
հայազգի զավակներին, գոնե շփակե և նոցա ճանապարհը:
Ճշմարտութեան հակառակորդները հրավիրում եմ հանդես գալ
և ցուցանել յուրյանց քաջութիւնը, տղամարդութիւնը, թե կա
մի այդպիսի բան դոցա մեջ. բայց բռնութեամբ հալածել ան-
մեղ մանուկները համարում ենք մի վատթար, կանացի թու-
լութիւն և անզորութիւն: Ձեզանից, պարոն Հրատարակող,
խնդրում ենք օր մի առաջ ավանդել մեր նամակը ազգի գի-
տութեանը, թող Հյուսիսամիայլը արձակի յուր կարող թեկը և
սարսափ տարածե բռնավորի և շարագործի վերա: Եթե նապո-
լեոն առաջինի համար պարծանք էր յուր զենքը, որով ջախ-
ջախեց նա ինկվիզիցիոնի զորութիւնը Սպանիայի մեջ, ապա
մի՞թե Ձեր գրիչը չէ բերելու Ձեզ այն պարծանքը, որով պետք
է խորտակվի մեր արեղանների բռնակալութիւնը և զավածա-
նութիւնը. եթե ոչ այժմ, գոնե գալոց օրերում կզարթնի հայը

¹ Այս հոգևորների ուսել խմելը այգիների մեջ, կոծանիս, Թեկեթ,
Միրանավոր, Շահնաբատ և Խոջիվանքումը շուտով կգրեմ Ձեզ լիովին, որ
պետք է Թիֆլիզի պարծանքի համար:

յուր մահաբուն թմրությունից և նոցա նանիկները մի կողմ ձգելով, կաղաղակե. «Եսողաղություն քո հողացած ոսկրներին, ո՛ր Հյուսիսսփայլ»:

Մնացեք բարով, ազգաշեն մարդ, մնացեք բարով Հ... Հ...¹
մնամ միշտ անձնադիր բարեկամ ձեր

Գաբելին Ստեփանոսյան Փարսաղանյանց քիֆլիզցի:

Այսքան մեր պատվելի նամակագիրը: Այժմ մի փոքր քրքրենք այս նամակի բովանդակությունը և հաշիվ ու համար տանք մեզ թե ի՞նչ պիտո է եզրակացնել դորանից թե Թիֆլիզի առաջնորդի, թե հոգևոր դպրոցի և թե նորա հոգաբարձուների վերա: Առաջինի անզգաստությունը և ամենևին անհոգությունը յուր հոգևոր խնամարկության տակ եղած դըպրոցի բարեկարգության մասին, երևում է արդեն մեր նամակագրի համարյա՛ թե յուրաքանչյուր տողից. նույն իսկ շարժող հոգին, որով պիտո է դաստիարակվելին մանուկները ղարոցի մեջ, երևում է շատ ախտավոր և անարժան մեր լուսավոր ժամանակին, մի կատաղի ֆանատիկոսություն, մի հոգի ընդդեմ ամենայն քրիստոնեական ուսման, որ վերացնելով սարկության օրենքը, տվել է մեզ ազատության օրենք: Եվ ինչպես Քրիստոսը, մեր երկնավոր վարդապետը ուսուցել է մեզ, նույնպես ուսուցել են և պարտական էին ուսուցանել բոլոր առողջամիտ ականավոր հարքը քրիստոսյան եկեղեցու Հայաստանի մեջ: Բայց աշակերտքը թիֆլիզյան հոգևոր դըպրոցի հալածվում են, հայհոյվում են փաստորականք, Շանշյանք, Նազարյանք, չգիտեմ, ինչյա՛նք և անարգաբար դպրոցից քարշվում են դեպի պոլիցիա, որովհետև հանցավորք էին փաստորական, Շանշյան և Նազարյան անունով: Ո՞վ են այդ աղանդապետքը փաստորականք, Շանշյանք և Նազարյանք, և ի՞նչ է դոցա աղանդի իսկությունը, դոցա մոլորությունքը և արտուղությունքը քրիստոնեական ուսումից. Փարսաղանյանցի նամակից ոչինչ լսում չենք, բացի լոկ անուններից, որ հայհոյության պատճառով լավում են Թիֆլիզի հոգևոր ուսումնա-

¹ Այստեղ երկու բառ է դրել մեր նամակագիրը, որ շատ շատ կարող էր լինել մեր գերեզմանի վերա տապանագիր. բայց մեր կենդանությամբ այդպիսի բառեր հանձն առնուլ կարող չենք, ուր մնաց, թույլ տալ տպել մեր օրագրի մեջ:

բանի մեջ: Բայց ասենք մեր սիրելի հայերին նախ և առաջ որ պատտորականք (Տաճկաստանի հայերի մեջ մանավանդ) ասվում են այժմյան պրոտեստանտք (այսինքն բնդդիմախոսք պատականության): Բառս պատտորական կամի ասել մի շատ խելացի բան, այսինքն հովվական, որովհետև պրոտեստանտներին քահանայքը լատինական (pastor) պատտոր բառով ասվում են հովիվք, որ ավելի գործածական է հասարակ կեցության մեջ քան թե բուն դերմանական ձայները geistlicher Hirt (հոգևոր հովիվ): Հայերի թանձր տգիտությունը հարկավոր էր միայն, այդ պատտորական բառին տալ մի թյուր, աղանդավոր խորհուրդ. այդ միևնույն էր, եթե ասեինք, թե Հայք հովվականք չեն, այլ գալղականք, նոցա քահանայքը հովիվներ չէին, այլ գալղեր, տես, պատվելի հայ ազգ, թե քսաբեղաների տգիտությամբ որտեղ է հասանում երրակացությունը, ամենեկին պարզ արամբանելով: Սորանից բացահայտ է, որ փաստորականքը աղանդավորք չեն, այլ մի այնպիսի քրիստոնյա ազգ, որ յուր քահանաներին, բուն սուրբ դրքի խոսքով, ասում է հովիվք: Ո՛վ են Շանշյանքը և Նազարյանքը. այդպիսի հերձվածք չկան պատմության մեջ, ոչ Եվրոպայումը և ոչ Հայաստանումը: Արդարև եղիլ է մի պարոն Պետրոս Շանշյան մի ժամանակ Թիֆլիզի մեջ ամենայն բարեմբտությամբ և յուր հասկացողության շափ աշխատելով Հայոց մանուկների իմացական ու բարոյական դաստիարակության վերա, և մի քանի ժամանակ, ինչպես լսում ենք մեր նամակագրի նամակից, հանդուցյալ ներսես կաթողիկոսի կոնդակով վերատեսուչ Թիֆլիզյան հոգևոր դպրոցի: Առանց մի մասնավոր բարեկամություն ունելու պ. Պետրոսի Շանշյանի հետ, լինելով նորան մի լոկ ծանոթ անձն, պարտական եմ ասել այստեղ, թե ինչ խելացի հայ Թիֆլիզից թե գրով և թե բերանով խոսակցություն է ունեցել իմ հետ, միշտ լսած եմ ես նորա գովասանությունը և շնորհակալություն նորանից: Ուրեմն այս պատվելի պարոնը, պիտո է մի հայրենասեր և օգտակար, մի բարեպաշտ և առաքինի գործ արած լինի Թիֆլիզեցոց մեջ, որ յուր անձը սիրելի ու հարգելի է կացուցել նոցա: Հերձվածող, վնասակար մարդ լինելով, կարող չէր նա ոչ սեր և ոչ հարգություն գտանել:

գին ստանալ իմ ուսուցչական պաշտոնիս համար. ասա ինձ, խնդրեմ, ի՛նչ վնաս, ի՛նչ մոլորութիւն, ի՛նչ աստվածընդդեմ և բարոյականութեան հակառակ միտք, խոսք, զրույց տեսել ևս դու իմ գրվածների մեջ. քո տգիտութեան շարժում ու կշռում չեմ վարվել ևս, իմ պատմական գործերի մեջ իբրև բարեխիղճ աշխատավոր հեղինակ եմ լրոտական հարազատ ազդրյութեան քննելով և զննելով հանել եմ ճշմարտութիւնը և հստակ ու մշակած աշխարհաբար լեզվով հանձնել եմ քեզ: Ես կատարել եմ իմ պարտականութիւնը գիտութեան դատաբանի առաջև, ամենևին հեռանալով այն հայազգի պապական արեղանների գրվածներից, ուստի դու այսքան տարիք թույն ես միայն ճաշակել: Մի գործ եմ կատարել և քո համար, որ ոչ մինը քո որդիներից մինչև այժմ կատարել չէ քո այժմյան լուսավորութեան համար, միայն թե կամենայիր դու պատրաստական սրտով վայելել քո համար զարգարած հոգևոր սեղանը: Այս բոլորը անմտաբար մոռանալով, կամ թե այս իմ բոլոր, արշուճով վաստակած վաստակներիս համար, որ մտել են քո գնանձատուներ, կամի՞ս դու ինձ հայհոյել մոլորեցնողի և աղանդավոր և վնասակար մարդու անունով. կամի՞ս դու թույլ տալ որ մի տգետ արեղա, յուր թշվառ անձնական թշնամութեան և վրեժխնդրութեան կամքը լցուցանելու համար, աղանդավորի անուն զնե իմ վերա և իմ անունով հալածե Հայոց զավակները, որ ըմբռնված էին իմ գրվածների և Հյուսիսափայլի լուսից, որ խնդրում էին և սիրում էին այդ լույսը»: Ոչ, ոչ, քա՛վ լիցի, աղաղակում ես դու մատնացույց առնելով ինձ այն գրավոր շնորհակալութիւնքը և այն մտերիմ սիրո վկայութիւնքը որ զանազան ժամանակներում ուղարկած ևս դու ինձ: Չունիմ տեղիք տարակուսելու քո անկեղծութեան վերա, իմ սիրելի ազգ. մանավանդ որ քո խոսքը և մի գեղեցիկ գործ դարձավ սույն իսկ տարու մեջ: Սորանից բացահայտ է արդեն, մինչև ձեռքով շոշափելի, որ մեծապատիվ առաջնորդը Թիֆլիզի յուր անձնական կույր թշնամութեամբ դեպի այս և այն մարդը առաջնորդվելով կառավարում է յուր ուսումնարանը և կամենալով ծածկել յուր գործերի կեղտոտ աղբյուրքը, պատտորականութեան և չգիտեմ թե ինչ մտացածին հերձվածական անունով հալածում է թե Շանշյանցի և թե

Նազարյանցի ընդունողքը: Հերձվածողը ինքն է, եթե կամի լսել մեզանից, որ չենք վախենում նորանից կա դեռևս օրենք, եթե ոչ հայերի մեջ, գոնյա մեր երկրորդապատիվ հայրենի Ռուսաստանի մեջ, և այդ օրենքի պահապանը է ինքն Ալեքսանդր Նիկոլաևիչը, մեր արդար, բարի, ազատասեր օգոստափառ կայսրը. ոչ ես և ոչ հայոց ազգը, լինելով այդպիսի թագավորի քաղաքացի, կարող չենք լինել մի Հայոց արքեպիսկոպոսի ստրուկ և ծառա: Ասացինք. թո՛ղ լսե և լավ որոճա յուր մտքի մեջ: Մեք կպատվինք մի հայոց արքեպիսկոպոս, եթե նա ինքը գիտեր յուր անձը պատվել և յուր բարոյական և հոգևոր առաքինությունը պատվելի կացուցանել ազգի մեջ:

Այժմ խոսենք նույն իսկ դպրոցի և նորա հոգաբարձուների վերա: Դպրոց ասած բանը պիտո է գտանվի մի բարոյապես կրթած ու դաստիարակված գիտնական մարդու իշխանություն տակ, որ գիտե թե ինչ խորհուրդ ուներ մանուկների դաստիարակությունը մի ազգի ապագայի համար: Մի այդպիսի մարդ չէ Թիֆլիզի առաջնորդը: Եպիսկոպոսք և արքեպիսկոպոսք շատ կան հայերի մեջ, որովհետև այդպիսի պատվյնների հասանելու համար ոչինչ կրթություն հարկավոր չէ հայերի մեջ, ուրեմն և դորանով բան ապացուցանել կարելի չէ: Մեք խոսում ենք այս տեղ ներքին արժանավորության և իմացական ու բարոյական արժանավորության վերա, այն հոգևոր պաշտոնավորի վերա, որ պիտո է իշխանական հրաման վա՛նք մի հոգևոր դպրոցի մեջ: Պ. Շանշյանցը իբրև կանդիդատ իրավաբանության Մոսկվայի համալսարանի, և Ֆրանսիայում մի քանի ժամանակ կացած մարդ, այո՛ և երկար տարիք առանձնապես պարապելով ուսման, իհարկե կարող էր շատ պիտանի լինել հայերին Թիֆլիզի հոգևոր դպրոցի մեջ, փոքր ի շատե եվրոպական առողջամիտ ուղղություն տալով Հայոց մանուկներին և արդարև պիտանի է եղել, բոլոր թիֆլիզեցոց բարեմիտների միաբան վկայությամբ. բայց այսպիսի մարդը անպիտան է համարվել Թիֆլիզի առաջնորդի աչքում, ըստ որում հակառակ է գտանվել նորա հոգու ուղղությանը և ի՛նչ ֆանատիկոս ուղղություն, ազանդավոր էր Շանշյանցը, ավերում էր մանուկների միտքը, նույնպես վնասակար էր Քաթանյանցը որպես հետևող Շանշյանցի աղանդին. ուրեմն,

երկուքին ևս պիտո էր արձակել, և արձակում են: Կարգում են Շանշիեի փոխանակ մի նավարեկված մարդ, պ. Արզանյանցին, այն պայմանով, որ նա հրով ու սրով բնաջինջ առնե աշակերտների մեջ Շանշյանցի, Քաթանյանցի, այս՝ և հետևիտր Նազարյանցի վատթար հոգին, որ մտել է աշակերտների մեջ: Բայց սոքա աղաչալոր են լինում մեծավորների առաջև, հետ պահել կամ դարձուցանել զոնյա բարեմիտ Քաթանյանցը. որ եղած է աշակերտների բարեկամ և պաշտպան, անիրավ հալածանքի երեսից: Աշակերտների աղաչանքը մերժում է վերատեսուչ Արզանյանցը. նոքա կամին դիմել խնդրվաճքով յուրյանց հոգևոր հոր ոտքը, բայց սա շկամի իսկույն ունկն մատուցանել աշակերտների ցավին. «նոցա հիմարությունը վաղը կտեսնե» — ասում է պատվական սուրբ հայրը: Աշակերտքը ետ են դառնում դեպի դպրոց, յուրյանց քնակարանքը, որ հանգատանան, բայց ի՛նչ. պոլիցիայից կվարտալնիյ և դեսյատնիկ, նոցա առաջնորդ թայիրյանցը ընդունում են ապստամբ աշակերտքը, թակում են նորանց ամարդարար, և հինգ աշակերտ ուղարկվում է պոլիցիա: Սքանչելի դործ, ասիական բարբարոսության արժանի գործ: Մարդ կարդալով այսպիսի լուրեր ստիպվում է մտածել, թե դոքա երազի մեջ անցք էին. բայց ոչ. մի խոշոր ստուգություն, բուն արթնության մեջ: Հարցանում ենք, ի՛նչ դործ ունի կվարտալնիյ կամ դեսյատնիկ մարդը մի դպրոցի մեջ, որ ինքը պիտո է ունենա յուր առանձին անտեսությունը թե պատժի և թե վարձատրության մասին դեպի յուր արժանի կամ պարտական աշակերտքը: Թայիրյանցը իբրև հոգաբարձու ուսումնարանի շուներ համարձակություն պոլիցիական մեծավորի պաշտոն կատարել հոգևոր դպրոցի պատերի մեջ. դորանով նա անարդում էր և անարգել է դպրոցը, շինելով նորան հանցավորների տուն. բայց այդտեղ գտանվում էին հայոց մանուկներ և ուսման աշակերտք, ուրեմն դաստիարակության սուրբ տեղում, որ կարելի չէ պղծել այդպիսի բռնակալ ընթացքով աշակերտները քարշելով դեպի պոլիցիայի բանտը: Անջնչելի խայտառակություն թե հոգաբարձուի և թե հոգևոր դպրոցի առաջնորդի անվանը: Երկրորդ, հարցանում ենք, ի՛նչպես է վստահացել հոգաբարձուն առանց առաջնորդի թուլություն պայման

անարգաբար վարվիլ հայոց մանուկների հետ և երեկոյի 10
ժամուն տնից ու տեղից անգթաբար դուրս քարշ տալ աշա-
փերաքը դեպի պոլիցիա. մի հոգևոր դպրոցի աշխարհական
հոգաբարձու կարող էր խոսել ու տեղիք ունենալ դպրոցի
նյութական անսեսութեան մեջ: Եթե ուսումն ու դաստիարա-
կութիւն ստացած մարդ էր, կարող էր այո՛ փոքրի շատե
հսկել և դասատուիւթեան ընթացքի վերա, առանց մեջ խառ-
նըվելու: Բայց Թայիրյանցը մի տղետ և անուս մարդ, դարձել
է ամենակարող հրամայող Թիֆլիզի հոգևոր դպրոցի մեջ,
մինչև որ և հայոց վիճակավոր արքեպիսկոպոսը պիտո է
գլուխ խոնարհեցնե նորան, և նորա կամքով վարվի, ըստ
որում — ինչպես ասում է մեր նամակագիրը — այդ երկուքը
գիտելով միմյանց գաղտնիք, ստիպված են միմյանց տեղիք
տալ: Վայ քեզ, Հայոց ազգ, Թիֆլիզի մեջ. ի՛նչպես կարողա-
նում ես ականատես լինել այդքան խայտառակութեան, առանց
երկինք ու երկիր դղողելու և ամենայն հնար գործ դնելու
հարգի կացուցանել քո իրավունքը: Մի՞թե քո զավակների
ամոթը և անարգութիւնը չէ քո սեփականը: Գիտեմ ես, ով
հայ ազգ, դու համբերել ես քո ասիական բռնակալների իշ-
խանութեան տակ ամենայն տեսակ անարգութեան. քո կինը և
աղջիկը բռնութեամբ դուրս է քարշել քո տանից պարսիկ
խանը և Շահը, դու եղել ես մի անմոռնչ (լուս) անասուն
նորա տմարդութեան գավաղանի տակ. բայց ես զարմանում
եմ քո վերա, որ դու այդքան անպատուութիւն կարող ես տա-
նել քո հատուկ հայի ձեռքից մի քրիստոնյա տերութեան մեջ.
հրեշտակային համբերութիւն. ոչ մի դատապարտելի համբե-
րութիւն: Ես ներում չեմ քեզ, մինչև այդ աստիճան մոռանալ
քո մարդկութեան պատիւը, քո զավակների պատիւը, քո
ազգի պատիւը: Պատճառ, քո անպատուութեամբ, անպատու
ես դու և ինձ, և քո բոլոր անվանակից և ազգակից հասարա-
կութիւնը բոլոր աշխարհի վերա: Պահանջում եմ ձեզանից
մեր բոլոր հայկական ազգի անունով, որ դուք, իմ սիրելի
Թիֆլիզցի եղբարք, որ մի հառաջ շտապեք քերել Ձեր վերա-
յից այն անխելի խայտառակութիւնը, որ հասել է Ձեզ անց-
յալ տարու նոյեմբերի 2-ին:

Ստ. Նազարյանց:

Բ Ո Վ Ա Ն Դ Ա Կ Ո Ւ Ք Յ Ո Ւ Ն

Սևաջարան	3
Գլուխ առաջին—«Հյուսիսսփայլ»-ի հիմնադրման սլա- մությունը	9
Գլուխ երկրորդ — 60-ական թվականները արևելահայ սլաբերական մամուլը և «Հյուսիսսփայլ»-ը	48
Գլուխ երրորդ — «Հյուսիսսփայլ»-ում արժարժված խըն- դիքները	87
Գլուխ չորրորդ — Նալբանդյանը և «Հյուսիսսփայլ»-ը	186
Գլուխ հինգերորդ — Նաղարյանը խմբագիր	209
Հավելված	233



ՄԱՐԳՈ ՀԱՄԲԱՐՁՈՒՄԻ ՄԵԻՓԱՐՑԱՆ

«ՀՅՈՒՍԻՍԱՓԱՅԼ» ԱՄՍԱԳԻՐԸ

Հրատ. խմբագիր՝ Արմ. Շ. Հակոբյան
Տեխն. խմբագիր՝ Հ. Ա. Հովասափյան
Վերստուգող սրբագրիչ՝ Խ. Պ. Ղառիբյան


ՎՖ 05224

Պատվեր 1219

Տիրաժ 4000

ԵրԳԸ ԽՄԲ.-հրատ. խորհրդի որոշում № 1, 7/1 1958 թ.
Հանձնված է արտադրության 26/11-1958 թ.: Ստորագրված է տպագրու-
թյան 20/IV-1958 թ.: Թուղթ $84 \times 108 \frac{1}{32}$: Տպագր. 16,5 մ. + 7 ներդիր
= 13,89 պայմ. մ.: Հաշվ.-հրատ. 12,06 մ.: Հեղ. 11,4 մ.:
Գինը կազմով՝ 9 ու. 25 կ.

Երևանի Պետական համալսարանի հրատարակչության տպարան,
Կիրովի փող. № 12:



ԳԱԱ Հիմնարար Գիտ. Գրադ.



FL0024072

ЦЕНА

11

4816